

АМИР ТЕМУР ЕВРОПА ЭЛЧИЛАРИ НИГОҲИДА

Руи Гонсалес де Клавихо

**БҮЮК АМИР
ТЕМУР ТАРИХИ**

(1403—1406)

Султония архиепископи Иоанн

**АМИР ТЕМУР ВА УНИНГ САРОЙИ
ҲАҚИДА ХОТИРАЛАР**

Faafur Fulom nomidagi nashriyot-matbaa ijodiy uyi
Toshkent—2007

Таржимонлар:
Улубек Жўраев, Баҳодир Эрматов

Масъул мұҳаррир:
юридик фанлари доктори, профессор А.Х.Саидов

Нашр учун масъул
Мұхаммад Исмоил

Амир Темур Европа элчилари нигоҳида / Клавихо Руи Гонсалес де. Буюк Амир Темур тарихи (1403–1406); Тарж., У.Жўраев. Султония архиепископи Иоанн. Амир Темур ва унинг саройи ҳақида хотиралар. Тарж., Б.Эрматов; Масъул мұҳаррир А.Х.Саидов. – Т.: Faafur Fулом номидаги нашриёт-матбаса ижодий уйи, 2007. – 208 б.

Шавкатли саркарда ва давлат арбоби Амир Темур билан ўз вақтида юзма-юз муроғотда булган европалик иккى злчи – Руи Гонсалес де Клавихо ва Султония архиепископи Иоанн хотиралари илк бор ўзбек тилида тўплам ҳолида чоп этилмоқда.

Ушбу китоб миллатимиз ва юртимиз довругини оламга ёйиш борасидаги улкан хизматлари учун Соҳибқирон бобомизга ворисларининг хурмати ва эҳтироми белгисидир. Бу нашр, ўз навбатида, Ўзбекистон билан Франция, Испания ва умуман, Европа давлатлари ўргасида тобора кенгайиб бораётган маданий ва илмий алоқаларни янада кенгайтиришга хизмат қилишига ишончимиз комил.

Тўплам кенг китобхонлар оммасига мўлжалланган.

ББК 63.3 (5Y) 4

K 4702620101-57
M352(04)-2007 қаттий буюртма – 2007

2008/8

Alisher Navciy
nomidagi
O'zbekiston MK

A328

ISBN 978-9943-03-102-9

© А.Саидов, У. Жўраев,
Б.Эрматов, Faafur Fулом
номидаги нашриёт-матбаса
ижодий уйи, 2007 й (тарж.).

ОСИЁ ВА ЕВРОПАНИ БОГЛАШГА ХИЗМАТ ҚИЛГАН ЗОТ

(Муқаддима ўрнида)

Мамлакатимиз истиқолига эришгач, Амир Темур шахси яна Ватан ва миллият тимсолига айланди. Мустақилигимизнинг ҳар бир тадбирида, суверен Ўзбекистоннинг ҳар бир қадамида ул буюк зот руҳи бизга ҳамроҳу ҳамнафас бўлиб бормоқда.

Юртимизда ҳар йили Амир Темурнинг таваллуд санаси кенг нишонланади. Соҳибқирон номи, унинг фаолияти билан боғлиқ тадбирлар алоҳидаги кўтаринки руҳда ўтади. Бошқача айтганда, Амир Темур номи, сиймоси ҳалқимизни бирластиришда, жиспластиришда, иймон-оқибатли бўлишда, маданий-маърифий илдизларимизни чуқур англашда, қудратли келажагимизни қуришда бизга янги-янги куч-кувват ва шижаот бағишилаб турибди.

Буюк аждодимизнинг энг муҳим фазилатларидан бири шуки, у бундан олти аср аввалоқ ҳеч қандай давлатнинг қўшнилари билан ўзаро яхши алоқалари, манфаатли ҳамкорлигисиз ёрқин истиқболи бўлмаслигини теран англаган. Шу сабабли, у Европа ва Осиёни боғлашга хизмат қилган улкан ишларни амалга оширган. Бир томондан – Хитой, Ҳиндистон, бир томондан – Франция, Испания, Англия ва бошқа давлатлар билан алоқалар ўрнатган ва шу муносабатларни мустаҳкамлашга интилган.

Давлатимиз раҳбари 1996 йил 24 октябрда Амир Темур таваллудининг 660 йиллигига бағишилаб ўтказилган ҳалқаро илмий конференциядаги мәъruzасида қайд этганидек: «Амир Темур фаолиятидаги биз учун ибратли нуқталардан яна бири шундаки, у савдо-иктисод муносабатлари орқали ҳалқлар, мамлакатлар ўртасида ягона макон барпо этиш соҳасида шундай ютуқларга эришганки, бунга қойил қолмасдан иложимиз йўқ»¹.

¹ Амир Темур – фахримиз, ғуруримиз. – Т.: «Ўзбекистон», 1
63-бет.

Амир Темур Кастилия ва Леон қироли Дон Энрике III (айрим манбаларда – Испания қироли Генрих III), Франция ҳукмдори Шарл VI (айрим манбаларда – Карл VI), Англия қироли Генрих IV саройларига элчилар юбориб, мутаносиб равишда испаниялик, франциялик, англиялик, хитойлик ва бошқа бир қатор – жами йигирмадан ортиқ хорижий давлатлар элчиларини ўз салтанатида қабул қилгани ҳақида атрофлича баён этилган күплаб тарихий ва илмий асарлар бу фикрни яққол тасдиқлади.

Тарихий манбаларда ёзилишича, 1402 йилнинг 28 июлида Анқара шаҳри яқинидаги Чубуқ водийсида Амир Темур билан Усмонли турк султони Боязид Йилдирим аскарлари ўртасида кечган ва Соҳибқирон ғалабаси билан якун топган жангга гувоҳ бўлганлар ёрасида Кастилия ва Леон қироли Дон Энрике III томонидан Амир Темур ҳузурига йўлланган элчилар – Пайо де Сато Майор ва Эрнан Санчес де Паласуэлос ҳам бор бўлган. Жангдан сўнг Амир Темур элчиларни қабул қиласи, улардан испанлар давлати ва қиролнинг ҳолаҳвони ҳақида суриштиради, зиёфатларга таклиф этиб, кўп ҳадялар беради.

Элчиларнинг қайтиш пайти келганида Соҳибқирон икки давлат ўртасидаги алоқаларни янада мустаҳкамлаш мақсадида улар билан бирга қобилиятли беклардан Муҳаммад Кешийни ҳам мактуб ва совғалар билан Кастилияга элчи қилиб жўнатади. Кеший у ерга эсон-омон етиб бориб, мактуб ва совғаларни қирол Дон Энрике III га топширади.

Шу ўринда Амир Темур элчисининг шахси ҳақида тўхтабиб ўтишни жоиз деб билдиқ. Унинг номи баъзи бир манбаларда «Муҳаммад Қози», «Муҳаммад ал-Қози», кейинги, янги тадқиқотларда эса «Муҳаммад Кеший», «Муҳаммад ал-Кеший» тарзида келтирилган. Маълумки, Амир Темур Насаф ва Кеш олимлари, диний ва дунёвий илмлардан хабардор, хорижий тилларни биладиган қобилиятли шахсларни ўз саройига ишга жалб этган. Улар турли лавозимлар қатори элчilik вазифасини ҳам адо этишган. Масалан, Муҳаммад Кеший Соҳибқироннинг элчиси сифатида маълум муддат Испанияда яшаб келган бўлса, Мавлоно Абдуллоҳ Кеший Амир Темур томонидан Миср султони Фаражга элчи қилиб юборилади.

«Кеш» сўзининг «қоз»га айланиб қолиши масаласига келсак, буни Европа тилларининг ўзига хос талаффуз талаби билан ҳам изоҳлаш ўринлидири. Масалан, ҳатто Руи Гонсалес де Клавихонинг ўзи ҳам бაъзан тарихий шахслар ва жойлар номини турлича ишлатган. У Тўхтамиш номини бир ўринда – Тотамих, бошқа жойда – Керамих, яна бир ўринда – Тетанис деса, Табриз шахри номини Торис, Турис, Таурис қабилида қўллади.

Амир Темур одатда Европа мамлакатлариға масиҳийлик дини пешволарини элчи қилиб юборган. Франциско, Франциско Садру, Султония шахри архиепископи Иоанн ана шундай вазифаларни адо этгандар. Мисол учун, 1402 йилда Иоанн Франция ва Англия қиролларига Соҳибқироннинг мактубларини олиб борган. Мусулмон дипломатлардан фақат Муҳаммад Кешийгина Европага боришга мусассар бўлган. Бу ҳам унинг қобилиятидан, бир неча тилларни, эҳтимол, Европа тилларидан бирини билганилигидан далолат беради.

Ўша даврда Амир Темурнинг шуҳрати бутун Европага тарқалган эди. Шу сабабли Муҳаммад Кеший Кастилия қироли Дон Энрике III ҳузурида катта ҳурмат-эътибор билан кутиб олинади. У қирол саройидаги ва йирик зодагонлар қасридаги қабулларда иштирок этади. Қирол унга Руи Гонсалес де Клавихо бошчилигидаги ўз элчиларини қўшиб, ҳурмат-эҳтиром билан Самарқандга кузатиб қўяди.

1403 йили испанларнинг иккинчи элчиси Клавихо билан бирга Муҳаммад Кеший узоқ ва машаққатли йўл босиб, 1404 йилнинг август ойи охирларида Самарқандга етиб келади. Соҳибқирон Кастилия элчиларини 8 сентябрь куни Самарқанд ташқарисидаги Дилкушо боғида қабул қиласди. Улар билан келган Муҳаммад Кеший ҳам испанияликлар кийимини кийиб олган эди, деб гувоҳлик беради тарихий манбалар. Хусусан: «Темурбекнинг Кастилия қироли ҳузурига йўллаган элчиси ҳам биз билан бирга эди. Испанча кийинган элчини кўриб, ватандошлари кулиб юбориши», деб ёзади Клавихо.

Шуни алоҳида эътироф этиш жоизки, 2006 йили таваллудининг 670 йиллиги кенг нишонланган Амир Темурнинг башарият олдидаги ўлмас хизматларини маърифатли жаҳон муносаб баҳолаб келмоқда. Бугун юртимизда, шунингдек, хорижий мамлакатларда Амир Темур ва темурийлар даври ҳақида кўплаб китоблар нашр этилмоқда. Дунёнинг эллик-

дан ортиқ мамлакатида темуршунос олимлар фаолият күрсатмоқда. Ўтган олти юз йил мобайнида Амир Темурга бағишиб яратилган жиддий асарлар сони Европа тилларида 500 дан зиёд бўлса¹, Шарқ тилларида қарийб мингтага етди².

Бу китоблар орасида Кастилия қироли элчиси Руи Гонсалес де Клавихонинг «Самарқандга, Темур саройига саёҳат кундалиги. 1403—1406 йиллар» номли асарида баён этилган хотиралари ва ҳисботлари шак-шубҳасиз, алоҳида ўрин тутади.

Клавихонинг Самарқанд сафари кундаликлари кўпчиликка яхши маълум. Афсуски, элчининг шахси ҳақида у қадар бой маълумотлар этиб келмаган. Тарихдан шу маълумки, Клавихо мадридлик, унинг қўргони эски шаҳарнинг бир чеккасида жойлашган, фаолияти қироллик саройида кечтан. Қадимий ҳужжатларнинг гувоҳлик беришича, Клавихо аввалига қирол Дон Энрике III нинг ота-боболари — Энрике II ва Хуан I саройида мулозим бўлган. Сўзга чечанлиги ва ҳассос нотиқлиги туфайли Энрике III уни Амир Темур ҳузурига элчи этиб юборишига муносаб топган.

Амир Темур салтанати ҳақида кундаликлари Клавихони оламга машҳур қилиб юборди. Зотан, неча асрлардан буён бу бебаҳо кундаликлар Марко Поло, Иоанн Галонифонтибус, Афанасий Никитин, Барбаро ва Контарини асарлари билан бир қаторда ўрта асрлар жаҳон адабиётининг олтин фондини безаб турибди.

Шу билан бирга, Кастилиядан махсус топшириқ билан Клавиходан олдин юртимизга келган биринчи элчилик вакиллари томонидан қиролга топширилган ҳисботлар ҳам Испания архивларида сақланиб қолган. Маълумотларга қарангда, Кастилиянинг биринчи элчиси Хуан Эскамильонинг йўл хотиралари ҳозирги пайтда Мадриддаги Қироллик музейида сақланмоқда³. Энг муҳими, унда элчи Амир Темур ҳузурида кўрганларини батафсил қоғозга туширган.

Кастилиянинг иккинчи элчиси Руи Гонсалес де Клавихонинг «Самарқандга, Темур саройига саёҳат кундалиги. 1403—

¹ Ртвеладзе Э.В., Сайдов А.Х. Амир Темур в зеркале мировой истории. Т., 1999. 112-б.

² Амир Темур — фахримиз, фуруримиз. Т., “Ўзбекистон”, 1998, 61-бет. Амир Темур ва темурийлар ҳақида Миср кутубхоналарида сақланётган манба ва қўлланмалар фиҳристи. Қоҳира, 1996.

³ Муҳаммадиев Н. Испан элчисининг саёҳатномаси // “Халқ сўзи”, газетаси. 2005 Йил 7 апрель.

1406 йиллар» китоби ҳам бу борада алоҳида аҳамият қасб этади. Ушбу асарнинг асл иккита қўлёзмаси Мадрид Миллий кутубхонасида сақланиб қолган. Мутахассисларнинг фикрича, XV асрнинг биринчи ярмига, яъни муаллиф ҳали ҳаётлик даврига мансуб қўлёзма ноёброқ бўлиб, у икки бетига ҳам ёзилган 154 варагдан иборат, саҳифалардаги матн икки устунга жойлаштирилган, айрим вараглари яроқсиз ҳолга келиб қолган, бошланиш ва якуний қисмлари йўқ. Иккинчи қўлёзма XV аср охирларига мансуб ва нисбатан яхши сақланган¹. Шу боис Клавихо кундаликларини нашр этишда, даставвал, ана шу қўлёзма асос бўлиб хизмат қилган.

Клавихо кундаликлари илк бор 1582 йилда Испаниянинг Севилия шаҳрида Артоте де Молина томонидан нашр қилинган. Ношир китобга тигул вараги ва қисқача тақриз ҳам киритган. Китоб 1881 йилда ва кейинги даврда Испанияда бир неча марта қайта нашр этилган². Шунингдек, Япония³, Россия⁴, Аргентина⁵ каби дунёнинг бир қанча мамлакатларида инглиз⁶,

¹ Clavijo Ruy Gonzalez de. Historia del Gran Tamerlan e itinerario y enarracion ad viage, y relanion de la Embaxada one que Ruy Gonzalez de Clavijo le bizo por mandado del muy poderoso senon rey don Henrique el Tercero de Castilla. ed Goncalo Argote de Molina. Seville, 1582.

² Clavijo Ruy Gonzalez de. Historia del Gran Tamerlan e itinerario y enarracion ad viage, y relanion de la Embaxada one que Ruy Gonzalez de Clavijo le bizo por mandado del muy poderoso senon rey don Henrique el Tercero de Castilla. ed Antonia Sancha, Madrid, 1782. Сунгти марта Клавихо кундаликлари Испания Ташқи ишлар вазирлиги ҳомийлигига 2000 йили Мадридда чоп этилди.Gonzalez de Clavijo, Ruy. Misión diplomaticade Castilla a Samarcanda (1403–1406), Madrid, 2000; Дипломатическая миссия из Катилии в Самарканд (1403–1406). Мадрид, 2000.

³ Clavijo. Yamado Nobuo. Embassy to Tamerlane, 1403–1406. Tokio, Tojensa 1967/4/20. 345 р. (япон тилида).

⁴ Клавихо Руи Гонсалес де. Дневник путешествия ко двору Тимура в Самарканд в 1403–1406 гг. Подлинный текст с переводом и примечаниями, составленными под ред. И.И.Срезневского. Санкт-Петербург, 1881; Руи Гонсалес де Клавихо. Дневник путешествия в Самарканд ко двору Тимура (1403–1406) //Перевод, предисловие и комментарий И.С.Мироковой., М., «Наука», 1990.

⁵ Clavijo Ruy Gonzalez de. Relacion de la Embajada de Enrique III al Gran Tamerlan. Ed. Lopez Francisco Estrada, Buenos Aires, 1952.

⁶ Clavijo Ruy Gonzalez de. Life and acts of great Tamerlane narrative of the Castilian embassy to the court Timur at Samarkand, 1403–1406, translated with notes by C.R.Markham, London, 1859; – Clavijo Ruy Gonzalez de. Embassy to Tamerlan, translated by Guy Le Strange with an Introduction., London, 1928.

француз¹, турк², форс³ тилларидаги таржималари чоп этилган.

Клавихо кундаликларининг бевосита испан тилидан илк бор ўзбек тилига ўтирган таржимон Улуғбек Жўраев, асосан, иккита нуфузли манбага таянган. Биринчи манба – йирик испан тарихчиси, таниқли эксперт, профессор Лопес Эстраданинг 1943 йили Мадридда Николас Антонио институти томонидан нашр этирилган тадқиқотидир. Асар икки қисмдан иборат бўлиб, беш бобни қамрайдиган биринчи қисмида Самарқандга элчилик тарихи ҳақида сўз боради ва саёҳат солномаси баён этилади. Етти бобдан иборат иккинчи қисм матннинг филологик таҳлилига бағишиланган. Профессор Лопес Эстрада ушбу китобини тайёрлашда манба сифатида Испания Миллий кутубхонасида сақланаётган XV асрга мансуб Bd 72–9218-рақамли асл қўлёзмадан фойдаланган⁴.

Таржимон асос қилиб олган кейинги манба профессор И.Срезневскийнинг илмий изланишлари натижаси бўлмиш икки тилда чоп этилган асар – ўрта асрларга хос рус тили ва эски испан тилидаги китобдир. 1881 йилда чоп этилган ушбу китоб 1971 йилда Иван Дуйчев томонидан Лондонда қайта нашр қилинган. И.Срезневский, ўз навбатида, Арготе де Молина нашрга⁵ тайёрлаган 1582 йилги испанча китобга таянган.

Бобомиз Амир Темур билан юзма-юз суҳбатда бўлган элчи Клавихонинг испан тилида битилган кундаликлари ўзбек тилига ўтирилиб, 2006 йили китоб ҳолида чоп этилди⁶. Амир Темур таваллудининг 670 йиллик тўйига муносаб тухфа бўлган ушбу нашр жамиятимизнинг маданий-маърифий ҳаётида муҳим воқеа сифатида баҳоланди.

Ушбу тўпламда ҳам биринчи навбатда Клавихо хотираларига жой берилгани бежиз эмас. Зоро, Клавихо Амир Темур-

¹ Kehren L. La Route de Samarkand au temps de Tamerlan. Paris, 1990, 354 p.; 2-ed. Paris, 2002; 3-ed. Paris, 2006, 354 p.

² Clavijo R. Timur nezdine gönderilen ispanyol sefiri Clavijo seyahat ve seferat izlenimleri. Turcice Tnr. Omer Riza Dogrul. Istanbul, 1993, 208 p.

³ Clavijo Ruy Gonzalez de. Embassy to Tamerlan (1403–1406), translated into Persian by Masoud Rajabnia. BTNK, Teheran, 1958.

⁴ Clavijo Ruy Gonzalez de. Itinerario de la embajada que por mandado de Enrique III llevó al Gran Tamerlan. Biblioteca Nacional, Madrid. Bd-72-9218.

⁵ Gonzalez de Clavijo, Ruy. The Spanish Embassy to Samarcand 1403–1406, Reprinted with a Foreword by I. Dujcev. London, 1971.

6. Клавихо Руи Гонсалес де. Буюк Амир Темур тарихи (1403–1406). Таржимон У.Жўраев. Т., «Зарқалам», 2006.

ни кўриб, у билан бевосита сұхбатлари асосида хотиралар ёзган саноқли, яъни тўрт кишидан биридир. Бу ҳолат Ибн Арабшоҳ¹, Ибн Ҳалдун², архиепископ Иоанн яратган хотиралар каби унинг кундаликларининг ҳам ҳаққонийлигини янада оширади.

Тўпламдан ўрин олган кейинги ишончли ва холис тарихий манба — архиепископ Иоаннинг «Амир Темур ва унинг саройи ҳақида хотиралар» асари ўтган олти юз йил мобайнида турли тилларда яратилган мингдан зиёд асарлар орасида алоҳида ўрин тутади. Чунки у асрлар мобайнида дунё миқёсида яратилган кўп сонли солномалар, эсселар, бадиий ва драматик асарлар ичида Амир Темур, унинг тарихи, давлат арбоби ва саркардалик фаолияти, фанимлари ва дўстлари, ўз қўшинида ўрнатган тартиб-қоидалари, салтанати ва саройи, у ердаги урф-одатлар ҳақида овропаликларга илк бора ҳикоя қилиб берган асадир.

Бу асар Соҳибқирон билан Самарқандда учрашган овропалик бошқа бир инсон — Кастилия қироли элчиси Руи Гонсалес де Клавихонинг кундаликлари, шунингдек, Амир Темур билан бевосита мулоқотда бўлган машҳур тарихнавислар Ибн Арабшоҳ ва Ибн Ҳалдун қаламига мансуб тарихий китоблар каби бирламчи манба саналади.

Яна бир мухим жиҳат — бугун Клавихо, Ибн Арабшоҳ, Ибн Ҳалдун номларини ва уларнинг асарларини юртдошлиларимиз яхши биладилар. Аммо, афсуски, руҳоний Иоанн хотиралари бизда ҳам, хорижда ҳам аксарият кўпчилик учун номаълумлигича қолмоқда. Элчи Иоанн хотираларининг ҳозирга қадар на ўзбекча ва на русча нашри мавжуд эмаслиги ҳам юқоридаги фикримизни тасдиқлайди.

Архиепископ Иоаннинг ушбу асари билан илк бора танишган кишида у афсоналар ва ҳақиқат омиҳтасидан иборат китоб, деган таассурот туғилади. Иоанн ўз хотираларида Амир Темур ҳаёти ва фаолияти билан боғлиқ бир қатор бошқа манбаларда тасдиқланган аниқ тарихий маълумотлардан ҳам, шунингдек, Соҳибқирон шахси ва унинг феъл-атвори, диди ва таъби ҳамда қизиқишилари ҳақида қимматли, баъзан бошқа ҳеч

¹ Ибн Арабшоҳ. Ажойиб ул-мақдур. Амир Темур тарихи. У.Уватов таржимаси. Тошкент, 1992.

² Ибн Ҳалдун. «Таржимаи ҳол»дан // Амир Темур ва Улугбек замондошлари хотирасида. Тошкент, 1996. 35–57-бетлар.

бир манбада тилга олинмаган тафсилотлардан, талайгина маълуму номаълум афсона ва ривоятлардан ҳам кенг фойдаланган.

Шу боис, мазкур асарни, биринчидан, ўша тарихий давр воқелигидан келиб чиққан ҳолда, иккинчидан, Амир Темур элчиси сифатида архиепископ Иоаннинг зиммасига юклangan муайян вазифалар масъулиятини эътиборда тутиб мутоллаа қилиш лозим.

Элчи Иоанн хотираларининг иккита французча қўлёзмаси мавжуд булиб, улар Франция Миллий кутубхонасидағи француз фондида сақланмоқда. Асар 23 бобдан иборат, унда Соҳибқирион Мовароуннаҳр таҳтига ўтирган кундан бошлаб 1402 йилнинг августигача бўлиб ўтган асосий воқеалар қаламга олинган.

Ушбу асар биринчи марта бевосита француз тилидан ўзбек тилига таржима қилиниб, Амир Темур таваллудининг 670 йиллигига түёна сифатида «Жаҳон адабиёти» журнали (2007 йил апрель сони) саҳифаларида юртдошларимиз эътиборига ҳавола этилди. Кези келганда, асарнинг айрим ўринларига таржимон томонидан ҳавола этиб борилган изоҳларни алоҳида таъкидлашни истардик. Изоҳлар нафақат китобхоннинг асарни тушунишини осонлаштиради, айни чоғда унга муайян талқину тафсилотлар юзасидан тарихий ва илмий далилларга асосланган тўғри йўналишни кўрсатишга кўмаклашади.

Китоб таржимони истеъодли олим ва француз тили билимдони Баҳодир Эрматов томонидан она тилимизга равон ва мароқли услубда ўгирилган архиепископ Иоаннинг хотиралари юртимизнинг маданий-маърифий ҳаётида муҳим воқеа бўлди.

Соҳибқирион бобомиз билан ўз вақтида юзма-юз мулоқотда бўлган овропалик икки элчи – Клавихо ва Иоаннинг хотираларини ўзида мужассам этган ушбу тўпламнинг юртимизда чоп этилиши буюк аждодимиз Амир Темур руҳи олдидаги ворислик бурчимишни адо этиш ўйлидаги камтарин бир хизмат сифатида қабул қилинади, деган умиддамиз.

Бу нашр, ўз навбатида, Ўзбекистон билан Франция, Испания каби Европа давлатлари ўртасида тобора кенгайиб бораётган маданий ва илмий алоқаларни янада кенгайтиришга хизмат қилишига ишончимиз комил.

*Акмал САЙДОВ,
юридик фанлари доктори, профессор,
Ўзбекистон Республикасининг
Фавқулодда ва муҳтор элчиси*

Руи Гонсалес де Клавихо

**БЮОК АМИР
ТЕМУР ТАРИХИ**

(1403–1406)

Испан тилидан *Улугбек Жураев* таржимаси



*Тарих манбааларида қайд этилишича, испаниялик машхур тарихчи Руи Гонсалес де Клавихо анча вақт давомида Амир Темур саройида яшаган. Ўша вақтда нафақат Испания, балки бутун Европа Клавихо асарлари орқали мамлакатимиз, бу заминда яшовчи халқларни таниган. Амир Темур давлатида юритилаётган сиёсат, минтақамиздаги сиёсий жараён, халқимизнинг маданияти ва илм-фанда эришган ютуқларидан боҳабар бўлган**

*И.А.Каримов,
Ўзбекистон Республикаси
Президенти*

* Президент Испанияга жўнаб кетди // «Халқ сўзи» газетаси, 2003 йил, 28 январь.

1-боб. Буюк саркарда Амир Темур (Темурбек) Самарқанд таҳтини эгаллагандан сўнг, унинг ҳукмдорлиги бошланди. Кейинроқ унинг бутун Мӯғилистон ва Кичик Ҳиндистон¹ ерларини забт этганлиги ҳақида билиб оламиз. Шундан сўнг Амир Темур Ҳурросон ҳамда Тожикистон ўлкасини, бутун Форс кўрфази ерларини, Табриз ва Султония подшоҳлигини ўз тасарруфига олди. Гилон, Дарбант, Арманистон, Озарбайжон, Курдистон ерлари ҳам унинг кўл остига ўтди.

Кичик Ҳиндистоннинг катта қисмини машаққатли жанглар эвазига қўлга киритиб, Дамашқ шаҳрига эга чиқди. Бобил²ни эгаллаб, бир қанча мамлакатларни ўзига бўйсундиргач, Бағдод³ни эгаллади. Катта куч билан ўша даврда салобатли давлат ҳисобланган Турк ерларига⁴ юриш бошлади ва ўз даврининг машҳур саркардаси турк султони Боязид Йилдиримга қарши жанг қилди. Туркияning Анқара қасри ёнидаги катта жангда Амир Темур ғолиб келиб, Турк султонини ўғиллари билан биргалиқда асирга олди. Ўша даврда Испаниянинг, яъни Кастилия ва Лионнинг қироли Энрико томонидан тайинланган икки элчи – Пайо де Сатомайор, Фернан Санчес де Палесуельслар бу жангнинг гувоҳи бўлган эдилар. Бу элчиларнинг мақсади Темурбек ва Турк султони Йилдирим қўшинларининг куч-қудратини, бойлиги, аскарларининг сон-саногини билиш ҳамда бу катта жангни ўз кўзлари билан кўриш эди. Элчиларнинг келганидан Темурбек хабар топди ва Кастилия қиролига ҳурмати бениҳоят баландлиги боис уларни ўз саройига таклиф қилиб, элчилар шарафига

¹ Кичик Ҳиндистон – ҳозирги Афғонистон.

² Бобил – Миср.

³ Бағдод – Ироқнинг пойтахти.

⁴ Турк ерлари – Туркия.

зиёфат уюштириди ва совға-саломлар ҳадя этди. Шу ўринда элчилардан Кастилия қиролининг саломини ва қирол ҳақида-ги кўпгина маълумотларни эшилди. Бундан кейин Кастилия Қироли билан дўстона муносабатларни мустаҳкамлаш ва катта бир жангда ғолиб келганлиги муносабати боис ўз томонидан элчи тайинлаб, уни совға-саломлар билан жўнатишни буюрди. Бу элчи Чигатой қавмидан бўлмиш Мұҳаммад ал-Кеший бўлиб, барча совға-саломлар ва қирол номига ёзилган мактубни шу инсон орқали жўнатди. Мұҳаммад ал-Кеший Кастилияга етиб келиб, Темур томонидан ёзилган мактубни, совға-салому зебу зийнатларни, урф-одатларга кўра, Кастилия қироли учун юборилган канизакларни унга тухфа этди.

Бу хурмат-эҳтиромдан, совға-саломлару ўз шанига айтилган илиқ гаплардан ва буюк Темурнинг ёзган номасидан таъсиrlанган қирол ўртадаги дўстликни янада мустаҳкамлаш учун совға-саломлар тайёрланиб, элчилар тайинланиши ҳақида буйруқ берди. Магистр Фра Альфонсо Паэсса де Санта Мария, ўз соқчиси Гомес де Саласар ва Руи Гонсалес де Клавихони элчи этиб тайинлади. Уларни мактуб, совға-саломлар билан Самарқандга жўнатди.

Йўлда содир бўладиган воқеа ва маълумотларни тўлиқ ёритиб бориш мақсадида Худодан изн сўраб Руи Гонсалес де Клавихо котиб сифатида Муқаддас Марям бандаргоҳи (бу бандаргоҳ Кадис шаҳридан сал нарироқда жойлашган)га элчилар билан келишимиз биланоқ, қуидагиларни тарихий ҳужжат сифатида ёзишни бошладим. Бу сана Бир минг тўрт юз учинчи йил йигирма биринчи май эди. Қиролнинг элчилар билан бирга Темурбекнинг Кастилияга жўнатилган элчи-си Мұҳаммад ал-Кеший ҳам ўз юртига қайтиб келаётган эди.

2-боб. Бир минг тўрт юз учинчи йил, йигирма биринчи май, душанба куни элчилар Муқаддас Марям бандаргоҳига етиб келганларида, худди шу куни бандаргоҳдаги кемаларга турли озиқ-овқатларни ортишаётган эдилар. Элчилар юк ортилаётган кемаларнинг бирида кетишни мўлжалладилар. Кемаларнинг бири Севилиядан Херес шаҳрига томон йўл олаётган ва бошқа кўпгина одамлар ҳам кемага чиқишаётган эди.

Эртасига, сешанба, йигирма иккинчи май куни элчилар кема дарғаси Миссер Хулио Сентурио билан бирга қайиқقا

ўтиришиб, Кадис шаҳридаги Лас Муелос бандаргоҳига бориши да ҷоршанба куни кема йўлга тушди. Денгизга чиқиши олдидан ҳаво яхши бўлиб, элчилар кечга яқин Гибралтар бўғозига кириш жойидаги Марокаш қирғоқларидан, кейинроқ Марокашнинг Тангер шаҳарлари қирғоқларидан, сўнг бирин-кетин Берберия ерларидан, Химена ва Сеута¹ шаҳарлари қирғоқларидан, бир оз фурсатдан кейин Гибралтар ва Марбела² қирғоқлари ёнидан ўтишаркан, бу шаҳарларнинг манзараларини, гўзал жойларни бемалол томоша қилиб ўтишарди. Шу тарзда йўл босиб, кечкурун Фигерола тоғига яқинлашдилар.

3-боб. Жума, йигирма бешинчи май тонгига, кема Малага³ шаҳар бандаргоҳида лангар ташлади. Элчилар жума, шанба ва якшанба кунлари бандаргоҳда бўлдилар. Бунга сабаб, кема дарғаси катта хум идишлардаги ёғларни ва шунга ўхшашиб бошқа юкларни кемага юклиди. Малага шаҳри текисликлардан иборат бўлиб, бир қисми денгиз билан қўшилиб кетган, чеккароқда эса бир қаср қад ростлаган, қаср Алкасаба⁴ деб номланарди. Бу қасрнинг ёнида яна бир кичикроқ қаср ҳам бор бўлиб, ҳар икки қаср ҳам денгизга яқин жойлашган, қасрлар бир-бирига уланган, атрофлари баланд деворлар билан ўралган, девор билан ўралган қаср ичкарисида бинолар, узумзор боғлар, денгизга яқин ерларда ҳам бир қанча бинолар қад ростлаган эди. Бу ерларда қишлоқ аҳолиси кўпчиликни ташкил этарди.

Чоршанба, йигирма тўққизинчи майдага кема йўлга тушиб, узумзор боғлар билан бурканган Малага тоғ тизмалари олдидан сузиб ўтиб, кейин Велес Малага ерларига яқинлашди. Бу тоғ тизмалари устида ҳам бир баланд қалъа қад ростлаб турарди. Улар шаҳар пастроғида денгиз кўриниб турган Альмуньекар⁵ шаҳри ёнидан ўтиб, кечга яқин Сиерра Невада шаҳрига етиб келдилар.

¹ Сеута – Шимолий Африка қирғоқларидаги Испанияга қарашли шаҳар.

² Марбела – Испаниянинг Малага вилоятига қарашли шаҳар.

³ Малага – Испаниядаги вилоят.

⁴ Алкасаба – Араблар қурган қаср.

⁵ Испаниянинг Гранада вилотидаги шаҳар.

Пайшанба куни улар Картахена¹ яқинидаги Палос бүгози яқинидан ўтиб, жума куни Мартин бүгозига келдилар. Бу ерда Каталония төрт тизмаси бор эди.

4-боб. Шанба куни, тонг ёришиши билан кема Форментера² деб номланган оролни ортда қолдириб, Ибиза³ оролига келганида лангар ташлади. Улар кемадан тушишиб, шанба ва якшанба кунлари шу оролда бўлишди. Душанбада йўлга чиқиши учун тараддуд кўраётганда бирдан жуда кучли шамол кўтарилиб, яна бир кун оролда қолишга мажбур бўлдилар. Сешанба, бешинчи июн куни кечга яқин шамол тингач, кема Ибиза бандаргоҳидан йўлга чиқишидан олдин дарға кемадаги юкларни шу оролда қолдириб, бу ердан эса кемага кўп миқдорда қопланган туз юклатди. Юклар ортиб бўлингач, чоршанбадан яна қаттиқ шамол қўзғалиб, ҳаво айниди, кема Денгизга чиқолмай яна анча вақт оролда туриб қолди. Бир ҳафтадан сўнг, чоршанба, ўн учинчи июн куни улар йўлга чиқдилар. Денгизга чиққан кема пайшанба ва жума кунлари қулай об-ҳавода тинч ва осойишта, шовқинсиз денигизда сузиб борарди.

5-боб. Ибиза ороли унча катта бўлмаган, узунлиги беш лига⁴, энига эса уч лига келадиган ўртача оролча ҳисобланарди. Элчилар оролга келиб тушганда, уларни бу ернинг ҳукмдори қирол Арагон кутиб олди ва яшашлари учун турар-жой ажратиб беришни мулоzимларига буюрди. Мулоzимлар элчиларни кичикроқ қишлоққа олиб боришиб, уй-жой билан таъминладилар. Орол баланд тоғлар-у, майда дараҳтларга бой ўрмонлардан иборат бўлиб, тўсиқлар билан учга бўлинган, ҳар бир чегараланган тўсиқлар ичкарисида аҳоли яшар, қишлоқнинг бир тепалигида катта қатъя бўлиб, қатъага яқин жойда кичик черков ҳам мавжуд экан. Қатъя ва черков атрофи тўсиқлар билан ўралган.

¹ Картахена – Испаниянинг Мурсия вилоятидаги шаҳар.

² Форментера – Испаниянинг Балеар ороллари деб номланади.

³ Ибиза – Испаниянинг Балеар ороллари деб номланади.

⁴ Лига – 3 миля. Испания (1658 йил)да 1 лига 3 миляга тент бўлган.

1 миля – 5572 метр.

Орол қырғоқларыда денгиздан чиққан анчагина тузлар йи-
ғилиб, катта-катта туз конларини пайдо қылған. Бу конлардаги
тузлар бошқа мамлакатларга сотилар, ҳар йили бошқа мамла-
катлардан келген кемалар бу ердаги тузлардан ортишиб олиб
кетишар экан. Қишлоққа яқын жойда бир қалъя, қалъя ичкари-
сиде анчагина уйлар ва минора бўлиб, миноранинг номи “Ави-
ценна”¹, айтишларича, қалъани ҳам Авиценна деб аташаркан.

Кейинги шанбада, яъни ўн олтинчи июнь куни Майорка
ороли яқинидан ўтиб, якшанбада Кабрера оролига яқинлаш-
дилар. Бу оролда ҳам бир кичкина қаср бор экан.

Душанба ва сешанба кунлари ўз саёҳатларини давом эттир-
ган элчилар кемаси чоршанбада, кечга яқын Менорка оролини
четлаб, Лион кўрфазига кириб келиди. Элчилар пайшанба, жума
ва шанбани Лионда ўтказиши. Шу кунлари ҳаво ҳам мўътадил
бўлди. Якшанба, Авлиё Хуан кунидан улар йўлни давом эттириб,
Арагон қироллигига тегишли Линера оролидан ўтиши.

6-боб. Душанба тонготарида улар икки орол оралиғидан
сузиб ўтиши. Биринчи оролнинг номи Корсега бўлиб, унда
генуяликларга² тегишли Бонифацио деб номланган қаср,
иккинчи орол Сердения деб номланиб, унда каталониялик-
ларга³ тегишли Луисигозардо қасри бор эди. Бу орол ва
қасрлар бир-бирига қарама-қарши турар, ороллар оралиги
тор, ундан ўтиш жуда хавфли эдики, жой номини Бонифа-
цио бўғози деб аташарди.

Сешанба, шомда Понца⁴ ороли яқинидан ўтишаркан, бу
жойлар кимсасиз кўринса-да, оролда бошқа вақтларда одам
кўп. Оролда иккита ибодатхона ва дид билан қурилган имо-
ратлар анчагина. Оролнинг ўнг томонида Монте Карсен⁵ тоги,
тоғ ёнида Ланцелот⁶ қироллигига қарашли Сант Фелис қалъаси

¹ Клавихо Авиценнани шу оролда туғилган деб хато қилған. Аслида
Авиценна — файласуф олим, тиббиёт илмининг султони Абу Али ибн
Синонинг европача номи. У 980 йилда Бухоро вилоятидаги Афшона
қишлоғида туғилган. 1037 йилда Ҳамадонда вафот этган.


² Италияликларга тегишли.

³ Италияликларга тегишли.

⁴ Гэта кўрфази қаршисидаги Понциане ороллари (Италия).

⁵ Италиянинг Лацио шаҳри ёнидаги Монте Кассино тоги.

⁶ Наполес қироли Карлос III нинг ўғли Ладислао (1386—1414).



бор. Бир оз ўтиб, яна тоғларга дуч келишди. Бу тоғлар ёнбағрида кичикроқ Таразина деб номланган Римга қарапши ер бўлиб, бу ердан Римгача ўн икки лига келарди. Ер денгизга яқинлиги учун атрофи гўзал боғлар ва қалин ўрмонлардан иборат. Бу ерда қал ростлаб турган ягона ибодатхонага Бербериядан ҳам одамлар келиб ибодат қиласар экан.

7-боб. Элчилар чоршанбада ўз саёҳатларини давом эттириб, пайшанба – йигирма еттинчи июнь кечқурун Гаэта¹ шаҳрига яқин келиб, кемани бандаргоҳда қолдириб, ўзлари бирин-кетин қуруқликка тушиб, шу ерда дам олишга қарор қилдилар ва Сан-Францискога яқин бир уйга жойлашиб, ўн олти кун шаҳарда яшашди. Бу вақт оралиғида кема дарғаси ва савдогарлар молларини сотишиб, ўрнига маҳсус идишларда қадоқланган ўсимлик ёғларидан кемага ортишиди.

8-боб. Гаэта жудаям гўзал бўлиб, бандаргоҳ-шаҳарлардан ҳисобланар, бандаргоҳнинг кириш қисми тор ва ингичка, ичкари қисми жуда кенгdir. Атроф тоғ тизмалари билан ўралган, қалъалари бор, ерлари ҳосилдор, обод боғлари шаҳар кўркига кўрк қўшиб турибди. Туар-жой бинолари ажойиб тарзда қурилган. Бандаргоҳга кирганда, ўнг томонда баланд тоғ чўққиси кўриниб туар, чўққида Ролдон деб номланган кўркам минора қурилган. Қурилган уйлар кенг майдонни эгаллаб, денгизгача чўзилиб кетган. Баланд деворлар билан ўралган қалъа қаттиқ кўриқланарди. Ролдон минорасидаги аскарлар атрофни кузатиш билан бирга шаҳарни ҳам ҳушёр туриб ҳимоя қилишади. Шаҳар ичкарисида узумзорлар ва турли мевали боғлар мавжуд бўлиб, кўплаб уйлар ва савдо расталари қурилган, шаҳар кўчалари кенг, Муқаддас Мария ибодатхонаси бор. Аҳоли бу ибодатхонага кўпроқ келади.

Шаҳарда яна Авлиё Антон черкови ҳам мавжуд. Муқаддас Мария ибодатхонаси ёнида Авлиё Франсиско ибодатхонаси бор. Ибодатхона олдидаги кўча бўйлаб боргандা, кўча охирида бир тепаликка чиқилади. Тепалик айланасига тўсиқлар билан ўралган ва у денгизга яқин, аҳоли бу тўсиқларни ўзларини турли хавф-хатардан ҳимоя қилиш учун қурган.

¹ Лацио вилоятидаги шаҳар (Италия).

Бу ерда яна Тринидад¹ черкови, черковга яқын кичик-роқ қалъа бор. Черков ёнида тоғ, тоғнинг пастки қисмida гор кўринади. Горнинг эни ўн қулоч, узунлиги эллик қадамча келади. Унинг тешиги тор, битта одам бемалол кира олади ва жойнинг номини Санта Круз² деб аташади. Одамлар бу ерга келиб ибодат қилиб кетишади. Исо пайгамбар хочга тортилган куни қоя ёрилиб, ушбу гор пайдо бўлган дейишади.

Тўсиқлар билан ўралган кўрғонда аҳоли кўп, катта-катта боғлар, кўплаб уйлар мавжуд. Боғлар ҳам турли ҳажмдаги майдончаларга бўлинган бўлиб, унда лимон, апельсин, узум ва шунга ўхшашиб бошқа мевали дараҳтлар мавжуд. Бундай чиройли боғларни кўрган одамнинг кўзлари қувонади. Кўрғондан ўтгач, денгиз бўйида кичик жой бор, унга йўл орқали борилади. У ерда ҳам ҳашаматли бинолар, қасрлар ва боғлар кўзга ташланади. Бу жой бандаргоҳга яқин, номи Мола. Бу ердан шаҳаргacha икки лига келади. Жой тоғ тизмасига яқин, тоғ ёнбағриларида ҳам анчагина уйлар, бир нечта қишлоқлар бор. Бу манзара бир қараашда жуда чиройли, узоқдан қараганда худди катта шаҳар қад ростлагандек кўринади.

Элчилар бу жойларни томониа қилгани тўхтадилар. Моланинг ёнида катта қишлоқ, унда баланд қаср, қаср ёнида қалъа мавжуд, қалъанинг номи Кореляно. Айтишларича, бу ерлар аввал граф Фундига тегишили, ҳозирда Лонцелот қиролига қараashi.

Газта шаҳри жуда гўзал, у бандаргоҳнинг ўнг томонида. Шаҳарнинг баланд-баланд қурилган уйлари, боғлари, қасрлари, уйларининг деразалари денгизга қараганлиги, денгизга олиб чиқадиган кенг кўчалари мафтункор. Шаҳарнинг яна бир қулайлиги, унинг денгиз бўйида жойлашганлиги ва бу ерга ҳар йили савдогарлар келиб-кетишидир.

9-боб. Қирол Ланцелот катта жангда қирол Луисни енгиб, унинг ерларини ва шаҳарларини ўз қироллиги ҳудудига кўшиб олди ва бу жойлар ҳамда шаҳарларнинг бари унга тегишили бўлди. Қирол Ланцелот бу шаҳарларни эгаллаган пайтда қирол Монфред Констанздан фарзанди йўқ эди.

¹ Тринидад – “учлик” деган маънени англатади. Русчада – Троица.

² Санта Круз – Муқаддас Салб хилватхонаси.

Қирол Констанзага уйлангач, орадан бир қанча вақтлар ўтиб Кипр қиролининг синглиси Мария хонимга уйланди. Шундан сўнг Ланцелот иккинчи хотинидан фарзанд кўрди.

Қирол Ланцелотнинг ёлғиз синглиси Хуанела хоним Бавиера герцоглигининг герцоги Стерлинга турмушга чиқди.

10-боб. Жума, ўн учинчи июлда элчилар кемада Газта шаҳридан чиқиб, ўз саёҳатларини давом эттириб, шанба куни Исела деб номланган орол яқинидан, бир оз вақт ўтгач, бошқа бир — Прочеда ороли биқинидан ўтишди. Ҳар иккита орол ҳам кимсасиз ҳисобланарди. Шундай қилиб, эргаси куни одамлар анча кўп бўлган, Наполес қироллигига қаравши Трапе ороли олдидан ўтишиб, қуруқликка яқин Минерва тоғи олдига етиб келишди ва қуруқликка тушишгач, бу ерда иккита бир-бирига қарама-қарши турган баланд тоғларни кўришди. Баланд тоғлар орасида Амальфи¹ шаҳри салобат тўкиб турарди. Айтишларича, Авлиё Андрейнинг боши шу шаҳарда сақланармиш.

11-боб. Шанба куни тонг саҳарда денгизда об-ҳаю ўзгарди, қаттиқ шамол кўтарилиб, осмонни бамисоли тутунга ўхшаган қора булут қоплади. Булутлар борган сари пасайиб, денгиз билан туташиб кетадигандай бўлиб кўринарди. Эсаётган кучли шамолдан денгиз жумбушга келар, бора-бора шамол тўфонга айланиб, чор атроф қоронғилашгандай кўзга ташланса-да, бу кучли тўфон элчилар тушган кемага ҳеч бир зарар етказгани йўқ.

12-боб. Якшанба тонгида бири Арку, иккинчиси Фирику деб номланган кимсасиз икки орол ўртасидан ўтишгач, чап томонда яна бир орол кўзга ташланди. Оролга яқинлашгач, бу ерда Стромболи² деган баланд тоғ тизмаси борлигига гувоҳ бўлишди. Тоғнинг тепа қисмидан тутун ва олов отилиб чиқарди. Кечаси билан шанғиллаган шовқин-сурон уйғонган вулқонларнинг овози эди. Шовқин-суронга зътибор бермаган кема бамайлихотир йўлида давом этиб, орадан бир қан-

¹ Амальфи — Италиядаги шаҳар.

² Стромболи — Тиррен денгизидаги кичикроқ бир оролчадаги тоғ.

ча вақт ўтиб, ўнг томонда яна бир – Липари номли, одамлар яшайдиган оролга яқынлашиши. Орол қирол Ланцелотта тегишли экан. Бу оролни чеккалаган кема бир неча фурсатдан сўнг Муқаддас Агеда оролини айланиб ўтди.

Душанба куни эрталаб тутун чиқиб, шовқин-суронлар эшитилиб турган Салинас, Эстронголан ва Болкани оролларидан, бир оз сузишгач эса яна икки орол – Паранея ва Паранин ороллари орасидан ўтиши. Бу оролларнинг бари кимсасиз, одамлар яшамайдиган ороллар эди.

13-боб. Эртаси куни, яъни ўн еттинчи июль, сешанбада кимсасиз саналган ороллар ўртасидан сузига ўтаётган кема шовқин-сурон ва нотинчлик сабаб ҳеч бир ерда тўхтамади, тунни эса оролларга яқин жойда ўтказишар экан, тун яримдан оққандада денгизда кучли тўфон кўтарилиб, у эрталабгача давом этди. Чоршанбада ҳам давом этган тўфон кема елканларига зарар етказди. Кема хизматчилари хавфнинг олдини олиш мақсадида тезда кемани таъмирлашга киришилар. Сешанба ва чоршанба кечаси соат иккигача давом этган тўфон пайтида денгизга яқин Болкани ва Стромболи оролларида вулқон отилар, вулқондан чиқаётган олов эса кишида худди ўзига чорлаётгандай таассурот уйғотарди. Тўфон пайтида, кема дарғаси кемадагилардан лотин тилида худога илтижо қилишни сўради. Дарға гапини тугатар-тутгатмас, узоқдан ўчиб-ёнаётган ёруғлик кўринди. Тўфон эса борган сари авжига чиқиб, кема палубасини сувга тўлдириб ташлаган эди. Шамол билан бирга ёмғир ёғиб, чақмоқ чақди, гумбурлаган шовқин-сурон қулоқларни қоматга келтириди. Ҳар чақмоқ чаққанда, атроф кундузгидек чароғон бўлиб кетарди. Кема дарғаси аввал айтганимиздек, ёниб-ўчаётган ёруғликка томон сузишга буйруқ берди. Кўринаётган ёруғлик, айтишларига қараганда, Авлиё Педро Гонзales Тускийники бўлиб, нурлар эса гўё ўз ихтиёрларини шу авлиёга топширган эмиш. Тонгга яқин тўфон тиниб, денгизда осойишталик ҳукм сурди ва кема Сицилия ороли томон суза бошлади.

14-боб. Жума куни кема Сицилия ороли ёнидан сузига ўтди. Оролда Фаро минораси бўлиб, кема бу минорага яқин

жойдан ўтиб, Мессина¹ бўғози томон йўналди. Шу куни Мессина оролидаги бандаргоҳга кириш жуда катта қийинчилик туғдирди. Чунки жуда кучли эсаётган шамол кема ҳаракатига халақит берарди. Кечқурунга бориб шамол яна кучайди. Дарға рулни орқага буришга буйруқ бераркан, кема ўз йўлини ўзгартириб, орқага — Сицилия оролига сузиб, Фаро минорасига яқин жойда тўхтади ва шу ерда тунни ўтказди. Эртаси куни тонгга яқин шамол тўхтади ва кема яна йўлини давом эттирди. Оз фурсатдан кейин шамол яна кучая бошлаганда дарға фурсатни бой бермай, тезликни оширишни буюрди ва кема тезлиги ошиб, Мессина бандаргоҳи томон сузди. Катта тезликда сузиб бораётган кема Фаро минорасидан ўтганларидан сўнг, улар ўнг томонда Сицилия оролига яқин жойда жойлашган Калабрия ерларига дуч келишди. Фаро минорасида ўрнатилган чироқ кечқурунлари ёниб-ўчиб денгизда ҳаракатланаётган кемаларга йўл кўрсатиб туарар, кемалар чироққа қараб, адашмасдан оролга томон сузиб келарди. Калабрия ерлари ҳосилдор, у ерда буғдойзорлар, узумзорлар ва турли мевали боғлар ястаниб ётарди.

15-боб. Мессина оролига етиб келган элчилар денгизга яқин жойда баланд деворлар билан ўралган бир қалъани кўришники, қалъа деворлари ортида гўзал шаҳар бор, шаҳар шу орол номига вобаста бўлиб, уни Мессина деб аташаркан. Шаҳарга кўрк бериб турган уйлар жуда чиройли, баланд-баланд қурилган, денгиздан туриб қараганда шаҳар тамоман гўзал кўринар, уйларнинг деразаси ҳам денгизга қараган. Ўша уйлардан туриб денгизга қараганда, кўзни қувонтирадиган ажойиб манзарани кўриш мумкин. Уйлар баланд қурилгани билан бирга шаҳар кўчалари кенг ва узун. Шу кўчаларнинг бири тўғри денгизга олиб чиқади. Шаҳарнинг адогида, ўнг томонда катта ибодатхона бор бўлиб, бу қора танлиларга тегишли, у Авлиё Салвадор номи билан юритилади. Шаҳарда Авлиё Салвалор номида яна бир қаср ҳам мавжуд.

16-боб. Йигирма иккинчи июль, душанба куни бу шаҳарни ортда қолдириб, оролнинг ўнг томонидаги Мон-

¹ Мессина — Апенин ярим ороли ва Сицилия оролини ажратиб турувчи бўғоз.

жибле¹ тогини четлаб, яна бир Регол² деб номланган ердан ҳам ўтишиб, Венеция күрфазига киришди. Күрфазни ҳам ортда қолдириб, сешанба, чоршанба ва пайшанба кунларини йўлда ўтказиши. Жума куни кечга яқин эса Венеция қироллигига қаравши Мондон ерларига етиши. Шу куни Сопъенсия³ ороли томон сузиб, оролга ҳам етиши, бир оз вақтдан сўнг у ердан йўлга чиқиб, Бенетико ороли яқинидан ва яна анча сузишиб Серне ороли яқинидан, сўнг Гало Корон ерларига келиши. Шанбада Венеция қироллигига қаравши Мария Маталан⁴ ва Авлиё Анхел бурунинг яқинлашилар. Кун ярмида Сетул оролини кўриши. Оролда анчагина аҳоли яшар экан. Кема оролдан ўтаётуб, элчилар Лобо деб номланган баланд қояга дуч келди. Кема қояни четлаб, айланиб ўтди. Сетул оролида баланд қалъа, қалъанинг кичикроқ минораси бор, у денгиз бўйига яқин жойда қурилган. Қалъадан денгизга тушиш жойида, пастроқда, денгизга яқин яна бир баланд минора, минора ёнида бузилган деворлар ва минораларнинг вайроналари кўриниб турарди. Приямо қиролининг ўғли Парис Греция мамлакатига уруш эълон қилгандан сўнг бу ерлар шундай хароба ҳолатта келиб қолган экан.

Кема бу оролдан ҳам ўтгач, “Трес”, “Дос”, “Ас”⁵ деб номланган учта тоз қояларини ёнлаб, якшанба, йигирма тўққизинчи июль куни, Сенилио ороли томон сузи. Бу орол ҳам кимсасиз эди. Орол ёнида баланд тоғлар бўлиб, осмонда лочин қушлар учиб юради. Кема баланд қоялар орасидан сузиб ўтмоқчи эди, бироқ бу ерда сув оқими тез, кема атрофдаги каттакон тошларга урилиб, парчаланиб кетиши мумкин, деган қарорга келиши ва хавфга рўбарў келмаслик учун у ердан узоқлашиб, бошқа томондан айланаб ўтишиди.

¹ Бу ном араблар томонидан берилган булиб, “Этна жабал”, Жабал тоги деб номланган.

² Италиянинг Режио Калабрия шаҳри. Мессина бўғози яқинида жойлашган.

³ Морей ярим оролининг жануби-ғарбидаги кичик орол.

⁴ Греция ерларига яқин Мессина ва Локония бўғози оралиғидаги бурун.

⁵ Учлик, иккилик, тузлик.

Душанбада элчилар аҳоли яшайдиган Нило¹ ва Антенило ороллари ўртасидан ўтишаркан, бу ерларнинг аҳолиси венецияликлардан иборат эканлигидан, улар асосан чорвачилик билан шуғуланишларидан воқиф бўлдилар. Сешанба ва чоршанбада кемадагилар шу ерда қўним топдилар. Пайшанба куни улар учта, кетма-кет жойлашган, бири Мо, иккинчиси Сентуриона, яна бири Кристияна деб номланган оролларни ортда қолдириб, кечга яқин Нексия² оролига оёқ босдилар.

17-боб. Жума, учинчи август куни эрта тонгда элчилар ерлари ҳосилдор, буғдойзорлари кўп Каламо оролидан, Родосга қарашли, аҳолиси кўп Ланго оролига етиб келишди ва оролдан бир оз ўтишгач, чап томонда Туркияга қарашли Низарри³ ва Лукрио оролларига яқинлашишди. Бу ороллар Туркия ерларига шунчалик яқин эдики, кемадагилар бу ороллар орасидан ўтишни ўзларича хавфли деб ҳисобладилар. Улар тунни ўз кемаларида ўтказишли. Тонг отиши билан Родоснинг бошқа, Туркия ерлари қаршисидаги Пископия, Сан Николас де Корнини ва Пимия оролларидан ўтиб, шу куни кечга яқин Родос шаҳрининг бандаргоҳига қўндилар.

Бандаргоҳга киришлари биланоқ, элчилар шаҳар ҳукмдорининг ҳузурига чопар жўнатдилар. Чопар, ҳукмдор сарой аёнлари ва бир қанча генуяликлар ҳамда кема дарфаси Масен Вочинанте билан машварат ўтказганини, улар ҳозирда Александрияга қарши бўладиган урушга кетганликларининг хабарини олиб қайтди.

18-боб. Шанба куни элчилар бу ерга тушиб, шаҳар ҳукмдори билан учрашиш мақсадида саройга бордилар. Саройда элчиларни вақтинча ҳукуматни бошқариб турган лашкарбoshi қабул қилди ва элчилардан ҳукмдорнинг ҳузурига келишларининг сабабини сўради. Элчилар ташрифларининг сабаби, саёҳатларини мақсади нимадан иборат эканлигини баён

¹ Грецияга қарашли Мелос ва Мило ороллари.

² Грециянинг Наксос ороли. Наксос – Сицилиядаги грекларнинг қадимий шаҳри.

³ Греция қарамоғидаги Нисида ва Нисиро ороллари.

қилиб, ҳукмдордан буюк саркарда Амир Темур ҳақида маълумотлар олиш эканини айтишиди. Лашкарошиби элчиларнинг дам олишлари учун хона ҳозирлашни ва шу ерда дам олишларини айтгач, элчиларга Авлиё Каталина ибодатхонасидан жой ажратишиди. Улар ибодатхонага якшанба, бешинчи август куни келиб жойлашиб, пайшанба, ўттизинчи август кунигача шу ерда яшаб, шу кунлар давомида ҳеч қандай маълумотга эга бўлмасалар-да, Суриядаги урушдан қайтган аскарлардан турли хабарларни билиб олдилар, холос. Худди шундай хабарларни Куддусдан қайтиб келган аскарлардан ҳам эшитдилар. Аскарларнинг айтишларича, Темурбек Бобил сultonни билан маҳораба қилиш мақсадида Сурияга қўшин торған. Темурбек Сурияга ўз элчиларини жўнатиб, ҳар йили тўланадиган божни ўз вақтида тўланишини тушунтирган, акс ҳолда бу мамлакатни ҳимоя қилмаслигини айтган. Бу хабарни бутун Куддус аҳолиси бир-бирларига айтиб юришарди. Лекин элчилар бу гапларга ишонишмади.

19-боб. Элчилар ўша ерда туришган пайтда, тўртта катта кемада Генуядан аскарлар келди. Аскарларнинг гапига қараганда, улар бу ерда озроқ туриб, сўнг Туркияning Канделар қалъасига йўл олишар эмиш. Ҳақиқатан ҳам аскарлар ўша қалъани ўн икки кун қуршовда ушлаб туришиди. Шундан сўнг у ердаги катта сўқишишда франциялик ва генуялик аскарларнинг кўпчилиги ҳалок бўлишиди. Улар у ердан Сурияning Рипули деган жойига келганларида қўшин бошлиқлари Кенгаш тузиб, кемаларни олдинга, яъни Александрияга қараб йўл олишини келишиб олдилар. Қўшиннинг бир қисми Александрияга йўл олгани билан, рақиб қўшини аскарлари Сурияning Байрут¹ шаҳри томон чиқдилар. Қўшин Байрутни ишғол қилиб, сўнг кемалари билан Родос шаҳрига қайтиб келдилар.

Элчилар бу ерда Темурбек ҳақида бошқа маълумот эшитмадилар. Улар Эрон ерларидан ўтиб, Қорабоғға² боришни келишиб олдилар. Соҳибқирон бутун қиши фаслини Қорабоғда ўтказарди, элчилар ҳам Темурбек ҳақида кўпроқ маълумот олиш мақсадида шу томонга юриш қарорига келдилар.

¹ Ливаннинг пойтахти.

² Қорабоғ – Озарбайжон.

20-боб. Родос унча катта бўлмаган дengизга яқин, текисликда жойлашган шаҳар. Бу ерда катта қалъя ҳам мавжуд. Шаҳар атрофи девор билан ўралган, ичкарида хукмдорнинг катта қасри бор, қасрнинг атрофи девор билан мустаҳкамланган, ичкарида баланд миноралар ва чироили ибодатхона салобат тўкиб турибди. Ибодатхонада касалманд ҳамда бетобларга ёрдам кўрсатилади. Қалъадан ҳеч бир сарой хизматчиси рухсатсиз ташқариға чиқа олмайди. Мабодо қалъадан чиқишимоқчи бўлишса, ўз бошлиқларининг рухсати билан ташқарига чиқишилари мумкин экан. Шаҳар бандаргоҳи жуда катта ва у мустаҳкам девор билан ўралган, артофи жиддий кўриқланган.

Шаҳарда ўн тўртта катта шамол тегирмони бор бўлиб, кўпгина уйлар жуда чироили ва ҳаниматли, цитрусли мева-чевага бой боғлари ундан-да чироили. Шаҳар ва оролнинг туб аҳолиси греклардан иборат. Аҳоли грек черковига бориб ибодат қиласди. Шаҳар қулай жойда жойлашгани боис савдо-сотиқ ишлари бу ерда анча ривожланган. Бандаргоҳ-шаҳар бўлганлиги учун, дунёнинг тўрт томонидан бу ерга турли савдо кемалари кўним топар, Александрия, Сурия ва Куддусга ўтиб турадиган савдо кемаларининг барчаси ҳам бу бандаргоҳда тўхтаб ўтади. Орол Туркия ерларига жуда яқин бўлганлиги учун оролдаги бир қанча жой ва қасрлар Родос шаҳрига тегишли эмас эди.

21-боб. Ўттиз биринчи август, жума куни элчилар Хио оролига етиб олишлари учун бир кема дарфаси генуялик Мисер Леонардо Хентилнинг олдига келишди. Шу куни дengизда шамол кўтарилиган бўлса-да, кема Родос шаҳридан йўлга чиқди. Родосдан Хио оролига борадиган йўл хавфли эди, ўнг томонда Туркия ерлари, чап томонда эса бир қанча кимсасиз ороллар бор. Устига-устак нокулай об-ҳавода, кечқурун дengизда сузиш жуда қийин ва хатарли. Шундай бўлса-да, улар йўлга чиқиб, шанба, якшанба, душанба ва сешанба кунлари шамолга қарши сузиб борарканлар, кемани Туркия кирғоқларига йўналтироқни ният қилдилар, лекин шамол бу ниятни амалга ошишига изн бермади.

Бешинчи сентябрь, чоршанба куни кема Лонго оролига етиб келаркан, ҳаво ёмон бўлгани учун элчилар шу оролда кўним топишни ўзларига маъқул кўришди. Кун бўйи оролда

юриб, бу ердаги тансиқ мева-чевалардан тановул қилишди. Родос қироллигига қарашли Лонго ороли аҳолисининг яшаш жойлари денгиз бўйида жойлашган, бу ерда кичикроқ қалья, қалья ичкарисида сунъий ҳовузларга денгиздан сув оқиб келади. Чор атроф гўзал боғлар, узумзорлар ва кўплаб уйлар билан ўралган. Родос саройида юзга яқин лашкарлар ва бош лашкарбоши учун алоҳида қаср мавжуд.

Олтинчи сентябрь, пайшанба куни элчилар бу ердан йўлга чиқишганда, кема денгизда жуда секин сузар, чунки эсаётган шамол кема тезлигини оширининг халақит берарди. Жума куни ҳам ҳаво ёмонлиги сабаб кема жуда секин сузди. Кема орқага қайта олмас, чунки кучли шамол кемани буришга йўл бермасди. Кема Туркия срлари яқинроқ бўлганлиги учун ўша томон юришга ҳаракат қилди, лекин кемани у томонга буришнинг ҳам ҳеч иложи бўлмади. Кечга яқин кимсасиз Бестиас¹ оролига етиб келганларида, шамол янада зўрайди, олдинга ҳаракатланиш хавфи ошди ва кечаси билан шу ерда қолишга мажбур бўлдилар.

Якшанба куни йўлни давом эттирган элчилар бир нечта кимсасиз ороллардан ўтиб, аҳолиси кўп, Родос қироллигига қарашли Каламо оролига кириб келиб, тунни шу ерда ўтказишиди ва душанба куни Туркияning Янги Сарой шаҳрига қараб юрдилар. Темурбек Туркия устидан ғалаба қозонгандан шу шаҳарда бўлган экан.

22-боб. Сешанба тонгида элчилар Родос қироллигига қарашли яна бир Берро оролини ёнлаб ўтишди. Шамол кучайиб, кеманинг сузишига халақит берди. Оролнинг денгизга яқин қисмида уйлар ва қасрлар кўриниб тураркан, кема ноилож шу томонга ўз йўналишини ўзгартирди. Оролдаги баланд минора, қаср ва уйлар яхши сақланмаган, деярли қаровсиз ҳолатда ётарди. Ерлик аҳолининг асосини греклар ташкил қиласарди. Айтишларича, Туркияning Янги Саройидан келган одамлар бу оролга кўп зарар етказиб, уйларни вайрон қилган, ўзлари билан молларни ва буғдой ўрими учун одамларни олиб келишган. Элчилар пайшанба куни у ерни тарқ этиб, жума тонгида Мадрия деган кимсасиз орол-

¹ “Йиртқич” ороли.

га етдилар. Оролда моллар учун ем-хашак мүл бўлиб, сувлари жуда ширин экан. Шу куни бу ерни ҳам ортда қолдириб, яна бир қанча ороллардан ўтдиларки, бу оролларнинг барида грек миллатига мансуб одамлар яшашига гувоҳ бўлдилар. Эртаси куни катта Хамо оролига келиб, орол аҳолиси турклардан иборат эканлигини кўрдилар. Кема оролда тўхтамай, тўғри Микарея оролига йўл олди. Улар яна бир нечта оролларга дуч келдилар.

Ўн бешинчи сентябрь, шанба ва якшанба куни йўл юриб, душанбада Туркия қирғоқларини кўришди. Бу ердан Хио¹ оролига борса бўлар, лекин ҳаво авзойи бузуқлиги учун элчилар Туркия қирғоқларига туша олмадилар. Сесанба куни тонгигда Хио оролига етиб келган элчилар шу куни қуруқликка қадам босиб, ўзлари билан олиб келган буюмларни ҳам туширдилар.

23-боб. Кичкина Хио оролида генуяликлар яшарди. Оролдаги иккига бўлинган, бири оролнинг бир тарафида, иккинчиси бошқа тарафида жойлашган шаҳар текисликда, денгиз бўйида жойлашган ва турли гўзал боғлару узумзорлардан иборат. Шу оролга яқин жойда Туркияга тегишли орол ҳам кўзга ташланади. Оролда бир қанча қишлоқ ва қальалар бўлиб, худди шу ерларда “алмастига”² ишлаб чиқарилган. Буни улар қандайдир бир дарахтлардан ажратиб олишган. Шаҳар ва қишлоқлар тевараги баланд девор ҳамда миноралар билан ўралган. Элчилар шу ердалигига Темурбек ҳақида янги хабар эшилдилар. Хабар Туркия султонининг тўнгич ўғли билан Темурбекнинг ғалаба қозонгани, турк султонининг ўғли таҳтдан кетганидан сўнг, унинг укалари ўртасида таҳт учун кураш бошланиб, бир-бирлари билан жиққамушт бўлгани ҳақида эди.

24-боб. Элчилар Хио оролидан йўлга чиқмоқчи эдилар, лекин улар минган савдо кемаси юкларини оролга тушириб орқага қайтиши кераклиги учун, бошқа бир кема топишларига тўғри келди ва улар бу оролда сесанба, чоршанба,

¹ Хио – Греция ороли. Этей денгизининг шарқидаги орол.

² Каучук ёки бўёқсимон модда. Клавихонинг таъкидлашича, у дарахтлардан олинар экан.

пайшанба кунлари қолишига мажбур бўлишди. Ўттизинчи сентябрь, якшанба куни оролга Кастилияning кичикроқ бир кемаси етиб келди. Элчилар кеманинг дарғаси генуялик Миссер Бакира де Марта билан келишиб, йўлга отланишди. Якшанба кечқурун элчилар шу елканли кемада оролдан чиқдилар. Кема ҳаво мўътадиллиги сабаб тез ҳаракатланиб борар, эсаёттан шамол эса кеманинг жадал ҳаракатланишига кўмаклашарди. Эртаси куни элчилар минган кема аҳолиси кўп, Туркияга қарашли Метелия оролига етиб келди. Метелия оролидан ўтган элчилар чап томонда Тихорра ва Антипихорра деб номланган иккита оролга дуч келишди. Кечқурун Туркияга яқин Муқаддас Мария қирғоқларидан сузуб боришкаркан, шамол кучая бошлади ва кеманинг сузишига тўсқинлик қилгач, кема ўз йўналишини Роман кўрфази томон ўзгартирди. Кема анчагача шу йўналиш бўйича секинлик билан сузди. Тун яримлаганда денгизда тўфон бошланиб, кема анчагача бир жойда туриб қолди. Эртасига ҳаво очилди, кема ўз йўналиши бўйича ҳаракатини давом эттириб, шу куни Туркиянинг кириш қисмидаги, Моленас ва Куарора номли қасрлар билан зийнатланган Метелия оролига етиб келди. Йўлдаги тўфондан кеманинг елканлари шикаст еган ва уни таъмирлаш учун анча вақт керак эди. Кема таъмирлангунча элчилар сесланба, чоршанба, пайшанба ва жума кунлари шу оролда қўним топдилар.

25-боб. Метелин шаҳри дengiz бўйидаги баланд тепаликда жойлашган бўлиб, шаҳарнинг икки тарафи дengиз. Бандаргоҳ томонидан ҳам икки томонлама ўралганига қарамай, шаҳар минорали деворлар билан иҳоталанган. Бу деворлар шаҳар муҳофазаси учун хизмат қиласи. Оролнинг айланаси уч юз мил, кўплаб қишлоқ ва қалъалар шаҳарнинг ичкариси ҳамда атрофига жойлашган. Мевали боғлари ва узумзорлари кўркига кўрк бағишлаган шаҳар яқинида ибодатхоналар, уйлар, катта-катта бинолар қад ростлаб турибди. Аҳолиси жуда зич жойлашган шаҳарнинг четидаги боғ ва булоқлар ёнидаги текисликда сарой ҳаробалари, мармардан йўнилган қирқа яқин устуnlар кўзга ташланади. Айтишларича, бу устуnlар қулаб ётган жойда авваллари шаҳар аҳли йиғилиб мажлислар ўtkазишган экан.

Илгари Константинополь салтанатига қарашли, греклар иштейқомат қиладиган бу оролнинг ҳозирги ҳукмдори генуялик Мисер Хуан де Каталусдир. Унинг отаси Константинополь ҳукмдорининг қизига уйланган. Орол аҳолиси элчиларга Мисер Хуан де Каталуснинг қандай қилиб бу ерга ҳукмдор бўлғанлиги ҳақидаги ажойиб воқеаларни сўзлаб бериши. Айтишларича, бундан йигирма йил аввал, тунда оролда бўлган зилзила пайтида Мисер Хуан де Каталус ота-онаси ва икки акаси билан қасрда ухлаб ётганда, қаср қулаб тушади ва Мисер Хуан де Каталусдан бошқа барча оила аъзолари ҳалок бўлади. Мисер Хуан ётган бешикни эргаси куни қасрдан пастроқдаги узумзордан толиб олишаркан, одамлар унинг типик қолганини мўъжиза санашибди.

26-боб. Элчилар оролда Метелин ҳокимининг қизига уйланган, ўзининг кўп вақтини оролда ўтказадиган Константинополнинг сургун қилинган ёш ҳукмдорини учратдилар. Қайната билан куёв, иккита ҳарбий ва бешта оддий кемада Константинополь ҳукмдорига тегишли Салоника¹ шаҳрини эгаллаш учун йўлга отланадилар. Бу ҳарбий юришнинг сабаби қуйидагича эди: ёш ҳукмдор Туркия сultonи Мурод² хузурида яшарди. У Саламбрия деган турк шаҳрига келганида Генуя ҳокими Мозен Бучикате ҳарбий кемада келиб, ёш ҳукмдорни асирга олиб, Константинополга келтиради. Ёш ҳукмдорнинг Салоника шаҳрида яшashi ва шаҳар ҳокимлигини унга топшириш шарти билан Мозен Бучикате унинг тоғаси, Константинополь ҳукмдори билан яраштиради. Тоға ва жиян ўртасидаги келишмовчилик ҳақида бир оз кейинроқ сўз юритамиз.

Мозен Бучикате уларни яраштириб қўйганидан сўнг, ҳукмдор билан бирга Франция қиролидан ёрдам сўраш учун бу мамлакатта ташриф буюради. Ҳукмдор сафардан қайтгучида давлатни бошқариш ёш ҳукмдор тасарруфига ўтади. Ҳукмдор Францияда бўлган вақтда, ёш ҳукмдор Темурбек билан Мурод ўртасида уруш тадорикини кўрилаётганидан

¹ Тесалоника — Гречия бандаргоҳига яқин, Македонияга тегишли шаҳар.

² Мурод I Усмонийлар сultonи. 1389 йилда вафот этгач, ҳокимият ўғли Боязид I нинг кўлига ўтган.

фойдаланади ва Мурод ғалаба қозонадиган бўлса, Константинополни унга топшириш ва бож тўлаб туриш ҳақида битим тузади.

Франциядан қайтган ҳукмдор жиянининг бу ишидан газабланиб, уни сургун қилади. Ундан Салоника шаҳрини олиб, ўрнига Эскалинас¹ оролини беради. Қайната билан куёв въда қилиб, рад этилган Салоника шаҳрини эгаллаш учун йўлга отланаркан, Генуя ҳокими Мозен Бучикате маҳсус кемада элчилар юбориб, күёвига Салоника шаҳри эмас, Эскалинас ороли берилганини хабар қилади. Шунинг учун Мозен Бучикате Александрияга жўнаб кетаётганида, ўз қўшини билан Эскалинас оролига келади ва у юборган кема ва элчилар қайтиб кетади. Улар Мозен Бучикате ўз қўшини билан кемада Родос ороли яқинида айланиб юриб, сўнг номаълум томонга кетганини айтадилар.

27-боб. Олтинчи октябрь, шанба тонготарида кема яна Метелин бандаргоҳига кириш йўлидан ўтиб, турк ерлари бўйлаб Метелин ороли оралиғидан Туркиянинг Биби Марям бурунигача сузib борди. Якшанба куни эрталаб эса элчилар Биби Марям бурунининг нариги томонига ўтиб қолганларини билишди. Чап томонда кимсасиз Тенио ороли, сал нарироқда эса Константинополь ҳукмдорига тегишли Нембро ороли кўриниб турарди. Шу куни шамол қаршидан эсиб, кема ҳаракатини сусайтирди, натижада жуда оз масофа босиб ўтилди. Кема Тенио бандаргоҳига кирмоқчи эди, бироқ шамонинг кучлилигидан, у ерга кира олмади ва Турк ерлари ва Тенио ороли оралиғида лангар ташлади. Бу кўрфазга яқин жойда Роман деган тор жой, унинг қаршисида улуғ Троя шаҳри салобат тўкиб турарди. Троянинг бино ва минараларининг харобалари кўринар, бу харобалардан шаҳарнинг ўрнини чамалаш мумкин эди. Шаҳар дентиздан анча узокликдаги текислиқдан бошланиб, ичкарига – баланд тоғлар томон чўзилганидан, шаҳар харобаларидан унинг катталиги кўп мил масофани ташкил этганини билиб олса бўлади. Шаҳарнинг адогида баланд тоғ кўриниб турар, бир вақтлар бу тоғ тепасида Элион деган қаср бўлган экан.

¹ Грециядаги орол.

Троя қаршисидаги Тенио ороли, шаҳарнинг кемалар тұхтайдиган бандаргоҳи ҳисобланиб, қирол Приямо шаҳарга ташриф буюрадиган кемаларни қўриқлаш учун Тенио оролига аҳолини жойлаштириб, катта қўргон қурдирған, дейдилар. Ҳозирда бу оролда ҳеч ким истиқомат қилмайди. Кема тұхтаганда, ичимлик суви ва ўтин келтириш учун оролға қайық юборилди. Элчилардан баъзи бирлари бу қайиқда оролға тушишди ва кўплаб боғлар, узумзорлар, экинзорлар, булоқлар борлигига, бу ерда тустовуқ, қуёнларни овлаш мүмкнлигига, оролда харобага айланган қаср борлигига гувоҳ бўлишди. Оролда одам яшамаслигининг сабаби шунда эдик, Константинополь ҳукмдори ўз қарамоғидаги бу жойни Турк султони Мурод билан жантда бир неча ҳарбий кемалар билан ёрдам берган генуяликларга совға қилишни ваъда беради, бироқ у ваъдасини бузиб, оролни Венецияга сотиб юборади. Венецияликлар оролға кўчиб келиб, бино ва қасрлар қуради. Бундан хабар топған Генуя ҳукмдори бу орол ўзларига совға қилганлигини айтганда, икки ўргада, яъни генуяликлар билан венецияликлар ўртасида жанжал чиқади, натижада ҳарбий кемаларнинг тўқнашуви оқибатида орол харобага айланади. Шундан кейин икки томон Венецияга келиб, шаҳар ва қўргонни бузиб ташлаш, аҳолини кўчириб, оролға ҳеч қайси томон эгалик қилмаслик ҳақида битим тузадилар. Натижада орол кимсасиз бўлиб қолади. Венецияликлар билан генуяликлар ўртасида ҳозиргача давом этаётган келишмовчиликнинг асил сабабларидан бири ҳам шу эди.

28-боб. Чоршанба куни элчилар бу ердан жўнашмоқчи бўлишганда, пайшанба, жума ва шанба кунлари кучли шамол эсиб, кема ҳаракатланишига имкон йўқлиги боис яна шу ерда қолишли. Якшанба куни кечқурун Константинополдан Тенио бандаргоҳига бир савдо кемаси келди. Элчилар томонидан юборилган кишилар бу савдо кемасига фалла ортилгани, кема Грециядаги туркларга қарашли Голлиполи деган жойдан чиқиб, Хио оролига кетаётгани, Галлиполида тарқалган касаллик туфайли кўп киши ўлганлиги хабарини олиб келишли. Қаршидан эсаётган қаттиқ шамол туфайли кема денгизда суза олмасдан, бу оролда ўн уч кун қолиб кетди.

Тенио оролидан чап томонда, Грециядаги Монтестан деган катта тоғ күриниб турар, айтишларича, тоғда роҳиблар яшайдиган ибодатхона бўлиб, роҳиблар аёлни, ит, мушук каби болалайдиган уй ҳайвонларини у ерга яқинлаштирмас, ўзлари умуман гўшт емас экан. Ибодатхона жуда бадавлат, тоғ этагидан ибодатхонагача икки кунлик йўл. Тоғда яна эллик ёки олтмишга яқин ибодатхона бор бўлиб, бу ердаги роҳиблар қора кийим кийиб, гўшт, ёғ, балиқ емас, шароб ичмас, белгиланган қонун-қоидаларга қаттиқ риоя қилишар экан. Бу муқаддас тоғдаги манзарани ўз кўзлари билан кўрган греклар ҳам кемада шу ҳақда гаплашиб кетишарди.

29-боб. Йигирма иккинчи октябрь, чоршанба куни йўналиш бўйлаб эсган енгил шамол туфайли кема елканлари кўтарилди, олдинга қараб ҳаракатланиб, Тенио ороли билан Туркия ерлари оралиғида ўн беш кунча судралди ва сесланба куни кимсасиз Момбре оролига етиб келди. Эртаси куни ҳаво ёмон айнигани боис кема бу оролдан ўтолмади, шу билан бирга шундоқцина күриниб турган кўрфазга ҳам киролмади. Жума куни шомда орқа тарафдан эсган шамол ёрдамида кема Роман кўрфазига кирди. Кўрфазга кириш йўли жуда тор, кенглиги саккиз милдан ошмас, кираверишда ўнг томонда турк ерлари, кўрфазга киргач шаҳар, шаҳар ўртасида бир қаср турарди. Шаҳарнинг тўсиқ деворлари қулаган. Айтишларича, бир ярим йил муқаддам кўп эшкакли ҳарбий кемаларда келган генуяликлар шаҳарни забт этиб, талон-тарож қилган. Трояни бузиб ташлаш учун келган греклар шаҳар аҳолиси тўсатдан ҳужум қилиб қолмасликлари ва ўзларини ҳимоя қилиш мақсадида қаср олдида уч қатор хандақ қазиган. Чап томонда Греция ҳудудидаги арман қасри қаршисида, тепалиқда, Роман кўрфазига кириш йўлини кўриқлаш учун қурилган Хетеа қасри, бир оз нарида Турк ерида, атрофлари уйлар билан ўралган иккита катта минора кўриниб турарди. Бу жой Дубек деб аталган. Троя шаҳри Биби Марям бурунидан шу ергача чўзилиб, олтмиш мил масофани ўз ичига олган. Кун ботгач элчилар Грек ерида, денгиз бўйида қурилган Витуперio деган минора ёнига етиб келдилар.

30-боб. Шанба куни элчилар минган кема қасрлари кўп, Боязиднинг тирик қолган ўғли Мусулмон Оғалалига қарашли Галлиполи шаҳри ёнидан ўтди. Ҳарбий ва бошқа кемалардан иборат Турк қўшини Галлиполида турар, қасрларда кўплаб одамлар ва шу одамларга етарли катта миқдордаги озиқ-овқат ва нарсалар ғамланган эди. Галлиполи – Грек ерларидаги турклар забт этган биринчи жой. Турклар бу қасрни генуяликлар туфайли қўлга киритганлар. Қасрдан Турк ерларигача бўлган масофа ўн мил, яъни уч лига келади. Турклар греклардан тортиб олган барча ерларни Галлиполи қасри ёрдамида қўлга киритганлар ва улар қасрни грекларга бериш, улардан олиб қўйилган барча ерларни қайтариб бериш билан тенг деб ҳисоблардилар. Чунки турк кемалари бу ерда турар, зарур бўлганда ёрдам жуда тез етиб келарди. Шунинг учун туркларнинг бутун умиди ана шу қасрдан эди.

Роман кўрфазидан то Голлиполи шаҳригача ястанган ма-софада, Турк ва Грек ерлари ўртасида жуда катта денгиз юзаси ҳосил бўлган. Галлиполи шаҳридан юқорироқда Сатарада ва Эхомилиа деб номланган қасрлар бўй кўрсатиб турибди. Бу жойлар манзараси, яъни Турк ерлари тепалик ва тоғликлардан иборат бўлса, Греция ерлари экинзор ва текисликлардан иборат. Элчилар Кинизико деган Турк бурунига етиб келдилар. Айтишларича, Темурбек Боязидни тор-мор келтирганидан сўнг, Турк сultonни шу бурунга қочиб келиб жон сақлаган. Баъзи одамлар қазув ишларини олиб бориб, уни оролга айлантиришга уринган.

Эртаси куни, якшанбада элчилар Мармар ороли қарши-сига келдилар. Рангли тошлар, мармар ва тош тахталар Константинополга худди шу ердан олиб кетилар экан. Элчи-лар шу куни кечкурун Редеа ҳукмдорига қарашли ерлардан ўтгач, Турк ерлари томонидан Калонимо ороли, ундан ке-йин Трилия кўрфази кўринди. Туркияning Бурса шаҳрига борадиган савдогар учун Трилия ҳавзаси муҳим савдо жойи ҳисобланарди. Душанба тонготарида шамол бўлмаганлиги учун кема Бурсага яқинлашди. Сешанбада қаршидан шамол эсиб, кема Грек ерларига етмасдан икки мил масофа берироқда тўхтаб, сувга лангар ташлади. Бу ердан Константинополгача бўлган масофа ўн беш милни ташкил қиласарди. Шу ердан элчилар Пера шаҳрига одам жўнатиб, ҳукмдордан ўзларига турар-жой ҳозирлашини сўрадилар.

31-боб. Йигирма тўртинчи октябрь, чоршанба куни шамол жуда кучли эсиб, кемани Перага киришига йўл бермади. Элчилар вақтдан унумли фойдаланиш, саёҳатни тезроқ давом эттириш мақсадида маслаҳатлашиб, барча нарсалари ни қайиқقا юклаб, турар-жой тайёрланган Пера шаҳрига жўнадилар.

32-боб. Йигирма саккизинчи октябрь, якшанба куни Константинополь ҳукмдори одам юбориб, элчиларни Перадан Константинополга олдирди. Константинополда уларни қўплаб одамлар махсус тайёрланган отлар билан кутиб оларкан, элчиларни отларга миндириб ҳукмдор саройига олиб бордилар. Саройга етиб келгандаридан ҳукмдор ибодат билан машғул, одамлар гавжум бўлиб турарди. Ҳукмдор элчиларни хурмат билан кутиб олиб, алоҳида хонага таклиф қилди, ўзи кичик гиламлар тўшалган супачага чиқиб ўтирди. Бир гиламчанинг устига қоплон териси ташлаб қўйилган, орқа томонида қора матога зарли иплар билан тикилган ёстиқ турарди. Ҳукмдор элчилар билан анча суҳбатлашгандан кейин уларни ўз жойларига кузатиб қўйишиди. Овчилар келтирган кийикни ҳам ҳукмдор элчиларга элтиб беришни буюрди. Ҳукмдор ёнида унинг рафиқаси ва учта ўғли бирга ўтиришар, катта ўғли саккиз ёшда эди. Душанба куни ҳукмдор элчиларга махсус киши орқали учрашувда сўралган саволларга жавоб йўллади.

33-боб. Ўттизинчи октябрь, сесанбада элчилар шаҳардаги ибодатхона ва диққатга сазовор жойларни томоша қилиш мақсадлари борлигини билдириш учун ҳукмдор ҳузурига одам юбордилар. Ҳукмдор асраб олган қизининг эри – куёви генуялик Мисер Иларио ҳамда ўзининг хос одамларини қўшиб, элчиларга хоҳлаган жойларини кўрсатишларини буюрди.

34-боб. Элчиларга биринчи навбатда авлиё Хуан Боутиста черковини кўрсатдилар. Ҳукмдор саройидаги бу черков авлиё Хуан Пиедра деб ҳам юритиларди. Черковга кираверишдаги эшик тепасида авлиё Хуаннинг нақшинкор сурати билан бирга тўрт устунли айвон бўлиб, устунлар орасидан ўтилиб черковга кирилар, айвоннинг тепа қисми ва девор-

лари жуда чиройли тасвири ҳамда безаклар билан зийнатланган. Нақшлар орасига тилла суви юргизилиб, шакллар ва тасвиirlарга оқ, яшил, мовий, қызил каби турли ранглар ишлатилган. Айвон ташқарисида уйлар, соябонли катта ҳовли бор бўлиб, у ерда дараҳтлар ўсиб турибли. Черковга кирадиган эшик ёнида саккизта оқ устунли шийлон остида бир қудук ҳам бор, қудук атрофида бир хилдаги оқ тош тахта ётқизилган. Черковнинг ўртасидаги юмaloқ ям-яшил гумбаз тошдан ясалган устунларга таяниб турар, эшик рўпарасида учта кичик меҳроб, ҳар бир меҳробда минбар мавжудлир. Ўртадаги бош меҳроб эшиги тилла суви билан зарҳалланиб, кумуш билан қопланган. Меҳроб эшиклари олдида учта яшил устун ва бу устунлар ўзаро зарҳал кумуш чизиқлар билан кесишган. Ҳар хил шаклдаги чизиқлар орасига турли усулда тош тахталар терилган. Черковнинг юқори қисми рангли тошлар билан чиройли қилиб кошинланган, девор безакларига дид билан зеб берилган. Деворнинг пастки қисми эса ям-яшил тош тахталар билан зийнатланиб, атрофига чиройли курсилар қўйилган меҳробда кўпгина кумуш ва шиша чироқдонлар терилган. Кўплаб муқаддас буюмлари бўлган черковнинг калити ҳукмдорнинг ўзида сақланади.

Шу куни элчиларга авлиё Хуан Боутистанинг елкадан бармоқларигача бўлган, тери ва суяклардан иборат қуриб қолган чап қўли кўрсатилди. Исо пайғамбардан қолган кўпгина муқаддас нарсалар, ҳукмдор йўқлиги учун элчиларга кўрсатишнинг иложи бўлмади. Чунки ўша куни ҳукмдор ширкорга кетган, рафиқасидан олинган калитлар орасида эса, айнан ўша хоналарнинг калитлари йўқ эди. Элчилар ўша хоналарни кўрганлари ҳақида кейинроқ сўз юритамиз.

Черков айни пайтда роҳиблар овқатланадиган жой ҳамдир, чунки ўртала узунлиги ўттиз газ келадиган оқ мармар стол ва стол атрофида кўплаб ёғоч курсилар терилган. Ибодатхона ҳовлисида боғ ва узумзорлар, кўпгина бошқа нарсалар ҳам борки, уларни қисқача сўзлар билан ифодалашнинг иложи йўқ.

35-боб. Шу куни элчилар Перевлепти деб аталган Биби Марям ибодатхонасини бориб кўрдилар. Черковга кираверишда ёнғоқ, қайрагоч ва бошқа дараҳтлар ўсиб турган

кatta ҳовли бор. Черковнинг ташқи деворларига тилла, мовий ва бошқа бўёқларда ҳар хил шакл ва тимсоллар чизилган. Масалан, Биби Марям, унинг бир тарафида ҳукмдор ва иккинчи тарафида унинг рафиқаси тасвирланган. Биби Марям оёғи остида ўттизта шаҳар ва қасрнинг юононча номлари битилган. Айтишларига қараганда, бу шаҳар ва қўргонлар черковга тақдим этилган, ҳукмдор вафот этгач, унинг жасади шу черковда кўмилган. Черковнинг шаҳар ва қасрларга эгалик қилиш ҳуқуқи қўроғошин билан ёзилиб, расмлар остига темир ёрлиқларга ёпиширилган ҳолда илиб қўйилган. Черков ичидаги бешта баланд меҳроб, айлана шаклдаги зал ва турли рангдаги устунлар қад ростлаб турибди. Залнинг тепа қисми ва деворлари яшил рангларга бўялган.

Бош черков унга бириккан учта кема билан ўралган. Черков ва кемаларнинг устки қисми бир хил ранг билан безатилган. Черковнинг чап томонида рангли катта тобут қўйилган, унда ҳукмдор Романинг хоки дағн этилган. Айтишларича, тобут тилла ва қимматбаҳо тошлар билан безатилган, бундан тўқсон йиллар илгари лотинлар шаҳарни забт этганларида тобутни ҳам талаганлар. Черковда яна бир ҳукмдорнинг қабри ҳам бор. Авлиё Хуан Боутистанинг элчиларига кўрсатилган чап қўли билан бирга унинг ўнг қўли ҳам шу ерда. Айтишларича, авлиё Хуан Боутистанинг танаси ҳамда “бу худонинг кўзаси” деб кўрсатган бир бармоғи кўринсада, тирсагидан бармоқларигача бўлган бир қўл жуда бакувват ва у жонлидай кўринади. Панжалари юпқа ва фақатгина битта бош бармоғи йўқ, холос. Роҳиблар авлиёнинг бош бармоғининг йўқлиги сабабини гапириб бердилар.

Мажусийлар дини ҳукм сурган замонларда Атиокия шаҳрида бир аждаҳо пайдо бўлиб, ҳар йили унга бир одамни курбонлик қилиш зарур ва бу одатга айланганди. Шаҳар аҳолиси йиғилиб қуръя ташлар ва чек кимга тушса, ўша кинни аждаҳога ем бўлиш тақдиридан қочиб кутула олмасди. Шундай қуръя ташлашларда қуръя бир қизнинг чекига тушади. Буни эшитган қизнинг отаси авлиё Хуан Боутиста ибодатхонасига келиб, бу ерда кўпгина кароматлар рўй берганлигини эшитганини ҳамда у шу ердаги авлиёнинг қўлига сифинмоқчи эканини айтиб, қизини аждаҳо комидан қутқариб қолиши-

ни Аллоҳдан сўрайди. Роҳиблар унга ҳамдардлик билдириб, авлиёning қўлини унга кўрсатадилар ва у тиз чўкиб авлиёning қўлига илтижо қиласкан, ҳасратли кўз ёшлар тўкиб, авлиёning бош бармоғини тишлаб узиб олади. Роҳиблар буни сезмайди. Одамлар қизни аждаҳога топшириш учун йигилгандарида, аждаҳо қизни ютишга чоғланганда, қизнинг отаси ўзи тишлаб узган авлиёning бош бармоғини аждаҳонинг оғзига ташлайди ва аждаҳо шу заҳоти ўлади. Бу катта мўъжиза эди. Шундан кейин у киши Исо пайғамбарнинг динини қабул қиласди.

Бундан ташқари, элчиларга черковдаги қирралик олтин пояча ўрнатилган хурмо навдасидек келадиган, Исо пайғамбарнинг чормихга тортилган кичик сурати туширилган тилладан ишланган хочни кўрсатишиди. Хочга пайғамбар сурати маҳорат билан ўйиб ишланган эдики, уни хоҳлаган пайтда чиқариб олиш ва яна жойига қўйиш мумкин эди. Айтишларича, Исо пайғамбар чормихга тортилган сурати туширилган хоч мўъжизакор дарахтдан ясалган. Ранги қорамтироқ, Константиннинг онаси, марҳаматли Авлиё Елена мазкур ҳаётбахш ёғочни Куддусдан топиб Константинополга келтиради ва унга Исо пайғамбар шаклини ўйиб ишлашни буюради. Бундан ташқари, элчиларга авлиё Григорийнинг сақланган жасадини ҳам кўрсатишиди. Черков ташқарисида тарихни гавдалаштирувчи ажойиб суратлар орасида Исоия шажараси тасвири бўлиб, Биби Марям худди шу шажарадан келиб чиқкан. Жуда чиройли ишланган бу суратларни, ибодатхонадаги кўпчилик овқатланадиган катта ва баланд хонани элчиларга черков роҳиблари кўрсатишиди. Xона ўртасида ва охирида оқ мармардан ишланган стол турарди. Ошхона шифти нақшинкор. Муқаддас Биби Марям, фаришта Жаброилдан Исо пайғамбарнинг туғилишигача, унинг шогирдлари билан дарбадарликда кечирган кунлари, чормихга тортилганига қадар бўлган муборак ҳаёти черков деворларида суратларда ўз аксини топган. Хонада идиш-товоқларни қўйишга мўлжалланган тош тахталар алоҳида-алоҳида тарзда териб чиқилган. Ибодатхонада роҳиблар яшайдиган хужралар бўлиб, ҳар бир хужра олдида боғ, сув, узумзор бор ва ушбу черковни алоҳида бир шаҳар деб ўйлаш мумкин.

36-боб. Шу куни элчиларга кўпгина роҳиблар яшайдиган, ўз бошлиқларига эга Авлиё Хуан номли яна бир эркаклар черковини кўрсатиши. Черковнинг жуда мукаммал ишланган катта эшигидан черков ҳовлисига кирилар, черков думалоқ шаклда, бўйига тенгма-тенг учта кема билан ўралган, олтида меҳроби бор, меҳроб ва кемаларнинг тепа қисми, деворлари тарихий воқеликни акс эттирувчи сержилло кошинлар билан безатилган, гумбази яшил, йигирма тўртта устунга таянган. Кемалар устидан то черковнинг нақшинкор энг тепа қисмигача кўтариладиган йўл бор. Панжаралар ўрнатилиши лозим бўлган жойда эса ишлов берилган кичкина устунлар мавжуд. Черков ташқарисидаги Биби Марямнинг кошинкор сиймоси экс эттирилган кичик бутхона Биби Марям шарафига қурилган. Бундан ташқари, ибодатхонада катта ошхона, ошхонада мармар стол-стуллар бор. Ошхона деворига Исо пайғамбарнинг ўз шогирдлари билан овқатла-ниш олдидан ўтириб ўқиётган ибодат расми тасвиранган. Ибодатхонада уйлар, боғлар, ҳовузлар ва кўплаб бошқа бинолар кўриниб турибди.

37-боб. Эртаси куни элчилар “Ипподром” деб аталувчи отчопарни томоша қилиши. Отчопар кенглиги уч эркак қулочи зўрга етадиган даражада йўғон, баландлиги уч найза бўйидан баландроқ айланасига кетма-кет ўттиз еттита устунлар билан ўралган. Устунлар оқ мармар тошдан йўнилган, бири иккинчисига шундай мустаҳкам бирлаштирилганки, тепасида бемалол айланиб юриш мумкин. Тепасида қиррали панжаралар билан ўралган йўлак тахта ва оқ устунлар билан ораси очиқ қолган ҳолда қурилган. Тўсиқнинг баландлиги одам бўйи келади. Буларнинг ҳаммаси бой-бадавлат хонимларнинг отчопар мусобақаларини томоша қилишлари учун қурилган. Санаб ўтилганлардан ташқари яна бир қанча устунлар мавжуд. Шу жойдан йигирма-ўттиз қадам нарида тўрт устунга ўрнатилган супа, супа устида оқ мармар курси, атрофида ўриндиқлар жойлаштирилган. Одатда мармар курсига ҳукмдор ўтириб от пойгаси ва бошқа мусобақаларни томоша қиласи. Ушбу устунлар бир-бирига яқин, ҳар бири бир найза бўйи келадиган икки мармар тош бир-бирига устма-уст, тошлар устига тўртбурчакли тўртта мис бўлаги қўйи-

либ, ҳеч нима билан маҳкамланмаган. Юқори қисми ўткир қиррали тошларни қандай ақл ва куч ёрдамида кўтариб юқорига қўйганлигига ажабланасан киши. Ушбу тошлар шу қадар баланд эдики, дengиз томондан қараганда, шаҳар устидаги кўтарилиб тургандай кўринади. Устунлар қандай воқеа муносабати ва ким томонидан қурдирилганини унинг пойидаги ёзувлардан билиб олса бўлади. Элчилар кеч кириб, қоронғи тушганилиги боис грек-лотин тилидаги бу ёзувларни ўқишга уринмадилар. Айтишларича, устунлар ўша вақтда кўрсатилган қандайдир жасорат шарафига тикланган экан. Салобатли устунларнинг пойига жасорат кўрсатган олижаноб шахслар ва паҳлавонларнинг номи ўйиб ёзилган. Устунлар орасида мис ва бошқа шунга ўхшаш металлардан ясалган илонлар тасвири ҳам акс этган. Илонлар жуда кўп, ўралиб ётар ва уларнинг орасида оғзини катта очган ҳолда яна учта илоннинг боши кўриниб турарди. Илонлар тасвири фитна рамзини билдиради. Бир вақтлар кўплаб илонлар ва заҳарли ҳайвонлар шаҳардаги одамларни чақиб ўлдирган экан. Шу даврнинг ҳукмдори илонларни бундай тасвирланиши билан уларни алдашни назарда тутган. Шундан кейин илонлар одамларга зарар етказмайдиган бўлган.

Отчопар майдони жуда катта, юқорига кўтариладиган зинапоялар кўзга ташланиб турибди. Оддий фуқаролар ўша зинапояларга ўтириб, турли ўйинларни томоша қилган. Зинапояларнинг пастроғида эшиклари майдонга қараб қурилган хоналарда жавонмард (рицар) лар курашга чиқиши олдидан қуролланишган ва майдондан чиқишигач, қурол-яроғларини яна шу хоналарда қолдиришган.

38-боб. Шу куни элчилар Авлиё София черковини бориб кўрдилар. Авлиё София юонча “Асл донолик” – “Худонинг ўғли” деган маънони англатар, черков шу маънода қурилган. Авлиё София шаҳардаги энг катта, кўпчилик зиёрат қиладиган, кўпгина ҳақ-хуқуқларга эга черков саналади. Черковда “калугерлар”¹ деб аталган католик руҳонийлари бош бутхона черковидагига ўхшаб хизмат юмушлари билан банд. Руҳоний Патриарх ҳам шу черковда яшайди, греклар уни

¹ Калугерлар – коланжиа, эскича бино ёки черковларнинг номланишидан келиб чиқдан.

Марполит деб номлашган. Черков қаршисидаги майдонда жуда катта ва йўғон оқ мармардан ясалган тўққизта устун бўй чўзиб турибди. Уларнинг тепасида тирговичлари ҳам бор. Айтишларича, унинг тепасидаги айвонда олдинлари руҳонийлар йиғилишиб, кенгашлар ўтказишган. Майдонда баланд тошдан ясалган устун, унинг тепасида баландлиги жиҳатидан тўрт от катталигигача келадиган мисдан ясалган чавандоз ҳайкали ҳам бор. Шамол туфайли ёки бошқа бир нарса туфайли қулаб тушмаслиги учун ҳайкал ҳар тарафга занжирлар билан боғлаб, устунларга маҳкамлаб кўйилган. Отнинг бир олди ва бир орқа оёғи кўтарилган ҳолда, худди юриб кетаётгандек жонли, чавандоз эса ўнг кўлини кўтариб, чап кўли билан отнинг жиловини ушлаб турган ҳолатда тасвирланган. Ҳайкал ва тош устунлар шу қадар баланд ва улкан қилиб қурилганки, буни кўрган киши ажабланмасдан иложи йўқ. Айтишларича, устун тепасидаги чавандоз мазкур черковга асос солган, туркларга қарши курашда жасорат кўрсатган ҳукмдор Юстиниан рамзи экан.

Черковга киравериша, эшик ёнида, гумбаз тагида тўртта устундан иборат айвон, унинг остида чиройли тарзда қурилган бутхона ҳам бор. Бутхона олдида черковга кирадиган катта эшик, унинг олдида йўлакчалардан иборат ҳовли мавжуд. Эшикдан кирилгач, шифти ёғочдан ишланган йўлак бошлинали. Ундан чап томонда тоштахта ва устунлар билан зийнатланган катта ҳовли, иккинчи эшикдан усти ёпиқ йўлнинг ўнг томонида черков бошланади. Черковнинг бешта баланд ва катта эшиклари бўлиб, энг катта ва баланд ўрта эшикдан ичкарига кирилади. Айлана шаклда қурилган черковнинг баландлиги, катталиги, чиройли қилиб безатилгани таҳсинга сазовор. Черковнинг ўртаси ҳам айлана шаклда, атрофи учта катта йўлаклар билан ўралган. Черков ҳамда бир йўлак устидаги равоқ бўлиб, бу ердан эрталабки ёки тушки ибодатни, вақтнинг қанча бўлганини билиш мумкин. Бир-бирлари билан туташган равоқлар ям-яшил тошлар билан устунларга таяниб, гумбазлар черков билан бирга равоқлар устини беркитиб турибди. Черков устидаги гумбазлар йўлаклар устидаги гумбазлардан анча баланд ва думалоқ шаклда. Черковнинг узунлиги бир юз эллик, кенглиги тўқсон газ келади. Черков ҳар хил рангдаги тошлар билан ишлов берилган катта ва

йўғон тўртта тиргакка асосланган. Бир тиргакдан иккинчи-сига ўтган равоқлар бинонинг ўрта қисмини ушлаб турибди. Равоқлар ўз навбатида ям-яшил тошлар билан ишлов берилган ўн иккита устунга таянади. Уларнинг орасидаги иккитаси ўнг томонда ва иккитаси чап томонда жойлашган. Жуда катта тўртта устун, сунъий кукундан ишланган порфир деб аталган ранг билан бўялган. Черков гумбази кошинлар билан зийнатланган, унинг бош меҳроби устига Худо Ота ҳазратларининг салобатли тасвири туширилган. Гумбаз жуда баландлиги учун, пастдан қараган кишига тасвир бир одам гавдасидай ва ундан ҳам йирикроқ бўлиб кўринади.

Черков саҳнида рангдор тошдан ишлов берилган тўртта устунга ўрнатилган минбарга ўхшаш бир буюм турибди. Унинг сирти ҳар хил рангдор тош тахталар билан ишлов берилган ва уларни худди шундай рангдор тошлардан ишланган саккизта устунга таянган соябон иҳоталаб турибди. Байрам кунлари бу минбардан туриб ваъз айтилар, “Инжил” ўқилар экан. Черков деворлари, ён йўлаклари йирик, турли-туман рангдаги тоштахталар билан ишланиб, буларнинг ҳаммаси кўринишдан жуда чиройли суратлар ва нақшлар билан тўлдирилган.

Бош гумбаз тиргаги – равоқ деворининг бир қисмига ёпиштирилган жуда чиройли ва йирик тошларга ҳар хил шакллар чизилган. Деворнинг одам бўйи келадиган баландликдаги қисмига чизиқлар чизилиб, турли шакллар ишланган. Ён тарафдаги равоқлар меҳробдан ташқари, черковнинг барча асосий қисмини қоплаган. Буларнинг барчасини айланниб, томоша қилиш имкони мавжуд. Равоқларнинг кенглиги тўқсон қадамча, айланаси қарийб тўрт юз қадам келади. Юқори йўлаклар ва уларнинг гумбазлари рангдор тошлар билан жуда чиройли тарзда безатилган. Юқорига кўтарилиган сари йўлак деворлардан бирила кўплаб тоштахталар орасидаги катта оқ тахтанинг бир томонида Исо пайғамбарни кўтариб олган Биби Марям, иккинчи томонда эса Авлиё Хуан Боутиста сурати безакларсиз тасвирланган. Айтишларича, мазкур тошни черковга кўйиш учун бўлакларга ажратиб тайёрлаётганларида сиртида ана шу ажойиб тасвирни кўриб қоладилар ва бу сеҳрли тошни шаҳар бош черковига олиб келиб ўрнатадилар. Мабодо тасвир булатлар қуршовида бўлса, ос-

мон тиниқлашиб кўрингандай бўлади. Тасвирнинг пойгагида ибодат қиласиган кичик черков ва меҳроб бор. Худди шу черковда элчиларга бош руҳонийнинг бузилмаган сүяклари сақланган табаррук жасадини ва Авлиё Лаврентийнинг кўйдирилган панжаларини ҳам кўрсатишиди.

Черковда кўплаб ертўлалар, ҳовузлар, харобага айланган уйлар мавжуд, черковнинг айланаси ўн милга яқин, унда сув тўлдирилган жуда катта тунука ҳовуз, ҳовузга юзта кўп эшкакли кема жой бўлар экан. Элчилар шу қадар кўп нарсаларни кўрдиларки, буларнинг барини сўз билан таърифлашнинг имкони йўқ. Бу жойларни қанча томоша қилсангда, барини кўришга улгура олмайсан. Ҳар куни айланганда ҳам, ҳамиша янги нарсаларни кўрасан. Черков бир қанча ҳукуқ ва имтиёзларга эга, томи қўрғошин билан ёпилган. Агарда бирор киши жиноят содир этиб, ўғрилик ёки қотиллик қилса, грек ёки бошқа миллат вакили черковга яширинган бўлса, уни ҳеч ким черковдан чиқара олмайди.

39-боб. Шу куни элчилар Авлиё Георгий черковида ҳам бўлдилар. Черковга биринчи дарвозадан киришингиз билан катта майдонга чиқилади. Майдонда кўплаб уйлар бор, боғлар орасида черков биноси қад ростлаб турибди. Черков эшиги олдида болани чўқинтирадиган жой, салгина юқорироқда саккизта оқ устунли даҳлиз мавжуд. Устунларда ҳар хил шакллар чизилган черков жуда баланд, кошинлар билан зийнатланган. Кошинларда Исо пайғамбарнинг кўкка кўтарилиш тасвири акс эттирилган. Черков саҳни жуда чиройли, ерларига ҳар хил нақшинкор тоштахталар ётқизилган, деворлари ҳам ажойиб, гумбазининг ўртасида Худо Ота суратини, деворларида руҳларга фаришталар булутлар орасидан хочни кўрсатиб турган расмни кўриш мумкин. Мазкур черковга яшил тошлар билан ишлов берилган ва бу ерда ҳукмдор хонимнинг қабри бор.

Кеч кириб қолганлиги учун элчилар эртаси куни учрашишни келишиб, ўзлари билан ҳамроҳ бўлиб юрган Мисер Иларио ва бошқалар билан хайрлашиб, Перага қайтишиди. Улар эртаси, чоршанба куни Константинополнинг Кинги дарвозаси олдида учрашадиган бўлишиди.

40-боб. Эртасига, чоршанба куни элчилар келишилган вақтда Константинополга келолмадилар. Ўша куни Венециянинг кўп эшкакли кемалари Александрия¹ подшолиги билан бўлган урушдан қайтиб келаётган, генуялик Мозен Бучикатеке бошчилигидаги кемаларга ҳужум қилгани, Монден яқинида уларни тор-мор этиб, кўп кишилар орасида Бучикатенинг жияни Ашастил Морате ҳам асир олинганлиги ҳақидаги хабар бутун Пера бўйлаб тарқалди. Шаҳарда ҳамма саросимада, Перада яшовчи венецияликларни тутишиб, кемаларини олиб қўйишиди. Шаҳар ҳокимиюти элчиларнинг Тарабзунга борадиган кемасини олиб қўйиб, Перадаги воқеа ҳақида хабар жўнатдилар. Элчилар вақтлари озлигини, бошқа кема топиш қийинлигини ўйлаб, шаҳар ҳокимининг бу ишидан норози бўлдилар ва Константинополга бугун эмас, эртага боришларини Мисер Илариога маълум қилдилар. Шу куни овдан қайтган ҳукмдор, ўзи отган ёввойи тўнғиз гўштининг ярмини элчиларга юборди.

41-боб. Эртаси, биринчи ноябрь, пайшанба куни элчилар Константинополга келишиб, Киного дарвозаси олдида Мисер Иларио ва ҳукмдорнинг бошқа яқинлари билан учрашиб, отларда Биби Марям де ла Черне черкови томон йўл олишиди. Черков шаҳар марказида, илгарилари ҳукмдорлар кўп қадам ранжида қиласиган, ҳозирда эса вайронага айланган бир қаср ёнида жойлашганди. Ўз ўғли томонидан асир олинган бир ҳукмдор бу қасрни бузиб ташлаган. Биби Марям черкови илгари ҳукмдорнинг сарой черкови бўлиб, уч кемадан иборат. Ўртасидаги энг катта ва бош кемадан ташқари қолган иккитаси ундан пастроқда. Черков кемалари ямояшил тошлар билан безатилган устунларга ўрнатилган. Устунларнинг пойдевори ҳам ҳар хил безакларга бой оқ мармардан ишланган. Кемаларнинг деворлари ва устки қисми рангли, гўзал безакли тоштахталар билан қопланган. Кеманинг бош қисми ёғоч тўсиқлар билан тўртбурчак шаклда ишланган. Тўсиқларга тилла суви юритилган. Черковнинг кўпгина жойлари бузилган бўлса-да, тепа қисмининг безаклари худди ҳозир ишлангандай кўринади. Бош кемада чи-

¹ Искандария – Мисрнинг қўйи қисмидаги бандаргоҳ шаҳар.

ройли тарзда қурилган меҳроб ва минбар бор. Черков томи қўроғошин билан ёпилган.

42-боб. Ўша куни Авлиё Хуан ибодатхонасидаги муқаддас нарсаларни кўриш учун боргандা, калит йўқлиги учун аввал нарсалар элчиларга кўрсатилмади. Кейин роҳиблар қора кийимларини кийиб, қўлларида шамлар кўтариб, диний ашула айтиб, бир бинога кириб бордилар. Ҳукмдорнинг амалдорларидан бир киши ҳам элчилар орасида эди. Роҳиблар муқаддас нарсалар сақланаётган қизғиш сандиқни олиб келиб, черковнинг ўртасидаги мато қопланган катта стол устига қўйишиди. Сандиқда иккита қулф, қулфлар устидан оқ мумдан муҳр босилган. Сандиқни очишиб, ундан муқаддас нарсалар қўйиладиган иккита кумуш идишни, сўнгра оқ матодан ишланган, оқ мум билан муҳрланган қопни чиқардилар. Қопнинг муҳрини бузишиб, ундан кичикроқ, думалоқ, олтиндан ясалган қутичани олдилар. Қутича ичида бир бўлак нон бор экан. Бу нон – Исо пайғамбарнинг пайшанба, “Арафа ибодати”да ўз шогирдларидан бири Иудага “сотқинлиги” учун берган, лекин Иуда ея олмаган нон бўллаги эди. Уч бармоқ катталигидаги нон бўллаги қизил матога ўралиб, қизил мум билан икки бор муҳрланган. Кейин қопдан яна бир кичикроқ қутини олишиди. Қутича ичида олиб бўлмайдиган қилиб маҳкамланган бошқа бир қутичанинг ичида Лонгин¹ наиза санчган пайтда Исо пайғамбарнинг биқинидан оқсан қон туради. Қопдан қопқоғи илма-тешик яна бир қутичани чиқаришиди. Унда Байрут шаҳрида чормихга тортилган Исо пайғамбарни бир яхудий масхаралаб урганда, оқсан қони бор эди. Кейин қопнинг ичидан оғзи маҳкамлаб ёпилган яна бир билур қутичани чиқариб очишганда, унинг ичидан бир парча қизил мато чиқди. Исо пайғамбарни чормихга тортганларида, яхудийлар томонидан узиб олинган соқол толалари, шу қизил матога ўралган эди. Кейинроқ қопдан яна бир қутича чиқарилганда, унинг ичида Исо пайғамбарнинг хочдан олиб ётқизилган тошнинг бир бўллаги сақланар экан. Сандиқдан тахминан узунлиги икки ярим хурмо келадиган, тўртбурчак шаклдаги, олтин суви юргизилган кумуш қути-

¹ Лонгин – Насронийларга қарши курашган Рим аскари.

чани чиқардилар. Кутичанинг олти жойига муҳр босилган. Кутича қулфланган, кумуш қалити осилиб турарди. Кутичани очиб, тилла қопланган тахтани чиқардилар. Лонгин Исо пайғамбарни яралаган найзанинг бир парчаси шу тахтага ёпиширилган, темир парчаси найзадек ўткир. Бу темир парчанинг учиде Исо пайғамбарнинг худди ҳозиргина яраландай янги қони бор. Яна бу ерда Исо пайғамбарнинг Пилат ҳузурида жавоб бергандা, унинг бошига урилган ҳассанинг бир парчаси ҳам турарди. Узунлиги бир ярим хурмо келадиган ҳасса парчасининг ранги қизғиш, ҳасса ва найза бўлагининг пастроғида бир пўкак ҳам бор, чормихга тортилган Исо пайғамбарга шу пўкак билан сирка ва сафро ичирганлар. Тахта сақланаётган кумуш қутида Исо пайғамбарнинг кийимлари ҳам мавжуд. Зиёратчилар кийимдан парча узуб олаверганларидан, кийимлар тахланиб, михлаб қўйилган бир енги муҳрланмаган ҳолда алоҳида қўйилган. Кийимлар қизил мато устига тахланган. Кўйлакнинг енги тугма ўтказишга мўлжалланиб, тор қилиб тикилган ва тирсаккача кесилган. Енгида чилвирдан ясалган учта тугмаси бор. Кийим, тумалар бор бўйи билан қизғиш пушти рангда. Йигирилган ипдан қалин қилиб тикилганлиги ҳам кўриниб турибди. Элчилар билан муқаддас нарсаларни кўришга келган шаҳарнинг таниқли кишилари ҳам кўз ёш тўкиб ибодат қилдилар.

43-боб. Элчилар шу куни Олампаноҳ деб аталтан аёллар ибодатхонасига боргандарида, уларга узунлиги тўққиз хурмо дараҳтидай келадиган, ҳар хил рангдаги мармар тошни кўрсатдилар. Айтишларича, Исо пайғамбар хоҷдан ечиб олингандা, шу тошнинг устига ётқизишган. Пайғамбар ётқизилаётганида Марям ва Авлиё Хуаннинг йиғлагандага тошга тушган кўз ёшлари худди ҳозир томгандай бўлиб кўринарди.

44-боб. Константинополь шаҳрида Авлиё Мария деб аталган жуда катта зиёратгоҳга айланган черков бор. Бу черковда католик руҳонийлари ўзларининг қонун-қоидаларига бўйсуниб яшашади. Улар умуман гўшт емайлилар, шароб ичмайдилар, на сариёф, на балиқ, хуллас, қон чиқадиган нарсалардан истеъмол қилишмайди. Черковнинг ичи рангли кошин-

лар билан безатилган, бу ерда Биби Марямнинг табаррук Авлиё Лука томонидан чизилган расми турибди. Бу расм ҳар куни кўплаб каромат кўрсатади ва греклар буни қадрлаб байрам қилишади. Расмнинг кенглиги тахминан олти хурмо дараҳтидай келадиган, тўртбурчак шаклдаги тахтага чизилган. Кумуш билан қопланган тахта иккита пояга ўрнатилиб, зумрад, ёқут, феруза, марваридлар темир санам қутиси воситасида тахтага ўйиб ўрнатилган. Бу ерда ҳар душанба Авлиё Биби Марям шарафига катта сайил уюштирилади. Бошқа черковдан келган руҳонийлар, роҳиблар ва бошқалар йиғилишади ва бир вақтда Биби Марям тимсоли черковдан майдонга олиб чиқилади. Тимсол шу қадар оғир бўлганидан, уни чарм қайишлар билан ҳар тарафдан боғлаб, кутариб чиқишади, сўнgra йиғилганлар ибодат қилишади. Ўша пайтда бир киши олдинга чиқиб, Биби Марям тимсоли олдига келиб ибодатни бошлайди.

45-боб. Авлиё Биби Марям черковига бир вақтлар Константинополдан қувғин қилинган ҳукмдорнинг отаси ҳам дағн этилган. Ҳукмдорнинг қувғин қилиниши ва қасрнинг бузилишига сабаб қуйидагича эди: Ҳозирда Константинополда ҳукмдорлик қилаётган Кирманоли, яъни Мануэлнинг ўзидан олдин ҳукмдорлик қилган акасининг ўғли шундай қайсар эдики, ўз отасига қарши фитна уюштириди. Отасини Темурбек мағлуб этган турк султони Муроднинг ўғли ҳам шундай бебош эди. Турк султони ва ҳукмдорнинг ўғли бирлашиб, ўз оталарига қарши бош кўтаришади. Турк султони Мурод ва Константинополь ҳукмдори билан бирлашиб ўғилларига қарши қўшин тортиб, туркларга қарашли бўлган Голлиполи шаҳрида учрашадилар. Қасрни қамал қилиб, ўз ўғилларини қўлга олган икки ҳукмдор авлодларга ўrnак бўлиши учун, уларнинг кўзларини ўйиб олиб, қасрни бузиб ташлашга фармон беришади. Қасрни бузиб ташлаганларидан сўнг, Турк султони ўз ўғлининг кўзини ўйиб олишни буюради. Константинополь ҳукмдори эса ўғлига раҳми келиб, уни зинданга ташлатади ва қизиган кўзачалар орқали кўзининг нурини сўндиради. Ҳукмдор бир қанча вақтдан сўнг, келинини ҳам зинданга тушириб, ўғли билан яшашга рухсат беради. Хотин эрининг кўзига ҳар хил малҳамларни суртавер-

гач, у бир оз кўрадиган бўлади. Зинданда яшаётган хотини бир куни ковакдан чиқиб келаётган катта сув илонини кўради ва буни эрига айтади. Эри ўзини сув илон чиқсан ковак олдига олиб боришини сўрайди ва пойлаб туриб илонни тутиб олиб ўлдиради. Катта сувилонни ҳукмдорга кўрсатишганларида, унинг раҳми келиб, ўғли ва келинини зиндандан озод этади. Бир неча кун ўтгандан сўнг ўғил ғаразли ниятини амалга ошириб, отасини бир неча вақт асирикда сақлайди. Ҳукмдорнинг амалдорлари уни бир амаллаб кутқариб олишади. Ҳукмдор озод бўлиши билан ўғли қочади. Ҳукмдор ўғлининг қилган ишларидан ранжиб, қасрни тезлик билан буздиради ва меросдан маҳрум қиласди.

Ҳукмдор ўлими олдидан салтанатни ҳозир ҳукмронлик қилаётган Кирманолига қолдиради. Шунда невараси Дмитрий подшоликка дъяворгарлик қилиб Кирманолига қарши исён кўтаради. Кейинроқ улар ўзаро келишиб, икковини ҳам ҳукмдор деб аташ, ҳозирги ҳукмдор қазо қилгач, Дмитрий тахтга кўтарилиши, ундан кейин ҳозирги ҳукмдорнинг ўғли подшоҳ бўлиши. Дмитрийнинг ўғли ҳам ҳукмдор бўлиши ҳақида келишиб олишади. Бироқ, уларнинг иккаласи ҳам бу шартга риоя қилмасалар керак.

46-боб. Бу шаҳарда Мұхаммад (а.с) қудуғи деб аталган, жуда чиройли қудуқ оқ мармар равоқлардан иборат бўлиб, улар қудуқ атрофидаги устунларга ўрнатилган. Қудуқнинг устидаги ўн олтита гумбаз юқори қисми тўрт юз тўқсонта жуда йўғон мармар устунларга таянган. Қудуқда, атрофда яшайдиган аҳолини таъминлайдиган даражада сув йигилар эди.

47-боб. Константинополь шаҳри баланд ва мустаҳкам деворлар билан ўралган. Шаҳар девори учбурчак, ҳар бир бурчак ораси олти милга тўғри келади. Шаҳар айланаси ўн саккиз мил, яъни олти лига. Шаҳарнинг икки томони дengиз ва бир томони қуруқликдан иборат. Қуруқликдаги бурчак тепасида ҳукмдорнинг қасри жойлашган. Шаҳар айланаси кенглиги учун аҳоли зич жойлашмаган. Шаҳар ичкарисида қўплағ тепаликлар ва текисликлар, экинзорлар ва боғлар мавжуд. Бое ичкарисидаги уйларнинг ҳаммаси оддий. Аҳолининг катта

қисми шаҳар четидаги денгиз бўйига жойлашган. Шаҳарнинг Пера шаҳри рўпарасидаги дарвозалар олдида юк ташувчи кемалар бўлиб, бу ер жуда серқатнов жой ҳисобланарди. Иккала шаҳар аҳолиси бир-бири билан савдо-сотик ишларини олиб борарди. Константинополь шаҳрида катта бинолар, уйлар ва черковларнинг аксарияти ҳаробага айланган. Шаҳар янги қурилган пайтда, дунёдаги ажойиб шаҳарлардан бири эканлиги сезилиб турарди. Айтишларича, ҳозир ҳам шаҳарда уч мингга яқин черков, ичимлик сув манбалари ва қудуклар мавжуд. Шаҳарнинг бир четида Авлиё Апостол черкови, унинг қуви қисмиде уйлар ва боғлар ҳамда бир водийни иккинчиси билан боғлаб турган кўприк кўриниб турибди. Аҳоли сув келтириб, Пера шаҳри қаршисидаги дарвозага қадар чўзилган боғ ва кўчаларни сув билан таъминлаганлар.

Кўчаларнинг пул алмаштирадиган ўрта қисмida қунда кўйилган. Шаҳар қонун-қоидасини бузган, гўшт ёки ғаллани қимматига сотган кишилар қундага боғланиб, кечаю қундуз қор-ёмғирда сақланган. Ҳеч ким уларга яқин кела олмаган. Шаҳар ташқарисида, Пера қаршисидаги дengизлар оралиғидаги уйлар атрофида, сотувга келтирилган моллар сақланадиган кўплаб омборлар бўлиб, бу ерда ҳар хил моллар савдоси ўтказилган. Константинополь шаҳрининг икки томони дengиз, қаршисида Пера шаҳри, икки шаҳар оралиғида бандаргоҳ бор. Бу шаҳарларнинг қарама-қарши жойлашуви худди Севилия билан Триона шаҳарларига ўхшайди. Греклар Константинополь шаҳрини Эстанболи деб ҳам атайдилар.

48-боб. Пера деворлари ва бинолари баланд қилиб қурилган, кўп аҳоли яшайдиган генуяликларга қарашли кичик шаҳардир. Шаҳарда асосан генуялик ва греклар истиқомат қилишади. Пера дengизга жуда яқин, деворларининг ҳар хил жойидаги минораларидан чор атроф bemalol кўринади. Турк султони Константинополь ва Пера шаҳарларини қамал қилганида, шу ердаги тепаликни ўзига қароргоҳ қилиб олган ва шу ердан туриб тўп отиб, жанг қилган. Турк султонининг ўзи икки бор бу ерга келиб, Константинополни дengиз ва қуруқлик тарафидан қамал қилган, дейдилар. Биринчи са-

фар келганида, шаҳар яқинида олти ой туриб, қуруқликдаги тұрт юз минг аскари ва дengизда олти юз кемаси бўлишига Қарамай, ҳатто шаҳар яқинидаги қишлоқларни ҳам ололмаган. Туркларнинг шаҳарга кира олмаганликлари уларни дуруст жанг қила олмаслигини кўрсатади.

Пера ва Константинополь орасидаги денгиз масофаси шунчалик яқинки, бир мил, яъни лиганинг учдан бирига тўғри келади. Оралиғ масофа икки шаҳар учун ҳам кемалар тўхташ жойи бўлиб хизмат қиласди. Бу жой кемаларни бўрон ва ҳар хил шамоллардан тўсиб турувчи, душман кемалари хавфидан сақловчи, хавф-хатарсиз, гўзал бир бандаргоҳ ҳисобланарди. Бандаргоҳ жуда чуқур ва суви тиник. Бу жойга савдо кемалари бамалол яқинлашиб, кўп эшқакли кемалар сингари деворга кўпприкча қўйиб, қуруқликка чиқиши мумкин эди. Туркия ерлари билан бу ернинг ораси уч милни ташкил этгани учун турклар шаҳарларга савдо-сотиқ ишлари билан ҳар куни келиб кетишар, ораси яқинлигидан Константинополдан туркларнинг Эскутари деган манзили кўриниб турарди. Икки шаҳар орасида қайиқларни Туркияга кетаётганини кузатса бўларди. Икки шаҳар оралиғидаги денгиз ярим лига юқорига узайиб, кейин қайрилади. Генуяликларнинг Пера шаҳрига эгалик қилишларининг сабаби шунда эдики, генуяликлар бир ҳукмдордан шаҳар курилган ерни бир ҳўқиз терисига сифадиган пул бериб сотиб олишган. Шундан кейин бу ерга шаҳар, иккита девор оралиғига шаҳар билан қўшилиб кетган қишлоқлар бунёд этилган. Буни генуяликлар ўз хоҳишлари билан эмас, балки мажбурий равиша қурганлар. Шаҳарни ҳар ҳолда ҳукмдор бошқарарди.

Шаҳарликлар ҳукмдор пулинин зарб этишлари, ҳукмдор эса баъзи адлия ҳуқуқларига эга бўлиши лозим эди. Генуяликлар шаҳарни Пера, греклар Галата деб номлашган. Шаҳар курилмасдан аввал, бу ерда катта бир яйлов бўлиб, ҳар куни сигирлардан сут соғиб олинган ва сотиш учун шаҳарга жўнатилган. Греклар сутни “тала” дейишган. Галата – “сүт саройи” деган маънони англатади. Шаҳар тахминан тўқсон олти йил аввал бунёд этилган.

49-боб. Пера шаҳрида жуда гўзал уйлар ва бинолар билан бирга иккита ибодатхона ҳам бор. Элчилар ушбу Авлиё Па-

вел ва Авлиё Франциско ибодатхоналарини бориб кўрдилар. Авлиё Франциско ибодатхонаси жуда яхши сақланган бўлиб, у ерда кўплаб муқаддас нарсаларни — чиройли биллур кутини кўрсатишиди. Кумуш оёқчали бу қутида Авлиё Андрей ва шавкатли Авлиё Николайнинг суюклари ҳамда Авлиё Францисконинг кийимларининг бир қисми сақланаркан. Бундан ташқари, кумуш билан ишлов берилган биллур қутида Авлиё Екатеринанинг биқин суюклари кўриш мумкин эди. Элчилар кумуш ва марваридлар билан сайқалланган яна бир биллур кутини кўрдиларки, бу қутида франциялик Авлиё Луис ва генуялик Авлиё Фиденинг суюклари сақланар экан. Элчиларга Авлиё Иносентенинг суюклари солинган биллур қутини ҳамда Авлиё Пантилейнинг, Авлиё Мария Магдалена ва Авлиё Лука Евангелистнинг қўл суюкларини, учта бош суюкни ҳамда Авлиё Игнатнинг Муқаддас Биби Марямга багишланган суюгини, Авлиё Стефоннинг кумуш, тош ва марваридлар билан безатилган бармоқсиз ўнг қўлини, Авлиё Анконинг бежирим безатилган бир бармоғи йўқ ўнг қўлини кўрсатишиди. Айтишларича, Константинополь ҳукмдори бу бармоқни олиб, ўзининг муқаддас нарсалари орасига қўшган экан.

Муқаддас ёғочдан ясалган кичик хоч бошқа бир кумушдан ясалган каттароқ, хоч ўргасига ўйиб ўрнатилган. Жудаям ҳашамдор биллур қути ичиди Авлиё Василийнинг суюгини, зарҳал кумуш хочни ҳам элчиларга кўрсатишиди. Марварид ва кўплаб тошлар билан сайқалланган бу хочга, ҳар хил авлиёларнинг қоқ суюклари ўйиб ишланган. Жуда чиройли безакланган биллур қутичада Авлиё Ловрентийнинг суюклари, икки бармоғи билан кўтариб турган кумуш қўлни, кумуш билан қопланган қопда марҳаматли Авлиё Хуаннинг, Авлиё Дианисионнинг ва бошқа кўпгина авлиёларнинг қоқ суюклари сақланганининг гувоҳи бўлишиди.

Лотинлар Константинополни забт этганда, авлиёларнинг суюклари мазкур ибодатхона ихтиёрига ўтган. Грек бош руҳонийси муқаддас нарсаларни қайтаришни сўраганидан сўнг, ўртада жанжаллар бўлган. Кейин элчилар ранг-баранг черков кийимларини, товоқ ва хочларни томоша қилишиди.

Турклар Венгрия қироли билан юриш қилган французларни мағлубиятга учратганда, асир олинган улуғ француз маршали, асир тушганларидан сўнг, заҳарлаб ўлдирилган

жаноб де Трухи ва бошқа жавонмардлар ҳам Авлиё Павел ибодатхонасига дағы этилган.

50-боб. Элчилар Пера шаҳрига келган чоршанба кунидан то ўн учинчи ноябрь, сесанбага қадар Тарабзунга жўнаш учун биронта кема тополмадилар. Қиши яқинлашиб, денгизда юриш жуда хавфли бўла борди. Шу сабабли тезроқ жўнаш учун генуялик Мисер Никола Сонатонинг кўп эшкакли кемасини ижарага олиб, сафарга ҳозирлик кўришди ва матрослар ёллашди, ҳамма зарур нарсаларини кемага ортиб, сесанба куни кема елканларини кўтариб сафарни давом эттиришни буюрдилар. Лекин матрослар етарли бўлмаганлиги ва бир қанча зарур нарсаларнинг тайёр эмаслиги ўша куни жўнашларига изн бермади.

51-боб. Эртаси, ўн тўртинчи ноябрь, чоршанба ибодат пайтида елканлар кўтарилиб, кема ўрнидан қўзғалди ҳамда катта дengизга чиқадиган тор йўлакдан сузуб ўтиб, соат учга яқин Греция еридаги Трапеа минораси ёнига етиб келди. Кема ичимлик суви ғамлаб олиш учун шу ердаги бандаргоҳга кирди. Элчилар овқатланиб олишгач, тушдан кейин йўлга тушдилар. Бир оз юришгач, Греция гироли ва Туркия гироли деб номланган иккита қаср ёнидан ўтдилар. Грек қасри хароба бўлса-да, Турк қасрида одамлар яшарди. Икки қаср оралиғида, дengиз ичидаги минора қад кўтарган. Турк қасри яқинидаги қоя устида ҳам минора бор, қасрдан минора томонга девор ўтган. Илгари иккита минора оралиғида занжир тортилган экан. Бу ерлар аввал грекларга тегишли бўлиб, қаср ва миноралар дengиз йўлини кўриқлаш учун қурилган. Катта дengиздан юриб, Пера ёки Константинополга кетаётган кема йўлларини шу занжирлар орқали тўсишиб, бож тўламагунларича қўйиб юборишмаган.

Кема кечга яқин катта дengиз бошланадиган жойга етиб келди. Қоронғу туша бошлагани учун эрталабгача шу ерда тўхташди. Бўғоз жуда тор, бир тарафда Грек ерлари, бир тарафда Турк ерлари, ҳар иккала тарафда ҳам, дengиз соҳилида ҳам кўплаб черков ва харобага айланган бинолар кўзга ташланарди. Кема ярим тунда бўғоздан катта дengизга чиқди. Йўл давомида елканлари кўтарилиб, очиқ ҳавода сузуб ке-

таётган пайт, бирдан кучли шамол эсди ва елкан боғланадиган ёғоч синди. Үлар эшкаклар ёрдамида қирғоққа сузиб чиқиб, ёғочни тузатишди. Кема йўлга тушиб, тушдан сўнг, Турк еридаги қоя устида қурилган Сенилио қасри ёнидан ўтилар. Қасрга кириш учун кичик йўл қолдирилган, қоянинг атрофи денгиз билан ўралган экан. Биби Марям шаънига айтиладиган мусиқали ибодат бошланганда, элчилар тушган кема Финохия¹ оролига етиб келди.

Пера шаҳар жамоа ташкилоти Венециянинг Тан денгизидан қайтаётган савдо кемаларига пойлоқчилик қилиш учун, Венеция билан Генуя ўртасидаги урушдан бехабар бўлган ушбу кемани етиб келиши биланоқ, асир олишларини тайнинлаб, қуролланган икки кемани катта денгизга юборди. Генуянинг мазкур кемаларидан бири Финохия ороли бандаргоҳида кечаси билан турди.

52-боб. Элчилар кемаси жума куни Финохия бандаргоҳидан жўнамоқчи бўлди, аммо денгиздаги кучли шамол туфайли кема ҳамда пойлоқчи кема шу ерда туриб қолди. Финохия оролида ҳеч ким яшамаса-да, бу ерда жуда катта қаср мавжуд эди. Орол билан Турк ерлари орасидаги масофа икки милни ташкил этарди. Элчиларга Финохия бандаргоҳи нотинчлиги сабабли, бу ердан олти мил масофа узоқлигидаги Карпи² бандаргоҳига боришлирага тўғри келди. Венеция кемаларига пойлоқчилик қилаётган иккинчи ҳарбий кема Карпидга турарди. Кема дарғаси Карпига боришдан кўра, сафарни давом эттиришни афзал деб билди ва кемани қўзғатиб, бандаргоҳ ичкариогига киришни буюорди. Ярим тунда денгизда шамол кучайиб, тўлқин бошланди. Дарға денгизда кеманинг ўзи тургандан кўра, пойлоқчи кема олдига бориб тургани хавфсизроқ деб тушунтириди ва ўша томонга қараб сузишга унлади. Аммо шамол кучайиб, кема ҳарбий кема олдига бора олмади. Орқага қайтишнинг эса иложи йўқ эди. Кема олдинга ҳам, орқага ҳам суза олмагач, сувга лангар ташланди. Шу пайт тўфон кучайиб, лангар қаттиқ тортилди

¹ Финохия – Қора дengiz яқинидаги орол.

² Карпи – Гарза деб номланади. Қора дengиз бўйида, Туркиянинг Синоп ва Самсон шáҳарлари орасида жойлашган бандаргоҳ.

ва түлқин кемани қоя томон олиб кетди. Аллоҳнинг марҳамати билан лангар сув остида бир нарсага илиниб қолиб, кема қояга урилмади. Агарда кема қояга бориб урилганида, титилиб кетарди. Кеманинг иккинчи лангарини ҳам сувдан чиқариб олишди.

Тўфон шу қадар кучайдики, элчилар ва кемадаги бошқа одамлар яшашдан умидларини узиб, худога илтижо қилишарди. Тўлқин борган сари кучайиб, кўтарилган тўлқин кеманинг устига зарб билан урилар, сувларни олиб чиқиб ташларди. Кема у ёқдан-бу ёққа чайқаларкан, охири тешилиб, ичкарисига сув кира бошлади. Буларнинг ҳаммаси жуда тез содир бўлаётган эдикси, худодан ўзгага ишонч қолмади. Ҳаммаёқ қоронғи бўлғанлиги учун қайси томонга сузишни билишмасди. Орол ёнида турган пойлоқчи ҳарбий кеманинг тиркалган бир қисми тўфон туфайли ажралиб кетиб, элчилар кемаси томон оқиб келди, лекин худонинг марҳамати ила бу ёғоч ҳам кемага урилмади. Барibir элчиларнинг кемаси тешилган, тинимсиз сув кирап, ҳар қанча сув олиб ташлашмасин, вазият ҳалокатли эди.

Тўфон билан олишув тонггача давом этди. Эрталаб шамол йўналиши ўзгариб, кема Туркия ерларига қараб сузди. Кемадагиларнинг кўпчилиги ҳолдан тойиб, елкан боғланган ёғочларни буришга ҳам ҳоллари йўқ эди. Бир амаллаб елканлар кўтарилиб, кема шанба куни Туркия ерларига сувизиб келди. Ҳарбий кемадан омон қолганлар, элчиларнинг кемаси ҳам ҳалокатга учраб денгизга фарқ бўлди, деб ўйлашган экан, кема елканлари кўтарилганини кўриб ҳайрон қолдилар. Туркия ерларига етиб келгач, кемадагиларнинг барчаси ўзларини сувга отиб, дengиздан халос бўлғанларидан хурсанд, қуруқликка чиқиб олишди. Элчилар қирол йўллаган барча совғаларни дengиздан қуруқликка олиб чиқдилар. Кема соҳилда, тўлқинда чайқалиб турарди. Тўлқин зарб билан ке-

мага урилганда, у сурилиб қирғоққа яқинлашар, одамлар эса нарсаларини қуруқликка отишарди. Қирол йўллаган нарсалар шу тарзда қутқариб қолинди ва бир жойга тўпланди. Буни кўрган кема дарғаси, турклар келиб, бу нарсаларни ўз шоҳларига олиб кетиши мумкин, деб айтди. Шу пайт турклар келиб, уларнинг кимлигини суриштира бошлишди. Уларга тўфондан омон қолганлар, кечадан келаётган генуяликларнинг нарсаларини Карпида кутиб турган кемага олиб боришилари керак эканлиги, мабодо олиб бориш учун улов топиб берсалар, кира ҳақларини тўлашларини тушунтиридилар. Турклар уловни бугун топиб беролмаслигини, қишлоққа бориб отларни олиб келгунча бир кун вақт ўтишини айтишибди. Турклар эртаси куни отларда келишиб элчиларнинг барча нарсаларини Карпида пойлаб турган кеманинг олдига элтиб беришди.

Элчилар бандаргоҳда турган кема дарғаси Мисер Амброзио билан учрашиб, тўфондан қандай қилиб қутулиб қолганларини айтиб бердилар. Мисер Амброзио элчиларни яхши кутиб олиб, уларни ўз кемасида бемалол жойлашишларини, нарсаларини бус-бутун белгиланган манзилга етказиб беришини ҳамда йўл давомида Туркия божхона хизматчилирига булар тўфонда яксон бўлган кеманинг одамлари деб тушунтиришини айтди. Йўлда улар билан кетаётган Темурбек элчисига ҳам насроний кийимини кийдириб, бу киши ҳам Пера шаҳридан деб айтдилар. Мабодо турклар сезиб қолса, уни ўлдирап, элчилар ҳаёти ҳам хавф остида қолар эди. Нарсаларини кемага юклаб, ўzlари ҳам жойлашганларидан сўнг, элчилар худонинг марҳамати ила омон қолганликларини сезишибди. Кема дарғаси ва матросларнинг айтишларига қараганда, улар йигирма йиллик хизмати давомида бундай тўфонга дуч келмаган экан. Аллоҳнинг яна бир каромати шундаки, элчиларни ва қирол юборган нарсаларни омон сақлаб қолди. Элчилар ушбу бандаргоҳда об-ҳавони яхши бўлишини кутишиб, келгуси сешанбагача қолдилар. Шу куни қишлоқ оқсоқолларидан бўлган бир турк одам келиб, Туркларидан ўтаётганликларини, мато ва бошқа нарсаларини олиб бораётганликлари учун бож тўлашларини айтди. Турклар элчиларнинг генуялик ҳам, Пера шаҳридан ҳам эмасликларини билишгач, шундай қилишаёттан эди. Мабодо тур-

клар қуруқлиқда учратғанларыда, уларни қўйиб юбормаган бўлардилар. Шу сабабли улар тезроқ Перага қайтиш учун елканларни кўтариб, у ердан жўнаб кетишиди.

53-боб. Элчилар йигирма иккинчи ноябрь, пайшанба куни эрталаб Пера шаҳрига келиб, нарсаларини шаҳарга олиб боришни буюрдилар. Уларни шундай кучли тўфондан омон қолиб, Перага қайтганликларини кўрган танишлари, бу бир мўъжиза деб айтишиди. Элчилар зудлик билан яна йўлга тушмоқчи эдилар, бироқ қиши киргани, Тарабзунга бориш тўхтагани, олдинроқ жўнаган кемалар ҳам март ойигача Перада қишилагани қайтиб келаётгани боис денгизга чиқадиган кема тополмадилар.

Катта денгизнинг бу қадар сергўлқин ва хатарли бўлишинг сабаби, денгиз думалоқ, айланаси уч минг мил келар, Пера ёнидаги бўғоздан денгизга кириб-чиқадиган йўл йўқ, у ҳамма томондан улкан ва юксак тоғлар билан қуршалган, кема кириши учун қулай соҳил мавжуд эмас, кўплаб дарёлар денгизга келиб қўшилганлиги туфайли денгиз ҳамиша ваҳима билан тўлқинланиб турар, бўғозга оқиб кирган сув яна оқиб чиқар, қаттиқ шамол турганда тўлқин бўлиб, тўфон бошланарди. Бундай ҳолат шимоли-ғарбдан эсувчи Маэстро деб аталган кучли шамол турганда юз беради. Бу шамолнинг хавфлилиги шундаки, бўғозга яқинлашиб келаётган кемалар манзилни аниқ кўролмай, саёзликка ўтириб қолади. Бунака ҳодисалар тез-тез содир бўлиб туради. Бўғозга кириш йўлини кўрганда ҳам шамол ён тарафдан эсиб, кемани қирғоқча олиб бориб уради. Кафадан келаётган кема ана шундай вазиятга тушиб қолган эди. Бу вақт оралиғида Тан денгизидан қайтаётган Венециянинг олтига кемаси бошқа кемаларни олиб кетиш учун Константинополь шаҳрига етиб келганди. Шаҳар ҳокими, кема эгаларига бандаргоҳ унга тегишли эканлигини, генуяликлар билан венецияликлар ўртасида тинчлик бўлиб тургандагина кемаларни бандаргоҳга киришига рухсат беришини айтди ва венецияликлар генуяликлар билан вақтинча битим тузиб, кемаларини бандаргоҳга киритишиди.

Элчилар қишини Перада ўтказишлари лозим эди. Улар ўн тўққиз ўринли кичикроқ кемадан бошқа кема топа олмай,

йўл харажати анча қиммат бўлса-да, ўша кемани сафарга тайёрлашни буюрдилар. Кема бошлиқлари Мисер Николо Пизано ва Мисер Лорензо Венециано март ойидага йўлга чиқиши мўлжаллаб, элчилар кемасини сафарга тайёрлади.

54-боб. Бир минг тўрт юз тўртинчи йил, йигирма саккизинчи март, пайшанба куни кема сафарга тайёр бўлиб, элчилар кечки ибодат бошланган маҳалида йўлга чиқдилар. Темурбекнинг Кастилия қироли ҳузурига юборган элчиси ҳам улар билан бирга эди. Перадан бир милча узоқлашгач, ичимлик сув ғамлаб олиш учун бир жойда тўхтаб, жума куни у ердан кўзғалиб, тушки ибодат маҳали катта денгизга чиқиб олганларида ҳаво жуда яхши бўлди.

Кечки ибодат маҳали Секели деган қасрга етиб келган элчилар тунни шу ерда ўтказадиган бўлдилар, лекин ярим кечаси бу ердан ҳам жўнаб, кечки ибодат маҳалида аввал кемалари ҳалокатга учраган Финохия деган жойга етиб келдилар, аммо бу ерда тўхташни хоҳламай, сузишни давом эттирдилар. Кейин Туркиядан оқиб келаётган бир дарё ўзанига кириб, тунни шу ерда ўтказишни ният қилдилар, лекин дарё суви саёз бўлгани учун тун бўйи бандаргоҳдан ташқарида турдилар.

55-боб. Якшанба кечки ибодат маҳалида Туркия шаҳарларидан бири, Турк сultonининг катта ўғли Мисал Матлабига қарашли Понтаракияга кириб келдилар ва шамол кучли бўлғанлиги боис эртаси — душанба куни шу ерда қолишиди. Ушбу шаҳар дengiz бўйида, қоялар устига жойлашган бўлиб, энг тепада мустаҳкам қаср кўкка бўй чўзиб турарди. Аҳолисининг кўпчилигини греклар, озчиликни эса турклар ташкил қиласадаган бу шаҳар илгари Константинополь ҳукмдори тасаруфида эди, кейинчалик ҳукмдор шаҳарни Мисал Матлабининг отасига бир неча минг дукатга сотиб юборган. Шаҳар ўз бандаргоҳи билан машхур ва балавлат, Понта деган ҳукмдор шаҳарни бунёд этганлиги учун унинг шарафига шаҳарни Понтаракия деб атashган.

Йигирма бешинчи март, сешанба куни элчилар бу шаҳардан чиқиб, кечга яқин дengiz бўйидаги туркларнинг кимсасиз Рио қасри ёнига етиб келдилар. Қаср ёнида бандаргоҳ

бор эди, юртимизга зиён етказиш ниятидаги кишилар кемада келишди, деб ўлаб, қирғоққа күплаб турклар чиқишиганини қўрган элчилар кемаси бандаргоҳга кирмай, бир оз ўтиб, текис қирғоқда тўхташди.

Кема ярим кечаси бу ердан ҳам силжиб, тушки ибодатда ичимлик суви фамлаб олиш учун Партен деган турк дарёсига кирди. Дарёга кираверишдаги қояда, ҳарбий кемаларни дарёга киришига йўл қўймаслик учун қурилган кузатув пунктини кўриб, элчилар бу ерни четлаб, Самастро шаҳрига келишди.

56-боб. Шаҳар Туркия заминида, денгиз бўйида, баланд тепаликда бўлиб, генуяликларга қарашли эди. Тепалик қаршисида, денгиз ичида яна бир тепалик бор эди, шаҳар ана шу икки тепалик қўшилган жойда барпо этилган. Тепаликдан тепаликка кўпприк ўтказилган. Шаҳарнинг икки томонида бандаргоҳ бор. Ўзи ва уйлари кичик шаҳар ташқарисида бинолар, миноралар ва черков харобалари кўриниб туради. Бу вайроналар кинида илгари энг яхши бинолар шаҳар ташқарисида қурилган ва ҳозирда харобага айланган деган таас-сурот уйғотади.

Элчилар шаҳарда бир кун туриб, жума куни кечки ибодат маҳалида Икки қаср деб номланган бандаргоҳга кириб келдилар ва бу ердан эртаси, шанба куни, атрофни қалин туман қоплаган пайтда жўнадилар. Соат учларда денгизда қаттиқ шамол туриб, кемадагилар қуруқликкacha бўлган масофани, яқин орала бандаргоҳ бор-йўқлигини билмай, тезроқ сузишга ҳаракат қилипди. Тушдан кейин Туркиянинг Никополи қасри ёнига келишди, лекин бу ерда ҳам бандаргоҳ йўқлиги боис сузишда давом этдилар. Кечга бориб яна атрофни туман қоплади. Қуруқликка яқин келишларига қарамай, ер кўринмасди. Кеч кириб қолган, қаерда тўхташни билишмас, денгизда тўлқин давом этар, бирорлар бандаргоҳдан ўтиб кетдик дейишиса, кимдир ҳали етиб келмадик, дейишарди. Нима қилишларини билмай турганларида, итларнинг вовуллагани эшитилди. Кемадан берилган овозни қасрдагилар эшилди ва шу ерда бандаргоҳ борлигига ишора қилиб, қаср тепасидаги чироқни ёқишиди. Кема бандаргоҳ томон юраркан, кираверишдаги қояга урилаётган сув зарби-

ни кўрганлар, қандай қилиб ичкарига киришни ўйлаб, хавотирга тушишли. Шунда бир матрос ўзини сувга отди, қирғоққа сузиб чиқиб, бандаргоҳ йўлини фонус билан ёритиб турди, кема эса ичкарига кириб олди.

57-боб. Эртаси куни, якшанбада кема бандаргоҳда турар, бандаргоҳ тегасидаги баланд қояда Кинолис қасри бўлиб, у мавританиялик Исфандиёр исмли жавонмардга қарашли эди. У ўз ҳудудида Темурбек тангасини зарб этганди. Ўша куни Исфандиёр қасрда йўқ экан, лекин шундай бўлса-да, унинг яқинларидан бири, кемада Темурбек ҳузурига кетаётган элчилар борлигини эшитиб, Темурбекка ҳурмат юзасидан, уларнинг олдига ташриф буюрди, қўй, товуқ гўшти, нон ва шароб келтириб, қуюқ зиёфат уюштириди. Кинолис қасри жойлашган тоғда бутун Римда машхур, ёғочдан камон ясаладиган дарахт ўсар экан.

58-боб. Ўттиз биринчи март, душанба куни элчилар бу ердан лангарни кўтариб, кечки ибодат маҳалида Туркия-нинг Синополи бандаргоҳига етиб келдилар. Бу шаҳарнинг ҳам ҳокими Исфандиёр бўлиб, аксига олиб шу куни у шаҳардан уч кунлик масофадаги Кастанеа шаҳрида экан. Исфандиёрнинг Темурбекка бож тўлаб турганлигидан норози бўлган турк султони ўғлига қарши курашиш учун Кастанеада қирқ минг аскар тўплаган эди.

Элчилар подшоҳнинг қаердалигини билиши ва бу ердан қандай чиқиб кетиш йўли ҳақида маслаҳат сўраш учун ҳам Исфандиёр билан кўришишлари шарт эди. Исфандиёрнинг Темурбекка бож тўлаб туришининг сабаби, турк султони Боязид Исфандиёрнинг отасини ўлдириб, ерларини тортиб олган эди. Темурбек Боязид устидан ғалаба қозониб, Исфандиёрнинг ҳамма ерларини ўзига қайтариб берди.

59-боб. Элчилар бешинчи апрель, шанба, тонг саҳарда бу ердан жўнаб, шамол йўқлиги учун бандаргоҳга кира олмай тун бўйи денгизда туриб қолишибди. Эртаси, якшанба куни тушки ибодат маҳалида, денгиз бўйидаги турк шаҳарларидан Симисога етиб келдилар. Бу шаҳардаги иккита қасрнинг бири генуяликларга, иккинчиси султон Боязиднинг ўғли

Мусо Чалабийга тегишли эди. Шамол йўқлигидан кема бандаргоҳга кира олмай, туни билан яна дengизда қолиб кетди. Душанба куни шамол яхши эсгани учун Хинио деган қаср бандаргоҳига бемалол кириб келишди. Бандаргоҳ ёнидаги баланд қояда греклар яшайдиган кичик шаҳар, шаҳарнинг ёнидаги баланд чўққида қаср бор бўлиб, қасрда бир вақтлар уч юзга яқин турклар яшаган. Ҳозирда шаҳар билан қаср грек амалдори Мелазенога қарашли, у ҳам Темурбекка бож тўлаб тураркан.

Дengиз қирғоғида бир неча темирчилар туришар, улар дengиз тўлқинлари қирғоққа суреб чиққан майдада қора қумларни йигиб темир ясашар экан. Сешанба куни элчилар қаршидан эсаётган шамолдан фойдаланиб Туркияning Леона бандаргоҳига кириб келиб, dengиз бўйидаги қояда кимсасиз қаср борлигини кўрдилар. Айтишларича, генуяликлар тўрт йил илгари қасрни талаган. Бу ерлар асли турк амалдори Арзамирга қарашли экан. Шу куни элчилар бир оз сузуб, Авлиё Нисио деган кичик қаср ёнига лангар ташладилар. Дарё дengизга қўйиладиган жойда кечаси билан туришди. Атрофда кўриниб турган қишлоқлар ҳам Арзамирга қарашли, унинг ўн мингга яқин отлиқ аскари бўлиб, Темурбекка бож тўларди.

Чоршанба куни ёмғир ёғаётганда, элчилар кемаси бу ердан силжиб, соат учларда dengиз бўйида баланд деворлар билан ўралган, ичкарисида боғлари бор Гиризонда шаҳрига етиб келишди. Туш пайтида dengиз бўйидаги Тарабзун ҳукмдорига қарашли Тароблус шаҳрига, бир оздан сўнг, dengиз бўйидаги Карила қасрига яқинлашиб, ҳавонинг авзойи бузуқлиги учун бу ерда тўхтамай, кечки ибодат маҳали Виаполи қасри қаршисида лангар ташладилар.

Эртаси, пайшанба куни шамол ёрдамида жанубга қараб сузуб боришаркан, соат учларда Сантака қасри ёнида дам олишга қарор қилдилар. Бу ердан ҳам тезгина жўнаб, кечки ибодатга яқин Тарабзун шаҳридан ўн икки мил масофа беридағи Платона бандаргоҳига етиб келишиб, dengизда кучли шамол эсаётгани ва бу шамолда йўлни давом эттиришнинг иложи бўлмагани учун шу ерда тунаб қолишди. Dengизда турган шамолни кўрган элчилар ҳалокатга учраймиз, деб саросимага тушдилар.

60-боб. Эртаси, ўн биринчи апрель, жума куни, кечга яқин элчилар Тарабзун¹ шаҳрига келдилар. Кема йўлга чиккан Пера шаҳридан Тарабзунгача бўлган масофа тўққиз юз олтмиш милни ташкил этарди. Генуяликларнинг шаҳар ташқарисидаги мўъжазгина кичик қасрига ташриф буюрган элчиларни генуяликлар ҳурмат-эҳтиром билан кутиб олдилар. Эртасига ҳукмдорнинг ўзи отлар юбориб, элчиларни хузурига таклиф этди.

Элчилар саройга етиб келганларида, ҳукмдор иккинчи қаватдаги меҳмонхонада жуда яхши қабул қилиб, улар билан суҳбат қурди. Кейин элчиларни ўз қароргоҳларига кузатиб қўйишиди.

Ҳукмдорнинг йигирма беш ёшли ўғли шу куни отасининг ёнида, отаси билан деярли бир хил либосда — ота ўғилнинг бошларида тепа қисми сувсар терисидан тикилган, тилла боғичлари юқорига кўтарилиган телпакда эдилар.

Ҳукмдорни Германоли, ўғлини Квелекс деб аташарди. Ўғли отаси сингари ҳукмдор деб юритиларди. Ота қонуний никоҳидан туғилган меросхўр ўғлини ёшлигига ёқ ҳукмдор деб атай бошлаган. Греклар ҳукмдорни Базимо деб атайдилар. Ҳукмдор Константинополь ҳукмдорининг қариндошига уйланган, ўз кўшниси туркларга ва Темурбекка бож тўлайди. Унинг ўғли Константинополь амалдорларидан бирининг қизига уйланган, иккита кичик қизи бор.

61-боб. Эртаси, якшанба куни кечкурун элчилар уйга қайтишганларида, уларнинг хузурларига ҳурматли амалдорлардан икки киши ўз аъёнлари билан ташриф буюришиди-ки, улардан бири Орчи — ҳукмдор олдида камон кўтариб юрувчи, иккинчиси Протевестори — хазинабон деб аталарди. Орчи ҳукмдорга жуда яқин, ҳукмдор у билан барча давлат ишларида маслаҳатлашади. Айтишларича, Орчининг келиб чиқиши паст табақадан, новвойнинг ўғли эди. Ҳукмдор бошқа зодагонларга нисбатан Орчига кўпроқ эътибор берганидан кейин ёш ҳукмдор отасидан бу одамни саройдан четлатишни сўраб, исён кўтаради ва шаҳарни уч ой қамалда

¹ Тарабзун — Кичик Осиёning шарқи-шимолий тарафида. Кора денгиз соҳилидаги порт-шаҳар.

ушлаб туради. Бошқа улуғ зодагонлар эса ёш ҳукмдорни құллаб-құвватлайдилар. Алал-оқибат Орчи ёш ҳукмдор ва зодагонлар билан ўзаро келишувга эришиб, улар билан дўстона алоқа ўрнатади. Шундай бўлса-да, Орчини саройда сақлагани учун кейинчалик ҳукмдорнинг бошига кўпгина ғамташвишлар тушади.

62-боб. Денгиз соҳилида жойлашган Тарабзун шаҳри деворлари қоядан-қояга туташиб, юқорига кўтарилиб кетаверади, тоғнинг энг тепа қисмида деворлар билан мустаҳкам ўралган қаср бор, қасрнинг бир томонидан, қоялар орасидағи чуқурликдан кичик дарё оқиб чиқадики, бу тарафдан шаҳар яхши иҳоталанган. Шаҳарнинг иккинчи тарафи ясси текислик, девори мустаҳкам. Бундан ташқари, шаҳар атрофи турар-жой бинолари ва боғ-роғлар билан ўралган. Аҳоли яшайдиган жойидан денгиз соҳилигача чиройли бир кучада савдо-сотиқ ишлари олиб борилади. Денгиз соҳилида девори ва миноралари баланд, бири венецияликларга, иккинчиси генуяликларга қарашли, ҳукмдор розилиги билан қурилган иккита қаср ва шаҳар ташқарисида кўплаб черков ҳамда ибодатхоналар қад ростлаб турибди.

Арманларнинг унчалик таникли бўлмаган черкови ва руҳонийси худди католикларникига ўхшаш, улар ҳам католиклар сингари қурбонлик қиласи, лекин маросим пайтида поп маҳсус либосда, католикларга ўхшаб кўкрагига хоч белгили китобчани осиб олмайди, Инжил ўқиётганда орқасини иккинчи руҳонийга ўғириб, раиятга қараб туради.

Арманлар истиғфор келтириш, товба-тазарру қилиш удумига риоя қилиб, йилида бир муддат рўза тутади, шанба кунлари гўшт ейдилар. Рўза ва диний байрам расм-русумларига яхши зътибор бериб, кўлчиликлари қони бўлғанлиги учун балиқ емайди, бошқалари сариёғ, ҳайвон ёғини-да истеъмол қилмайди. Лекин рўза тутганда балиқ еб, шароб ичмайдилар. Бир кунда хоҳдаганларича овқатланиб, Пасха байрамидан Троица байрамигача, ҳафтанинг ҳар куни, жумадан-жумагача ҳам гўшт еб, Исо пайғамбар туғилган кунидаёқ чўқинтирилган эди, деган ақидага амал қилишади. Уларнинг динида бундан бошқа ҷалкашликлар ҳам бор, лекин улар жуда тақводор ва ибодатни фоят катта ихлос билан тинглайдилар.

Греклар ҳам ғоятда диндор, бирок уларнинг динида ҳам кўпгина чалкашликлар мавжуд. Диний маросимларда ачиған, нордон нон истеъмол қиласиларки, бунақа нонни кафтдай ёки салгина каттароқ нонни олиб, ўртасига ҳарфлар шаклини муҳрдай босиб тайёрлайдилар. Сўнгра шу ёзувга дуо ўқилади, ибодат ўқиётган руҳоний парда ортида, раиятга кўринмайди. Руҳоний дуо ўқиб бўлгач, нонни оқ матода бошига қўйиб, раият ҳузурига қўшиқ куйлаган ҳолда чиқади. Йигилган халқ дод-фарёд солиб йигилайди ва кўкракларига муштлаб, “биз сизни кўришга муносиб эмасмиз”, деб аюҳаннос солишади ҳамда муккадан кетгунча ўзларини ерга ташлайдилар. Шундан сўнг руҳоний орқасига, меҳробга қайтиб, нон ўртасидаги ёзувга қўлини теккизади, ибодатни тутгатгач эса дуо ўқилган нонни ўз қўли билан ушатиб, мўътабар нон сифатида йигилганларга тарқатади. Дуо пайтида китобга қаралмайди, черков қўнғироги чалинмайди, тахтага уриб овоз чиқарилмайди. Грек руҳонийси уйланган бўлиши, уйланганда ҳам бир марта, мабодо хотини ўлса, қайта уйланмасдан умрининг охиригача бева ўтиши керак.

Ибодат ҳафтала икки марта, чоршанба ва сесланба кунлари бўлади. Ибодат қилувчилар ҳафта давомида уйларига бормай, черковда ўтирадилар, бир йилда олти марта рўза тутиб, рўзада балиқ, шароб ва сариёф истеъмол қилишмайди. Руҳонийлар ҳам бу вақт орасида уйларига бормайдилар. Рўза тутиш муддатлари қўйидагича: биринчи рўза биринчи августдан Биби Марям куни, август ўрталаригача, иккинчи рўза Авлиё Екатерина кунидан то Исо пайғамбарнинг таваллуд кунига қадар ўтказилади. Яна бири биз тутадиган қирқ кунлик рўза, кейингиси Исо пайғамбарнинг ўн икки шогирди – ҳаворийлар шаънига тутиладиган йигирма тўрт кунлик рўза. Улар яна Авлиё Дмитрий шарафига ўн беш кунлик рўза тутадилар. Йилнинг чоршанба, жума ва шанба кунлари гўшт емай, чоршанба одатига жиддий амал қиласилар. Чоршанба кунига қараганда жума куни гўшт ейишлари мумкин, лекин чоршанба русумини ҳеч ҳам бузмай, йил давомида фақат тўрт жума куни – булар ҳафтанинг “Янги йил байрами” олдидан келадиган жума куни, гўшт истеъмол қилинадиган ҳафтанинг жума куни, Пасха ва Троица байрамлари арафасида келадиган жума кунлари гўшт ейдилар. Бундан ташқа-

ри, грекларнинг чўқинтириш ва бошқа баъзи бир удумларида ҳам ноқисликлар мавжуд. Айтишларича, улар бу дунёда кўп ёмонлик ва катта гуноҳлар қилиб ўтган кишини у дунёда шайтон танимаслиги учун майитнинг номини ўзгартириб, унга роҳибларнинг кийимини кийгазишар экан. Аммо греклар Аллоҳга ишонувчан, тақвадор халқ. Бундан ташқари, улар ҳам туркларга ўхшаб камон, найза, қилич каби қурол-яроқлар тақиб, отга минадилар.

63-боб. Элчилар Тарабзун шаҳрида ўн биринчи апрель, жумадан йигирма олтинчи апрель, шанбагача бўлдилар, қуруқликда юриш учун от ёллаб, зарур нарсаларни ғамлаб олишди. Йигирма еттинчи апрель, якшанба куни ўз ҳудудларида кузатиб бораётган, ҳукмдор томонидан тайинланган қўриқчилар кўмагида Тарабзун шаҳридан йўлга чиқишиб, Пехин (Суюрмансув) деб аталган дарё бўйидаги бўм-бўш черковда тунни ўтказиши. Черков атрофидаги аҳоли яшайдиган баланд тоғли йўл ёнбағирлари серсув ва ҳосилдор ерлар экан. Уларни эртаси, душанба куни бу ердан қўриқчилар кузатиб қўйиб, ўзлари йўлнинг бу ёғига ҳукмдорнинг ғанимлари қўриб қолмасин, лея орқаларига қайтиши. Ўзлари йўлни давом эттирган элчилар кечки ибодат маҳалида баланд қоя устига қурилган ҳукмдор Пиломасуканинг қасрига етиб келиши. Қасрга зинапоялар орқали чиқилар, пастда эса, қоя пойида, бир неча уйлар кўзга ташланиб турибди. Шу куни чиройли манзарали тоғлар орасидаги йўлдан бир оз юриб, қоянинг бир парчаси қулаб, дарёни тўсиб қўйган жойдан машаққат билан ўтиб, яна бир оз юриб, кейин кенг далада тунадилар.

64-боб. Эртаси, сесанба куни, қор ва сув босган баланд тог йўлидан ошиб, кечқурун баланд қоя устига қурилган Сигана деган қаср ёнида тўхтадилар. Дарвоза қаршисидаги қоядан ўтиш учун қўйилган тахта кўприк орқали ўтиб, Кирилес Арбоселтоға қарашли қасрга кириб бориларди. Эртаси, соат учларда баланд қоя устига жойлашган Кадека деган қасрга қадам босиши. Бу қасрнинг бир ёнидан дарё оқиб ўтган бўлса, иккинчи ёнида баланд тог тизмаси салобат тўкиб турибди. Дарё билан қаср оралиғидан тор, битта от ёки битта

одам кетма-кет ўтиши мүмкін бўлган йўл бор. Шунинг учун қасрда бу йўлдан кўпчилик бўлиб ўтишга рухсат берилмайди ва қасрга бундан бошқа ўтадиган йўл ҳам йўқ. Кавасикага қарашли бўлган қасрдагилар элчилардан бож тўлашни талаб қилди. Аслида қасрда қароқчилар ва ғаразли кимсалар яшашар, қаср соҳиби ҳам қароқчиларга тенг кимса экан. Йўловчилар бу йўлдан савдогарларга қўшилишиб ўтишга ҳаракат қилишар, чунки савдогарлар ҳар сафар бу йўлдан ўтаётганда албатта ер эгаларига совға-саломлар ҳадя қилишарди. Бу ердан уч милча наридаги тор йўлда, баланд қоя устида қурилган минора қўринади.

Кечки ибодат маҳалида баланд қоя тепасидаги Дориле деган қасрга қадам ранжида қилдиларки, қаср сиртдан қарангда чиройли, бамисоли кечагина қурилгандай қўринар, ёнида эса йўл бор. Элчилар бу ерларнинг бошлиғига ўзлари ҳақида маълумот бериш мақсадида қасрга чопар-таржимон жўнатдилар. Бироқ бу ердагилар аллақачон ким келди, уларнинг мақсади ҳақидаги маълумотни ўз хўжайинларига етказишган экан. Элчилар қаср олдига келганда, ичкаридан отлиқ чиқиб, хўжайнин бирпас кутиб туришларини сўраганини маълум қилгач, меҳмонлар уловларидан тушдилар. Уларнинг юкларини тартибга келтириб, черковга олиб боришни буюрдилар. Отлиқ киши йўлдан ўтаётганлар одатига кўра, хўжайинлар бож тўлайдилар, элчилар ҳам шу қоидага амал қилишларини маълум қилди. Яна ўз хўжайнини туркларга қарши курашиш учун кишилари билан шу тогда яшайди ва йўловчилар берган нарсалар ҳамда душманлардан мусодара қилинган молмулклар билан кун кечиришини ҳам айтиб ўтди.

Элчилар қасрга кириб, хўжайнинг истаган нарсасини совға қилмоқчи эдилар. Бироқ отлиқ хабарчи, ҳозир хўжайниннинг олдига кириш учун ташвишланишининг ҳожати йўқдигини, эртаси кунига, эрталаб унинг ўзи элчилар ҳузурига ташриф буюришини айтди. Эртаси, биринчи май, пайшанба эрталаб Кавасика қасрдан тушиб, элчилар ҳузурида ҳозир бўлди. Унинг ёнида камон ва найзалар билан қуролланган ўттиста отлиқ бўлиб, ўзи ҳам яхшигина қуролланган эди. Кавасика ва унинг одамлари отларидан тушишаркан, Кавасиканинг ўзи ерга ўтириб, меҳмонларни ҳам ёнидан жой олишларини сўради, кейин шу кўриб турган қиррали тоғ ва жарликларда

истиқомат қилишларини, турк қүшинлари билан йўлни кўриқлаш учун жанг қилиб туришларини, йўловчилар ҳадя этган ва қўшинлардан тортиб олинган нарсалар билан тирикчилик қилишларини айтиб берди. Шу сабабли элчилар ҳам уларга ёрдам беришлари, пул ёки бирор совға беришларини гап орасида қистириб ўтди. Элчилар эса, ўзларини савдогар эмасликларини, Испания қиролининг Темурбек ҳузурига юборилган элчилари эканликларини, Темурбекка олиб бораётган совғаларидан бошқа ҳеч вақолари йўқлигини айтишиди. Элчилар билан бирга ўз юртига қайтаётган Темурбекнинг элчиси ҳам ўз навбатида, бу ерлар Темурбекка тобе бўлган Тарабзун ҳукмдорига қарашли эканини яхши билиши, элчилар олиб бораётган нарсалар фақатгина Темурбекка тегишли эканини айтди. Шунда Кавасика, меҳмонларнинг гаплари тўғри эканлигини, лекин уларнинг яшашига ҳеч нарсалари бўлмаганидан, ўз подшоси ерларида яшовчи фуқароларнинг мол-мулқларини ҳам талашга мажбур эканликларини айтди. Кавасиканинг бу гапларидан сўнг, унга қизил мато ва кумуш пиёла беришли. Темурбек элчиси ҳам Флоренцияда тўқилган қизил мато ва юпқа шойи газламалардан берди. Кавасика бунга қаноат қилмай, яна талаб қилди. Элчилар уни яхши гаплар билан кўндиришга ҳаракат қилсалар-да, у ўз сўзида туриб олди. Кейин элчилар бир йўловчи савдогардан жун газламалар сотиб олиб, унга совға қилдилар. Шундан кейин Кавасиканинг чехраси очилиб, уларга Темурбекка қарашли Арзинжон¹ шаҳригача бехавотир кузатиб қўйишларини ва минишлари учун отлар ҳам беражагини айтди.

Элчилар бу ердан тезроқ чиқиб кетишга қанчалик ҳаракат қилмасинлар, бунинг ҳеч иложи бўлмади. Арзинжонгача кўриқлаб борадиган одамлар ҳамда нарсалари учун отлар ёллаб, жума куни эрталаб ўн отлиқ ҳамроҳлигига йўлга тушдилар ва тушликдаги ибодатда Кавасикага қарашли яна бир қасрнинг олдига келиб, олиб бораётган нарсалари учун бож тўлашни сўраган одамларни учратдилар. Бир оз юриб, бир водийга етдилар. Айтишларича, бу ерда туркларга тегишли бўлган Чапанилар қасри бўлиб, Чапанилар Кавасикага қарши уруш олиб борар ва шу водийга қоровуллар ҳам қўйиш-

¹ Арзинжон – Тарабзун ва Арзирум оралиғида жойлашган, Сивосдан шарқда, катта карвон йўли устидаги шаҳар.

тан экан. Қүриқчилар элчиларға шу ерда күтиб туришларини айтиб, ўzlари йўлни кўздан кечириб, сўнг юришни давом эттиридилар.

Кечки ибодат маҳали Арзинжонга қарашли Аллангогаза деб аталган қишлоққа етиб келган элчиларнинг юкларини Кавасиканинг одамлари тушириб, ўzlари орқага қайтишиди. Шу куни элчилар баланд тоғ ва жарлик йуллардан юрдилар. Бу қишлоққа Арзинжондан илгари эгалик қилган турк амалдори меҳмонларни жуда яхши күтиб олиб, уларга жойлар ажратиб, зиёфат бериб, барча зарур нарсаларни ҳам ҳозирларкан, Темурбек қишини Қорабоғда ўтказиб, ҳозирда Султонияга жўнаб кетганлигини маълум қилди.

65-боб. Эртаси, учинчи майнинг шанбаси, соат учларда бу ердан йўлга чиқиб, анчадан кейин бир қишлоққа етиб келган элчиларни яхши күтиб олган қишлоқ аҳли уларга зиёфат бериб, сафарларини давом эттириш учун отлар билан таъминлаганларидан сўнг йўлга чиқсан элчилар кечаси яна бир қишлоққа етдилар. Қишлоқ аҳли ҳам уларга зиёфат уюштириб, зарур нарсалар билан таъминладилар. Бу қишлоқларнинг одатига кўра, келган меҳмонга хонадонлардан олиб чиқилган гиламга ўтиришга таклиф қилинарди. Гиламнинг устига дастурхон эмас, доира шаклида чарм супра ёйишиб, кулча нонлар қўйиларди. Бу ернинг нонини тайёрлаш учун озгина унни қориб, зувалани юпқа ёйиб, сўнг оловга товани қиздириб, унга зувалани танилайдилар. Зувала озгина қизигач, дарҳол товадан оладилар. Чарм дастурхон устидаги нон ана шундай ёпилар эди. Қишлоқ аҳли яна кўплаб гўшт, сут, қатиқ солинган кўзачалар, тухум ва асал келтиришиди. Меҳмонга тортиладиган бу каби таомларнинг ҳар бири турли хонадондан олиб чиқиларди. Баъзи жойларда элчиларни қишлоқ оқсоқоллари ва Темурбек вакиллари күтиб олар, уларга озиқ-овқат ва отлар келтиришни буюрар, хизматкор тайинлар, буйруқни ўз вақтида бажармаганларни калтаклашарди. Бу қишлоқдагилар чиғатойлардан шунчалик чўчиб қолишган эдики, уларни кўришлари билан тумтарақай қочишарди. Чиғатойлар Темурбек қўшинидаги қабилалардан бири эди. Элчилар жўнаб кетган қишлоқда бир неча насроний арманлар ҳам яшар эди.

66-боб. Тўртинчи май, якшанба, кечки ибодат маҳалида Арзинжонга етиб келган элчилар тоғ ва баланд қоялар орасидан ўтиб, шаҳарга яқинлашгандаридан кўп ёқсан қорни кўрдилар. Уларни кутиб олишга чиқсан кўпгина шаҳарликлар меҳмонларни бир бинога олиб бордилар. Шу куни шаҳар ҳокими меҳмонларга пиширилган гўшт, мева-чева, нон ва шароблар юборди. Эртаси, душанба куни шаҳар ҳокими меҳмонларни бу ерда турадиган ҳар кунги харажати, озиқ-овқат сотиб олишлари учун етадиган пул ажратишни буюрди. Туш вақтида отлар ва кузатиб келадиган мулоzимлар юбориб, элчиларни ўз ҳузурига таклиф этди. Меҳмонларни шаҳардан ташқаридағи кўкаламзорга олиб келганларидан, шаҳар ҳокими икки устунга арқон тортиб тикилган катта чодир тагидаги супада мулоzимлари қуршовида ўтирар экан, бир неча амалдор ўрнидан туриб, меҳмонларни кутиб олди. Элчилар ҳоким ўтирган жойга яқинлашгандаридан, у ўрнидан туриб, кўл бериб кўришли ва ҳурмат билан ўз ёнидан жой кўрсатди. Ҳокимнинг эгнида кўк матодан тикилган кийим, бошида қимматбаҳо тошлар билан безатилган телпак, унинг кўриниши қирқ ёшлар атрофида, оқ сариқдан келган, қора соқол, чиройли киши. Испания қиролининг ҳурмати юзасидан ҳол-аҳвол сўрашгандаридан сўнг, меҳмонларга зиёфат беришаркан, ҳокимнинг ўзи шароб тўлдирилган косани элчиларга, ўз одамларига тутди. Шароб олаётган киши тиз чўкиб, икки қўли билан косани олар, мабодо косани бир қўллаб олса, ҳурматсизлик ҳисобланарди. Айтишларича, подшо қўлидан қадаҳни унга тенг бўлган кишигина бир қўллаб олиши мумкин. Ҳоким қўлидан қадаҳни олган киши орқага ўтирилмай, бир оз орқага тисарилиб, шаробни ичиб бўлгач, ўнг тиззасини кўтариб, ерга уч марта уриши ва косадаги шаробни охиригача ичиши шарт. Ҳоким элчиларни шароб билан сийлаб бўлгач, ичиди оловли мис идишда овқат пиширилаётган ёғоч арава, думалоқ, оқартирилган темирдан ишланган идишлар, юзтacha худди ҳарбий дубулғага ўхшаган, чуқур қилиб ишланган, думалоқ темир косалар келтирildi. Косаларга кўй гўшти, қази, гуруч ва бошқа таомларни сузиб, ҳар бирининг устига юпқа ёпилган нон кўйдилар. Ҳоким ва элчилар олдига дастурхон ўрнида шойи мато тўшаб, уларга турли гўштили овқатларни тортдилар.

Зиёфатда ўтирганларнинг ҳар бирида гўшт кесиб ейиш учун ўз пичоги ва қошиги бор эди. Бир киши ҳокимнинг олдидаги гўштни майдалаб кесди. Ҳоким икки амалдорни бирга овқат ейишга таклиф этиб, учаласи бир косадан овқатланишиди. Зиёфат маҳали ўнта отлиқ билан бир турк келганди, ҳоким уни овқатга таклиф қилиб, ўз ёнидан жой кўрсатди. Бу йигит Синопол ҳокими, Туркияда катта обрў-эътиборга эга Исфандиёрнинг жияни эди. Темурбек, Исфандиёр ўз синглисининг ўғлига ўз ерининг ярмини беринини тайинлаган эди. Кейин Арзинжон шаҳрилик икки амалдор келиб, Темурбек уларни бир неча вақт асирикда тутиб туриб, сўнг қўйиб юборганини айтишиди. Бунинг сабаби, Арзинжон шаҳри ва унга қарашли катта ер эгаси таниқли амалдор Заратан вафот этганда, хотини Тарабзун ҳукмдорининг қизидан фарзанди йўқ эди. Арзинжоннинг ҳозирги ҳокимини Заратан ўлими олдидан “менинг ўғлим” деб васият қилганди. Заратан вафот этгач, Арзинжон ҳокимини қонуний деб тан олмадилар. Заратанинг синглисини ўғли Хевали, “Заратанинг ўғли йўқ бўлганидан кейин жияни сифатида тахтга мен ворисман”, деб исён кўтарди. Ҳозир ташриф буюрган икки амалдор Хевали исёнига кўмаклашганлардан эди. Айтишларича, Темурбек турк султонини мағлубиятга учратгач, Арзинжон шаҳрига келиб, Хевали ва ҳозир ташриф буюрган икки амалдорни асир олиб, Заратан васият қилган кишини ҳоким қилиб кўтарган ва бу икки амалдорни қўйиб юборишини, Хевалини эса Самарқандга олиб боришларини буюрган. Темурбек билан турк султонининг бирбири билан жанжаллашиб, ўргада уруш бошланишига Заратан сабабчи бўлган. Бу шундай фалати сабаб эдикি, бу ҳақда кейинроқ сўз юритамиз.

Зиёфат тугагач, элчилар ўзларига ажратилган қароргоҳга кайтдилар. Ҳоким бир неча амалдорлари билан шу ерда қолди. Кеч киргач, ҳоким элчиларга қовурилган ва қайнатилган гўшт, маҳсус ошпазлар ҳамда зиёфатга қараашадиган хизматкорларни юборди. Сешанбада эса, ҳоким элчиларга зиёфат ўрнида зарур миқдорда пул берди.

67-боб. Чоршанба куни одам юбориб, таклиф этилган элчилар етиб келганда ҳоким аъёнлари билан айвонда, сал-

қин фаввора ёнида ўтирап, қаршисида қизиқчилар томошалар кўрсатишарди. Теварак-атрофнинг саришталигидан, бу жой ҳокимнинг уйи эканлиги сезилиб турарди. Элчилар уйга кирганларида, ҳоким уларга таъзим бажо келтириб, уларни ўз ёнига ўтказди. Сархил мева-чевалар келтиришгач, ҳоким шароб ичмайдиган Руи Гонзалесни ҳам бугунги зиёфатда ҳамроҳ бўлишини исташини маълум қилди. Шароб тўлдирилган катта биллур қадаҳни келтирганларида, ҳоким шаробдан озроқ ичиб, сўнг Руи Гонзалесга узатди. Бошқаларга ҳам шароб тутди. Шундан кейин сергўшт ва гуручли таомлар тортилди. Мехмонлар аввалги зиёфатдагидек, таомларни иштаҳа билан тановул қилиб бўлишгач, асал, шафтоли, узум олиб келинди. Мезбонлар жуда пала-партиш овқатланишарди. Зиёфат давомида шароб тўхтовсиз қуилиб турилди. Ҳоким шароб тўлдирилган косани амалдорларга ўз қўли билан тутиб турди, улар косадаги шаробни охиригача сипқордилар. Чунки шаробни коса тагида қолдириш ерликларнинг урфодати бўйича ҳурматсизлик ҳисобланарди. Ҳоким шароб тутиб зериккач, амалдорлар бир-бирларига шароб қуийиб тута бошладилар. Охир-оқибат кўпчилик сархуш бўлиб қолди. Ҳоким бугунги зиёфатда Руи Гонзалесга ҳамроҳ бўлгани учун шароб ичмади. Ҳокимнинг исми Фаталибек эди. Кечқурун элчилар ўзларига ажратилган қароргоҳга қайтдилар.

68-боб. Жаннатдан оқиб чиқаётган дарёлардан бири деб таърифланган Евфrot дарёси бўйидаги текислиқда қад ростлаб турган Арзинжон шахри жуда баланд тоғлар билан ўралган. Тоғ чўққиларини оппоқ қор қоплаб, пастда умуман қор йўқ, тоғ ёнбағирларида қишлоқлар, боғлар ва узумзорлар, текислик ҳам токзор, экинзор ва кўркам боғлар билан гўзал. Шаҳарнинг ўзи кичик, минорали тош деворлар билан ўралган. Арманлар томонидан қурилган бу шаҳар деворларининг ҳар жойида тошдан хоч ясадб ўрнатилган. Шаҳарда уйларнинг деярли барчасининг олдида айвонлар бўлиб, кишилар бу айвонларда кўчада юргандай бемалол юрадилар. Шаҳарнинг аҳолиси кўп, кўчаларда доимо савдо-сотиқ ишлари қизгин. Кўплаб насроний, арман ва грек миллатига мансуб кишилар яшайдиган ушбу шаҳарда масjidлар бисёр.

69-боб. Айтишларича, Темурбек туркларнинг Сабастрия шаҳрини эгаллаганда, турклар Арзинжон шаҳрини забт этган, Темурбек турклар устидан тамоман ғалаба қозонгач, у Арзинжонни қайта қўлга киритади. Темурбек шаҳарда турган вақтда насронийлар билан мусулмонлар ўртасида жанжал чиқиб, Арзинжон ҳокими Заратан “мусулмонларга нисбатан насронийларга илтифот кўрсатилиб, насронийлар черковида мусулмонлар масжидига қараганда яхшироқ шароит яратиб берилган”, деб Темурбекка шикоят қилганди. “Насронийларнинг бу ерга келиб яшашларига рухсат этилганлигига сабаб, биз улардан зарур ҳолларда фойдаланамиз”, деб жавоб берган эди Заратан. Шундан кейин Темурбек насронийларнинг бош руҳонийсини ҳузурига чақиритириб, Константинополь ва Пера шаҳарларидағи генуяликларга нафрати туфайли, руҳонийдан ўз динидан воз кечишини талаб қиласди. Руҳоний бунга рози бўлгач, шаҳардаги барча насронийларни ўлдиришни буюради. Заратан Темурбекдан уларнинг кечиришини сўрайди. Темурбек ўн минг еспер (бир еспер – ярим кумуш тангага тенг) эвазига уларни озод қиласди. Бу миқдордаги маблагни Заратан насронийларга қарзга беради.

Темурбек барча черковларни бузиб ташлашга фармон бериб, шаҳардаги Камаги қасрини ўз ихтиёрига олади ва бир чиғатой амалдорига тақдим этади ҳамда уни шу ерларнинг бошлиғи этиб тайинлайди. Темурбекнинг бу қасрни ўз амалдорига олиб беришининг сабаби, қаср жуда мустаҳкам ва катта фойда келтирадиган ерда жойлашган, бу ерларни қўриклиш учун ҳам ушбу қаср жуда қулай, чунки ҳисобсиз молмұлклар билан Сурия, Туркия ва бошқа мамлакатларга йўл олган савдоғарлар шу қаср олдидан ўтардилар.

70-боб. Темурбек билан турк сultonи Боязид Йилдиirimнинг бир-бирларини билишлари ва ўрталарида уруш бошланишининг ўзига яраша сабаблари бор эди. Масалан, Арзинжон шаҳри ҳокими Заратан ерлари турк ерлари билан чегардош, турклар эса Заратан ерларини, айниқса, Камаги қасрини эгаллашни жуда-жуда хоҳлаш билан бирга Заратандан бож тўлаш ва Камаги қасрини ўз ихтиёри-ла топширишни талаб қилдилар. Заратан турклар ҳокимиятини тан олиб, уларга бож тўлашга рози эканлигини, бироқ Камаги

қасрини беролмаслигини маълум қилади. Турклар-чи, қўйган шартларида маҳкам туриб, “агарда Заратан бизнинг шарти-миздан бош тортса, барча ерларидан айрилиб қолиши мумкин”, деб айтадилар.

Заратан, Темурбекнинг улуғвор қудрати ҳақида эшитган, у ҳозирги кунларда форс султонини енгигиб, Эронда турганлигини билар, шу сабаб у Темурбекка нома ва совғасаломлар билан элчи юбориб, ўзи ҳамда ҳокимияти Темурбекка тобе эканлигини айтиб, тегишли тадбирлар кўришни сўрайди. Шундан кейин Темурбек турк султонига элчи орқали нома юбориб, Заратан унинг фуқароси экани, ҳурмат юзасидан уни ранжитмаслигини, акс ҳолда турк султонлигига худди шундай зиён етказиши мумкинлигини айтади.

Темурбекнинг куч-қудрати ҳақида ҳеч нарса эшитмаган, дунёда ўзидан бошқа зўр подшоҳ йўқ деб ўйлаган турк султони Боязид Йилдирим элчи олиб келган номадан фоятда дарғазаб бўлиб, зудлик билан Темурбекка ўз номасини йўллади. Боязид ўз номасида берган маслаҳати учун Темурбекни нодонликда айблаб, нодонлиги жазосиз қолмаслигини, уни асири қилиб, қасрдаги катта хотинига уйланишини айтади.

Турк султонининг бу ҳақоратомуз сўзларидан қаттиқ ҳаяжонланган Темурбек ўз куч-қудратини намойиш қилиб қўйиш мақсадида Эрондан, ўзи қишилаган Қорабоғ қир-адирларидан қўшин тортиб, тўғри Арзинжон шаҳрига келди ва бу ердан Сабастрияга йўл олиб, тезлик билан шаҳарни қамал қилганда, шаҳар аҳолиси Турк султонидан мадад сўрайди.

Темурбекнинг ўз ерига кириб келганини, Сабастрия шаҳрини қамал қилганини эшитган Боязид султон қаттиқ ғазабланиб, аскарбошиларига қўшин тўғлашни буоради. Тўпланган икки юз минг отлиқ қўшинни катта ўғли Мусо Чалабий бошчилигига Сабастрия шаҳрига юборади. Ўзи яна бир катта қўшинни бошлаб боришга қарор қилади. Бироқ Сабастрия ҳимоячилари ёрдам етиб келгунча Темурбек қўшинлари ҳужумига барлош бераолмайди. Натижада Темурбек шаҳарни забт этади.

Шаҳарнинг забт этилиши қўйидагича содир этилди: Темурбек шаҳарга ҳужум қилиб, уни қамал қилганда, шаҳар аҳолиси маълум миқдорда тилла ва кумуш йигиб, маҳсус вакилларни Темурбекнинг ҳузурига юбориши ҳамда қон

түкмаслик ҳақида битим тузишди. Темурбек талаб қилган божни олгач, шаҳар аҳолиси учун баъзи бир муҳим ишларни маслаҳатлашиш мақсадида шаҳарнинг олижаноб кишиларини ўз ҳузурига чорлади. Айтилган вакиллар бож тўлаганликлари ва қон тўкмаслик ҳақидаги гапларга ишониб, шаҳардан ташқарига чиққанда, Темурбек барибир уларни қилган қилмишларига яраша жазолайди. Озиқ-овқат ва бошқа нарсаларга муҳтоҷ лашкарларига шаҳарни ғорат қилишларига рухсат, сўнг эса шаҳарни буздириб ташлашга буйруқ беради.

Темурбек бу ердан жўнаб кетган куни, икки юз минг отлиқ қўшин билан бу ерга Мусо Чалабий етиб келади ва шаҳарнинг харобага айланганини, Темурбек жўнаб кетганини кўради ҳамда ноилож отасининг келишини қутади.

Темурбек бу ердан тўғри Бобил султонлиги ерларига томон йўл оларкан, йўлда кўчманчи оқ тартарларга дуч келади, улар билан жангга киришиб, ғанимни енгади ва ҳоким билан бирга эллик минг эркак-аёлни асир қилиб, Дамашқ шаҳрига олиб келади. У ўзига бўйсунмаган ҳамда юборган элчиларини қамаб қўйган шаҳар аҳолисидан қаттиқ норози бўлгани учун улар билан қаттиқ жанг қилиб, шаҳарни эгаллайди. Барча ҳукмдорларни, моҳир усталарни, оқ тартарларни, Сабастриядан асирга олингандарни Самарқандга жўнатаркан, сабастрияниклар орасида кўплаб насроний динига мансуб арманлар ҳам борлигини айтиб ўтиш жоиздир.

Шундан кейин Эронга қайтган Темурбек юқори Арманистондаги Алора деган жойда баҳорги қароргоҳ вужудга келтириди.

Турк султони Боязид Сабастриядаги ишларнинг сабабчиси бўлмиш Заратандан ўч олиш мақсадида Арзинжонга юриш қилиб, уни забт этди, Заратаннинг хотинини асир олди. Кейинчалик у Заратаннинг хотинини озод қилиб, “шаҳарга зиён етказилмасин”, деб орқасига қайтиб кетади.

Ўз юртларига қайтган Темурбек билан Боязид бир-бirlарига элчилар юборсалар-да, алал-оқибат келиша олмадилар. Бу орада Константинополь шаҳри ҳукмдори ва Пера шаҳридаги генуяликлар Темурбекка элчи юбориб, агар Темурбек турк султонига қарши курашишни хоҳласа, одам ва кемалар билан ёрдам беражакларини айтдилар. Улар қисқа вақт ичилади бир неча ҳарбий кемаларни таҳт қилиб, Грециядаги туркларнинг ўз юртларига қайтишларига йўл қўймас-

ликларини, шунингдек, кумуш билан қарз беришларини маълум қилдилар. Турклар Темурбек билан бирор битимга келишолмагач, ҳар икки томон ўзича қўшин тўглашни бошлади.

Ҳарбий ишларда катта тажрибага эга Темурбек оз фурсатда қўшин тўплаб, Эрондан шошилинч Туркияга йўл олади ва Арзинжон ерларидан ўтиб, Сабастрия шаҳрига етиб келади. Темурбекнинг бу срга етиб келганини эшитган Боязид ўз йўлини ўзгартириб, юқ ортилган барча от-араваларини мустаҳкам Ангури қасрида қолдириб, қўшинини Темурбекка қарши қўяди. Унинг бу ишидан хабар топган Темурбек ҳам ўз йўлини ўзгартириб, баланд тоғлар томон юради. Темурбек ўз йўлини ўзгартирганини кўрган Боязид эса, қочиб кетяпти деб ўйлаб, уни қувишга тушади. Темурбек тоғлар оралаб саккиз кун йўл юриб, текис йўлга тушади ва Боязиднинг от-аравалари қолган Ангури қасрига келиб, бу ердаги барча нарсаларни кўлга киритади. Буни эшитган Боязид шошилинч Ангурига қайтишга ҳаракат қиласди. Афсус, қасрга етиб келган турк қўшини ҳолдан тойганди. Боязидни чалғитиш мақсадида атайнин айланма йўллар билан юрган Темурбек шу ердаги жангда Боязидни сенгиб, уни асирга олди.

Константинополь ва Пера ҳукмдорлари Темурбекка берган ваъдаларини бажариш ўрнига, аксинча, турклар тарафига ўтиб, Грециядаги туркларни ўз юртларига қайтишига йўл очди ҳамда қочқин туркларни ўз кемаларида Туркиядан Грецияга ташиди. Шу сабабли Темурбек насронийлардан қаттиқ ранжиб, аламини ўз мамлакатидаги насронийлардан олди.

71-боб. Темурбекдан мағлубиятга учраган турк сultonининг номи Йилдирим Боязид, яъни Чәқмоқ Боязид эди. “Чәқмоқ” турк тилида “йилдирим” деб аталган. Боязид эса унинг исми. Отасини Амират деб аташарди. У ажойиб, довюрак киши бўлиб, уни граф Лазаро деган насроний жангда найза санчиб ўлдирган. Найза кўкрагидан кириб, елкасидан тешиб чиқсан. Йилдирим Боязид отасининг қасоси учун граф Лазарони жангда ўз қўли билан ўлдирган. Лазаронинг ўғли Боязид томонига ўтиб, ҳозирги вақтда Боязиднинг ўғли Мусо Чалабий хонадонида яшайди.

Мен бу тафсилотларни кимни Мурод деб атаганларини англатиш учун ёзаяпман. Чунки ҳар бир турк подшоҳининг

ўз номи бўлишига қарамай, одатда уларнинг ҳаммасини Мурод деб аташган. Шунингдек, Темурнинг асл исми, биз айтганимиздек Таморлон эмас, балки Темурбекдир. Чунки Темурбек уларнинг тилида “темир подшо”, подшо эса улар тилида “бек” дегани. Таморлон тескари, яъни таҳқирлаш мъносини англатади. Темурбек бир вақтлар жангда яраланган ва ўнг оёғи билан қўлининг икки бармоғи шикастланган эди.

72-боб. Элчилар Арзинжон шаҳрида ўн бешинчи май, пайшанбагача бўлиб, шу куни бу ердан йўлга чиқдилар. Улар умуман дарахти йўқ, баланд тоғ йўлидан юарканлар, шу куни қор ёғиб, ҳаво жуда совуқ бўлди. Кечаси Хабега деган қишлоқда тўхтадилар. Қишлоқда кичик қаср, қаср ёнидан дарё оқар, атрофда кўплаб экинзорлар, уй ва яна бир неча қишлоқлар бор эди. Эртаси, шанба куни Пагарриҳ деб атalgan қишлоқда тунашди. Бу ерда баланд қоя устида қаср қад ростлаб турар, қишлоқ арманлар ва турклар яшайдиган икки қисмга бўлинган. Айтишларича, бир йил илгари Темурбек бу ердан ўтганда, арман черковини бузиб ташлашни буюрган экан. Арманлар черковни буздирмаслик учун унга уч минг аспер (бир аспер – ярим реалга тенг) берган. Темурбек пулни олгандан кейин ҳам черковни бузиб ташлатган.

Элчилар якшанбада, Авлиё Троица байрами кунидан, бу ердан чиқиб, баланд қоялик тепасида Арзинжонга тегишли қасри бор қишлоққа кириб келдилар. Улар эртаси, душанба куни очиқ далала, кейин дарахтсиз, тоғ йўлидан юарканлар, сув сероб, тогнинг юқори ва пастки қисмларида ўтлар ўсиб ётган туркманларга тегишли ерларга дуч келишди, уларнинг салтанати шу ерларгача етиб келган экан. Туркманлар мавриллар уруғидан, улар кўпроқ туркларга ён босади.

Эртаси, сешанбада бу ердан йўлга чиқсан элчилар серсув, кўкаламзор майдонлардан ўтишли.

73-боб. Тушга яқин Темурбекка тобе Асерон шаҳарига етиб келган элчилар шаҳар текисликка жойлашгани, у жуда баланд деворлар билан ўралганига гувоҳ бўлдилар. Деворнинг ҳар ерида миноралар қурилган. Шаҳарда катта қаср, шунингдек, ҳашаматли черков кўзга ташланиб турибди. Чунки илгари шаҳар насроний арманларга тегишли бўлиб, улар

кўпчиликни ташкил қилган экан. Асерон бу ердаги бой ва энг чиройли шаҳар ҳисобланиб, Субайил деган туркман шаҳар ҳокими эди.

Йигирма иккинчи май, пайшанбада элчилар бу ердан йўлга чиқиб, кечаси Авник шаҳар ҳокимлигига қарашли Перижон деган қишлоқда тўхташди. Аҳолиси армандардан иборат Авник жуда қудратли ва мустақил шаҳар ҳисобланади. Бу жойларнинг ҳокими Тўлдибек чигатайдир. Келгуси чоршанбада аҳолиси армандардан иборат Исчу деган қишлоқка етиб келган элчилар шанбагача шу ерда бўлишиди.

74-боб. Келгуси якшанбада, элчилар маврлардан иборат, ошиқлар деб аталган, аҳолиси дарвешлардек умр кечирадиган Деллуаркент, яъни жиннилар макони деган қишлоқда тунадилар. Кўплаб маврлар худди ибодатга қатнаганидек, ошиқлар ҳузурига келиб турар, ошиқлар кўплаб беморларга шифо баҳш этар, уларнинг бир оқсоқолини қишлоқ аҳолиси жуда ҳурмат қиласиди. Айтишларича, оқсоқол авлиё бўлиб, Темурбек бу ерлардан ўтганида уни зиёрат қиласар экан. Одамлар бу оқсоқолга хайр-эҳсон берар, у қишлоқ ҳокими ҳисобланарди.

Тақводор бўлишни хоҳлаган кишилар ўзларини авлиё қилиб кўрсатиш учун соч-соқолларини қириб, ярим яланғоч иссиқда, совуқда кўчаларда кезиб юраверар, жулдур кийиниб, кўчаларда овқатланар, кеча-кундуз кўшиқ айтиб, чилдирма чалиб юрадилар. Бу ердаги уйларнинг эшигига қора ипак ипдан ой шакли акс этган туғ тутилган, эшик остига кийик, эчки, қўй шоҳлари илиб қўйилган. Уйларида шоҳ сақлаш, кўчаларда уни ўзлари билан олиб юриш ошиқларнинг одатидир.

75-боб. Йигирма олтинчи май, душанба куни бу ердан жўнаб, деярли бутун Арманистон бўйлаб айланиб оқадиган Аракс дарёси яқинидаги далада тунаган элчилар шу куни сув оқиб турган баланд қорли тоғлар орасидан ўтиб, эртаси, сепсанбада аҳолисининг кўпчилиги армандардан иборат Назујуа деган бир қишлоқда тунадилар. Шу куни нокулай бўлган дарё қирғозидан юрган элчиларни бу ернинг ҳокими ҳурмат билан кутиб олди. Элчилар чоршанба куни тузли қоя

устида баланд қасри бор қишлоқда тунадилар. Тұзлы тоғ тиз-
маси ярим күнлик масофали йўл эди. Хоҳлаган киши бу
туздан истеъмол қилиши мумкин, ерликларнинг ҳаммаси
шу туздан фойдаланади.

76-боб. Йигирма тўққизинчи май, пайшанба куни тушга
яқин Калмарин деган шаҳарга кириб келишиди. Шаҳардан
олти лиға узоқликдаги баланд тоғ кўзга ташланиб турар,
ривоятларга кўра, дунёни сув босганда Нуҳ пайғамбар кема-
си шу тоғда қўним топган экан. Шаҳар текисликка жойлаш-
ган, бир томонидан Аракс дарёси оқиб ўтса, иккинчи томо-
нидан, қоялар орасидаги жуда кенг ва узун водий шаҳарни
ўраб турибди. Водий ва дарё оралиғидаги шаҳар мустаҳкам
қалъага ўхшайди. Дарё бошланишида водийга ўтадиган йўл
бор, ана шу йўлдан шаҳарга ҳужум қилиш мумкин. Лекин
бу жойлар ҳам баланд миноралар билан ўралиб, қўш дарво-
зали баланд қаср қурилган. Калмарин дунёни сув босганидан
кейин, Нуҳ (а.с.) қабиласи томонидан қурилган биринчи
шаҳардир. Шаҳар аҳолисининг гапига қараганда, бундан сак-
киз йил илгари шаҳарни қамал қилган Тартария хони Тўхта-
мишхон ва унинг қўшини шаҳарга қадам босмаслиги ҳамда
шаҳар бунинг учун ҳар йили бож тўлаб туришга рози экан-
лиги ҳақида битим тузилган. Шаҳар аҳлининг бу шартга ро-
зилигини билган Тўхтамишхон улардан Журжония подшоҳи
Сорсога қарши курашда ёрдам беришини сўрайди ва шаҳар
ярим қўшинини унга топширгач, Тўхтамишхон яна шаҳар-
ни талайди ва ёқиб юборади. Аҳолисининг кўпчилиги ар-
манлардан иборат шаҳар вайронага айланиб, кўплаб одамлар
ҳалок бўлади.

Насронийлар арман ерларидаги ҳокимиятни қандай қилиб
кўлга киритганликлари ҳақида бир оз кейинроқ сўз юритамиз.

Темурбекка қараishi бу шаҳарда кўплаб бинолар бўлиб,
элчиларни бу ерда турар-жой, озиқ-овқат ҳамда улов билан
таъминладилар. Эртаси, жума куни, улар бу ердан чиқиб,
қоя тепасидаги баланд қаср олдига келдилар. Қаср эгаси бева
аёл бўлиб, Темурбекка бож тўлар, илгари қасрда йўлтўсар
қароқчилар истиқомат қилишган экан. Темурбек қасрга ҳужум
қилиб, аёлнинг эри бўлмиш, ҳокимни ўлдириб, бундан буён
қасрга қароқчиларни қўймасликни, ёмон одамлар қасрга

кириб, ўзларини ҳимоя қилмасликлари учун қаср дарвозасини олиб ташлаб, ҳеч қачон ўрнашмасликни тайинлайди. Шундан сўнг қасрни ҳокимнинг бевасига топширади. Эгиде деб номланган бу қаср Нуҳ тоги этагида жойлашган. Элчилар Тарабзундан жўнаганларидан бери, дуч келган тоғларнинг барчаси дараҳтсиз, қуп-қуруқ эди. Қаср ҳокими – бева аёл элчиларни жуда яхши кутиб олиб, уларга барча зарур нарсаларни муҳайё қилди.

77-боб. Ўн учинчи май, шанба куни элчилар бу ердан чиқиб, Нуҳ кемаси тўхтаган тоғ этагидан юрдиларки, баланд тоғ дов-дараҳтсиз, тоғ чўққиларида оппоқ қор кўринар, суви мўл, ўтлари ўсиб ётарди. Улар тоғни айланиб ўтиб, узоқ масофаларга чўзилган бино ва уйларнинг тошдан ясалган пойдеворларини, вайроналарга атайин экилгандай, ўзидан-ўзи ўсиб чиққан, дони пуч жавдар ўсимлигини, сариқбош ўтини кўрдилар. Тоғ этагидан матоларни бўяшга ишлатиладиган қизил бўёқ олинаркан.

Улар тоғ оралаб анча юрганларидан кейин, тоғ этагида кимсасиз шаҳар кўринди. Маҳаллий аҳолининг айтишича, узунлиги бир лига келадиган мазкур шаҳар Нуҳ (а.с.) ва унинг қабиласи томонидан, ер юзини сув босгандан кейин курилган шаҳардир. Шаҳар олдида катта текислик бор, кўплаб каналлар оқиб ўтган ва дараҳтлар, гуллар ўсиб ётибди. Узоқдан булоқлар кўзга ташланади. Тоғ қоялари жуда баланд ва қиррали. Доимо қор билан қопланганлиги учун чўққиларнинг юқори қисми йил бўйи булат билан қопланниб тураркан.

Элчилар шу куни тошлар уюми остидан сизиб чиқаётган булоқ ёнида тўхтаганларида булат тарқалиб, тоғ чўққиси кўринди, бир оз ўтиб яна булат қоплади. Айтишларича, тоғ чўққисидаги булат камдан-кам тарқалар экан. Бу тоғ ёнида унчалик баланд бўлмаган яна бир қиррали тоғ бўлиб, иккаласи оралиғида худди эгар шаклидаги боғланиш мавжуд. Нуҳ пайғамбарнинг кемаси айнан шу ерда тўхтаган эмиш. Икки тоғ чўққиси қор билан қопланган. Элчилар шу кечаси Восит қалъаси деб аталган қасрда тунадилар. Тоғ чўққисига жойлашгани учун қасрга чиқиш жуда қийин. Пастроқда шаҳар, шаҳар билан қаср оралиғида минорали баланд девор, девордан қаср эшиги томон зинапоя қурилган. Темур-

бек қасрни қамал қилгач, қаср ҳокими Темурбек қўшини қасрга кирмаслиги ва уруш қилмаслиги шарти билан бож тўлаб туришга рози бўлган.

78-боб. Биринчи июнъ, якшанба кечки ибодат маҳалида насронийлар католиги Норадинга қарашли Маку деган қасрга етиб келган элчилар бу ердаги аҳолининг бари католик арманлардан иборат эканлиги, улар арман тилидан ташқари, татар, форс тилларини ҳам билишларидан воқиф бўлдилар. Ака-ука Доминик ибодатхонаси ҳам шу атрофда бўлиб, ибодатхона водий четида, жуда баланд қоя этагида қурилган, шаҳар қоядан юқоридаги ёнбағирда жойлашган. Шаҳарнинг тепасила минорали мустаҳкам тўсиқ девори, деворнинг нариги томонида эса аҳоли яшайдиган уйлар бор. Биринчи тўсиқнинг юқори қисмида яна бир тўсиқли девор, иккинчи тўсиқ девор ичкарисидаги қояда зинапоя мавжуд. Эшик олдида тўсиқни қўриқлаш учун минора, иккинчи тўсиқнинг нариги тарафида кўпгина уйлар, минора ва ҳоким яшайдиган кошона бор. Аҳоли ўзига зарур жамғармани шу ерда сақлайди. Қоядаги уйлар ва бинолар тўсиқларга қараганда баландда қурилган. Қаср ичидан бошланган катта сув оқими бутун аҳолини таъминлаб, боғларни сугоради. Қаср пойида кўркам водий, ундан дарё оқиб ўтади. Водийда боғлар, токзорлар ва экинзорлар ястаниб ётибди.

Темурбек мазкур қасрни забт эта олмаган бўлса-да, кейинроқ қаср ҳокими Темурбекка хоҳлаган пайтда йигирмата от етказиб бериш шарти билан битим тузган. Бир оз вақт ўтиб, Темурбек қўшини билан қаср ёнидан ўтаётганда, ҳоким ўз ўғли орқали совға сифатида Темурбекка топшириш учун учта безатилган от юборади. Қаср ёнига келган Темурбекка ҳокимнинг ўғли, отаси номидан учта отни топширади. Совғани олган Темурбек қасрга зиён етказмасликка буйруқ беради ва бундай етук ўғилни бу ерда юришига ҳожат йўқ деб, уни ўзи билан олиб кетиб, йигирма ёшли йигитни Эрон ҳукмдори бўлган набираси Умар Мирзога топширади. Қаср ҳокимнинг ўғлини мусулмон динига ўтказиб, унга Сагармиш исмини беради ва ўзининг шахсий соқчисига айлантиради. Бироқ бу

хоҳишига зид ҳолда мусулмон динини қабул қилған бўлса-да, йигит амалда мусулмон эмас эди. Мазкур қаср ҳокими элчиларни жуда яхши қабул қилди. Қаср аҳолисининг насронийлар эканлиги элчилар учун жуда яхши бўлди.

Ҳокимнинг айтишича, Темурбекнинг набираси Жаҳонгир Мирзо ва унинг аъёнлари қандайдир хазинани яшириш мақсадида қасрга кириш учун изн сўраган, лекин у хазинани ўзи яшириб, сақлаб бериши мумкинлигини, Жаҳонгир Мирзони эса қасрга киритмаслигини айтган. Шундан сўнг Жаҳонгир Мирзо бу ҳақда сўз очмаган экан.

Элчилар қасрда шу куни бўлишиди, кейинчалик ҳокимнинг Эрон шоҳи қўшинида хизмат қилаётган ўғлини учратиб, у билан гаплашдилар. Мазкур шаҳар ҳокимининг яна бир кичик ўғли, отасининг айтишича, ўз она тилининг билимдони ва олими экан. Ҳоким, насиб этса, элчилар уйла-рига қайтаётганларида ўғлини уларга қўшиб юборишини, элчилар уни қиролга тавсия қилишларини, қирол эса уни попга тавсия этиб, натижада ўша ерларга бош руҳоний этиб тайинлашини сўрамоқчи, эканлигини айтди.

Қасрнинг насронийлардан узокда, кўплаб мусулмонлар орасида мавжуд эканлиги, шунингдек, қасрдаги арманлардан католиклар етишиб чиқаётганига ажабланса бўларди.

79-боб. Элчилар иккинчи июнь, душанба куни бу ердан чиқиб, аҳоли яшайдиган ергача этиб келолмай, очиқ далада тунадилар. Шу куни уйлари чап томонда жойлашган, баланд тоғ қоясидаги, атрофи девор ва миноралар билан ўралган, девор ичкарисида суви мўл ерларда токзорлар, боғлар ва экинзор майдонлари бўлган Аленга қасрини томоша қилдилар. Темурбек Эрон подшоҳи Султон Аҳмадни енгиб, ерларини забт этган пайтда, подшоҳ ана шу қасрга яширинган экан. Темурбек бу қасрни уч йил давомида қамал қилгач, подшоҳ қасрдан чиқиб, Бобил султонининг олдига қочиб кеттган. У ҳозир ҳам шу ерда турибди.

Эртаси, сешанба куни элчилар кўчманчи чорвадор чигатойларнинг юзта чодири тикилган далада тунаш учун тўхтаб, чоршанба кунини ҳам шу ерда ўтказдилар. Бу ерда ҳам уларни озиқ-овқат, сафар учун зарур улов ва бошқа керакли нарсалар билан таъминладилар. Шу вақт давомида элчилар

төгли ва сувли яйловлардан ўтиб келишаркан, йўлда кўплаб чиғатойларни учратдилар.

80-боб. Элчилар бешинчи июнъ, пайшанба, тушга яқин текисликда жойлашган, атрофида боғ ва экинзор майдонлари бор, экинзорлари орасидан кўплаб анҳорлар оқиб ўтган, минорали фишт деворлар билан ўралган Хой шаҳрига етиб келдилар. Кўплаб арманлар истиқомат қиласиган бу шаҳар чегарасида Арманистон ҳудуди тугаб, Эрон ерлари бошланади. Элчилар бу ерда Бобил султонининг Темурбекка юборган элчисини учратдилар. Султон элчиси Темурбекка совғалар ортилган ўн бешта түя билан йигирмага яқин қўриқчи аскарлар кузатувида йўлга чиққан, шу билан бирга яна олтита түяқуш ва битта жирафа ҳам олиб бораётган экан.

Жирафанинг гавдаси от бўйига teng, бўйни жуда узун, олдинги оёқлари кейингисига нисбатан анча узун, туёғи xўкизниги ўхшаш кўштуёқ, олдинги оёғи туёғидан то елкасигача бир ярим газ, олдинги қовурғасидан бошигача ҳам бир ярим газ келар, бўйни ҳудди кийикникидай ингичка, босини жуда баландга кўтарар, орқа оёқлари олд оёқларидан калталигини кўрган одам уни ўтирган, деб ўлаши мумкин. Унинг қорни оқ, юнги сарғиш, бурни кийикникидай пастда, пешанасида ўсимта бор, кўзлари думалоқ ва катта, қулоқлари кичкина, энди ўсиб келаётган кийик шохига ўхшайди, беш-олти метр баландликдаги емишни бемалол узиб ея олади. У дарахт барглари билан озиқланар, мухтасар қилиб айтганда, биринчи бор кўрган одам учун жирафа гаройиб ҳайвон ҳисобланади.

Пайшанбада етиб келган элчилар шанбагача шу ерда бўлиб, саккизинчи июль, якшанба куни йўлга чиқдилар. Чунки келган кунлари сафарга тайёр отлари йўқ эди. Шу куни кенг яйловда тунадилар. Улар Хой шаҳригача бўлган йўлларда кўп қор кўрдилар-у, кейин умуман қорни учратмадилар. Бу жойлар анча иссиқ эди.

81-боб. Эртаси, душанба куни туш пайтида текисликда жойлашган, атрофи серсув боғлардан иборат Каза деган катта шаҳарга етиб келдилар. Шаҳар қаршисида айланаси юз мил келадиган катта шўр кўл бор, кўл ҳудудида учта орол,

уларнинг бирида одамлар яшайди. Элчилар шу куни катта қисми вайронадан иборат Кусакама деб аталган жойда туна-дилар. Айтишларича, аҳолисининг кўпчилигини арманлар ташкил этадиган бу шаҳарни Тартария хони Тўхтамишхон бузиб ташлагандан сўнг, Темурбек Тўхтамишхонни енгиб, уни бу ерлардан ҳайдаб юборган экан. Тўхтамишхоннинг бу ерлардан қандай ҳайдалганлиги ҳақида бир оз кейинроқ сўз юритамиз.

Эртаси куни текисликда жойлашган Чаускад деган шаҳарда тунадилар. Шаҳар атрофи ҳар хил боғ ва узумзорлар билан ўралган. Бу ердаги баланд тоғлардан оқиб тушган сувлардан боғларни суғориб, мёл ҳосил олишар, Табриз шаҳрига ҳам жўнатишар экан. Тунни далада ўтказган элчилар шу куни боғлар, токзорлар ва узоқлардан оқиб келаётган анҳорлар орасидан ўтдилар. Бу йўллар жуда текис ва чиройли эди.

82-боб. Ўн биринчи июнь, чоршанба кечки ибодат маҳали икки тоғ қоялари орасидаги водийда жойлашган Табриз деган катта бир шаҳарга етиб келган элчилар шаҳар атрофи деворсиз, чап томондаги тоғ шаҳарга жуда яқин, тоғдан сув оқиб тушаётганини кўрдилар. Шаҳардан узоқроқда, ўнг томонда яна бир тоғ бўй кўрсатиб турар, у жуда совуқ, чўққисидан йил бўйи қор аримаскан, тоғдан оқиб тушаётган сув тиник бўлиб, шаҳарнинг турли томонига тарқалган. Шаҳар олдида салобат тўкиб турган икки қоя авваллари бир-бирига яқин, эндиликда улар орасидаги масофа кундан-кунга узоқлашиб бормоқда. Чап томондаги, бир лига баландликдағи қояни генуяликлар қаср қуриш учун Султон Вайс деган ҳукмдордан сотиб олган экан. Кейинроқ сотганига пушаймон бўлган ҳукмдор, қаср қураётганлар олдига одам юбо-риб, “бизнинг юртда савдогарлар қаср курмасин деган одат йўқ, бироқ қаср қуришга сарфланадиган тупроқни ўз мамлакатларидан олиб келишлари керак”, деб айтади. Савдогарлар у билан баҳсга киришганда, у савдогарларни қатл этишга фармон беради.

Ўнг томондаги тоғдан оқиб тушаётган сув анҳор ва ирмоқларга бўлинниб, шаҳарнинг турли бурчакларига оби-ҳаёт тарқатар, шаҳарнинг кенг ва тор кўчаларида ҳар хил нарсалар сотилар, кўчаларнинг кесишган жойларида кўп эшикли

үйлар, каттакон бу уйларнинг ичидаги шойи, юпқа шойи ва ипак матолар, марваридлар билан савдо қилувчи дўконлар бор эди.

Табриз шовқин-суронли, савдогарлар шаҳри, бу ердаги дўконларда аёллар учун хушбўй атири-упалар, дуру гавҳарлар сотиларди. Бу атири-упаларни айнан аёлларнинг ўзлари дўконларга кириб савдо қиласиди. Аёллар ўзларини танитмаслик учун паранжи ёпиниб олардилар.

Шаҳарда юнон услубида, қимматли тоштахталар, рангбаранг бўёқлар, олтин ва чиройли ойналар билан безатилган кўплаб бинолар ва масжидлар салобат тўкиб турарди. Айтишларича, бу чиройли бинолар бой-бадавлат, таниқли кишилар томонидан қурилган, қурилиш маҳалида ўша кишилар кимўзарга интилиб, бутун бойликларини қуражак биноларига сарфлаган экан. Ана шу бинолар орасида йигирма мингга яқин хонаси ва яна алоҳида ҳужралари, чиройли деворлар билан ўралган катта уй бор бўлиб, мазкур уй Эрон ҳукмдори Султон Вайс томонидан Бобил султонидан олинган бир йиллик бож эвазига қурилган ва бино Толебаҳтхона деб аталган. Темурбекнинг катта ўғли томонидан шаҳардаги кўпгина ҳашаматли уйлар бузиб ташланган бўлса-да, ушбу кошона сақланиб қолган экан.

Табриз шаҳри бой, ҳар куни бу ерда олди-сотди қизғин. Айтишларича, илгари шаҳар аҳолиси кўп бўлиб, ҳозир шаҳардаги хонадонлар сони иккиси юз мингдан ошса керак. Шаҳар майдонларида бутун ҳолда ёки турли усусларда пиширилган гўшт ва сархил мева-чевалар сотилади.

Шаҳар кўчаларининг бирида қурилган дараҳт бўлиб, у қачон барг чиқарса, қўлида хоч ушлаган бир насроний руҳонийси ўз муридлари билан дараҳт олдига келиб, аҳолини Исо пайғамбар динига киритишини Худодан сўраркан. Буни дарвиш қиёфасидаги бир мусулмон гапириб берган экан. Аҳоли бундан жуда ҳам хафа, дараҳтни кесиб ташламоқчи бўладилар, бироқ дараҳтга уч марта болта урган кишининг қўли синади. Бу ҳақда гапирган ва кўпгина нарсаларни башорат қилган ўша мусулмон одам яқинда қазо қилибди. Айтишларича, бу шаҳарга ташриф буюрган Темурбек ўша мусулмонни топиб келтиришни буюради. Мусулмон юқоридаги ривоятни ва бошқа кўпгина нарсаларни унга гапириб беради. Ўша

куриган дарахт ҳозир ҳам турибди ва унга ҳеч ким яқинлаппа олмайди.

Шаҳар кўчалари ва майдонларида кўплаб ҳовуз ва қудуқлар борки, улар олдида, ёзда одамлар сув ичишлари учун мис ҳамда темир косалар қўйилади. Шаҳарга Соҳибқироннинг қариндошларидан – Деррега исмли шаҳзода ҳоким эди. У элчиларни катта ҳурмат ва эҳтиром ила кутиб олди.

Бундан ташқари, кўплаб масжид ва ҳаммомлари бўлган бу шаҳарда элчилар тўқиз кун туриб, жўнашлари олдидан уларга сарой отларидан келтириб беришди. Соҳибқирон иқбалига ташриф буюрувчилар учун шу ердан бошлаб, тегишли жойларда салтанатга қарашли отлар тайёрлаб қўйилган, бу отлардан меҳмонлар йўлларда кеча-кундуз фойдаланишлари мумкин. Бу жойда юзта, иккинчи жойда элликта, яна бир жойда икки юзта мана шундай чопқир отлар то шаҳри Сармарқандга етиб боргунча шай қилиб қўйилган. Бу шаҳардан ўн кунлик масофада, Бобил қарисида Бағдод шаҳри жойлашган.

83-боб. Йигирманчи июль, жума куни, соат тўққизларда Табриз шаҳридан чиқиб, кечқурун Зайдана деган қасрга етиб келишган элчилар эртаси, шанбада Бухон деган қишлоқдан ўтиб, далада тунаб қолдилар. Якшанба куни эрталаб Сангелана қишлоғидан ҳам ўтиб, туркман қабиласи истиқомат қилувчи Туселар қишлоғида тушлик қилдилар. Бу юрт улар босиб ўтган аввалги мамлакатларга қараганда текисликда жойлашганлиги билан бирга жуда иссиқ ҳам эди. Ҳар бир қишлоқдан таомлар олиб чиқиб, элчиларни меҳмон қилишпари-дики, бу ерларнинг урф-одати шундай экан. Элчилар бирор қишлоққа етиб келишлари биланоқ, отлардан тушиб, далада, соя жойда, улар учун тўшалган гилам устида ўтирас, шундан сўнг хонадонлардан олиб чиқилган таомлар – кимдир нон, бошқаси кўзада қатиқ, яна бири рўзгорида тайёрланган гуруч ёки жўхоридан пиширилган таом дастурхонга қўйилар эди. Булар йўл устида олиб чиқилган таомлар, агарда меҳмонлар қишлоққа тушадиган бўлсалар, кўплаб пиширилган гўшт келтириларди.

Элчилар сафарни кечаси, салқинда давом эттириш мақсадида, қоронғи тушиши билан йўлга отландилар. Чунки кун-

дузлари ҳаво жуда иссиқ, пашша-чивинлар дастидан юришда тоқат қилиб бўлмасди. Катта-катта чивинлар одам ва ҳайвонларни қон чиққунча чақар, уларга ҳатто ҳайвонлар бардош бера олмас, чивин чаққан жойдан шундай қон оқардики, бундан одам ҳайратга тушарди.

84-боб. Элчилар, эртаси, душанба куни соат бирларда “ярим йўл” маъносини англатувчи Миана шаҳрига етиб келиб, бу ерда кун бўйи бўлишди, кечқурун ўзларига ажратилган отларга миниб тун бўйи йўлларини давом эттиришиди ва сесанба – Авлиё Хуан куни эрталаб катта бир уй олдига етиб келдилар. Бу уй савдогар ва саёҳатчилар учун қурилган карвонсарой бўлиб, элчилар кечки ибодатгача шу ерда дам олдилар. Шу вақт оралиғида Соҳибқироннинг катта ўғли Мироншоҳ юборган чопар келиб, элчилар сафарни тезлаштириб, бу ердан унча узоқ бўлмаган далада, лашкарлари билан турган шоҳ ҳузурига етиб боришларини сўраганлигини айтди.

Элчиларга салтанат отларидан тақдим этилгач, кеч кириши билан улар йўлга чиқарканлар, тонг отиши билан Мироншоҳнинг иккинчи чопари етиб келиб, шоҳ элчилар билан учрашиш ниятида, Султонияга қараб келаётганлигини, шу сабаб элчилар сафарни янада тезлаштиришлари лозимлиги ни маълум қилди.

Элчилар тунга яқин дарё бўйидаги бино олдига етиб келдилар. Бу ерда ҳам салтанат отлари сақланаркан. Улар шу ерда дам олиб, отларни алмаштириб, йўлга чиқдилар ва тунда, бир вақтлар Эроннинг йирик шаҳарларидан бўлган, кимсасиз Санга шаҳрига етдилар. Иккита баланд тоғ тизмалари оралиғидаги водийда бўй кўрсатиб турган шаҳарнинг деворлари бузиб ташланган, ичкарида уй ва масжидлар бор, кўчаларидаги ариқларда сувлар оқиб ётарди. Санга шаҳри шоҳ Доро тасарруфида бўлиб, у ўз салтанатидаги шаҳарни жуда қадрлар ва кўп вақтини шу ерда ўтказарди. Доро шу шаҳардан Александрга қарши қўшин тортган экан. Шу ерда тунаб қолишни ихтиёр этган элчиларни яхши қабул қилиб олган шаҳар аҳли уларни ширин таом ва мева-чевалар билан меҳмон қилди, эртаси куни маҳсус тайёрланган салтанат отларига миндириб, кузатиб қўйдилар.

85-боб. Олтинчи июнь, пайшанба куни, түшгә яқын Султония¹ шаҳарига келиб, Темурбекнинг катта ўғли Мироншоҳ Мирзо шу ерда эканлигини билдилар ва эртаси, жумада Мироншоҳ Мирзонинг ҳузурига йўл олдилар. Бу ерга келган кишилар урф-одатга кўра, совға-саломлар беришлари лозим эди. Шу боис элчилар сархил нарсалар, кўйлаклар, бу ерда қадрланадиган шойи газламалар ва яна баъзи молларни Мироншоҳга олиб келишганди. Улар Мироншоҳ Мирзони катта боғ ичидағи саройда учратдиларки, у элчиларни хурмат-эҳтиром билан кутиб олиб, ўз чодирига таклиф этаркан, элчилардан қиролнинг сиҳат-саломатлигини сўради. Озгина сухбатдан сўнг, у элчиларни дастурхонга таклиф этиб, ширин таомлар билан сийлади. Шундан сўнг Мироншоҳ Мирзо ҳар бир элчининг елкасига яхши тўнлардан ёпди.

Султония шаҳри текисликда жойлашган, атрофи деворлар билан ўралмаган, лекин шаҳарда баланд девор билан ўралган қаср бор. Қаср деворларида чиройли, ҳар хил гул ва кошинкорлик билан безатилган миноралар, ҳар бир минорада тош отиш қуроли — манжаниқ, яъни палахмон бор эди.

Султония аҳолиси Табриз аҳолисига нисбатан камчиликни ташкил қиласа-да, бу ердаги савдо-сотиқ ишлари жуда юқори. Ҳар йили июнь, июль ва август ойларида сон-саноқсиз карвонлар билан Султонияга ҳисобсиз моллар келтирилали. Ана шу савдо-сотиқ орқасидан мамлакат катта даромад кўради. Ҳар йили бу шаҳарга Кичик Ҳиндистондан кўплаб савдогарлар Сурия ва Александрияга олиб боролмайдиган тансиқ ва хушбўй меваларни, қалампир, мускат ёнғоғи, долчин, ун, мускат бўёғи ва бошқа энг яхши дориворларни Султонияга келтиришар, бундан ташқари, Боку, яъни Каспий денгизи яқинидаги Гilonда ҳар йили кўплаб ишлаб циқариладиган шойининг катта қисмини шу ерга олиб келардилар. Гilon шойиси Дамашқ, Сурия, Туркия, Кафа ва бошқа мамлакатларга юборилади. Султонияга яна Шамахи заминида тайёрланган шойилардан келтирилар, ҳатто Генуя ва Венеция савдогарлари ҳам шойи сотиб олиш учун, ипак-

¹ Султония — Эрон Озарбайжони шаҳарларидан. Ҳалокуийлар давлатининг Табриздан кейинги пойтахти. Аргунхон (1284–1291) ва Кайхотухон (1291–1295) замонида қурилган Абхор билан Занжон ўртасида жойлашган.

нинг кони – Шамахига ташриф буюришарди. Шуни айтиб ўтмоқ лозимки, иқлими ҳаддан зиёд иссиқ Султонияга келган чет эл савдогарларини офтоб урар ва ҳатто қүёш таъсиридан ҳалок бўлишлари ҳам мумкин эди. Айтишларича, офтоб уриши елкани қаттиқ кўйдириш билан бирга тўғри юракка таъсир қиласар ва одам қайт қилиб ўлар экан. Офтоб урган кишининг ранги сарғайиб, аввалги ҳолига қайта олмас экан.

Бундан ташқари, Кичик Ҳиндистон яқинидаги Шероз ва Есен, Серпидан бу ерга кўплаб шойи газламалар, Хурсондан йигирилган-йигирилмаган иплар, либосга мўлжаллаб тайёрланадиган турли рангдаги ип-газламалари келтирилади.

Хурсон-Туркистон ерларидан Кичик Ҳиндистонга қадар ҳудудни ўз ичига олган жуда улкан мамлакатдан, яъни Шероз ва Хурсон ерларидан, Ормуз шаҳридан Султонияга кўплаб марварид ва дуру гавҳарлар келтирилади. Илгари Кичик Ҳиндистонга қарашли Ормуз шаҳри эндиликда Темурбек қарамоғида. Хитойдан Ормузга келиш учун Фарбий дengиз орқали деярли ўн кун юрилади. Ундан сўнг бир дарёга ўтиб, яна кемала ўн кун юриб, Ормузга етиб келадилар. Денгизда сузувчи кемаларда темир ишлатилмай, улар фақат ёғоч, мих ва арқонлар билан ясалади. Темир ишлатилса, дengизда кўп учрайдиган магнит, яъни оҳанрабога дуч келиб, емирилиб, вайрон бўлиши мумкин. Бу кемаларда марваридлар олиб келадилар. Фақат Хитойда учрайдиган энг яхши ёқут, кўплаб ширинлик ва дориворлар бу ерга келтирилиб, сўнгра дунёнинг бошқа жойларига олиб кетилади. Дунёдаги марвариднинг энг кўпи Хитой денгизидадир. Марваридни тешиб, сайқал бериш учун Ормузга олиб келадилар. Мусулмон ва насроний савдогарлар бу марваридларни тешиб, сайқал берадиган Ормуздан бошқа жой йўқ, дейдилар. Султониядан Ормузгача олтмиш кунлик йўл. Ушбу гарбий мамлакатда марварид “ясорес” деб аталган чиганоқларда ҳосил бўлади, десалар, Ормуз ва Хитой мамлакатидан келган кишилар, марваридлар дengиз малюскалари чиганоғида ҳосил бўлади, дейдилар. Оппоқ чиганоқларни Султония ва Табризга келтириб, улардан марваридга ўхшаш сирға, узук ва бошқа шунга ўхшаш безак-тақинчоқлар тайёрлайдилар.

Кафа ва Тарабзундан насроний савдогарлар, шунингдек, Туркия ва Бағдоддаги савдогарлар йилнинг айни шу мавсу-

м�다 моллар харид қилиш учун Султонияга келадилар. Султониянинг текисликда жойлашган жуда катта майдон ва кўчаларида ҳар хил моллар сотилар, бу ерга келган савдогарлар шаҳардаги кўплаб катта уй ва меҳмонхоналарда тўхтайдилар.

86-боб. Шаҳар чеккасидан бошланадиган кенг, паст текисликларда аҳоли зич жойлашган. Ўнг томонда, куп-курук тоғлар ортида Гуржистон мамлакати бор. Баланд тоғлардаги қорлар ҳеч қачон эримайди. Чап томонда ҳам худди шу каби тоғ бўлиб, ҳавоси жуда иссиқ. Унинг ортида, Гилон ерларида Боку¹ денгизи мавжланади. Султониядан ушбу денгизгача олти кунлик йўл. Боку денгизидаги айрим ороллардан олмос оладилар. Лимон ва апельсин дараҳтларига бой Гилон ерлари жуда иссиқ, ҳеч қачон қор тушмайди.

Кўплаб мамлакатлар билан савдо-сотиқ олиб борганлиги учун, Султония подшоси катта даромад олади. Султония ва Табриз шаҳарлари, умуман Эрон подшолиги Темурбекнинг тўнғич ўғли Мироншоҳ Мирзога қарашли эди, лекин у бу ерлардан маҳрум. Бунинг сабаби эса қуйидагича:

Мироншоҳ Мирзо бу ерларнинг ҳокими, отаси томонидан берилган кўплаб қўшин ва баҳодирларга эга эди. Аммо у Табризга келгач, ғалати бир одат чиқарди. Барча уйлар, масжидлар ва бошқа биноларни бузиб ташлашни буюрди. Табриздан Султонияга келиб ҳам шу ишини такрорлади. Шаҳардаги қасрга кириб, отасининг шу ерда сақланаётган хазинасидан анча қисмини баҳодир ва аъёнларига бўлиб берди. Шаҳардан ташқарида, лашкарбоши томонидан қурилган ва унинг ўзи ҳам шу ерга дафн этилган катта уйни ҳам буздириб, лашкарбошининг жасадини қабрдан чиқариб ташлашга фармон берди. Баъзи бировлар Мироншоҳ Мирзо бу ишларни жиннилиги туфайли амалга оширган деса, яна бирорвлар, Мироншоҳ Мирзо ўзига ўзи: “Мен жаҳонда энг улуф инсоннинг фарзандиман, бу шаҳарларда ўлимимдан кейин ҳам ном қолдирадиган қандайдир ишларни амалга оширмоғим керак”, дегани учун ҳам шундай қилмоқда, деб айтардилар.

¹ Каспий денгизи.

Кейин у ном қолдирадиган ҳар хил усууллар ҳақида ўйлаб-ўйлаб, охири дунёдаги барча ишлардан афзалроқ бошқа иш қилиш мумкин эмаслигини англаб етади ва одамлар ўлимидан кейин уни эслашлари учун, шу ердаги биноларни бузиб ташлашга буйруқ беради. Бундан хабар топган Темурбек Самарқанддан Мироншоҳ Мирзо ҳузурига йўл олади. Отасининг келётганини эшигтан ўғил “Бир қошиқ қонимдан кечинг!” деб афв сўраб, отани кутиб олиш учун пешвоз чиқади. Отаси уни қатл этмоқчи бўлганда, қариндош ва амалдорлар унинг гуноҳидан ўтишни сўраб, жон куйдириб ҳаракат қилгач, Мироншоҳ Мирзони салтанатдан маҳрум этиш шарти билан Темурбек ўғлининг гуноҳидан ўтади ва унинг ихтиёридаги ерларни ҳамда қўшинни олиб, Мироншоҳ Мирзонинг ўғли, Абубакр Мирзони ҳузурига чақириб: “Отанг гуноҳкор бўлиб қолганлиги сабабли, унинг салтанати ва мулкини сенга тақдим эта-ман”, дейди. Бунга жавобан набираси: “Отамнинг салтанатини эгаллашдан худо асрасин, яхшиси отамни кечириб, мол-мulkини унинг ўзига қайтариб беринг”, деб эътиroz билдиради.

Шундан кейин Темурбек ҳокимиятни Мироншоҳ Мирзонинг бошқа ўғли – Умар Мирзога таклиф этганда, у отасининг салтанат ва қўшинини қабул қилиб олади. Ҳокимиятга эга бўлган ўғил, кейинчалик отаси ва акаси билан шунчалик зиддиятга борадики, ҳатто уларни ўлдирмоқчи ҳам бўлади. Бу ҳақда бир оз кейинроқ сўз юритамиз.

Шундан кейин Темурбек Бобил султонлиги ерларидан Бобил, Алеппо ва Бағдод шаҳарларини забт этиб, бу юртларни отасининг салтанатини олишдан бош тортган набира-сига тақдим этади. Кейинчалик Мироншоҳ Мирзо ўғли Абубакр Мирзо билан ушбу вилоятларда яшай бошлайди.

Мироншоҳ Мирзо юқоридагидай васвасаларга тушган пайтларда, узоқ йўл босиб, Темурбек ҳузурига етиб келган ва воқеани отасига гапириб берганда, хотини Хонзодабегим ўз эрини Темурбекка қарши исён кўтармоқчи эканлигини ҳам айтади. Оқибатда Темурбек Мироншоҳ Мирзодан ҳокимиятни тортиб олди. Хонзодабегим эса эри ҳузурига бормай, ҳурмат-эҳтиром ила Темурбек саройида яшаб келмоқда. Мироншоҳ Мирзонинг Хонзодабегимдан Халил Султон деган ўғли бор. Мироншоҳ Мирзо қирқ ёшлардаги, тўладан келган, баланд бўйли, оёқ оғриғига ҷалинган киши эди.

Элчилар Султония шаҳрида уч кун турдилар.

87-боб. Элчилар йигирма түккизинчи июнь, якшанбада шоҳ томонидан ажратилган маҳсус отларда Султониядан жўнаб, кечқурун Коенгола деб аталган қишлоққа келиб туандилар. Эртаси куни, тушда Абхор қишлоғига бирров қўниб, яна йўлни давом эттириб, кечаси серсув ва боғ-роғларга бой Секизана қишлоғига кириб келдилар. Эртаси, чоршанбада, бундан бир неча кун илгари эгаси ташлаб кетган қасрда туандилар. Айтишларича, бир ой илгари шоҳ бу ерда бўлиб, на буғдой, на жавдар, ҳатто чорва учун ўт ҳам бўлмагани учун, экилган майсаларни едиринглар, деб буйруқ берган. Қўшин шоҳ буйруғига биноан ҳамма нарсани талон-тарож қилгани сабабли аҳоли бу ердан кетиб қолган. Бу ерда фақат йўловчилар учун ажратилган элликта отни боқиб юрган кишиларни учратиш мумкин эди.

Элчилар Султониядан бу ергача бўлган масофада, салтанат отлари қўйилмаган иккита жойни учратдилар, холос. Учинчи июль, пайшанба куни, элчилар сафар отлари билан таъминланди ва улар Шаҳаркон шаҳарига етиб келдилар. Уларга жуда яхши бино ажратилди ва ҳамма керакли нарсалар билан таъминланди. Элчилар ўз қароргоҳларида ўтирганда, Босимбек исмли лашкарбошидан хабар келди. Қирол элчиларини иззат-икром билан қабул қилиш унга топширилганинги, уларга тайинлайдиган гаплари борлигини билдириб, элчиларни ҳузурига чорлаган эди.

Элчилар пайшанба, жума ва шанба кунлари шу шаҳарда туришиди.

88-боб. Шанба куни отлар билан таъминланган элчилар кеч кириши билан бу ердан чиқдилар, олтинчи июль, якшанба куни тушга яқин Техрон¹ шаҳрига етиб келиб, Босимбекни шу ерда учратдилар. Босимбек элчиларни жуда яхши кутиб олди ва шоҳ ташриф буюрганда истиқомат қиласиган шаҳардаги энг яхши бинога жойлаштириди. Эртаси куни киши юбориб, меҳмонларни ҳузурига таклиф этди. Элчилар уни уйига яқинлашганларида ўзи кутиб олди ва ичкарига бошлиб, супада ўз ёнига ўтиргизди. Шундан сўнг у ҳозиргина етиб келган, Темурбекка совғалар олиб бораётган, Бобил

¹ Эрон пойтахти.

султони элчиларига ҳам киши юборди. Босимбек элчиларни ҳар хил таомлар, шунингдек, пиширилган от калласи, қовурилган от гўшти билан зиёфат қилди. Зиёфатдан сўнг, “эртага жўнашларингиз мумкин”, деди. Шунингдек, Босимбек Соҳибқироннинг куёви билан бирга эътиборли Мирзонинг ҳузурига ташриф буюришларини ҳам маслаҳат берди ва Соҳибқироннинг топшириги шундай, деб қўшимча қилди.

Элчиларнинг жўнаш оллидан Босимбек Руи Гонсалесга кимхоб тўн, салла тақдим этиб: “Буни Темурбекнинг қиролга дўстлиги рамзи сифатида қабул қилишингизни сўрайман”, деди.

Теҳрон атрофи девор билан ўралмаган, ҳамма нарса мўлкўл, ажойиб шаҳар. Аммо жазира мақсади ёмон таассурот қолдирди. Шаҳар жойлашган ерни Рей деб атайдилар. Бу кенг ва бой вилоятга элчилар ҳузурига ташриф буюриши лозим бўлган Темурбекнинг куёви ҳокимлик қиласидарди. Султониядан Теҳронгача бўлган ҳудуд аҳоли яшайдиган текис ва жазира мақсади ерлар экан.

Эртаси, сешанба куни кечқурун бу ердан икки лига масофадан кейин, ўнг томонда, умуман бузиб ташланган улкан шаҳар харобалари кўринди. Бир неча минора ва масжидларгина бутун қолган, ҳозирда кимсасиз Рей илгари мамлакатда йирик шаҳар ҳисобланган. Чоршанбада элчилар бир қишлоққа келиб, сўнг тоғда яшовчи ҳоким ҳузурига бориш учун қишлоқдан чиқиб, далада тунадилар.

89-боб. Элчилар, эртаси, ўнинчи июль, пайшанба тушлиқ ибодат маҳалида бир неча отлиқларга дуч келиб, улардан ҳоким ўз ўрдасида эканини, ўзларини Бобил султони элчилари билан кутиб туришганини, кейин улар билан бирга ҳоким ҳузурига ташриф буюришларини билиб олдилар.

Элчилар султон элчиларини кутиб, Қоҳира элчилари этиб келишгач, элчиларнинг ҳар бири ўз гуруҳи билан йўлга тушди. Улар ҳоким ўрдасига яқин жойда қолиб, унинг буйругини кутдилар. Орадан бир оз вақт ўтгач, ҳоким чопар юбориб, уларни таклиф қилди. Чодир олдидаги катта шийпонда ўтирган ҳоким уларни ҳурмат билан кутиб олди ва тезда дастурхон тузашни буюорди. Ҳоким эртаси куни ҳам бирга овқатлашишга таклиф этди ва уларни ўз чодирларига кузатиб қўйишини буюорди. Элчилар ўз чодирларига киришгач, уларга ҳар

хил таомлар, нон ва ун, тирик күй келтириб беришди. Мех-монлар эртаси куни, ҳоким таклиф этганидек, базмга таш-риф буюришди. Базм дастурхонига турли таомлар, қовурил-ган от гүшти, пиширилган от буйраги, ҳар хил шириналык-лар қўйилган, базмда кўпгина одам иштирок этди.

Зиёфат тугагач, ҳоким элчиларга қарата: “Соҳибқирон фармойишига асосан совғалар кўрилиб, элчилар олдин са-ройга юборилиши кераклиги” ни айтди. Ҳоким совғаларни кўргач, уларни от ва туяларга юклаб, Соҳибқирон турган жойга жўнатишни, кейин эса элчиларни отлар билан таъ-минлашни буюрди.

Элчиларга тўн ёпилди. Руи Гонсалесга қўшимча ҳарбий кийим ва телпак ҳамда бу ернинг одатига кўра, катта совға ҳисобланган эгар-жабдуқлари билан бирга йўрға от тақдим этилди.

Ҳокимнинг исми Фуломшоҳ Мирзо бўлиб, Соҳибқирон-нинг яқин одамларидан эди. У элчиларни икки тоғ оралиғи-дан оқиб ўтадиган дарё бўйидаги майсазорда кутиб олди. Йилнинг ушбу фаслида бу ерлар жудаям гўзал кўриниш касб этар, бу ердаги тоғ Кар деб аталар, тоғ этагидаги ўрда-да уч мингга яқин чодирлар тикилган. Темурбекнинг қизига уйланган ҳокимнинг олдida бир оз бетоб бўлган, Темурбек-нинг набираси Султон Халил Мирзо ҳам бор эди.

Султон Халил Мирзо, элчилар Соҳибқиронга совға си-фатида олиб келган лочинлардан бирини унга беришларини сўраб, “бобом мен олиб қолганимни эшитса хафа бўлмайди”, деб Фуломшоҳ Мирзога қаради. Фуломшоҳ Мирзо “Соҳибқирон бундан, албатта хурсанд бўлади”, деб лочин-лардан бирини унга ҳадя этди. Элчилар улуғ подшоҳга олиб бораётган совғаларимизни олишга ҳеч кимнинг ҳаққи йўқ, деб эътиroz билдириди. Шунда улар, Султон Халил Мирзо саройнинг довюрак шаҳзодаларидан бири эканлиги, ҳозир-да бетоблиги, шу сабабли Соҳибқирон хафа бўлмаслигини билиб, лочинлардан бирини сўраганликларини айтдилар. Шунингдек, Соҳибқироннинг ушбу набираси туркларга қар-ши жангда Темурбекнинг шахсий соқчиларига бошчилик қўилган. Жанг кетаётган пайтда Соҳибқирон шахсий соқчиларидан бъязи бирларини жангга киришга унлаганда, Султон Халил Мирзо Соҳибқиронга “шундай қалтис кунда сиз мени

яроқсиз, деб четлатяпсизми, мен ҳам жангга кираман!” дейди. Соҳибқирон бунга жавобан сукут сақлади. Султон Халил Мирзо эса бошидаги дубулғасини ечиб отади ва шу куни бошяланг жантага киради.

90-боб. Ўн иккинчи июль, шанба куни элчилардан Руи Гонсалесдан бошқа яна икки элчи — магистр Фра Альфонсо ва Гомес де Салазар бетоб эдилар. Элчиларнинг одамларидан баъзилари ҳам бетоб. Ҳоким узоқ сафарда ўлиб қолмасликлари учун бетоб кишиларни шу ерда қолдиришни маслаҳат берди. Элчилар етти кишини қолдиридилар. Руи Гонсалес ихтиёрида иккита, магистр ва Гомес ихтиёрларида биттадан хизматкор қолди. Беморларни Техрон шаҳрига қайтариб юбориб, қайтгунларича ўша ерда кутишларини тайинладилар. Бироқ қолдирилаётган bemорлардан икки киши шу ернинг ўзида вафот этди.

Элчилар бу ердан чиқиб, кечга яқин бир дарё бўйида тунадилар, эртаси йўлга тушиб, кун бўйи юрганларидан сўнг, кечқурун бошқа бир дарё ёқасидаги сайҳонликда тунни қаршиладилар.

Ўн тўртинчи июль, душанба тушга яқин Ферузкўҳ деб аталган қасрга келиб, Темурбек бундан ўн икки кун аввал бу ерда бўлиб, кейин Самарқандга жўнаб кеттанидан воқиф бўлдилар. Соҳибқирон элчиларни шошириб, Самарқандда учрашиш учун тезроқ йўлга тушсинлар, деб тайинлаб кетган экан.

Самарқанд Темурбек забт этган шаҳарлардан биринчиси, у шаҳарнинг нуфузини янада юқори кўтарди ва ўзининг хазинасини шу ерда сақлаб келмоқда. Элчилар бу ерга келишларидан ўн беш кун олдин Темурбек Ферузкўҳ қасрини забт этган экан. Бунинг сабаби, қаср эгаси Соҳибқироннинг яқин одамларидан бўлиб, Соҳибқирон мазкур қаср ва унинг атрофидаги ерларни шу одамга тақдим этган экан. Кейинчалик ушбу ҳокимдан ғазабланган Соҳибқирон уни тутиб, Самарқандга олиб боришни буюради. Ҳокимни олиб бораётган ясовул қасрга етиб келганда, шаҳар аҳолиси чиқиб, уни ажратиб, қасрга олиб кириб кетади. Бундан огоҳ бўлган Соҳибқирон қасрга қўшин тортиб, уни ўттиз кун қамал қиласди. Шаҳар аҳолиси қасрни ҳимоя қилолмагач, таслим бўлади. Вазиятдан фойдаланган ҳоким кечаси бу ердан қочади.

Қаср шунчалик мустаҳкам қурилганки, агар аҳоли таслим бўлмаганда, қасрга кириб бўлмасди. Чунки қаср пасттексислик ўртасидаги қоя устига қурилган, тоғлар билан боғланмаган. Унинг орқасида эса шаҳар бор. Деворнинг тепасида, ундан баландроқда орқама-кетин иккита минора, девор билан ўралган мустаҳкам қаср қад ростлаб турибди.

Шундай қилиб, бу ерда устма-уст жойлашган учта қалъя, шаҳар ичкарисидан эса атрофни таъминлайдиган сув бор. Мазкур қаср жойлашган қоя дарё билан ўралган. Шаҳар дарвозалари ёнида осма кўприк, кўприк остидан дарё оқиб ўтади.

Ўн бешинчи июль, сесанба куни элчилар дада тунадилар. Чунки икки кун давомида йўлда аҳоли яшайдиган жой учрамади. Улар ўнқир-чўнқир ва жуда иссиқ тоғ йўлларидан юарканлар, йўлларда сув жуда кам эди. Пайшанба куни дарё бўйида жойлашган шаҳардаги кимсасиз қаср олдига етиб келдилар.

91-боб. Ўн еттинчи июль, пайшанба куни кечаси текислика жойлашган, атрофи тупроқ қалъя билан ўралган, бир четида қаср қад кўтарган, Эрон пойтахти Мидия вилоятига қарашли Дамгон деб аталувчи қасрга етиб келдилар. Шу куни қаттиқ гармсел шамол туриб, ҳаво жуда исиб кетдик, иссиқ шамол худди дўзахдан чиқаётган оловдек эди. Элчилар олиб бораётган овчи лочинлардан бири ўлди.

Шаҳардан ташқарида, узилган ўқ узоқлигича масофада, осмонга отилган тош баландлигидаги икки минора қурилган. Ушбу минора ёнида яна иккита бузилган минора ҳам бор. Булар Туркия билан Сурия оралигидаги ерларда яшаган Оқ татарларига¹ қарашли эди.

Темурбек Сабстрияни эгаллаб, Дамашққа қараб юриш қиласкан, йўлда оқ татарлар билан жанг қилиб, уларни енгади. Кейин уларнинг бир қанчасини асир олиб, доимий яшашлари учун, аҳолиси сийрак Дамгон ерларига жўнатади. Шундан сўнг оқ татарлар бошқа жойдаги қабиладошлари билан бирлашган, аввалгидаи далама-дала юриб, ҳаёт кечи-

¹ Оқ татарлар – XIII асрда европаликлар мўғул босқинчиларини шундай деб айтишган.

ра бошлаган. Охир-оқибат ўз ерларига қайтиш ниятида йўлда учраган ҳамма нарсаларни талаб, вайрон қилиб боришган. Оқ татарлар Дамгон шаҳрига яқинлашгандарида етиб келган Темурбек, уларни енгади. Кейин кимда-ким оқ татарларни асир олса, дарҳол ўлдиришни буюради. Бундай фармойишдан кейин лашкарлар қўлга тушган ҳамма оқ татарларни ўлдиридилар.

Хуллас, оқ татарларнинг гапига қараганда, олти юз мингдан кўпроқ киши ўлдирилган. Шаҳарликлар кечаси миноралар тепасидан шамга ўхшаш ёруғлик чиқиб туришини айтдилар. Эртаси, жума куни кечгача элчилар шу ерда бўлиб, кечаси салтанат отларида йўлга тушиб, шанба куни тонгда бир қишлоққа етиб келдилар. Ҳаво жуда иссиқ бўлгани учун шу ерда дам олиб, кечаси яна йўлга чиқдилар.

92-боб. Йигирманчи июль, якшанба куни, соат бирларда Бостан деган катта шаҳарга етиб келган элчиларни кутиб олиш учун шоҳ томонидан юборилган Еннакор исмли ясовул пешвоз чиқди ва элчиларни уй-жой билан таъминлаб, ичишлари учун шароб келтиришни буюрди. Элчилар бетоб бўлганликлари туфайли, уларни базмга таклиф этмади ва турган жойларига кўплаб таом ва мева-чевалар юборди. Меҳмонлар оққатлангач, ясовул киши юбориб, саройга, подшоҳга ҳурмат юзасидан ташриф буюришларини сўради ҳамда меҳмонларга шоҳона тўнлар тақдим этилишини ҳам билдириди. Меҳмонлар ҳолдан тойганликларини айтиб, узр сўрадилар. Шундан кейин ясовул, иккинчи бор киши юбориб, уйига таклиф этди. Бу сафарги таклифни ерда қолдирмаслик учун магистр Фра Альфонсо боришга мажбур бўлди. Унга иккита шоҳона тўн тақдим этдилар. Бундай кийимлар уларда одат бўйича, агар шоҳ номидан тақдим этилса, базмдан сўнг топширилар, ҳадя олган киши шоҳ шарафига тиззасини уч бор букиб таъзим қиласр экан. Базм тугагач, ясовул элчилар ва уларнинг одамларига салтанат отларини юбориб, озгина дам олган бўлсалар, сафарни давом эттиришларини ҳамда Соҳибқирон топшириғига биноан дарҳол йўлга тушишлари ва унинг иқболига етиб олишлари зарурлигини айтди. Элчилар ҳозир йўлга туша олмасликларини, бир оз дам олишлари учун икки кун муҳлат беришларини сўрадилар. Ясовул эса

бир дақықа ҳам қолишилари мүмкін эмаслиги, агарда Соҳибқирон элчиларнинг бу ерда туриб қолғанларини эшитиб қолса, ўзи жавобгар бўлишини маълум қилди. Шу аҳволда сафарга чиқиш оғир бўлса-да, жўнашлари шарт эди. Ясовул от устига, эгар ёнига тўртбурчак тахта ўрнатиб, ўртасига ёстиқ қўйиб беришни йигитларига буюрди. Элчилар кўкракларини ёстиқقا қўйган ҳолда йўлга тушдилар ва шу тарзда бир кеча-кундуз йўл босиб, кечқурун кимсасиз қишлоқ даласида тунни қаршиладилар.

93-боб. Эртаси куни, душанбада, йўл чеккасида, атрофда умуман уйлар йўқлиги ҳисобига, атайин йўловчилар учун курилган катта саройда тунаган элчилар икки кунлик йўл давомида иссиқ ва сув етишмаслигидан анча қийналдилар. Саройдаги сув бундан бир кунлик йўл наридаги анҳордан олиб келинар экан.

Эртаси, йигирма иккинчи июль, сешанба куни ҳеч нарса ўсмайдиган, қуп-куруқ тоғ этагидаги текисликка жойлашган, тоғдан сув қувурлари ўтказилган, ўртасида сунъий тупроқ ўюмидан бўлган тепалиқда, атрофи ўралмаган қасри бор Хогоса деган шаҳарда тунашга тўхтаган элчилар ҳавонинг жуда иссиқлигидан азият чекдилар. Ўтган йили баҳорда, тоғдан сув кўп келиб, шаҳардаги қасрнинг катта қисмини бузиб кетган, шунингдек, экинзорларга ҳам зиён етказган экан. Шунинг учун йўллар теп-текис, мамлакат жуда иссиқ, нотекис ва кам сув.

Элчилар шаҳарга келишлари биланоқ, уларга дарров овқат келтириб, сўнг йўлни давом эттириш учун эгарланган отларни ҳозирладилар. Йўлга чиққан элчиларга Соҳибқирон юборган ясовул ҳам ҳамроҳ бўлди. Ясовул меҳмонларга хурмат кўрсатиб, уларни йўл давомида таом ва зарур нарсалар билан таъминлаб турди. Ундан ташқари, элчилар сафарни тезлаштиришлари учун, ҳар куни отларини алмаштириб берди. Чунки Соҳибқироннинг фармойиши билан Самарқанд шаҳрига етиб боргунча ҳар кунлик йўл охирида бир жойда юз, яна бир жойда икки юз от тайёрлаб қўйилган. Соҳибқирон бирор жойга жўнатган ёки ўз ҳузурига келаётган меҳмонлар бўлса, мана шу отлар кечаю кундуз тез суръатда йўл босишлиари лозим. Бундай отлар аҳоли яшайдиган жойларда ҳам, кимсасиз чўлларда ҳам шай қилиб қўйилган. Кимсасиз

жойларда работлар қурилған бўлиб, яқин шаҳар ва қалъалар ахолиси бу работларни сув ва озиқ-овқат билан таъминлаб туриши шарт қилиб белгиланган. Бу ердаги отларни боқувчи отбоқарлар ҳам тайинланган. Шундай қилиб, Соҳибқирон олдига келаётган элчи ёки хабар олиб келаётган чопар бу ерга келса, отбоқарлар унинг отини тезда алиштириб беришади. Кейин отбоқарлардан бири ўша киши борадиган кейинги манзилгача, унга қўшилиб боради. Янги манзилга етганиларидан сўнг, отбоқар отларни олиб, орқага қайтади. Йўловчиларни эса бошқа отбоқарлар ўз отлари билан олиб кетадилар. Агарда салтанат отларидан бирортаси йўлда чарчаса, йўлда учраган ҳар қандай кишининг отини олиб, алмаштириб кетаверадилар. Йўлда кетаётган оддий киши ёки ҳоким, савдогар ёки элчи, умуман ким бўлишидан қатъи назар, Соҳибқирон ҳузурига бораётган ёки унга хабар олиб бораётган кишининг биринчи талаби билан дарров отини унга бериши лозим. Мабодо талаби бажарилмаса, бош тортган киши қаттиқ жазоланиди. Соҳибқироннинг амри шундай эди. Бундай вазиятларда, ҳатто қўшин отларидан ҳам олар эдилар. Элчилар ўзлари ва одамлари учун кўп маротаба қўшин отларидан олишди.

Айтишларича, Соҳибқирон ҳузурига бораётган кишилар зарур бўлганда, ҳатто шаҳзода ёки шоҳ хотинининг отини олишга ҳам ҳаққи бор экан. Кейин уларга Соҳибқирон ҳузурига бораётган бир киши Соҳибқироннинг ўғлини отдан тушишга мажбур этганлиги ҳақидаги воқсанни гапириб бердилар.

Фақатгина элчилар юрган йўл эмас, балки Соҳибқиронга қарашли барча ерлар ана шундай алоқа воситаси билан таъминланган ва шу тарзда Соҳибқирон ўзига қарашли ерларнинг барча нуқтасидан, жуда тез суръатда хабар олиб турди. Соҳибқирон ҳузурига келаётган киши эллик лига масофани уч кунда эмас, балки бир кунда босиб ўтаётуб, иккита отни ишдан чиқарса, бундай киши Соҳибқиронга катта хизмат кўрсатган, Соҳибқирон эса бундан мамнун бўларди.

Соҳибқирон Самарқандда шундай масофа ўлчовини жорий этганки, унинг бир лигаси ҳажм жиҳатидан қарийб одатдаги икки лигага тенг келади. Масофадан-масофагача устунлар қўйилган, шоҳ фармойишига биноан унинг одамлари ҳар куни ўн-ўн икки лига масофани босиб ўтишлари керак. Ҳар бир масофадан кейин қўйилган устунлар ва улар ора-

лиғи ҳисобида Соҳибқирон томонидан жорий этилган масофа ўлчови, “махалес”, яъни тош деб аталади. Бундай ўлчов бирлиги Мўғулистон ерларида кўлланар экан. Элчилар бу ерлардан ўтганда кўрган устунлар ва улар оралиғидаги масофа Кастилиянинг икки лигасига тўғри келади.

Бир кеча-кундузда қанчадан-қанча масофани босиб ўтганинги ўз кўзи билан кўрмаган кишининг бунга ишониши қийин. Чопарлар отнинг охирги нафасигача тинимсиз чоптириб, Соҳибқирон тайин этган масофадан ҳам ошириб, ўн беш, йигирма лига йўлни босиб ўтадилар ва отларни раҳмсизлик билан ҳолдан тойдириб, нобуд қиласидилар. Ўлайн деб турган отни сўйиб, гўштини халққа сотадилар. Шунга қарамай, аҳоли яшамайдиган йўлларда кўплаб сафар отларини ўлиб ётганини кўриш мумкин.

Мазкур шаҳарга келган элчилар яна зудлик билан йўлга чиқиб, кеча-ю кундуз иложи борича ҳаракат қилишди. Кечаси бўлишига қарамасдан, ҳаво иссиқ, баданни куйдирадиган гармесел шамол эсарди. Касал бўлиб ётган Гомес де Салазар шу куни ўлишига сал қолди. Улар кун бўйи сув кўрмай, фақат отларига ем бериш учун йўлларда тўхтадилар, холос.

94-боб. Чоршанба, кун бўйи йўл босган элчилар йўлда бирорта уйга дуч келмадилар. Кечаси масжидлару кошона уйлари салобат тўкиб турган, катта қисмида аҳоли яшамайдиган Забрахин деган катта шаҳарга етиб келдилар ва отларини янгилаб, яна кечаси билан юрдилар. Эртаси, жума куни туш пайтида кимсасиз қишлоққа келган элчиларга бу ерда ярим лига узоқликдаги қишлоқдан гўшт ва бошқа егуликлар келтириб беришди. Улар кечки ибодат маҳалида бу ердан чиқиб, теп-текис йўлдан тун бўйи юрдилар.

95-боб. Йигирма олтинчи июль, шанба куни Нишопур шаҳрига бир лига масофа қолгаңда, катта текисликдан ўтдиларки, бу ерда кўплаб боғлар бўлиб, қувурларда сув ўтказилган. Кенг майдонда тўрт юзга яқин қора матодан тикилган чодирларда Алаварлар¹ қабиласи яшар, уларнинг кўплаб қора моллари, қўйлари, шу билан бирга йигирма мингга яқин туялари бор экан.

¹ Алаварлар – Ўрта аср давридаги курд миллатига мансуб кишилар.

Алаварлар чорвалари билан бутун мамлакат бўйлаб кўчиб юрар, бу чорвани Соҳибқирон яйловларида боққани учун ҳар йили бож ўрнида уч минг тия, ўн беш минг кўй берадилар. Элчилар бу ерга етиб келганларида, кўчманчилар оқсоқоли уларни жуда яхши кутиб, чодирга бошлади ва сут, қаймоқ, нон билан сийлади. Сўнгра меҳмонлар бу ердан тўғри шаҳарга кириб келдилар. Сафарни давом эттиришга ҳоли қолмаган, оғир бетоб Гомес де Салазарни бир қишлоқда қолдириб, ўзлари йўлни давом эттиридилар.

Нишопур текисликда жойлашган, атрофида кўплаб боғ ва чиройли уйлар бор. Элчиларни ана шу уйларнинг бирига жойлаштиридилар. Шаҳар оқсоқоллари меҳмонлар ҳузурига ташриф буюриб, ўз хизматкорларига кўплаб гўшт, мева-чева ва бу ернинг жуда яхши ва катта қовунларидан, шунингдек, кўплаб идишларда шароб келтиришни тайинладилар. Овқатланиб бўлишгач, элчиларга кимхоб тўн ёпдилар. Чунки Соҳибқирон ҳар бир шаҳарга етиб келган элчига тўн ёки от совға қилишни тайинлаган эди.

Нишопурга беш лига масофа қолганида, Соҳибқирон томонидан элчилар ҳузурига юборилган ясовулни учратдилар. У Соҳибқирон қўшинида аскарлар бошлиғи бўлиб хизмат қилувчи Мелиалиёр исмли киши бўлиб, Соҳибқирон уни элчиларга иззат-икром кўрсатиш ва ҳамма зарур нарсалар билан тъминлаш учун юборган эди. Гомес де Салазарнинг орқада қолганини эшитган ясовул, унинг олдига қайтиб бориб, оғир бетоб ҳолатда учратди. Ясовул кечаси замбил ясатиб, унга Гомесни ётқизди, одамлар елкасида навбатма-навбат кўтариб, Нишопурга етказди ва яхши бинога жойлаштириб, табибларни олиб келди. Табиб қанчалар ўткир бўлмасин, Аллоҳнинг иродаси экан, Гомес шу ерда жон берди.

Ҳамма нарсага бой, қудратли ва йирик шаҳар Нишопур Мидия пойтахти, бу ерда бошқа жойларга қараганда энг сифатли феруза етиштирилди. Булар ферузани маълум бир жойдан, ер остидан ҳамда шаҳар ёнидаги оқиб турувчи дарёдан оладилар. Шаҳар атрофидаги ерлар унумдор ва аҳолиси жуда зич жойлашган. Шу жойда Мидия ерлари тугаб, Хурросон¹ подшоҳлигининг ерлари бошланади.

¹ Хурросон – Бадахшон тоғларидан Даشت кабиргача ва Қоракумдан Ҳиндукуш тоғларигача бўлган ерларни ўз ичига олган мамлакат. Ҳозирги Ҳамадон шаҳри.

96-боб. Йигирма еттинчи июль, якшанба куни, элчилар бу ердан йўлга чиқиб, бир шаҳар яқинидаги далада, эртаси, душанба куни эса аҳолисининг ярмидан кўпроғи шоҳ қўшинидан қўрқиб, кетиб қолган Ферриор шаҳарида туандилар. Ўн икки кун илгари шоҳ қўшини ўтиб, шаҳарга анча талафот етказган экан. Ерлар текисликдан иборат, ҳавоси жуда иссиқ мазкур шаҳар боёнлари элчиларга кимхоб тўнлар совға қилишди. Сесанбада меҳмонлар Йирик Хозигур деган шаҳарда туаб, ўттизинчи июль, чоршанба куни Обажан шаҳарида овқатланиш учун тўхтаганларида, бу ердагилар уларни катта иззат-икром билан кутиб, кўплаб гўшт ва зарур ашёлар инъом этдилар ва шоҳона тўнлар ёпдилар.

Элчилар шаҳардаликларида Темурбекнинг ўғли Шоҳруҳ Мирзонинг чопари келиб, уларни Ҳирот шаҳрига таклиф этди. Ҳирот шаҳри йўлнинг ўнг томонида, ўттиз милча четда, ҳинд ерларига туташ жойда экан. Шоҳруҳ Мирзо меҳмонларни ҳурмат-эҳтиром ила кутиб, уларни йўлда керак бўладиган барча зарур ашёлар билан таъминлашга ваъда бергани учун элчилар ўзларини бошлаб бораётган ясовул билан маслаҳатлашиб. Соҳибқирон фармойишига биноан сафарни мумкин қадар тезлатишлари зарурлигини айтиб, Ҳурросон ерларининг подшоҳи Шоҳруҳ Мирзодан узр сўрадилар. Шундан кейин Машҳад шаҳрига етиб келган элчилар бу ерда Мұҳаммад (а.с.) нинг набираси, яъни қизининг ўғли дағн этилганини билдилар. Айтишларича, бу шахс авлиё, катта масжиддаги кумушдан сайқал бериб ишланган қабрда дағн этилган. Машҳад шиалар учун зиёратгоҳ шаҳар ҳисобланиб, ҳар йили бу ерга жуда кўп зиёратчилар келар ва улар ўз юртларига қайтгач, одамлар уларни зиёрат қилиб, кийимларини тавоғ қиларканлар. Кейинчалик элчилар Пайғамбар набираси дағн этилган масжидда бўлганликларини одамларга айтганларида, одамлар уларнинг кийимларини ўпид, кўзларига суртдилар.

Аслида шаҳарга мамлакат султони Мұҳаммад (а.с.) пайғамбарнинг набираси исми шарафига Ҳурросон деб ном берилган ва бу ерлар эркин мамлакат ҳисобланиб, аҳолиси форс тилида сўзлашади. Элчилар, июлнинг охирги куни, пайшанбада Ҳурросон ерларига қарашли, об-ҳавоси жуда тоза, Султониядан шу ергача бўлган шаҳарлар ичida аҳолиси яхши

жойлашган Абдулобод деган катта шаҳарга келдилар ва шаҳар ҳокими топшириги билан отларига ем ва сафарни давом эттиришлари учун озиқ-овқат тайёрлангунича шу ерда бўлдилар. Тез орада эллик лига масофага чўзилган саҳрони босиб ўтиш учун элчиларни янги отлар ва озиқ-овқат билан таъминладилар. Кеч кириши билан йўлга отланган элчилар тун бўйи, эртаси, жумада ҳам куну тун юриб, йўлда ҳеч бир тураг-жой учратмадилар.

97-боб. Иккинчи август, шанба куни элчилар экинзор ерлардан иборат, ўртасидан дарё оқиб ўтадиган, дарё соҳилида Соҳибқирон қўшинига қарашли чигатойларнинг чодирлари тикилган водийга келдилар. Чигатойларнинг кўплаб от ва туялари, қўй-қўзилари ҳамда қорамоллари бўлиб, улар бу молларни серсув яйловларда боқардилар. Бу ерда шоҳ томонидан юборилган Амир Мисроб исмли ясовул элчиларни илтифот билан кутиб, зарур нарсалар билан таъминлаш ва кузатиб қўйиш учун Соҳибқирон томонидан юборилганини айтди. Аввалги ясовул ихтиёридан чиққан элчилар Амир Мисроб қарамоғига ўтдилар. Олдинги ясовул одамларига озиқ-овқат, отларига ем-хашак ундириш мақсадида, сафарни элчилар билан биргаликда давом эттирди ва ўз одамлари билан меҳмонларга хизмат кўрсатиб борди.

Меҳмонлар бирор шаҳар ёки қишлоқقا кириб келганларида, кузатиб борувчилар удумга кўра, дарҳол уларга, ҳамроҳларига уч баравар кўп миқдорда гўшт, мева-чева ва смухашак, отларига эса отбоқарлар ажратдилар. Йўловчиларнинг бирор нарсаси йўқолган тақдирда ўша жой маъмурлари товон тўлашлари, элчилар кечасими ёки кундузими, қайси вақтда келишларидан қатъи назар маҳаллий аҳоли улар учун ҳамма нарсаларни тахт қилиб қўйишлари керак эди. Мабодо ултурмай қолишича, уларни ясовулнинг олдига олиб келар, ясовуллар уларни жазолардилар. Кейин ясовул уларга қараб: “Биз элчилар билан келсак-у, ҳеч нарса тайёр бўлмаса, бу нима деган гап! Шоҳнинг фармойишини шу тарзда ижро этасанларми?” деб аввал ўзларини жазолаб, кейин мол-мулларини мусодара этарди. Бундай ҳодиса рўй бермаслиги учун ерлик бошлиқлар элчиларнинг келиш вақтини олдиндан билиб, аниқлаб олардилар. Бу бошлиқларни уларда “ар-раис”

деб аташарди. Бундай ҳолатдан оддий аҳоли таҳлиқага тушиб қолса, яъни ар-раис бепарволик қилиб, элчилар ёки бошқа ҳурматли меҳмонлар келаётганини олдиндан билмаса, оддий ҳалқ жабр кўрарди. Шунинг учун ар-раислар ҳушёр бўлишга тиришарди.

Элчилар Соҳибқироннинг куёви ҳокимлик қилаётган шаҳарлардан ўтаётгандан бери Бобил сultonининг элчиси билан бирга эдилар. Ясовул фақат элчиларга эмас, балки Соҳибқироннинг олдига, саройга ташриф буюраётган ва қайтаётган, ҳар қандай меҳмонга шундай илтифотлар кўрсатар эди. Бу ердагилар Соҳибқирон ва унинг хизматкорларидан доимо ҳайиқиб турардилар. Ясовул чодирлардан элчилар учун қайнатилган гўшт, гуруч, сут, қаймоқ ва бу ерларда етишириладиган ширин қовунлардан олиб келишни буюрди.

Ўтовларда ва шунга ўхшаш уйларда яшайдиганларнинг оддий бошпаналаридан бошқа ҳеч вақолари йўқ. Улар қишин-ёзин дала кезар, ёзда сув бор жойларга чиқиб, бугдой, пахта ва қовун экардилар. Бу ерларнинг қовунлари жуда ширин, дунёнинг ҳеч бир ерида бунақа қовун учрамаса керак, деб ўйлайман. Бундан ташқари, улар кўпроқ арпа экадилар, чунки улар арпани пишириб, қатиқقا қўшиб ейишни яхши кўрап эканлар. Қишида эса иссиқ жойларга кўчиб кетарканлар.

Шоҳ ҳам қишин-ёзин қўшини билан далаларни кезиб юар, ҳеч қандай хавф-хатар йўқлиги боис қўшин бирга турмайди. Шоҳ ўз ясовул, аъён, хизматкор ва хотинлари билан бирга юрса, қўшиннинг бошқа қисми ҳар томонга бўлинниб ҳаёт кечиради. Қўшиннинг ўз чорваси бор: қўй, от ва туялар жуда кўп, сигирлари кам. Махорабага тайёргарлик зълон қилинса, ўз мол-мулки, хотин ва бола-чақалари, чорвалари билан йўлга чиқиб, қўшинни озиқ-овқат билан таъминлаб юрадилар. Меҳнатсевар, моҳир чавандоз, камон отувчи мерган, матонатли, борига қаноат қиласидиган, иссиқ-совуққа, очлик-ташналиқда ҳар қандай элдан кўра саботли ва чидамли, борида гўштни ҳаддан зиёд истеъмол қиласидиган, йўғида сувга қатиқ қўшиб, қайнатиб ичиш билан кифояланадиган бу ҳалқ билан Соҳибқирон буюк жасоратлар кўрсатиб, кўпгина ғалабаларга эришди.

Кўпроқ истеъмол қиласидиган таомларини улар қуйидаги-ча тайёrlайдилар: катта қозонда сувни қайнатиб, пишлоққа

үхшаш бир парча қурутни күзачада, иссиқ сувда ивитиб, қозонга қуядилар. Шундан кейин юпқа кулчатой тайёрлаб, уни жуда майда кесиб, ўша қозонга солиб, бир оз қайнағач, қозонни оловдан оладилар. Бу таомнинг бир күзачасини нонсиз ва гўштисиз истеъмол қилиш билан қаноатланадилар. Бошқа овқатларни пишириш учун уларда ўтиң йўқлиги туфайли, тезак ёқардилар. Мен сизларга баён қилган бу таомни улар “бах” деб атайдилар.

98-боб. Тонг отиши билан элчилар ясовул билан биргаликда бу ердан йўлга чиқиб, тун ва эртасига кун бўйи йўл юриб, бирорта уйни учратмай, охири кечга бориб кимсасиз бир уйга дуч келиб, тунни шу уйда ўтказдилар. Ясовул яна ўн икки милча масофадан кейин турар-жой борлигини айтгач, кечаси соат иккиларда, янги отларда йўлга тушдилар. Ҳаво жуда иссиқ, йўл давомида умуман сув йўқ эди. Эртаси, душанба куни ҳам соат тўққизларгача юрсалар-да, сув топилмади. Иссиқдан, ташналиқдан отлар юролмайдиган бўлиб қолди. Йўл кум-тупроқ, йўловчилар сувсизликка чидай олмай жон берар эди. Магистр хизматкорлари олдинроқ дарёга етиб, ҳарбий кийимини сувга ботириб, зудлик билан орқага қайтди. Кутиб ўтирганлар унинг кийимидағи сувни шимдилар. Деярли ҳамма ҳолдан тойиб, иссиқ ва сувсизликдан юришга мадорлари қолмаган, ўзлари билан ўзлари, қўриқчилар ҳам кўзга кўринмас, меҳмонларга ҳеч ким ғамхўрлик қилмай кўйганди.

Кун ботишдан олдинроқ бир водийга етиб келган элчилар Мурғоб деб аталган дарё бўйида тикилган чифатойларнинг ўтовларини кўрдилар ва бир кеча-кундуз йигирма испан лигаси ҳажмида йўл босган эмасми, тунаш учун шу ерда тўхтадилар. Эртаси, сешанбада бу ердан икки лига юришгач, катта меҳмонхона олдига, ерликлар тили билан айтганда карvonсаройга етиб келдилар ва овқатланиб, кеч бўлишини кутдилар. Кечки ибодат маҳалида, янги отларда йўлга чиқиб, кечаси соат иккиларда салтанат отларига қаровчи чифатойлар яшайдиган текисликка келдилар, тунни ва эртаси, чоршанба кунини ҳам шу ерда ўтказиб, пайшанбада бу ердан жўнаб, кун иссиғида бир қишлоқ ёнида дам олиб, жумада яна йўл юриб, чифатой уйларida дам олдилар-да, кечкурун янги, бақувват отларда йўлни давом эттиридилар.

99-боб. Тўққизинчи август, шанба куни Салтанат Хураза деган жойда, бир дарвиш кишиникида тушлик қилган элчилар дарё бўйида, аҳоли яхши жойлашган бу водийда ажойиб токзорлар ва боғлар борлигини кўришли. Ер эгаси оламдан ўтган, унинг иккита ўғли қолган. Бундан ўн икки кун илгари шу ерлардан ўтган Темурбек бу икки ўғлонни тарбиялаш учун ўзи билан олиб кетган экан. Бу ердаги мулкка эса болаларнинг онаси бошчилик қилас, у меҳмонларни иззат-икром билан кутиб, гўшт ва бошқа таомлар билан меҳмон қилди.

Элчилар кеч кириши билан яна янги отларни миниб, жўнадилар. Эртаси, якшанба куни кун иссиғида чифатой ўтова овқатланиб, душанба эрталаб йўлга чиқиб, кечқурун далада тунадилар. Йўлда учраган ўтовлардаги кишилар уларга гўшт ва мева-чевалар бериши. Чифатойларга даҳлдор кишилар бўлишига қарамай, ясовуллар буларни элчиларга хизмат қилдираш ва йўлларда зарур нарсалар билан таъминлашни шуларга юклар, чўл жойлардан ўтсалар, гўшт, сув, нон фамлаб олиб келишни буюрадилар. Эртаси, ўн иккинчи август, сешанба куни элчилар, салтанат отларига қарайдиган кишилар яшайдиган уйда овқатланиб, оқшом маҳали отларга миниб жўнадилар.

100-боб. Кечки ибодат маҳалида уларни кузатиб кетаётган ясовул туғилган Анхой шаҳрига етиб келдилар. Бу шаҳар Мидия ерлари билан бирга Тоҷикистон ерларида жойлашган, аҳолисининг тилидаги баъзи сўзлар фарқ қилса-да, лекин форс тилига жуда яқин. Катта иззат-икром билан кутиб олинган элчилар бу шаҳарга сешанба куни келган бўлсалар, ўн тўртинчи август, пайшанбагача туриши. Элчилар гўшт ва шароб билан сийлангач, уларга кимхоб тўнлар ва отлар тақдим этилди. Шаҳар текисликда жойлашган, атрофида икки лига масофага чўзилган боғлар, токзорлар, уйлар ва сув қувурлари бор.

Пайшанба кечқурун бу шаҳардан йўлга чиққан элчилар дарё соҳилидаги текисликда тикилган, ҳарбий тайёргарлик эълон қилинганда урушда иштирок этишлари туфайли, махсус салтанат имтиёзига эга чифатойликлар чодирида тунадилар. Бу ерда яшовчилар ўз чорваларини истаган ерларида боқишилари, экин экишлари, қишин-ёзин хоҳлаган жойларида

яшашлари мүмкін ва барча солиқлардан озод қилингандар. Улар уруш вақтида хотинларини бирор жойда қолдирмасдан, ўзлари билан олиб юрадилар, болаларини бешикка солиб, энли тасма иплар билан ўраб онанинг бўйнига иладилар. Аёллари бола, боласиз ҳам йўлда енгил юради, баъзида ёш болаларини, ўтовларини туяларга юклаб оладилар. Лекин тута чайқалганда, болаларга нокулай бўлади. Чигатойликлар жойдан-жойга кўчиб юрадилар. Элчилар юрган йўлларида, бир-икки лигага чўзилган чигатой ўтовларини учратиб, бир кечакундуз, баъзан ундан ҳам кўп йўл босиб, ўтовлар орасидан чиқа олмас, шаҳар ва қишлоқларда, кўкаламзор далалярда ҳам ўтовларни кўп учратдилар, офтобда қорайган чигатойликлар сон-саноқсизлигига гувоҳ бўлдилар. Соҳибқирон изидан келаётган қўшин, бу ерлар иссиқ бўлганидан кўпинча кечалари йўл босар, сувли ёки кўкаламзор жой чиқиб қолса, бир неча кун дам олиб, кейин тезда йўлга чиқардилар. Элчилар чигатой чодирларида кечгача туриб, эртаси, жума куни, иссиқ пайтида бир қишлоқда овқатланиб, сўнг яна йўл босиб, атрофи кенг, аввал девор билан ўралган, кейин деворлари бузилиб, вайронага айланган йирик шаҳарга келиб тунадилар. Ҳашаматли бино ва масжидлари бўлган бу шаҳарнинг катта қисмида аҳоли яшамайди. Шаҳарга жума куни келган элчилар эртасига иззат-икром билан кутиб олиниб, уларга кимхоб тўнлар кийдирилди. Шанба куни сафарни давом эттириб, чигатой ўтовларида тунаш учун тўхтадилар. Йўлда одамни учирни юборадиган кучли шамол туриб, оловдай иссиқ, йўл қумли тепаликлардан ўтган эмасми, шамол қумни у ердан-бу ерга учирарди. Элчилар шу куни бир неча бор йўлдан адашишди. Уларни кузатиб келаётган ясовул, йўлни биладиган одам топиб келиш учун орқада қолган ўтовга одам юборди.

Элчилар Аллоҳнинг марҳамати билан Алибод деган чиройли қишлоққа келиб, иссиқда, шамол тингунча туриб, кечаси Кўҳ деган бошқа қишлоққа ўтиб, бу ердагилар отларига ем-хашак беришгач, баланд тоғлар ва бугу роғлар орасидан тун бўйи йўлни давом эттиридилар.

101-боб. Ўн саккизинчи август, душанба куни Балх деган шаҳарга етиб келган элчилар Балхнинг кенглиги ўттиз газча

келадиган жуда кенг пахса деворлар билан ўралгани, шаҳар жуда катталигини, бир учидан иккинчи учигача бориб етган тупроқ қалъя уч қисмга бўлинади, шаҳарнинг биринчи қалъаси ичida ҳеч ким яшамаслиги туфайли, унга пахта экилгани, иккинчи, учинчи қисмida жуда кўп аҳоли яшашини кўрдилар. Улар учратган шаҳарнинг кўпчилиги деворлар билан ўралмаган бўлса-да, Балхнинг деворлари яхши, элчиларни иззат-икром билан кутиб, кўплаб гўшт, шароб билан сийлаб, уларга кимхоб тўн ва отлар тақдим этдилар. Эртаси, сешанбада бу ердан чиқиб кетган элчилар йўлдаги бир қишлоқ ёнида, чоршанбада эса бир шаҳар четида овқатланиб, шу ерда тунадилар.

102-боб. Йигирма биринчи август, пайшанба куни бамисоли жаннатдан оқиб чиқувчи учинчи дарё, кенглиги бир лигага тент Амударё бўйига келдилар. Дарё жуда текис ердан, фоятда лойқаланиб оқар, қишда тоғларда сув музлаб, қорлар эrimагани учун суви камаяр, баҳор келиб, апрель ойларида тоғ қорлари эриб, суви аста-секин кўпаяр, тўрт ой давомида тўлиб оқар, шундан кейин яна сув камайиб, аввалги ҳолатига келиб қоларди. Айтишларига қараганда, ўтган йили баҳорда дарёда сув кўпайган, атрофдаги қишлоқларга сув тошиб, кўплаб уйлар вайрон бўлган. Бошқа мамлакатдаги паст тоғ қояларидан бошланган дарё Самарқанд мамлакати саҳролари бўйлаб оқар, бу дарё татар ерларига кириб, Боку денгизига қуйилади. Амударё Самарқанд салтанатини Хуросон подшоҳлигидан ажратиб туради.

103-боб. Дарёning нариги соҳилидаги Самарқанд салтанатининг хукмдори Темурбек Хуросон салтанатини ҳам забт этмоқ учун дарёning бериги соҳилига ўтишни истайди ва дарёла қайиқлар устида ёғоч кўприк қурдиради, ўз одамлари билан нариги соҳилга ўтиб олгач, кўприкни бузиб ташлатади. У Самарқандга қайтаётганда яна кўприкни қурдиради. Элчилар ҳам шу кўприкдан ўтадилар. Кўприк дарёning бир қирғоғидан бошланиб, иккинчисига етмаган ва анчагина масофага давом этиб, от ва чорва кечиб ўтиши мумкин бўлган жойга келиб туташган. Бу ердаги кўприк ва дарё ёнида Александр Эрон шоҳи Доро билан жанг қилиб, уни мағлуб этган.

Элчилар дарё бўйига келиб, пайшанба куни дарёнинг нариги қирғоғига ўтиб, шу куни кечқурун Термиз деган катта шаҳарга етиб келдилар. Шаҳар илгари Кичик Ҳиндистон (Афғонистон) қарамоғида бўлиб, Темурбек забт этгандан кейин бу шаҳар Самарқанд салтанатига қарайди. Ана шу дарёдан Самарқанд салтанати бошланади. Бу ердагилар чигатой тилида сўзлашадилар. Бу тилни дарёнинг у томонидаги одамлар тушунмайди, чунки улар бир-бирлари билан форсча гаплашади, лекин бериги соҳилда яшовчиларнинг тили билан форс тили ўртасида фарқ жуда кам. Самарқандликлар кўллаётган ёзув бериги соҳилдагилар ёзуви ҳисобланади. Самарқандда чигатой ёзувини ўқийдиган ва ёзадиган бир неча мирзо бор. Самарқандда аҳоли зич жойлашган, тупроғи серунум ва ҳамма нарса серобдир.

Соҳибқирон фармойишига биноан амал қиласиган удум бор: дарёнинг бир қирғоғидан иккинчи қирғоғига ўтгач, кўпприк Соҳибқирондан бошқа ҳеч ким ўтмаслиги учун бузиб ташланади. Йўловчиларни у қирғоқдан бунисига қайиқлар олиб ўтади. Салтанатдан келаётган киши қаёққа бораётганлиги қайд этилган ёрлиқни кўрсатмаса, бериги соҳилга ўтказилмайди, аксинча, Самарқандга ҳеч бир ҳужжат кўрсатмасдан ўтиш мумкин. Қайиқларга кўплаб қоровуллар тайинланган бўлиб, ўтувчилардан катта бож олинади. Дарё бўйига бундай қоровулларнинг қўйилишининг сабаби бор: Самарқанд салтанати аҳолисини кўпайтириш учун бошқа мамлакатлардан кўплаб асиrlар олиб келган, қоровуллар асиrlар ўз мамлакатларига қочиб кетмасликлари учун дарё бўйини кўриқлаб турадилар.

Соҳибқирон фармойиши билан иш кўрган кишилар Эрон ва Хурсон ерларида уй-жойсиз, етим-есир, қашшоқ ва бечораларни тутиб олиб, Самарқандга жўнатганларини элчилар ҳам кўрдилар. Улар келишгач, жойдаги ҳокимлар Соҳибқирон фармойишига кўра, озиқ-овқат билан таъминладилар. Шу тарзда Соҳибқирон камида юз минг кишини Самарқандга олиб келганди.

Термиз шаҳри девор билан ўралмаган, серсув ва атрофи кўплаб боғлардан иборат. Шаҳар ҳақида мен сизга шуни айтишим мумкинки, бизга ажратилган бинога шу қадар кўп йўл юрилдики, ҳолдан тойиб чарчадик. Биз ҳар хил нарсалар

билан савдо қилаётган гавжум майдон ва кўчалардан юрдик. Бу шаҳарда элчиларга иззат-икром кўрсатилиб, шоҳона тўнлар тақдим этилди.

Соҳибқирон томонидан, элчиларга йўлларда қандай хурмат кўрсатилаётгани, сафарлари қандай кечәётгани, аҳволлари қандай эканлигини билиб келиш учун жўнатган чопар ҳам шу ерга келди. Чопар қайтиб кетаётганида, элчилар унга кимхоб тўн, шунингдек, ўзлари билан келаётган ясовулга ҳам Флоренцияда тикилган лиbos совға қилдилар. Ҳамроҳ бўлиб келаётган Бобил сultonни элчиси ҳам уларга худди шундай совға ҳадя этиди. Бундан ташқари, Султон элчиси Соҳибқирон юборган иккинчи чопарга от ҳам миндирди. Чунки шоҳ томонидан юборилган кишига, шоҳга хурмат юзасидан совға тақдим этиш, уларда урф-одат ҳисобланади. Шоҳга тақдим этилган совғалар сонига қараб, уларнинг саҳйилигига баҳо берадилар ва бундан фахрланадилар.

104-боб. Йигирма иккинчи август, тушлиқдан сўнг, элчилар бу ердан жўнаб, катта уй ёнида тунаб, эртаси, шанба куни кенг текислик бўйида жуда яхши қурилган қишлоққа этиб келгач, бу ерда уларни ҳамма зарурӣ ашёлар билан таъминладилар. Якшанба куни Соҳибқирон бу ерларга келганда, тўхтаб ўтадиган катта бир бинода элчиларни кўплаб гўшт, мева-чева, май ва қовунлар билан меҳмон қилдилар. Бу ернинг қовунлари катта-катта бўларкан. Одат бўйича улар мева-чевани кўп олиб келиб, элчилар оёғи остига тўқиб ташладилар.

Элчилар шу куни бу ердан чиқиб, бир дарё бўйидаги сайҳонлиқда тунаб, душанбада йўлга чиқиб, баланд тоғ этағида тушлик қилдилар. Бу ерда тўртбурчак шаклдаги фиштдан ажойиб бино қурилган, деворлари гулдор нақшлар ва кошинлар билан безатилган. Тоғнинг қок ўртасидаги ёрилган жойдан ўтишга тўғри келди. Икки томонидан баланд тоғлар кўтарилиган йўл, худди одам қули билан ясалгандай. Тоғлар орасидан ўтган бу йўл Темир дарвоза деб аталади. Бутун тоғ тизмаси бўйлаб бошқа йўл йўқ эди. Кичик Ҳиндистондан Самарқанд салтанатига кирадиган бошқа йўл бўлмаганилиги боис бу тоғ йўли салтанат учун муҳофаза нуқтаси ҳисобланади. Самарқанд аҳолиси ҳамда Ҳиндистондан Самарқанд-

га ва ундан кейинги мамлакатларга йўл олган савдогарлар шу Темир дарвозадан ўтадилар. Бундан ташқари, Тартария ерларида жойлашган Дарбанд ёнидаги Темир дарвоза ҳам Соҳибқиронга қарайди. Бу йўл Тартария ва Дарбанд ерлари ўртасида, баланд тоғлар оралиғида жойлашгани, Кафа шаҳрига олиб боради. Мазкур йўлдан Боку денгизига ёки Эронга бориш мумкин. Тартариядан Эрон ёки Самарқанд ерларига бориш учун ҳам шундан бошқа йўл йўқ. Бир дарвозадан иккинчисигача бўлган масофа камида бир минг беш юз лигани ташкил этади. Ушбу икки дарвоза ва улар оралиғидаги ерларга эгалик қилувчи Темурбек нақадар буюк подшоҳ экани ҳақида ўзингиз ўйлаб кўринг. Чунки Темурбек тасарруфидаги Дарбанд шахри ва Темир дарвозалари ҳар йили унга катта даромад келтиради. Дарбанд кенг ерни эгаллаган йирик шаҳар. Бизга яқин бўлгани Дарбанд Темир дарвозаси деб аталса, иккинчиси Термиз Темир дарвозаси дейилади ва Кичик Ҳиндистон (Афғонистон) билан чегарадошдир. Мазкур бинода элчиларга от совға қилишди, бу ерларнинг отлари чидамлилиги билан жуда машҳур экан.

Темир дарвозалар мавжуд бўлган тоғлар дов-даражатсиз, қуп-қуруқ, айтишларича, бу йўлда илгари бир тогдан иккинчисига Темир дарвозалар бўлиб, ҳеч ким рухсатсиз ўта олмаган экан. Шу куни бу ердан жўнаган элчилар тепалик устида, очиқ ҳавода тунаб, эртасига чифатой ўтовида овқатланниб, дам олдилар ва кечқурун тоғ тизмалари устида тунни қарши олиб, ярим кечаси бу ерни тарқ этиб, бошқа қишлоқقا келдилар. Магистр Фра Альфонсонинг бетоб бўлган хизматкори шу ерда вафот этди.

105-боб. Элчилар бир минг тўрт юз тўртинчи йил йигирма саккизинчи август, пайшанба куни пешинда атрофлари каналлар ва ирмоқлар билан ўралган текисликда жойлашган Кеш деган катта шаҳарга этиб келдилар. Шаҳарни боғ-роғлар, қишлоқлар ўраб турар, атроф кенг адирликдан иборат, кўп аҳолили қишлоқлар, серсув каналлар, катта ариқлар кўриниб туради, бу жойлар ёзда жуда чиройли бўлиб кўринса керак, деб ўйладим. Ҳосилдор ерларда буғдой, узум, пахта, қовун ва каттакон дараҳтлар ўсиб ётар, шаҳар атрофи бўйлаб чуқур хандақ қазилиб, дарвозаси олдида осмакўприк

мавжуд. Темурбек асли шу Кеш шаҳрилик бўлиб, унинг отаси шу ерда туғилган. Бу ерда катта иморат ва масжидлар жуда кўпки, булардан биттаси, Буюк Темур фармони билан қурилиши бошланган, лекин ниҳоясига етмаган иморат, иморат ичida мақбара, мақбарага отасининг қабри қўйилган. Иккинчи мақбарани Темурбек ўзи учун қурдираётган эди, бироқ унинг қурилиши ҳам ниҳоясига етмаган. Айтишларича, бир ой олдин Темурбек бу ерда бўлганида мақбарадан кўнгли тўлмаган, чунки мақбаранинг кириш қисми паст. Уни бошқатдан қуришга буйруқ берган ва шу вақтларда усталар бу ерда ишлаётган экан. Бундан ташқари, мақбарада Темурбекнинг тўнгич ўғли Жаҳонгирнинг қабри мавжуд. Масjid ва мақбара жуда кўркам, олтин, дуру гавҳарлар билан ишлов берилган, атрофи боф. Ҳар қуни Темурбекнинг буйруги билан пиширилган йигирмата қўйнинг гўшти отаси ва ўғлининг руҳини шод этиш мақсадида бу масжидга жўнатиб турилади. Элчиларни шу масжидга олиб келишиб, гўшт, мева-чева билан меҳмон қилиб, базму жамшид уюштиришди. Улар овқатланишгач, катта қасрдан уларга хоналар ажратиб беришли.

Эртаси, жумада элчиларни Соҳибқироннинг фармони билан қурилаётган қасрни кўриш учун олиб боришли. Айтишларича, йигирма йилдан бери у ерда ҳар қуни иш қизғин кетар, ҳозирда ҳам кўп усталар тер тўкиб ишламоқдалар. Қасрнинг кириш қисми узун, дарвозаси жуда баланд. Кираверишнинг чап ва ўнг томонида ғиштдан арк қилиниб, нақшларига тилла суви юритилган. Аркнинг остида эшиксиз кичик хоналар жойлашган. Хоналарнинг поллари пастроқ бўлса-да, жуда чиройли безаклар билан зийнатланган. Бу хоналар Соҳибқирон қасрга келган вақтда одамлар ўтиришлари учун қурилган. Дарвозанинг орқасида ҳам шунга ўхшаш хоналар бўлиб, улардан катта ҳовлига чиқиласди. Ҳовлининг ерларига оқ тоштахталар ётқизилган, атроф жуда кўркам безатилган. Эни уч юз қадамча келадиган ҳовлининг ўртасида катта ҳовуз бор, ҳовлидан саройнинг катта хоналаридан бирига ўтиладиган эшик жуда моҳирлик-ла, тилла ва дуру гавҳарлар билан безатилган, эшикнинг ўртасида орқасида қуёш чараклаб турган шернинг расми, чекка қисмларида ҳам худди шу сурат тасвиirlанган. Бу тасвир Соҳибқироннинг герби эди. Қасрни Темурбекнинг буйруги билан қурилаётга-

нини эшитсам-да, ўйлашимча, бу қасрни Самарқанднинг аввалги подшоҳи қуришни бошлаганлиги ва бу герб, яъни қуёш ва шер расми туширилган манзара Самарқанднинг Темурбекдан олдинги подшоҳига тегишли деб ўйлайман. Темурбекнинг герби учта думалоқ шаклдан иборат, улар уч тарафда жойлашган. Бу дегани – жаҳоннинг уч қитъасига ҳукмдор ва Темурбек бу гербни ўзининг фармонига биноан ясаладиган буюмларга ва айниқса, танга пулларга босиб чиқаришга амр этган. Шу сабабдан бу қасрни Темурбекдан олдинги подшоҳ қуришни бошлаган деб ўйлайман. Бу учта “О” шаклидаги доирачалар подшоҳнинг ўз муҳрларида ҳам акс этган ва ўзининг қарамогидаги бошқа бир ҳалқнинг тангаларига ҳам худди шундай шаклдаги рамзни босиб чиқаришга буюруқ берган.

Бу катта эшик орқали меҳмонлар учун қурилган тўртбурчак шаклдаги катта хонага кириб борилади. Хонанинг деворларига тилла, дур-гавҳарлардан безак берилган, шифтларига тилла суви юргизилган. Элчиларни тепа қаватга олиб чиқишидикি, бу ерда хоналар шунчалик кўпки, уларни бирданига таърифлаб тутага олмайсан. Хоналарнинг бари олтин, дур-гавҳарлар билан зийнатланган, буни Париж усталари кўрса, ҳайратда қолишлари табиий. Бундай ишлар уларда жуда юқори баҳоланади.

Меҳмонларга Соҳибқироннинг ўзи ва завжалари учун ажратилган, деворлари, ери ва шифти ақлни лол қолдирдиган тарзда безатилган хоналарни кўрсатишиб, сўнг уларни Соҳибқироннинг тантана ва базмларни ўтказадиган жуда катта, девору шифтларига олтин, дур-жавоҳирлар билан ишлов берилган катта меҳмонхонасига олиб ўтишди. Меҳмонхона рўпарасида катта боғ, боғда ҳар хил мевали дарахтлар ва ҳовузлар мавжуд. Боғга кираверишнинг ўзидаёқ, унинг кенглиги кўзга ташланиб турар, ҳовузларнинг атрофида, дарахтларнинг соясида ёз кунларида бемалол ўтириб дам олса бўларди. Қаср ва масжид жуда юқори даражада чиройли курилган, таърифлаш учун шошмай айланиб чиқишга тўғри келади. Шу пайтгача қурдирган биноларнинг энг зўрларидан ҳисобланган бу иморатларни Темурбек ўз отасига атаб бунёд этган эди.

106-боб. Гарчи Темурбек шу шаҳарда туғилган бўлса-да, унинг қабиласи бошқа. У бу ерга ўша даврда Тартариядан келган тартарларга тааллуқли бўлган чигатой қабиласидан. Бу ҳақидаги маълумотлар билан кейинроқ танишиб чиқамиз.

Темурбек Самарқанд таҳтини эгаллагандан сўнг, малика Бибихонимга уйланди. Шундан сўнг Хуросон мамлакатини эгаллади ва Самарқанд билан Хуросон амирликларини бирлашириб, ўзининг давлатини тузишни бошлади. Темурбек билан доимо бирга, ҳар ишда ёрдамчи ва яқин дўст чигатой қавмидан бўлган киши эди. Темурбек унга синглисини бериб, уйлаб қўйди, кўпчиликка бош этиб тайинлади. Унинг эса Жаҳоншоҳ исмли ўғли бўлиб, Соҳибқироннинг энг яқин одами ҳисобланарди. Унинг кўпгина катта ерлари бор эди ҳамда катта қўшинга саркардалик қиласади. Буюк Темурдан фарқли равишда ҳеч ким бунчалик қўшинга бошчилик қила олмасди. Кўшиндаги барча аскарлар унга бўйсунар, олиб борган ишидан мамнун эди.

107-боб. Бу ерларга тартарларни келиши ва “чигатой” деб номланишининг сабаби, қадим даврда Тартариянинг¹ Дарғанжон (дунёнинг бойлиги) номли шаҳридан чиққан Соҳибқирон ҳукмдорлик қилган. Бу Соҳибқироннинг ерлари жуда катта бўлиб, умрининг охирида ўзидан кейин тўрт ўғлига мол-мулкини эгалик қилиш мақсадида қолдиран. Бош фарзандининг исми Юси, кейингиси Чакатай², учинчиси Огадай ва тўртинчиси Тулий эди. Улар бир онанинг фарзандларидир. Ўлими олдидан ота ўз фарзандларига бор давлатини тақсимлаб берди. Чигатой исмли фарзандига Самарқанд амирлиги ва бошқа ерларни бериб, ўғилларига бундан кейин доимо аҳил бўлиб яшашларини, ҳеч қачон урушмасликларини, agarда ораларида низо чиқиб, бир-бири билан урушсалар ҳаммалари ҳалок бўлишларини айтиб, васият қилди. Чигатой жасур, довюрак ва мард инсон эди. Бора-бора ака-укалар бир-бирларига ҳасад қилиб, бири иккинчиси билан жанг қилишни бошлади. Самарқанд аҳолиси уларнинг тарқоқлигини

¹ Тартария – Ўрта асрларда Осиёнинг катта қисмини шу ном билан атапган. Ҳозирги Марказий Осиё ёки Туркистон ерлари.

² Чакатай – Чигатой.

күргач, Чигатойга қарши күзгалон күтариб, унинг ўзини ва кўпгина одамларини ўлдириди. Шундан сўнг ўз қабилаларидан бир одамни бош этиб тайинлашгач, Чигатойлардан бўлган одамларнинг кўпчилиги бу ерда яшаб қолди. Чигатойнинг ўлимидан сўнг бу ернинг туб аҳолиси уларни чигатойлар деб номлашди ва бу ном шу даврга қадар ишлатилиб келинган. Мана шу чигатой қабиласига Темурбек ҳам мансуб эди.

108-боб. Элчилар пайшанба куни ва эртаси кечаси Кеш шаҳрида қолиб, жума куни кечаси у ердан чиқиб, бир қишлоққа бордилар. Ўттизинчи август, шанба куни элчилар буюк Соҳибқиронга қарашли, дарё ёқасидаги текисликда жойлашган, боғ билан ўралган каттакон уйда тушлик қилдилар. Тез кунда улар у ерни ҳам тарқ этиб, Самарқанд шаҳридан бир яrim чақиримча узоқликдаги Масия деган қишлоққа келишиди ва шу ерда тунаб қолишиди. Элчиларга ҳамроҳ бўлиб келаётган кузатувчи шу буғуноқ Самарқандга боримлари мумкин, фақатгина Соҳибқиронга бу ҳақда хабар бериш лозим эканлигини тушунтириди ва саройга одам жўнатди. Эртаси куни эрталаб ўша одам қайтиб келиб, Соҳибқирон унга испан элчиларини ҳамда Бобил султони томонидан юборилган элчини ўша қишлоққа яқин боққа олиб боришлигини, кейин янги хабар келгунича ўша ерда меҳмонларга қараб туриши лозимлигини айтди.

109-боб. Ўттиз биринчи август, якшанба куни элчиларни узунлиги бир чақиримча келалиган, атрофлари баланд пахса девор билан ўралган, кўпгина мевали дарахтлар, цитрус мевалари, лимонлари бор ўтипа боққа олиб келишиди. Боғда олтита каттакон ҳовуз, ҳовузлардан ҳар тарафга майда ариқчалар орқали сувлар оқарди. Ариқлар ёқасига, икки тарафга дарахтлар экилган, бу ердаги йўлакчалардан юриб, боғнинг бошқа тарафларига ўтиб борса бўларди.

Боғнинг ичидаги баланд тепалик, тепалик устида бир сарой, сарой атрофидан айланасига чуқур хандақ қазилиб, сув билан тўлдирилган. Қасрга кўтарилиш учун қасрнинг икки томонида иккита кўприк мавжуд, кўприкнинг нариги тарафидаги қаср дарвозалари, уни очгандан сўнг зинапоялар билан ичкарига кириб борилади. Хулас, қаср жуда мустаҳкам қурил-

тан. Бог ичкарисида Соҳибқироннинг буйруғи билан кийиклар, фазанлар олиб келиниб кўпайтирилган. Богдан катта узумзорга ўтиладиган йўлакча бор. Узумзор пахса девор билан ўралган. Пахса деворлар орасида қатор дараҳтлар мавжурниб турар ва улар жуда чиройли кўринарди. Бу қаср боғи “Талисия”, яъни ўзларини тили билан “Гулбоғ” деб номланади. Богда элчиларга кўпгина яхши хизматлар кўрсатилиб, улар гўшт ва ҳар хил таомлар, ноз-неъматлар билан меҳмон қилинди.

Тўртинчи сентябрь, пайшанба куни подшоҳнинг қариндошларидан бир қиши келиб, Соҳибқирон Тўхтамишхоннинг элчисини қабул қилаётганини, шунинг учун ҳозирча улар билан учраша олмасликларини айтди. Элчиларнинг жаҳли чиқмаслиги ва хафа бўлмасликлари учун подшоҳ уларнинг олдига ўз қариндошларини жўнатиб, меҳмонларни зериктирмасдан, байрамлар уюштириб, базму жамшид қилишларини тайинлаган экан. Улар кўпгина қўй ва отлар сўйдилар, улардан ҳар хил таомлар, шу билан бирга гуручдан ҳам сархил овқатлар тайёрлаши. Яна ширин-шакар мевалар билан элчиларни роса сийлашиб, байрам сўнгига уларга иккита от, бошдан-оёқ сарполар совға қилишди. Элчилар саккизинчи сентябргача бу ерда бўлишди. Ўша куни саройдан одам келиб, Соҳибқирон уларни кўрмоқчи эканлигини айтди. Соҳибқирон одати бўйича келган элчиларни беш-олти кунсиз қабул қилмас, элчилар қанчалик обрўли бўлса, шунча кеч қабул қилинар экан.

110-боб. Саккизинчи сентябрь, душанба куни элчилар боғдан тўғри Самарқандга қараб йўл олишди. Богдан шаҳаргача текислик ва йўлларда кўплаб боғлар, бозорлар, уйлар жойлашган экан. Уч соат деганда шаҳарга етиб келишди. Етиб келишлари биланоқ, уларни бир уйга олиб киришли, уларнинг олдига сарой хизматкорларидан икки қиши келиб, элчилар томонидан олиб келинган совға-саломларни белгиланган тартибда подшоҳнинг олдига олиб кирувчи хизматчи-ларга беришлигини айтишди. Элчилар ўзлари билан олиб келган совғаларини шу одамларга бериб, ўзлари ҳам уларга қўшилиб кетдилар. Бобил султони томонидан юборилган совғаларни ҳам олишиб, ҳаммасини бирга кўтариб, ичкарига,

олдинги қаторда юришди. Бу боғга кириш дарвозаси жуда баланд, қимматбаҳо дур-гавҳарлар билан безатилган. Дарвоза олдида кўпгина аскарлар қўлларида найзали билан кўриқчи бўлиб туришарди. Агарда раият биргаликда ичкарига кириш учун дарвозага ёпирилса-да, ичкарига кириш жуда қийин. Мехмонлар ичкарига киришлиари билан олтига каттакон филни кўришдик, филлар устида ўтирган одамлар атрофдагиларга қизиқ томошалар кўрсатишарди. Элчилар, у ердан ўзларининг совғаларини кўтариб олган хизматкорларга эргашиб ўтишди. Улар билан яна Темурбек томонидан Испанияга юборилган элчи ҳам бор бўлиб, унинг устидан бу ердагилар кулишар, чунки элчи кастилча, яъни испанча кийимларни кийиб олган эди.

Элчиларни катта ёшдаги, юқори лавозимдаги сарбоз олдига олиб келишди. Бу Темурбекнинг катта опаларидан бирининг ўғли эдики, элчилар унга таъзим ила салом беришди, кейин меҳмонларни кичик болакайларнинг олдига олиб келишди, улар ҳам юқорида ўтиришарди. Бу болакайлар Соҳибқироннинг набиралари, элчилар уларга ҳам таъзим қилишди. Ўша ерда қиролнинг Темурбекка ёзган мактубини беришди. Мактубни набиралардан бири олди. Айтишларича, бу бола Соҳибқироннинг катта ўғли Миаха Мирассанинг¹ ўғли экан. Учта бола мактубни Соҳибқиронга олиб бориши ва ўша пайт элчиларга олдинга юришларини айтишди. Каттакон, безатилган чиройли хонага кираверишдаёқ, рўпарада Соҳибқирон ўтирас, хона ўртасида фавворали ҳовуз, ҳовуздаги сувда қип-қизил олмалар сузиб юради.

Соҳибқирон юқорида, таҳтда ўтирас, устига ипак матодан тикилган расмсиз кўйлак кийган, бошига олмос қадалган, атрофлари қимматбаҳо тошлар билан безатилган оқ рангдаги салла кийиб олганди. Элчилар уни кўришлари биланоқ ўнг тиззаларини букиб, қўлларини кўксиласирига қўйганча салом беришди, яна таъзим қилиб, тиззалари эгилган ҳолатда қолишли. Соҳибқирон уларни ўринларидан туриб, яқинроқ келишларини айтди.

Олдинда кетаётган хизматкорлар орқада қолиб, Соҳибқироннинг олдида турган учта мирзо, яъни бирининг исми

¹ Миаха Мирасса – Мироншоҳ Мирзо.

Шоҳмалик Мирзо, иккинчисиники Бурундуқ Мирзо ва учинчisinики Шайх Нуриддин Мирзо, элчиларни қўлидан тутиб, Соҳибқирон олдигача кузатиб бориб, таъзим қилишиди ва элчилар тиззалари билан ўтиришди. Соҳибқирон уларни яхшироқ кўриш учун, қарилиги боис кўзи хира кўраётганигини айтиб, яқинроқ олиб келишларини сўради. У ўз қўлини ҳурмат юзасидан бизларга ўпиш учун бермади, чунки уларда бу одат умуман йўқ экан. Кейин у элчиларга “ўғлим, Қирол қандай аҳволда, соғлиқлари яхшими, ишлари қандай?” деб савол берди. Элчилар жавоб беришиб, ўзларининг мақсадларини айтишди. Соҳибқирон диққат билан уларни эшилди. Элчилар сўзларини тугатишлари биланоқ, Темурбек олдида ўтирганларга – бири Тўхтамишхоннинг ўғли, яна бири Самарқанд зодагонлари наслидан бўлган зот ва Соҳибқироннинг наслидан бўлган зотларга қарата шундай деди: “Кўриб қўйинглар буларни, уларни элчи қилиб менинг ўғлим – Испаниянинг қироли юборган ва у дунёнинг нариги чеккасидан, фаранглар подшоҳлари ичиди биринчи подшоҳлардандир. Улар ҳақиқатан буюк халқдир, мен ўғлим Испания қиролини қўллаб-кувватлайман. Сизларни совға-саломсиз, номанинг ўзи билан юборса ҳам бўларди, мен унинг соғлигини, ишлари қай аҳволда эканлигини билсан, шунингт ўзи менга қувонч бағишлилар эди.”

Набира мактубни қўлида баланд кўтариб тураркан, шу пайт элчилардан бири тилмочга қарата мактубни шахсан Соҳибқироннинг қўлига бериш керак эканлигини имо-ишора билан тушунтириди ва агар ўқиш керак бўлса, тайёр эканлигини айтди. Шунда Соҳибқирон мактубни набираси қўлидан олиб кўрди ва уни ўқиб кўрмоқчилигини айтди. Элчи бўлса, тайёр эканлигини билдириди. Шунда Темурбек кейинроқ унга одам юбориб чақиришини, мактубни ўқиб, Испания қиролининг ҳоҳишини тушунтириб беришини айтди.

Кейин элчиларни ўринларидан турғизиб, Соҳибқироннинг ўнг томонидаги юқори жойга ўтказишиди. Мирзолар уларни Хитойдан келган элчидан пастроқ жойга ўтказинди. Бу элчи авваллари Темурбек Хитой хонига солиқ тўлаб турғанигини эслатиш учун келганди. Шунда Соҳибқирон Испания элчиларини тепароққа ўтказиб, Хитой элчисини улардан пастроққа ўтказиши буюрди. Шундан сўнг Мирзолар-

дан бири келиб, уларнинг жойларини ўзгартирди ва Хитой элчилариға қараб, бундай ўтиришни Соҳибқироннинг ўзи белгилаб берганини ҳамда бундан буён доим шундай мавқеда ўтиришларини айтди. Хитой элчисини бундай гаразли ниятда келганлигини билдириб, керак бўлса, осишлари мумкин эканлитини ҳам тушунтириб қўйди. Шундан кейин ҳамма маросимларда, мажлисларда шу тарзда ўтирадиган бўлишиди.

Сўнгра улар тилмочга қараб, Испан элчиларидан меҳмондорчилик қандай ўтганлигини сўрашди. Хитой ҳукмдорининг исми Чойсион бўлиб, у тўққизта салтанатнинг подшоҳи эди, чигатойлар устидан қулишиб, уни “Тонгус” деб номлашган, бу чўчқа дегани эди. У катта ернинг подшоҳи эди ва авваллари Темурбек унга солиқ тўлаб келар, энди эса тўламоқчи эмас.

Испан ва бошқа турли давлатлардан келган элчиларни ўтказишиб бўлганларидан сўнг, кўпгина қайнатилган, димланган, қовурилган қўй гўштидан ва қовуриб пиширилган от гўштидан олиб келишиб меҳмон қилишди. Бу қўй гўштларини тутқичли катта терида олиб келишди. Соҳибқирон гўштдан тановул қилишни истаса, хизматкорлар терини устидаги таоми билан тортиб, унинг олдига олиб боришар, чунки гўшт кўплигидан терини кўтарсалар ёрилиб, йиртилиб кетиши мумкин эди.

Соҳибқироннинг олдига йигирма қадамча қолганда хизматкорлар тўхташди ва гўшти нимталаш учун қассоблар қўлларига тери қўлқоп кийган ҳолда келишди ва тиз чўкишиб гўштларни нимта-нимта қилишди, бўлакларини бирмабир мис, сопол, кумуш, тилла ва қимматбаҳо чинни идишларга солишли.

Яхши кўриб ейдиган овқатлари пиширилган от гўшти бўлиб, у отнинг бел қисмидан, суяксиз ҳолда пиширилган таомни тилла ва кумуш идишларга қўй гўшти билан ёнмаён, яна ёнига муштдай келадиган пиширилган от жигари ҳамда қўй каллаларидан солишиди. Шунга ўхшатиб тайёрланган бошқа таомларни ҳам ёнмаён қўйишиди. Кейин хизматкорлар идишларда шу таомнинг шўрвасини олиб келишиб, ҳалиги гўштлар устидан қўйиб, таомларнинг устига тўртгандан ёпилган нонлардан қўйиб, иккита ва учтадан бўлишиб, таомларни Соҳибқироннинг ва меҳмонларнинг олдига олиб

бориши. Соҳибқирон ҳурмат юзасидан олдидағи таомлардан икки хилини элчиларнинг олдига олиб қўйдирди. Шу гўштни кўйиши биланоқ, унисини олишиб, яна бошқа гўштни олиб келиб қўйиши. Биринчи қўйилган гўшт, одат бўйича меҳмон ўзи билан олиб кетиши учун олиб қўйилар, лекин кўплигидан уни кўтариб кетишнинг ўзи қийин. Агарда элчиларни олдига қўйилган гўштларни олиб кетишнинг иложи бўлганда эди, улар учун бу ярим йилгача етарди.

Қовурилган ва пиширилган қўй гўштини олиб, ўрнига димлаб пиширилган қўй гўшти ва ҳар хил таомлар билан меҳмон қилиб, сўнгра ширин-шакар ҳўл мевалардан – олма, узум, шафтоли, тарвуз, қовун, кейин олтин ва кумуш кўзаларда қанд солинган от сути олиб келиши. Айтишларича, жуда ширин, мазали бу ичимлик асосан ёзниг иссиқ кунларида кўпроқ ичилар экан.

Меҳмондорчиликдан сўнг, Соҳибқироннинг олдидағи Кастилия қироли ва Бобил султонининг совға-саломлари кўрсатиб, олиб ўтилди. Ўша куни совға қилинган уч юзга яқин отларни ҳайдаб ўтиши. Бунинг ҳаммаси тугаганидан сўнг, элчиларни ҳурмат-эҳтиром ила бир кузатувчи билан у ердан олиб кетиши. Кузатувчи уларни қўриқлаш билан бирга, уларда ҳеч қандай муҳтожлик бўлмаслиги учун ҳам масъул эди.

Соҳибқироннинг яқин одамларидан бўлган бу кузатувчи Бобил элчисидан сўнг, испан элчиларини ҳам Соҳибқироннинг қароргоҳига яқинроқ, катта боғ ва сувлари мўл қароргоҳга олиб бориб жойлади.

Элчиларни жўнатгандан сўнг, Соҳибқирон Кастилия қиролининг совғаларини олиб келишни буюрди ва уларни кўриб жуда мамнун бўлди. Бу совғалардан завжаларига берди, айниқса, энг катта завжаси Бибихонимга кўпрогини берди, чунки шу куни у Соҳибқирон билан боғда бирга эди. Бобил султони ва бошқалар юборган совғаларни қабул қиласдан, уч кун, токи Соҳибқирон қабул қилинсин демагунча сақлаб туриши. Уларда шундай одат бор эди, яъни олиб келинган совғани уч кунгача сақлаб туришарди.

Элчилар қўнган боғнинг номи “Дилкушо” эди. Соҳибқирон бу боғда жумагача бўлиб, сўнг ундан ҳам чиройли ва ҳашаматли “Богичинор” номли дала ҳовлисига кўчиб ўтди.

111-боб. Ўн бешинчи сентябрь, душанбада Соҳибқирон у ердан ҳам чиқиб, бошқа ҳашаматли боғга кўчиб ўтди. Бу боғнинг дарвозалари фиштдан жуда баландда қурилиб, ҳар хил қимматбаҳо тошлилар, тилла-кумушлар билан безак берилган. Шу куни Соҳибқирон катта базм уюштиришни буюриб, элчиларни, барча ҳурматли меҳмонларни, қариндошлар-у завжаларини таклиф қилди. Боғ жуда катта, унда мевали ва соя берувчи дараҳтлар мўл, боғда ҳар хил йўлакчалар бўлиб, атрофи дараҳт шохлари билан тўсилган. Боғда тикилган каттакон чодирларга ранг-баранг ипак гиламлар осиб қўйилган.

Боғ ўртасида ҳашаматли бино бор, бинонинг ичкари хоналари, ер-деворлари жуда чиройли қилиб безатилган. Уйга кираверишда баланд супача қилинган, супачанинг устида тиллакори катта стол турар, баландлиги одам бўйича, узунлиги уч қадамча келадиган бу стол ёнида ўтириш учун қатқат кўрпачалар ҳам тўшалган. Соҳибқирон дам оладиган бу ернинг деворлари қизғиши рангдаги дур-гавҳарлар билан безатилган, ипак матоли пардалар билан тўсилган. Шамол бўлганда пардалар кўтарилиб, жуда чиройли манзара касб этарди. Баланд қилиб қурилган яна бир хонага кирганда ҳам шундай чиройли пардалар деворларга осиқлик турарди. Пардалар ергача осилиб, ерга эса гиламлар солинган эди.

Ўйнинг ўртасида, эшикнинг қаршисида олтиндан ишланган иккита стол, уларнинг узунлиги беш қадамча ва эни уч қадамча келар, устида еттита олтин кўзача турарди. Шулардан иккитаси зумрад ва дур-гавҳарлар билан безатилган ҳамда ҳар бирига олмос тош қадалган. Бу ерда яна олтига тилладан ясалган думалоқ пиёла бўлиб, улар ҳам дур-гавҳарлар билан безатилган. Шу базмга Соҳибқироннинг таклифи билан испан элчилари ҳам чақирилган эди. Таклиф қилиш учун боришганда, олдида тилмоч йўқлиги туфайли элчилар кутиб қолишди ва улар етиб келишганда, Соҳибқирон овқатланиб бўлганди. Шунда у бундан кейин таклиф қилганида тилмочсиз бўлсалар-да, ўз вақтида етиб келишлари кераклигини, бу сафар уларни кечиришини ва базм улар учун уюштирилганини айтиб, жуда жаҳли чиқди ва меҳмонларни вақтида олиб келмаганлиги учун Мирзоларни койиди.

Тилмочга одам жўнатиб, Соҳибқирон ундан ғазабда эканлигини ва уни бу иши учун жазолаши кераклигини айтган-

да, ўша ердагилар уни жазоламаслигини сўраб, унга ёпишиб кетишиди, шунда элчиларни кузатиб юрувчи ҳурматли шахс тилмоч номидан узр сўраб, уни қутқариб қолди. Соҳибқирон элчилар байрамда қатнаша олмаганиликлари учун, уларнинг яшаб турган жойларига, улуш сифатида бешта қўй ва иккита каттакон кўзаларда шароб жўнаттириди. Бу байрам кечасига Соҳибқироннинг барча қариндошлари, сарой аҳиллари ва ҳурматли меҳмонлар қатнашишганди. Элчилар кейинроқ ўз кузатувчиси билан бу жойларни кўриб, танишиб чиқишиди.

112-боб. Йигирма иккинчи сентябрь, душанба куни Соҳибқирон у боғдан чиқиб, бошқа боғ томон йўл олди. Бу боғнинг атрофи тўртбурчак шаклида баланд денорлар билан ўралган, бурчакларида гумбазлари бор эди. Боғнинг ўртасида каттакон қаср турар, олдида эса ҳовуз мавжланиб, кўзни қамаштиради. Қаср бошқа қасрларга қараганда жуда катта ва ҳашаматли. Ҳамма қаср ва боғлар каби шаҳар ташқарисида жойлашган бу боғнинг номи “Боғишамол”дир. Соҳибқирон каттакон бу боғда ҳам базм уюштириб, унга меҳмонларни ва элчиларни чақириди. Базмда Соҳибқирон ҳаммага май ичишини буюрди, ўзи ҳам андак ичди. Май уларнинг одатига кўра, овқатдан олдин келтириларди. Уларга хизматкорлар тиз чўкиб май қўйиб беришарди. Кимда-ким май ичишни хоҳламаса, Соҳибқиронни бехурмат қилган ҳисобланарди. Агарда Соҳибқироннинг соғлиги учун деб ичилса, охирги томчисигача қолдирмасдан қадаҳларни кўтариб ичишарди. Элчилар базмга келишларидан олдин, Соҳибқирон ўз Мирзоларидан бирини улар олдига бир кўза май билан жўнатиб, байрамга келишларидан олдин шу майни ичиб, шод-хурсанд бўлиб келишларини тайинлаганди. Элчилар Соҳибқирон ҳузурига келишганда, уларни ҳурмат қилишиб аввалгидай тўрга, Соҳибқироннинг ёнига чиқариб ўтқазишиди. Аввалгидай қовурилган қўй ва от гўшти, гуручдан тайёрланган овқатларни олиб келишиди. Таомдан сўнг, бир Мирзо кумуш идишда кумуш тангаларни олиб келиб, элчилар ва бошқа меҳмонларнинг устидан сочди. Ҳоҳлаганча танга сочиб, қолганини элчилар учун ерда турган сарполарнинг устига тўкли. Шундан сўнг Соҳибқирон уларга сарподаги тўнларни кийгизишини буюрди. Элчилар миннатдорчилик сифатида, уларнинг одати бўйича уч марта эгилиб таъзим қилишиди.

113-боб. Соҳибқирон бу боғга яқин “Дилкушо” номли боғга кўчиб ўтиб, элчиларни эртаси пешинда базмга таклиф қилди ва катта базм уюштириб, бу сафар узоқ жойлардаги жангчи қўшинларидан ҳам кўпгина одамларни чақирирди. Базмга элчилар ҳам келишиди. Соҳибқирон базмда жуда хурсанд кўринарди. Уларнинг одати бўйича кўпгина қўй ва от гўштларидан тайёrlанган таомлар келтирилди. Базмдан сўнг, элчиларга тўн кийгизишиди ва улар саройга яқин ўз қароргоҳларига қайтиб келишиди.

Бу байрамларга шунчалик кўп ҳалқ йигилар эдики, уларнинг кўплигидан қимирлаб бўлмас, фақатгина кузатувчи аскарлар йўлни очиб берсагина, олдинга силжиш мумкин эди. Одамнинг кўплигидан ҳамма ёқда чанг-тўзон кўтарилиб, одам юзини таниб бўлмасди. Боғнинг олди катта майдон, унда дарё ва каналлар бор, майдонга Соҳибқирон ўз завжалари билан келиб, чодирлар қуришни ва ўз қўшин аскарларига ҳам ўз атрофида чодирлар тикиб, ўз завжалари билан жойлашишига, тўй, байрам маросимларини ўтказишга фармон берди. Соҳибқирон учун чодир қуриб бўлинганидан сўнг, каттаю кичик бирма-бир шовқин-сурон қилмасдан ўз чодирларини қуришарди. Шу тарзда уч-тўрт кун ўтмасданоқ, Соҳибқирон чодири атрофида йигирма мингга яқин чодир қурилди. Шунда ҳам ҳар куни одамлар келиб қўшиларди. Улар орасида қассоб ва ошпазлар, яъни улар қовурилган ва қайнатилган гўштни сотишар, мева-чева сотувчи деҳқонлар, новвойлар ҳам бор эди. Улар ўрдасидан қўли гул усталарни ҳам топиш мумкинки, улар ҳар хил кўчаларга бўлиб қўйилган. Ҳаммомчилар ҳам сув иситадиган дастгоҳлари билан келишган. Ҳуллас, ҳар хил жангларда, мана шундай йигилишларда улар ўзлари билан деярли барча касб эгаларини бирга олиб юришар, ҳалқ бундай юришларга ўрганиб кетганлиги боис Ўрдага келганида ҳаммаси ўз жойини топиб жойлашарди. Соҳибқирон эса элчиларни ўзига яқинроқ бўлишлари учун шу Ўрдага яқин, ўзига қарашли боғга кўчириб олиб ўтишни буюрди.

114-боб. Йигирма тўққизинчи сентябрда Соҳибқирон Самарқанд шаҳрига йўл олиб, шаҳарга кираверишда, завжаси Канонинг¹ онасига атаб қурдирган уйда тўхтади. Бу бино

¹ Кано – Бибихоним.

маликанинг онаси дафн қилинган мақбара ҳисобланарди. Уй жуда ҳашаматли бўлса-да, ҳали қуриб битказилмаган экан. Шу куни базм уюштирилиб, элчилар таклиф қилинди. Темурбек Хитой давлати атрофида жойлашган мамлакат элчиларини чақиртиришни буюрди. Бу элчиларни кийимлари жунли тўн бўлиб, бошларила кичкина қалпоқчалари бор. Соҳибқиронга совға сифатида қимматбаҳо ҳайвон териларидан олиб келганлар Хитой насронийларидан, Тартария подшоҳи Тўхтамишхоннинг набирасини Темурбекдан сўраб келишган экан.

Соҳибқирон ўша куни қандайдир саййидлар билан кун бўйи шатранж ўйнади. Саййидлардан деб, уларда Муҳаммад (а.с.) авлодидан бўлган зотларга айтилар экан. Ўша куни Соҳибқирон элчиларнинг совғаларини қабул қилди.

Иккинчи октябрь, пайшанба куни Соҳибқирон ўзига яқин одамни элчиларнинг олдига жўнатиб, ўша ерда базм уюштиришни буюрди ва ўнта қўй ва бир отни пишириб ейишлари ва ичишлари учун май жўнатди. Бу базм тугагандан сўнг, элчиларга сарпо берилиб, совға сифатида отлар ҳадя қилинди.

115-боб. Олтинчи октябрь, душанба куни Соҳибқирон ўз йурдаси жойлашган майдонда байрам уюштириши, у ерда ўз завжалари, фарзандлари ва набиралари ўз завжалари билан, хуллас, ҳамма Мирзолар, яқин одамларнинг барчаси йигилиши керак эканлитини буюрди. Уларнинг барчаси бу ерга келиб, Соҳибқироннинг фармонини кутди. Шу куни элчиларни ҳам байрам зиёфатига олиб келишганда, улар кўпгина чодирларни кўришди. Кўрган чодирлари чиройли, кўпи дарё бўйига қурилган эди.

116-боб. Элчиларни турли хил нарсалар сотилаётган жойдан олиб ўтишаркан, Соҳибқироннинг чодири олдига яқинлашганларида, уларни узун арқонлар билан тортилган чодир остига ўтказишиди. Чодирнинг икки томонининг кутарилгани, соя бериш ва шамол ўтиб туриши учун экан. Бундай чодирлар майдонда анчагина. Шу чодирга яқин жойда каттакон, бурчак шаклда чодир қурилган, унинг баландлиги уч найза, узунлиги юз қадамча келарди. Чодирнинг ўрта-

сида думалоқ шифти бўлиб, уни тилла суви юргизилган ўн иккита йўғон устун ушлаб турарди. Бир бурчакдан бошқасига қараб учтадан устун қўйилган ва бир-бирига маҳкамланган, устунларни кўтариб ўрнатишда фидираклардан фойдаланилган.

Тепадан пастга қараб устунларга ипак мато осилган, улар арксимон шаклда устунлар орасида чиройли кўринади. Чодирнинг ташқарисидан ҳам устунлар қотирилган, арқонлар билан тортиб боғлаб қўйилган, жами ўттиз олтита устун мавжуд. Чодир ичкарисида, марказда каттакон қизил, ранг-баранг иплар, тилла иплар билан тўқилган гилам тўшалган. Ичкаридан шифтга қараганда, ҳашаматли тўртта бургутнинг расми тасвирланган. Сирт тарафида оқ ипак мато билан қопланган, ораларида сариқ ва қорамтири чизиқли бу чодирнинг ҳар бурчагида устун бор, устун тепасида олманинг устида ой кўринишидаги шакл чизилган. Жуда кенг ва катта, бамисоли қасрга ўхшаган, кенглиги ва баландлиги кишини лол қолдирадиган бу чодирнинг бир тарафида баланд, гиламлар солинган Соҳиб-қирон учун тахт турарди. Чодир атрофи худди шаҳар ёки қасрни ўраган каби турли ипак матолар билан ўралган. Матолар устунларга осиб чиқилган. Бу тўсиқ айланасига уч юз қадам, баландлиги от устида ўтирган отлиқнинг бўйича келарди. Тўсиқларнинг ўртасида, ичкарига кириш учун баланд арксимон эшиги ҳам бор, эшикнинг тепаси тўрт қиррали, баланд қилиб ишланган. Тўсиқнинг номини “Сарпарда” деб аташади. Бу тўсиқнинг ичкарисида хилма-хил тарзда қурилган чодирлар бор, чодирлар орасида баланд қурилган, арқонларсиз чиройли боғичлар боғланган бино алоҳида ажралиб турар, одамни ҳайратга соларди. Қуёш ўтказмаслиги учун чодирнинг устки қисмидан қизил гилам қопланган, ичкариси эса, кўрпага ўхшашиб пахтали матодан тикилган. Устки тарафидан йўл-йўл тортилган чизиклар кумуш, тилла рангларда ва ора-ораларида қимматбаҳо тошлар ҳам кўриниб туради. Думалоқ шаклдаги оқ чизиқ айланада бўйлаб тилла иплар билан тикилган. Шамол бўлганда чодир устидаги иплар ҳар томонга кўтарилиб, жуда чиройли манзара касб этади. Чодирга қизил гилам билан бер-китилган баланд эшик орқали кирилади.

Шу чодир ёнида бошқа бир чодир бор, у ҳам ҳашаматли, қизил гилам билан усти ёпилиб, арқонлар билан тор-

тилган. Унинг ёнида яна тўртта чодир ёнма-ён ва бир-бирига ўтса бўлади. Атрофларида яна майдароқ чодирлар ҳам кўп. Бу тўсиқнинг ичидаги яна бир бошқа ипакдан қурилган чодир бор бўлиб, у ҳашаматли ва баъзи жойларидаги очик, дарчалар кўринади. Дарчалардан ҳеч ким кира олмас, чунки ингичка иплардан тўр қилиб беркитилган. Чодирнинг марказида яна бир ҳашаматли чодир бор, бундай чодирларнинг баландлиги уч найза ва ундан ошиқ келар, тепасида кумуш ва тилладан ясалган, қанотлари ёйилган ҳолдаги бургут, пастрофида эса кетма-кет қўйилган кумушдан ясалган лочин қушларнинг шакли бор. Бу лочинларнинг қанотлари туширилган, худди бургутдан қочиб, учеб кетишга чоғланаётгандек. Бургутнинг кўрининши эса, худди лочинга ташланаётгандек эди. Бургут ва лочиннинг кўрининши жуда моҳирлик билан ишланганки, кўрсангиз, ҳақиқий деб ўйлайсиз. Эшик олдида рангли ипак мато парда сифатида илинган, киришни ва қуёш нурини тўсиб туради. Қуёшнинг нури қаерга тушса, парда ҳам шутомонга қараб тортиб қўйилади. Биринчи чодир Соҳибқироннинг биринчи ва катта завжаси Бибихонимга, бошқаси иккинчи завжаси – кичик хонимга тегишли. Тўсиқни тўсиб турган пардалар “сарпарда” деб номланиб, улар турли рангларда, сони ўн битта. Атрофдаги чодирларда ҳам Соҳибқироннинг бошқа хотинлари ва фарзандлари ҳамда набиралатининг хотинлари туришарди.

Куннинг ярмида Соҳибқирон ўша чодирларнинг биридан чиқиб, марказдаги майдонга элчиларни ҳам бу ерга олиб келишни буюрди ва катта зиёфат уюштириди. Зиёфатдан сўнг, элчилар ўз уйларига қайтишиди.

117-боб. Еттинчи октябрь, кейинги сесанбада Соҳибқирон ўз ўрдасида катта базм уюштиаркан, базмга испан элчиларини ҳам таклиф қилишди. Темурбек элчиларни ўзининг каттакон чодирига чорлаб, уларни ичкарига олиб, ўзларининг одати бўйича катта зиёфат уюштириди. Зиёфатдан сўнг Соҳибқироннинг яқин одамларидан ва саройнинг бошқарувчilаридан иккиси киши – бири Шоҳмалик Мирзо, иккинчиси Нуриддин Мирзолар Соҳибқиронга совға-саломлар олиб келиб кўрсатишиди. Тўққиз хилдан иборат совғалар тўққиз кумуш идишларда, унинг ичидаги ҳар хил шириналлар (оққанд,

узум, писта, бодом) бор бўлиб, барчасининг усти ипак матолар билан ёпилган. Бу совғаларнинг барини Соҳибқирон ёнида ўтирганлар билан баҳам кўрди. Зиёфат охирида меҳмонлар ва ўтирганлар устидан тилла ва кумуш танглар сочилиди. Шундан сўнг ҳамма уй-уйига тарқалди.

Эртаси, чоршанба куни Соҳибқирон яна зиёфат беришини буюрди ва ўша элчиларни таклиф қилди. Шу куни шамол тургани боис Соҳибқирон майдонга чиқмасдан йигилганларга ичкарида зиёфат беришга амр этди. Элчилар зиёфатда ўтирасдан, ўз уйларига қайтиб кетишиди.

118-боб. Тўққизинчи октябрь, пайшанба куни Соҳибқироннинг катта ўғли Мироншоҳ Мирзонинг завжаси Анзада¹ томонидан ўзига тегипши ҳашаматли чодирлардан бирида катта байрам кечаси уюштирилиб, унга элчилар ҳам таклиф қилинди. Элчилар унинг чодири олдига келганларида, ерда турган май тўлдирилган кўзаларни кўриб, кейин чодир ичкарисига киришди. Шунда Хонзода уларга тўрга чиқиб ўтиришларини буюрди. Бу ерда барча завжалар ёнма-ён, Хонзода эса давранинг тўрида ўтиради. Ўша куни у ўзининг кўринишидан ёши қирқларда, оқ-сариқдан келган хотин қариндошининг тўйини ўтказиб бераётган эди. Унинг олдида қанд солинган от сути ичимлиги туради. Яна у билан биргаликда кўпгина сарой хизматкорлари ҳамда Темурбек жанобларининг қариндошлари ва куй чалаётган созандалар бор бўлиб, элчилар келган вақтда улар ичиб ўтиришар, улар шундай тарзда буни бажаришарди, қариндошларидан ёши кексароги ва икки ёш болакай олдинма-кетин юришиб, аввал маликага, сўнг атрофдаги завжаларнинг пиёласига от сутидан тайёрланган ичимлик қуийб, тилла патнислар устиди, тилла пиёлаларда, бир қўлларида оқ сочиқ, тиззаларини ҳар қадамда эгиб, таъзим қилган ҳолда ичимлик тўлдирилган пиёлаларни тарқатишарди. Хонзодага ичимлик узатаётган вақтларида қўлларига оқ сочиқ ёйиб, сочиқ устига тилла пиёлани қўйиб, таъзим қилган ҳолатда беришар ва ўринларидан туриб, ўгирилмасдан орқага қараб чиқиб кетишарди. Бундай ҳолат жуда узоққа чўзилар, давра қизигандан-қизиб,

¹ Анзада – Хонзода.

ҳаммалари кулишиб ўтиришарди. Байрам кечасига Темурбекнинг биринчи завжаси Бибихоним ҳам келган, байрам узоқ давом этганилиги учун у элчиларни ўз олдига чақириб, ўз қўли билан ичимлик қуиб берди. Шундан сўнг кўпгина от ва қўй гўштидан тайёрланган таомлар меҳмонлар олдига тортилди ва ўз урф-одатлари бўйича, гуручдан тайёрланган таомларни, нонларни, шириналик ва кўкатларни, бир оздан сўнг эса турли усулда пиширилган гўштларни олиб киришди.

Хонзода ўз эри Мироншоҳ Мирзони отаси билан уриштириб қўйганди. У шоҳ авлодидан бўлиб, Темурбек уни ҳурмат қиласади. Мироншоҳ Мирзо ва Хонзоданинг Корел Солдан¹ исмли йигирма ёшлар чамасидаги ўғли бор эди.

119-боб. Тўққизинч оқтябрь, пайшанба куни Соҳибқирон набирасининг тўйи муносабати билан базм кечаси уюштирилганда, кечага элчиларни ҳам олиб келишни буюрди. Маросим чиройли безатилган, атрофи чодир билан ўралган майдонда бўлиб, маросимга Бибихоним, Хонзода ва кўпгина таниқли завжалар, мирзолар ҳамда бошқа яқин қариндошлар келишди. Урф-одат бўйича кўпгина пиширилган от ва қўй гўштлари меҳмонларга тортиқ қилиниб, шоду хурсандчилик узоқ давом этди.

Соҳибқирон бу маросимни бутун халққа эълон қилиб, худди сайилга ўхшатиб, ҳамма ўрда атрофида йигилиб, хурсандчиликка шерик бўлишни буюрди. Бозорни ўрда атрофига кўчириб, савдо-сотиқни ҳам шу ерда қилишларига амр этди, бу хурсандчиликни ҳазил-мутойиба билан қизиқарли ўтказиш кераклигини айтди. Фармонга биноан савдогар ва ҳунармандлар шаҳардан чиқишиб, ўрда атрофига жойлашдилар. Шу тарзда хурсандчилик давом этди.

Ҳунармандлар қурган чодирлар атрофида Соҳибқирон буйруғига асосан маҳсус майдонча қурилди. Бу майдончага айб иш қилганлар тизилиб, бундай хурсандчилик кунида кимларгадир раҳм қилинар, бошқа бирорларга эса жазо бериларди. Шу куни Самарқанднинг машҳур кишиси жазога лойиқ топилди. Темурбек олти йилу ўн бир ой бўлмаган вақтда уни ўз ўрнига ҳоким тайинлаб кетганди. Шу вақтлар

¹ Корел Солдан – Халил Султон.

мобайнида бу киши Темурбекнинг ишончидан фойдаланиб, ўз лавозимини сустеъмол қилган, кўп хатоликларга йўл қўйган. Соҳибқирон Самарқандга қайтиб келиши биланоқ, бу кишини олдига чақириб, молк-мулкини мусодара қилди, ўзига жазо тайнинлади. Шундай таниқли кишига бундай жазонинг берилиши ҳаммани ҳайратга солди, чунки бу кишига Соҳибқироннинг ўзи кўп ишонч билдирганди. Собиқ ҳокимнинг тарафини олиб чиққанлар ҳам жазоланди. Темурбекнинг яқинларидан Бурундуқ Мирзо бу кишини кечиришини сўраб, эвазига тўрт юз минг кумуш танга товон тўлашлигини айтди. Ҳар бир кумуш танга бир кумуш реалга тенг эдики, Соҳибқирон бунга розилигини айтиб, ундан кумуш тангаларини олди ва яна тангалари бўлса, уларни ҳам олиш мақсадида уни қийнашга буюрди. Бундан ташқари, Соҳибқирон яна бир таниқли кишини жазолади. Соҳибқирон бу ердан юришга чиқиб кетаётганда, ўша кишига уч минг отни қолдириб кетган, қайтганида эса бу отлардан бир дона ҳам қолмаганди. Бу кишининг ялинишлари инобатга олинмади, озроқ кутиб турилса, уч мингта отни олти мингта қилиб қайтаришини айтса-да, у жазодан халос бўлолмади.

Шундан кейин Темурбек яна кўпгина инсонларни жазолади. Бунга мисол қилиб, бозордаги бир қанча қассобларни кўрсатиш мумкин. Бу қассоблар Темурбек йўқ бўлган вақтда гўштларни ўз нархидан анча қимматига сотганлиги учун жазоландилар. Кейинроқ бозордаги ҳунармандлар, этикдўзлар ўз молларини қиммат нарҳда сотаётганлигини билиб, уларнинг ҳам ортиқча даромадларини олиб қўйишни буюрди.

120-боб. Ўн учинчи октябрь, душанба куни Темурбек жаноблари яна бир базм уюштиришни, унга элчиларни ҳам таклиф этишни буюрди. Элчилар бу ерга келганда майдончанинг марказидаги чиройли чодирда Соҳибқирон ўз меҳмонлари билан ўтирас, чодирнинг атрофида яна шунга ўхшаш ҳашаматли чодир, бу чодирларнинг усти қизил гиламлар билан ёпилган, атрофини тилла ил билан тикилган баланд тўсиқ пардалар курсаб турарди. Ичкарига кириш эшиги ҳам аркасимон шаклда қурилган ва эшик ўрнига гилам илиниб, атрофи тилла нақшинкор қилиб безатилган. Эшикнинг тела қисмида тўртбурчакли гумбази ҳам гиламдан, атрофни ўраб

турган тұсиқтарға ҳам шунга ўхшаш гиламлар илингандың да тұсиқтарнинг ҳар жой-ҳар жойларига дарчалар қўйилган. Дарчаларнинг ҳам ўша гиламли матодан қилингандың эшикчалари мавжуд. Тұсиқтарнинг ичкарисида айтганимиздек, ҳашаматли ва чирошли чодирлар тикилган. Худди шу тұсиқли айланада ёнида шунга ўхшаш тұсиқли чодирлар қурилғанды. Бу тұсиқтарға энди гилам эмас, балки оқ атлас матолар илиб чиқылғанды. Бу иккита катта чодирларнинг бир-бирига ўтадиган йўлакчалари ҳам бор эди.

Ўша куни элчилар бу чодирларнинг ичини кўришмади, чунки Соҳибқирон катта майдонда базм берадиганды. Эртасига уларни олиб боришиб, бу икки чодирни кўрсатишиди. Чодирларнинг ўртасида катта майдон бор бўлиб, майдонда Соҳибқирон кўп байрамларни уюштиради. Ўша куни элчиларни катта майдонга яқинроқ айвонга ўтказишиди. Бу майдон атрофларига, ҳар хил жойларга май солинганды каттакон идишлар қўйилғанды, идишлар майдон айланаси бўйлаб бир ярим чақиримча келадиган масофада. Ҳеч ким бу идишларнинг олдига кела олмас, чунки уларни куролланғанды аскарлар кўриқлаб туришарди. Кимда-ким идишлар олдига яқинлашгудек бўлса, унга камондан ўқ узишар ёки қўлларидаги тўқмоқ билан уришарди. Ким бўлишидан қатъи назар шундай чора кўришарди.

Катта майдон атрофида раият йигилиб, улар Соҳибқироннинг ўз чодиридан чиқишини кутарди. Бу ерда кўп бўлишган элчиларга ўринларидан туришиб, яқиндагина Кичик Хиндистандан келган ва у ернинг ҳукмдори Соҳибқироннинг набирасини зиёрат қилишлигини айтишиди. Темурбек жаноблари шахсан ўзи бу набирасини чақирирган экан. Чунки шу вақтларда уларнинг кўришмаганликларига етти йил тўлган экан. Бу набираси Соҳибқироннинг ҳалок бўлғанды биринчи фарзанди Жаҳонгирнинг ўғли эди. Айтишларича, Соҳибқирон ўз ўғлени жуда яхши кўрган, шу боис унинг фарзанди, ўз набираси Пирмуҳаммадни ҳам жуда яхши кўрганды. Элчилар унинг олдига қараб жўнашди ва уни қизил гилам билан ўралғанды чодирдан топишди. У давра тўридаги таҳтда ўтиради, олдида кўпгина хизматкору аскарлар туришарди. Элчилар чодирга яқинлашганида, ичкаридан иккита аскар чиқиб, уларга тиз чўкиб, таъзим қилишни буюрди. Чодир



Руи Гонсалес де Клавихо. Миллий кутубхона. Мадрид.

HISTORIA
DEL GRAN TAMORLAN

ITINERARIO Y ENARRACION DEL VIAJE,
y relación de la Embazada que Ruy Gonçales de Clavijo le hizo,
por mandado del muy poderoso Señor Rey Don
Henrique el Tercero de Castilla.

Y
UN BREVE DISCURSO FECHO POR
Gonçalo Argote de Molina, para mayor inteligencia
de la Loba,

(C)

DIRECCION AL MUY ILLUSTRE SEÑOR
Alfonso Perez del Conde de Mendoza
Secretario del Estado.



IMPRESO.

CON LICENCIA DE SU MAGESTAD.

En Sevilla.

Encaña de Andrea Peleoni.

Año de M. D. LXXXII.

Руи Гонсалес де Клавихонинг «Амир Темур тарихи» асарининг 1582 йилда Испаниянинг Севилия шаҳрида Арготе де Молина томонидан илк бор нашр қилинган китобнинг муқоваси.



Руи Гонсалес де Клавихо (XVI асрға мансуб кийимда)
Амир Темур қабулида. Самарқанддаги Улугбек обсерваторияси, XX аср.



Элчилар қабули. Шарофиддин Али Яздийнинг “Зафарнома”
асарига ишланган миниатюра. Темурийлар тарихи Давлат
музейи. Тошкент.




Руи Гонсалес де Клавихо (XIX асрга мансуб кийимда)
Амир Темур қабулида. Миниатюра. XIX асрнинг боши.




А.Алиқұлов. Самарқанд бозори. Темурийлар Тарихи Давлат музейи. Тошкент.




Буюк голландиялык рәссом Рембрандт Харменс ван Рейн (1606-1669) Бобурийлар давридаги Ҳинд миниатюраларидан рухтаниб Амир Темур ва Темурийлар (Умаршайх, Бобур, Ҳумоюн ва Ақбар) расмини чизган.



Амир Темурнинг Франция қироли Шарль VI га 1402 йил 1 августда ёзган хати. Ушбу хатнинг асли Франция Миллий архивида сақланмоқда. Хатнинг нусхаси 1996 йил 21 апрелда Франция Республикаси Президенти Ж.Ширак Томонидан Ўзбекистон Республикаси Президенти И.А. Каримовга совға қилинган ва у ҳозирги кунда Темурийлар тарихи Давлат музейида сақланмоқда.



Султония архиепископи Иоаннинг 1403 йил июнда ёзган
«Амир Темур ва унинг саройи ҳақида хотиралар» қўлёзмаси-
нинг биринчи бети.



1. Л.Кереннинг «Амир Темур даврида Самарқанд сари йўл» китобининг муқоваси. Ушбу китоб Руи Гонсалес де Клавихо «Кундаликлар»ининг французча таржимаси бўлиб, 1990, 2002 ва 2006 йилларда Парижда чоп этилган.
2. Руи Гонсалес де Клавихо «Кундаликлар»ини Испания Ташки ишлар вазирлиги ҳомийлигига испан ва рус тилларида «Кастилиядан Самарқандга дипломатик миссия (1403–1406)» номи билан 2000 йилда Мадридда чоп этилган китоб муқоваси.
3. «Амир Темур жаҳон тарихида» китобини 1996 йили Тошкентда инглиз тилида чоп этилган нашрининг муқоваси.
4. Э.В.Ртвеладзе ва А.Х.Сайдов. «Амир Темур жаҳон фани кўзгусида». Тошкент, 1999. Ушбу китобда Амир Темур ва Темурийлар тарихига оид Европада чоп этилган мингга яқин асарлар рўйхати берилган.
5. Руи Гонсалес де Клавихо. «Амир Темур давлатига юборилган элчи» китобининг Мадридда 2006 йилда чоп этилган нашри муқоваси.
6. 1989 йилдан бери Парижда чоп этилаётган “Темурийлар” журнали. Ҳозирга қадар ушбу журналнинг 23 та сони чиққан.

ичкарисига киришганида элчилар ўнг тиззаларини букиб, кўлларини кўкракларига қўйиб, яна бир бор таъзим бажо келтиришгач, олиб кирган кишилар уларни ўринларидан турғазишиб, четроққа олишди ва бир оздан сўнг чодирдан ташқарига олиб чиқишиди.

Соҳибқироннинг набираси ўз одатлари бўйича жуда чиройли ва бой кийинган, эгнида мовий рангдаги тилла иплар билан тикилган атлас кўйлак, кўйлакнинг кўкрак, елка ва қўл енгларida думалоқ доира шаклдаги расмлар солинган, бошидаги салласи дур-гавҳарлар билан безатилган, энг тепасида чиройли катта олмоси бор. Қаршисида турган раият уни байрамона илтифотлар билан қарши олди. Ўша ернинг ўзида майдонда иккита кураш тушадиган полвонлар бўлиб, улар эгнига теридан тикилган енги йўқ, кийим кийиб олган, роса кураш тушишиб, бир-бирини йиқита олмас эди. Шунда Пирмуҳаммад, уларнинг бири йиқилмагунича курашни давом эттиришларини буюрди.

Ўша куни бу ерда бўлган барча элчилар Темурбекнинг йигирма икки ёшли, қораҷадан келган, ҳали соқол қўймаган Пирмуҳаммад исмли набирасини зиёрат қилиш учун келишиди. Айтишларича, у ўзини Кичик Ҳиндистоннинг подшоҳи деб эълон қилган экан.

121-боб. Ҳиндистоннинг асосий шаҳарларидан бири Дехлида Ҳиндистон подшоҳи ва Темурбек ўртасида жуда катта жанг бўлиб ўтган экан. Бу жангга Ҳиндистон подшоҳи жуда катта қўшинни ва унга қўшимча тарзда элликта жангчи филларни олиб келган экан. Бизда бу филларни “морфиллар” деб номлашади.

Биринчи жангда Ҳиндистон подшоҳи шу филлар туфайли Темурбек устидан ғалаба қозонган, эртаси куни яна жанг қилишиб, жант бошланишидан аввал Темурбек ўз аскарларига қўпгина туяларни олиб келиб, бу туяларнинг устига сомон-хашаклардан ортиб боглашни буюрган. Жанг бошланиши биланоқ, филларга қарши маҳсус туяларни қўйиб юборишган ва улар филларга яқинлашганида туяларнинг устидаги сомонни ёқишиган. Филлар ёнаётган туяларни кўргач, ҳаммаси ҳар тарафга қараб қочган. Айтишларича, филларнинг кўзлари кичик бўлганлиги учун оловдан жуда қўрқишиар экан.

Шу тарзда Темурбек Ҳиндистон устидан ғалаба қозо-ниб, Самарқанд салтанати билан чегарадош ерларни эгаллаб олди. Ҳиндистоннинг кўпгина ерлари ўнқир-чўнқир тоғлардан иборат, лекин шаҳар ва қишлоқ ерлари ҳосилдор эди. Ҳиндистон подшоҳи мағлуб бўлгандан сўнг, қолган аскарлари билан тоқقا қочиб, у ерда қўшин йиға бошлади, бироқ Темурбек кутиб ўтирмасдан ўз аскарлари билан жанг қилиш учун унинг олдига борди. Ҳиндистон подшоҳи Темурбек билан жант қилгиси келмади. Ўша вақтда қўлга киритилган бу ерларни набираси Пирмуҳаммад то Ормузо шахригача эгаллаб турарди. Шундай бўлса-да, Ҳиндистоннинг катта қисми ўз подшоҳи қўлида қолди. Бу жангга ўн бир йил бўлган экан, лекин шу пайтгача Темурбек ва унинг набираси ҳам Ҳиндистоннинг ичкарисига юриш қилмаган.

Ҳиндистоннинг аҳолиси насроний, уларнинг подшоҳи ва ўзлари эътиқоди бўйича грекларга ўхшаган, ораларида бошқа насронийлар, маврлар ва ҳиндулар ҳам бўлган экан.

122-боб. Элчиларни бу чодирдан олиб чиқишиб, аввал ўтирган айвонга ўтқазиши ва кун ярмигача Соҳибқироннинг чодирдан чиқишини кутишиди. Соҳибқирон кун яримлаганда чодирдан чиқиб, базм майдонига келиб ўтирди. Сўнгра атрофига ўз яқинларини, меҳмонларини ва элчиларни чорлади. Худди аввалгидек, ҳамма Соҳибқирон атрофида ўз ўринларини билиб ўтиришиди. Шу куни жуда кўп томошалар, филларни қизил ва яшил рангга бўяб, улар билан томошалар қўрсатишди. Бу томошалардан ва дўмбирапарнинг садоларидан шундай шовқин-сурон кўтарилдики, одам ҳайрон қолади.

Соҳибқирон ўтирган майдончада кўпгина созандалар йиғилган, бундан ташқари, ёнида яна иккита катта думалоқ идишда от сути турар, хизматкорлар бу идишдаги от сутини кўлларидаги таёқлар билан аралаштириб, ичига оқ қанд бўлакларидан ташлаб туришарди. Буни улар шу заҳоти ичиш учун қилишарди.

Ҳамма ўз жойини эгаллагач, чодирларнинг биридан Соҳибқироннинг катта завжаси Бибихоним чиқиб келди. У қизил матодан, тилла иплар билан жуда кенг қилиб тикилган узун кўйлак кийиб чиқди. Кўйлак жуда узун эдик, орқасидан

ўн бешга яқин канизаклар кузатиб юришарди. Хонимнинг юзи шунчалик оқ нарса билан бўялган эдики, худди узокдан оқ қофоз бўлиб кўринарди. Бу оқ упа юзга қуёшдан сақланиш учун суртиларди. Соҳибқироннинг бошқа завжалири ёз фаслида узоқ йўлга чиқишиларида қуёшдан асраш мақсадида юзларига бу оқ пураларни суртишарди. Бибихонимнинг юзи юпқа, нозик оқ мато билан беркитилган, бошида қизил матодан бош кийими бор, бош кийимда елкасигача юпқа мато тушиб турибди. Узун бош кийим қимматбаҳо дур-гавҳарлар билан безатилган. Соchlари жуда ҳам қора, елкасига тушиб туради. Бу хотинлар соchlарини қора рангда булишини ёқтиришар ва баъзида қора рангга бўяшарди. Бибихонимнинг ёнида яна бир одам қўлида соябон кўтариб, уни қуёшдан тўсиб келарди. Соябон оқ ипак матодан, худди чодирга ўхшаш думалоқ шаклда.

Бибихоним Соҳибқирон ўтирган майдончада, давранинг тўрига чиқиб, унинг ёнида ўтириди. Ҳамма кузатиб келган хотинлар майдонча ташқарисида қолди. Бибихоним ўз жойига ўтиргач, Соҳибқироннинг бошқа бир завжаси, у ҳам биринчисига ўхшаб қизил либосда, узун бош кийимда, дабдаба билан кўпгина қизлар қуршовида чиқиб келди ва давранинг тўридан жой олиб, Соҳибқироннинг катта завжаси ўтирган жойдан бир оз пастроққа ўтириди. Соҳибқироннинг бу завжасининг исми Кичакано¹ бўлиб, бу унинг иккинчи завжаси эди.

Кейинги чодирдан Соҳибқироннинг яна бир завжаси даврага яқинлашиб, иккинчи завжаси ўтирган жойдан пастроқдаги жойга келиб ўтириди. Шу тарзда Соҳибқироннинг тўққизта завжаси чиқиб, бирин-кетин ўз жойларини эгаллашди. Уларнинг ҳаммаси бир хил кийинган ва бир хил ясанган. Улардан саккизтаси Темурбекнинг ўз хотини, биттаси эса набирасининг завжаси эди.

Темурбек завжаларининг исмлари шундай эди. Биринчисиники Бибихоним – “Энг катта хоним” ёки “Буюк малика” деган маънени билдиради. Бибихоним бутун Самарқанд, Форс ва ҳаттоқи Дамашқ мамлакатларининг ҳукмдори Ахинҳа (Қозонхон)нинг қизи эди. Бу ҳукмдорнинг онаси жуда машҳур,

¹ Кичакано – Кичик хоним.

отаси эса унча танилмаган. Ҳукмдор кўпгина қонун-қоидаларни ишлаб чиқиб, уни назорат қилар, бу қонун-қоидалар салтанат ичидаги шу пайтгача қўлланилиб келинарди. Иккинчи завжасининг исми Кичик хоним бўлиб, у ҳам Андерап мамлакатининг ҳукмдори Туман оғонинг қизи. Кейингисининг исми Улус оғо, кейингисининг исми Чўлпонмалак, ундан сўнг Дилкушод, яна бири Туркон оғо, бошқаси Шоҳмулк хотун ва охиргиси Жаҳонорбеким, яъни уларнинг тилида “қалб маликаси” маъносини англатарди. Темурбек охирги завжасига ўтган август ойида уйланиб, унга шу исми берганди. Ҳамма тартиб билан ўз жойига ўтиргандан сўнг, зиёфат узоқ давом этди. Ҳудди Хонзодабеким базм уюштирганидек, бу ерда ҳам щуғайдай базм давом этди.

123-боб. Шу куни Соҳибқирон ёнида ўтирган элчиларга ўринларидан туришларини айтди ва ўзи қўлига бир пиёла қимизни олиб испан элчиларидан бирига узатди. Билардикি, иккинчи элчи Руи Гонсалес умуман ичмасди. Соҳибқироннинг қўлидан қадаҳни олиб ичадиган бўлишса, уларнинг урф-одати бўйича аввал Соҳибқирон олдига яқинлашиб, ўнг оёғини букиб таъзим қилар, кейин иккинчи тиззасини букиб, тиз чўккан ҳолатда унинг қўлидаги қадаҳни олиб, ўрнидан турар, бир оз орқага юрган ҳолатда тўхтаб, ўгирилмасдан тиз чўкар, қадаҳда бир томчи қолдирмасдан симириб ичишарди. Охиригача ичмаслик ҳурматсизлик ҳисобланарди. Охиригача ичиб бўлгандан сўнг, қўллари билан оғизларини ёпишарди. Ҳар бир элчининг қўлидан тутиб, унинг олдига олиб боришар ва орқага ўз жойига кузатиб кўйишарди. Элчиларнинг одамларини шу майдонга яқин катта айвон тагига жойладилар. Бу майдонча атрофида кўпгина айвону чодирлар қурилган, чодирларда ва айвонларда меҳмонлар ва элчилар туришарди.

Соҳибқироннинг олдида узун ёғоч устунлар кўмилган, бу устунларнинг ўртасида бир-бирига боғланган арқонлар тортилган, арқонларнинг устида одамлар юриб, томоша қўрсашибарди. Соҳибқироннинг ўн тўртта фили, ҳар бир филнинг устида тахта ёғочдан ясалган курси, филнинг устига рангли ипак мато тўшалган, тўрттадан сариқ ва яшил байроқчалари, яна ҳар бир филнинг устида беш-олтитадан одам, бундан ташқари, филнинг устида қўлида таёқ ушлаган, филни

югуришга ва томоша күрсатишга ундаётган филбон ўтиради. Филларнинг ранги қора, ҳеч қандай жуни йўқ, думлари тяянинг думидек калта, бироқ ўзлари жуда катта, ҳар бирининг катталиги тўрт-бешта буқанинг катталигача келади. Шу куни филлар билан турли томошалар кўрсатишди, одамлар ва отларнинг орқасидан югуртиришлики, бу жуда қизиқарли бўлди. Филлар жамлашиб югуришганда ер қимирлагандек бўларди. От ёки бошқа ҳайвонлар юрганида фил билан тенглаша олмасди. Кўрганим учун ишонч ҳосил қилдимки, агарда бу филлар жангда қатнашса, ҳар бири мингтадан жангчига тўғри келади. У ердаги одамларнинг ўзлари ҳам буни тасдиқлашди. Агарда фил одамларнинг ўртасида қолиб кетса, икки томонлама зарба беради, мабодо ўзи яраланса, йўл танламасдан жуда тез югуради ва жуда яхши жанг қиласди. Филлар икки-уч кун овқат емасдан бемалол жанг қила олади.

124-боб. Ўша куни Соҳибқирон ва унинг завжалари давра олдида анча ўтиришганидан сўнг, кўпгина пиширилган қўй ва от гўштидан олиб келишди. Бу гўштни хизматкорлар тиља суви юргизилган териларда майдон бўйлаб судраб, тортиб олиб келишар, гўшт шунчалик кўп эдики, уларни олиб келган хизматкорларнинг сони уч юз ва ундан ортиқ эди. Шовқин-сурон билан хизматкорлар биринчи бўлиб Соҳибқироннинг олдига яқинлашишди, кейин ўз одатлари бўйича гўштни нонсиз, қуруқ ўзини лаганларга солиб чиқишиди. Сўнгра олдинма-кетин ўтирган халқقا олиб келинган гўштлар бўлиб берилди. Халқнинг кўплигидан тоғдек уюлиб турган гўшт зум ўтмай еб бўлинди. Даастурхон устида тузланган гўшт, ҳар хил усулда гуручдан пиширилган таомлар, нонлар оқ қанд билан турардики, бу вақтда қош қорайиб Соҳибқироннинг олдига кўпгина ёқилган шамлар қўйилди. Шунда улар тезроқ еб-ичишига ва хурсандчилик қилишга шошилишар, халқ эса борган сари кўп келарди. Шундан кўриниб турардики, байрам тун бўйи давом этди. Шу кечаси Соҳибқирон ўзининг қиз набираларидан бирини ўз яқинларига турмушга бераётган эди. Элчилар бу байрамнинг тун бўйи давом этишини билишгач, у ердан чиқишиб, ўз кошоналари томон кетишиди. Соҳибқирон ва унинг завжалари байрамни давом эттиришди.

125-боб. Бошқа куни, ўн олтинчи октябрь, пайшанбада Соҳибқирон яна бир базм уюштириб, боз элчиларни таклиф қилди. Бу байрам ўша жойда жойлашган энг бой, арқонсиз қурилган ҳашаматли чодирларнинг бирида ўтди. Соҳибқирон ўзи билан бирга элчиларни ҳам чодир ичкарисига бошлади. Ўша куни кўплаб гўштли таом олиб келинди ва базм узоқ давом этди. Кўп ўтмай элчилар у ердан чиқиб, ўз уйларига кетишиди, Соҳибқирон эса базмни давом эттириди.

126-боб. Ўн еттинчи октябрь, жума куни Соҳибқироннинг завжаси Бибихоним катта базм уюштириди ва у ҳам ҳашаматли чодирга ўз яқинларини, меҳмонларни, ҳурматли ва таниқли аёлларни ҳамда турли мамлакатлардан келган элчиларни таклиф этди. Унинг чодири шундай қурилган эдикки, бир қараганда кўзни қамаштирас, яъни чодир атрофи ва тепа қисмлари оқ ва камалак рангдаги чиройли матолар билан тикилган. Элчилар ўрдага келишганда хизматкорлар уларни бир чодирга олиб келиб ўтказишиди. Бу чодирнинг тепа қисми қип-қизил гилам билан ёпилган, атрофи ҳам чиройли. Улар шу чодирга жойлашишиди ва уларга пиширилган гўштлар ва бошқа таомлар олиб келишиди. Элчилар овқатланиб бўлишгач, Бибихоним уларга ўз чодирини кўрсатишларини буюрди. У ерда ҳашаматли чодирлар кўп, лекин уларнинг ичидан бири арқонсиз қурилган, тоза ипак мотадан, жуда катта ва ҳашаматли. Чодирнинг ичкариси ва ташқариси ҳам жуда чиройли, улар орқама-орқа ўрнатилган. Биринчи эшик нозик қизғиш ашёдан ясалган, ташқарисидан ипак мато билан ўралган.

Бу эшик шундай ўрнатилган эдикки, яъни ёпиқ турган ҳолатда ҳам ичкарига майин шабада эсиб туриши, ичкарида ўтирганлар ташқаридагиларни бемалол кузатиши, ўзлари эса кўринмасликлари мумкин. Эшикнинг олдида бошқа бир чиройли, турли бўёқ ва тилла суви юргизилган эшик бўлиб, у ҳам жуда баланд, бемалол отлиқ одам кира олади. Бундай санъатни ўша ерларда ва бутун насора ерлардаги ягона санъат асари деса бўлади. Бир эшикка илоҳий Пётр тасвирланган бўлса, иккинчи эшикда илоҳий Павел қўлида китоблар билан атрофлари тилла билан қопланган ҳолда тасвирланган эди. Бу эшикларни, айтишларича, Темурбек Бурса шахри-

дан, Туркия газнасидан олиб келган экан. Эшикларнинг олдида, бир жавон турар, унда кумуш ва олтин идишлар сақланарди. У тоза тилладан, жуда чиройли безатилган. Жавоннинг кичкина эшикчаси бўлиб, ичида олтита думалоқ шаклдаги тилла пиёлалар, устида эса тилладан ясалиб, қимматбаҳо тошлар билан безатилган хумчалар турарди. Жавоннинг ёнида тилладан ясалган, қимматбаҳо тош билан безатилган хонтахта, бу хонтахта эни бир ярим қадамча, узунлиги тўрт қадамча келарди. Хонтахта ёнида эса дуб дараҳтига ўхшаш, тоза тилладан ясалган дараҳт турарди. Дараҳтнинг қалинлиги одамнинг оёғича, шоҳлари ҳар томонга осилган ва шоҳларида жуда кўп барглари бор. Дараҳтнинг баландлиги одам бўйича келар, мевалари зумрад, олмос ва ҳар хил қимматбаҳо тошлардан. Ундан ташқари, у ерда ҳар хил рангдаги тилладан ясалган қушчалар бўлиб, айримлари қанотини ёйганча турарди. Шу дараҳтнинг қаршисида, чодир девори ёнида, тахтадан ясалган, кумуш ва тилладан ишлов берилган стол турарди. Элчилар бу чодирларни айланиб чиқишигач, уларни яна бир чодирга олиб боришди, у ерда Соҳибқирон ўз яқинлари ва мирзолар билан ўтиради. Бу ерда ўша куни Соҳибқирон ўз набираларининг тўйини ўтказаётган эди.

Майдончага кираётиб, ўнг тарафда қизил гилам ва атрофлари турли хил матолар билан ўралган чиройли чодир турарди. Чодирнинг ҳар жой-ҳар жойида кичкина дарчалари бор, дарчалар асосан ичкаридан ташқарини кўриш учун қўйилган. Элчиларни аркасимон қилиб ишланган эшикдан олиб киришди. Эшик олдидан ичкарига қараб, атрофлари ўралган узун йўл ва кираверишда, ўнг тарафда ҳам эшик, қаршисида ҳам эшик, бу эшик тўғри чодирга олиб боради. Узун кўчага ўхшаш йўлдан борилса, йўлнинг охирида атрофлари тилла билан безатилган Соҳибқироннинг чодири бор эди. Бу чодирларнинг тепа қисмлари қизил гиламлар билан ёпилган ва улар шунчалик чиройли, ҳашаматли қилиб қурилганки, сўз билан таърифлаш қийин. Буни одам ўз кўзи билан кўриши керак.

Элчиларни шу майдондан олиб ўтиб, тахтадан ясалган уйга киришди. Уй баланд, унга зинапоя билан чиқилади. Уйнинг ичкариси тилла, кумушлар билан безатилган, бу йиғма уйни хоҳлаган вақтда бузиб ва яна курса бўлади. Мас-

жил ҳисобланган бу уйда Соҳибқирон ибодат қилас ва қаерга борса ўзи билан бирга олиб кетарди. Элчиларни яна бир чодирга олиб боришдики, чодир яшил арқонлар билан тортилиб, ташқарисидан кулранг тери билан ўралган, ичкариси оқ рангда ва одатда иккита ётоқ жойи бор. Бу чодирдан ён томондаги бошқа бир арқонсиз тортилган, тепа қисми гилам билан қопланган, ён қисми айланасига қимматбаҳо тери билан ёпилган чодирга олиб боришиди. Териларнинг нархи жуда баланд, бу мамлакатда унинг нархи ўн тўрт-ўн беш дукат, бошқа мамлакатларда бундан ҳам қиммат турарди. Чодирнинг қаршисида узун қилиб айвон қурилган. Шоҳона чодирлар шундай қурилганки, қишида ҳам, ёзда ҳам ичига қўёш нури тушмайди. Элчиларни бу майдончадан иккинчи майдончага олиб ўтишиди. Бу майдончанинг атрофлари оқ атлас билан ўралган, ичкарисида кўпгина айвон ва чодирлар тикилган. Ўрдала фақат шоҳона чодирларни эмас, балки Соҳибқиронга яқин одамларнинг, мирзоларнинг чодирларни кўриш мумкин. Шунинг учун қаерга қараманг, чодирлар, айвонлар ва сарпардалар кўринарди. Ҳаммаси бўлиб, бу чодирларнинг сони тахминан тўрт-беш мингни ташкил этади. Булардан ташқари, атрофда, далаларда, боғларда ва сув бўйларида ҳам кўплаб чодирлар мавжуддир.

Бу байрамга Соҳибқирон барча мирзоларни ҳамда бутун Самарқанд салтанатининг ҳурматли инсонларини йиғишини буюрди. Ҳамма қатори бу ерга Бадахшон ҳукмдори ўз навкарлари билан етиб келди. Бадахшоннинг бойлиги шу эдик, у ерда қимматбаҳо олмос ишлаб чиқариларди. Элчилар анча вақт Бадахшон ҳукмдори билан бирга бўлишиб, қандай қилиб олмос ишлаб чиқаришни ундан сўрашиди. Шунда у шаҳарга яқин жойда катта тоғ борлигини, шу тоғнинг тошларини бўлакларга ажратиб, унинг ичидан олмосларни ажратиб олишларини айтди. Уни булар шундай қиларкан: олмоси бор тош бўлагини олиб, болғача билан тош атрофи уриб туширилар, секин-аста тошлар тўкилиб, олмоснинг ўзи юзага чиқиб қоларкан. У яна шу олмос кони атрофига Темурбек жаноблари кўплаб қўриқчи аскарлар тайинлаб қўйганлигини ҳам айтди. Бадахшон Самарқанддан Кичик Ҳиндистон томон юрилганда, ўн кунлик масофа. Яна бу ерга Темурбек номидан Акиви шаҳрини бошқарадиган ҳукмдор ҳам етиб келди.

Ақивидан ҳам құмматбақо тошлар келтириләди. У шаҳар ҳам Самарқанддан Ҳиндистонга қараб ўн кунлик масофада жойлашған бўлиб, Бадахшон шаҳридан бир оз пастроқда экан.

Йигирма иккинчи октябрь, душанба куни Соҳибқирон ўз ўрдасида, катта чодирда уюштирган зиёфатга элчиларни ҳам таклиф этди. Зиёфатта жуда кўп одам йифилди ва худди аввалгидек Соҳибқироннинг завжалари чиройли либосларда зиёфатга келишди ҳамда байрам кечгача давом этди.

127-боб. Ўттизинчи октябрь, пайшанба куни Соҳибқирон ўз ўрдасидан чиқиб, шаҳарга, набираси Муҳаммад Султон Мирзо кўмилган масжид-мақбарага келиб тўхтади. Соҳибқирон жуда яхши кўрган бу набираси Туркияда, Темурбек турқлар устидан ғалаба қозонганды, ўз қўли билан Турк сultonини асирга олган пайтда ўша жойда касаллик туфайли вафот этган эди. Шунинг учун ҳам унинг номига масжид-мақбара қурдирғанди. Ўша куни Соҳибқирон шу ерга келиб, набирасининг руҳини шод этиш мақсадида зиёфат бераркан, зиёфатга элчиларни ҳам таклиф этди. Элчилар келганда уларга масжид-мақбарани кўрсатишди. Масжиднинг гумбази баланд, ичи ва сирти, деворларига тилла суви юргизилиб, нақшлар билан безатилган. Муҳаммад Султон Мирзо Туркияда вафот этгандан сўнг, Соҳибқирон шу заҳотиёқ жасадни Самарқандга жўнатиб, у ерда унинг номига масжид-мақбара қуришни амр этган, Самарқандга келгач эса, мақбаранинг паст қурилганини кўриб, кўнгли тўлмаган ва мақбарани буздириб, ўн кун ичиде янгисини қуришни буюриб, қурилиш ишларини жиддий назорат остига олди. Кечаю кундуз давом этган қурилишга Соҳибқироннинг ўзи икки марта келиб-кетди. Отда юра олмаганлиги сабабли, Соҳибқиронни кўтариб олиб келишарди. Шундай қилиб, мақбара ўн кун деганда қуриб битказилди, бундай катта бино бунчалик қисқа вақтда қуриб битказилганига ҳайрон қолса бўларди. Шу набирасининг ҳаққига ўша куни катта базм уюштирилди ва кўпгина одамлар йифилди. Уларнинг одати бўйича анчагина гўштли таомлардан тарқатилди. Базм тугагандан кейин Соҳибқироннинг яқинларидан бири, Шоҳмалик Мирзо элчиларни бу ердан олиб кетиб, сарполар кийгизиб, бошларига кийиб олишлари учун салла билан бирга

уларга бир ярим минг кумуш танга солинган бир қопча ҳам берди. Кумуш уларнинг пули бўлиб, ҳар бир танга икки кумуш реалга тенг келарди. Шундан сўнг, элчилар яна Соҳибқироннинг олдига қайтиб келишиб, одат бўйича унга таъзим қилишди. Соҳибқирон эса уларга бошқа куни келишларини, улар билан суҳбат қуриб, ўз ўғли — Кастилия қиролининг олдига шундай яхши кунларда кузатиб қўйишни айтди.

128-боб. Бу қурилиш битгандан сўнг, Самарқанд шаҳри ҳақида кўп қайғурган Соҳибқирон янги қурилишни бошлаб юборди. Самарқанд шаҳрига ҳар йили Хитой, Ҳиндистон, Тотористон (Дашти қипчоқ) ва бошқа мамлакатлардан турили моллар олиб келтирилади. Самарқанд ўта бой шаҳар. Шаҳарда савдо-сотиқ қилиш учун қулайлик бўлмагани сабабли жаноб (Темурбек) шаҳардан катта кўча ўтказиш ва унинг икки тарафига дўконлар қуришни буюрди. Кўчанинг боши шаҳарнинг бу четида бўлиб, охири унинг нариги тарафидадур. Иш бошига ўзининг икки амирини қўйди ва дедики, агар улар (бу ишда) саъй-ҳаракат кўрсатмасалар ва кечакундуз тинмай ишламасалар, бошларидан айриладилар. Кўчани жуда кенг қилиб қурдилар, унинг икки тарафига эса дўконлар ва олдига оқ мармар билан қопланган олий ўриндиқлар бино қилдилар. Кўчанинг тепасини эса том билан беркитиб, унга ёруғ тушмасин учун туйнуклар ўрнатдилар. Йигирма кун деганда, шунча катта иш амалга оширилдики, бунга ҳайрон қоласан киши.

Соҳибқироннинг буйруги билан завжаси Бибихонимнинг онаси номига қурилган масжид шаҳарнинг гўзал биноларидан бири бўлиб, Соҳибқирон у ерга келганида қурилиш тутаган, масжиднинг олд девори пастроқ қурилган, бундан унинг кўнгли тўлмай, бу деворни буздирганди. Тезда девор атрофида иккита чуқур хандақ қазилиб, бинонинг пойдевори бошқатдан қурила бошланди ва бинонинг бир тарафида Соҳибқироннинг ўзи қурилишни назорат қилди, яқин одамларига бинонинг иккинчи тарафини назорат остига олишларини айтди ҳамда шу зайлда қайси тараф бинони тез қуриб битказишини синамоқчи бўлди. Соҳибқирон бу вақтда юра олмасди, уни кўтариб олиб юришарди. Уни ҳар куни бу ерга

олиб келишар, у ишчиларга қурилишни тезлаштиришни, кейин бу ерга қайнатилган гүшт олиб келтириб, хандақнинг ичидаги шлаётганларга ташлашни, баъзидаги тантага пулларни ташлашни буюарди. Айрим ҳолларда гүштни қурувчи ва ишчиларга ўз қўли билан ташларди. Шу йўсин қурилиш кечаки кундуз давом этарди. Бу қурилиш ва кўчаларнинг тикланиши қор ёғаётганлиги туфайли тўхтатилганди.

129-боб. Биринчи ноябрь, жума куни элчилар уйга қайтиш учун рухсат олмоқ ниятида Соҳибқироннинг олдига йўл олишаркан, уни қурилаётган ва қурилиши давом этадиган масжиддан топишди, эрталабдан тушликкача у ерда бўлишиди. Тушлик вақтида Соҳибқирон чодиридан чиқиб, майдонда қурилган тахтга келиб ўтирганда, шу ерга пиширилган гүшт ва мева-чевалар олиб келинди. Соҳибқирон элчилар билан биргаликда тушлик қилиб бўлгач, уларни қабул қила олмаслигини айтиб, узр сўради, чунки ўша вақтда у набираси, Кичик Ҳиндистон подшоҳи Пирмуҳаммадни кузатаетган эди.

130-боб. Ўша куни Соҳибқирон набирасига ва унинг яқинларига кўпгина отлар, сарпо-сурук ҳамда қурол-яроғлар совға қилди. Эртаси, шанба куни, Соҳибқирон амри ила элчилар яна унинг олдига боришганда, соғлиги ёмонлиги боис чодирдан чиқа олмади. Элчилар кун яримлагунча кутиб ўтиришиди. Одатда, бу вақтда Темурбек ўз чодиридан чиқиб келарди, лекин унинг ўрнига яқинларидан бири чиқиб, Соҳибқирон чиқа олмаслигини, элчиларни ўз жойларига қайтиб боришларини маълум қилди.

131-боб. Кейинги якшанба куни уйга қайтишлари учун рухсат олмоқчи бўлиб келган элчиларни кўрган мирзолар, уларни бу ерга ким чақирганлигини сўрашди ва ҳозир Соҳибқирон билан гаплаша олмасликларини айтиб, орқаларига қайтаришгач, элчиларга бириктирилган кузатувчи-хизматкорни чақириб, ундан нима учун элчиларни бу ерга олиб келганлигини сўрашди ва уни жазоламоқчи бўлишиди. Кузатувчи эса элчиларни чақиртиргмаганини, ҳатто ўша куни уларни кўрмаганлигини айтди. Шундай бўлса-да, кузатувчи яхшигина таёқ еди. Мирзоларнинг бу ҳаракати бекорга эмас,

чунки ўша кунлари Соҳибқироннинг аҳволи оғир ва унинг завжалари, яқин қариндошлари саросимада эдилар. Мирзолар Соҳибқироннинг уйи ва салтанатини вақтингча бир “кенгаш” тузган ҳолатда бошқарib туришганди. Ҳозирда ўзлари элчиларнинг кетишларига рухсат бера олмасликлари боис уларга Соҳибқирон согайиб, ўзи чақирмагунча кутишларини тайинлашди. Шу тарзда Соҳибқирон уларни анча вақт ўз олдига чақирмади, элчилар эса унинг олдига боришига ботина олмадилар.

Кунларнинг бирида чиғатойлардан бўлган киши келиб, уни бу ерга мирзолар юборганини, испан, Бобил султони, Туркия элчиларини ва яна бир элчи Тойзуўғлон билан биргаликда Табризгача¹ боришлиарини, шаҳар ва қишлоқ йўлларидаги элчиларни озиқ-овқат, керакли нарсалар билан таъминлашишини, мирзолар томонидан кўпгина отлар берилганини, Табризда уларни Соҳибқироннинг набираси Омар Мираса² кутуби олиб, ўша жойдан ҳаммаларини ўз юртларига кузатиб қўйишини айтди. Элчилар бунга жавобан Соҳибқирон уларга рухсат бермаганингини, ўз қиролларига Соҳибқирондан жавоб мактубини олмаганикларини билдиришганда, вакил бу ҳақда ҳеч қандай гап бўлмаслиги, бу масала мирзолар томонидан ҳал этилганлиги ва улар худди бошқа элчилар каби кетишга тайёргарлик кўришлари кераклигини маълум қилди. Шунда испан элчилари Соҳибқироннинг саройига жўнашди ва мирзолар билан учрашиб, уларга ўтган пайшанбада Соҳибқироннинг ўзи чақириб, уларга ўз ватанларига қайтишлари учун рухсат беришини айтганини, энди эса мирзолар номидан одам келиб, эртага йўлга чиқиншлари кераклигини буюрганини айтишганда, мирзолар уларга ҳозирда Соҳибқироннинг олдига кириб бўлмаслигини, мирзолар ўзаро келишиб, кетишлари учун рухсат берилганлигини яна бир бор таъкидлашди. Мирзолар бундай қилишларига сабаб, оғир касаллиги боис Соҳибқироннинг тилдан қолиб, ўлим билан олишаётганлиги эди. Бу хабарни элчилар уни кўрган ва билғанлардан эшиттандилар. Элчиларни ўз ватанларига

¹ Эрон Озарбайжони шаҳарларидан. Мўғуллар ҳукмронлиги даврида (1256 – 1353) Султония билан бирга Ҳалокуийлар давлатининг пойтахти ҳисобланган.

² Омар Мираса – Умар Мирзо.

қайтиш учун шошираётгандаридан мақсад, мабодо Соҳибқирон вафот этса, бу хабарни ўз юртларига қайтаётган элчилар бошқа мамлакатларга ёймаслиги учун эди. Улар сабаб келтириб, ўз қиролларига Соҳибқироннинг жавобини етказишлари кераклигини айтишса-да, мирзолар бу ҳақда бошқа гап бўлмаслигини, уларга кузатувчи тайинланганлигини ҳамда тезда йўлга тушишларини таъкидлашди.

Шундай қилиб, элчилар душанбани ўтказиб, ўн саккизинчи ноябрь, сесанба куни мирзолар уларга ўша чигатой орқали тўртта ёрлиқ ва унга қўшимча отларни қўшиб беришни айтишди. Бу ёрлиқ ва отлар ҳар бир шаҳардан ўтаётгандаридан бирма-бир бериб ўтишлари учун эди. Чигатой уларга ҳозирдаёқ йўлга чиқишиларини айтганила, элчилар Соҳибқирондан мактуб олмагунларича йўлга чиқмасликларини билдиришди. Чигатой эса, бу хоҳишиларига қарамасдан йўлга тушишлари шартлигини тушунтиргач, элчилар Бобил султонининг элчиси билан биргаликда қўриқчи аскарлар ҳамроҳлигига Самарқанддан чиқишиб, турк элчиларини кутиб туришлари учун шаҳарга яқин боғга келиб тўхташди ва бу боғда сесанбадан жумагача қолиб кетишли. Йигирма иккинчи ноябрь, жума куни ҳамма элчилар бу ерга йиғилиб, сўнг Самарқанддан чиқиб кетишли.

132-боб. Энди Самарқанд шаҳрида элчиларга нима бўлганлигини айтиб берганимдан сўнг, бу шаҳарнинг ўзини, унинг ерларини ва Соҳибқироннинг бу шаҳарда қилган бунёдкорлик ишларини таърифлаб берсам.

Текисликда жойлашган Самарқанд шаҳри катталиги бўйича Севилия¹ шаҳридан бир оз каттароқ бўлиб, ташқарисида кўпгина уйлар қад кўтарган, атрофи бир ярим, икки чақиримчага келадиган боғ ва узумзорлар билан ўралган ва шаҳар шу боғларнинг марказида турибди. Боғлар орасида кўчалар ва майдонлар бўлиб, кўпгина аҳоли бу ерда истиқомат қилали. Бу ерда нон, гўшт ва бошқа нарсалар ҳам сотилади. Хуллас, шаҳарнинг ичкарисидан кўра, шаҳарнинг ташқарисида кўпроқ аҳоли истиқомат қилали.

¹ Севилия – Испаниянинг Андалусия вилоятидаги шаҳар.

Бу шаҳар ташқарисидаги боғларда асосан катта ва ҳашаматли бинолар, Соҳибқироннинг қасрлари ва қурдирган масжид, мақбаралари, бундан ташқари, шаҳарнинг машхур одамларининг уйлари, қароргоҳлари мавжуд эди. Шаҳар атрофида боғ ва узумзорлар шунчалик кўпки, уларга яқинлашган сари худди ўрмонга дуч келгандай, марказида шаҳар барпо бўлиб тургандек кўринади. Шаҳар ва боғлар ўртасидан кўпгина каналлар ўтказилган бўлиб, боғларда қовун ва пахта ўстирилган. Бу ернинг қовунлари жуда мазали ва ширин, янти Йилгача уларда шунчалик кўп қовун, узум етиширилар эдики, одам ҳайрон қоларди. Ҳар куни қовун ортилган туялар шаҳарга кириб келар, қовунларнинг ҳаммаси бир кунда согилиб кетиши ва истеъмол қилиниши, албатта, ҳайратланарли. Қишлоқ жойларида бу меваларни ва полиз экинларини сақлаб кўйишиб, йил бўйи истеъмол қилишади.

Шаҳар ташқарисида кўпгина боғларни Соҳибқирон бошқа ерлардан келган одамларнинг яшашлари учун ажратиб берган. Бу ернинг ҳамма нарсаси зўр, нонлари, май ичимлиги, гўшти, мевалари, қушлари бунга мисол. Самарқанднинг кўйлари семиз ва катта бўлишига қарамай, нархи жуда ҳам арzon. Соҳибқирон ўз кўшини билан шаҳарда бўлган вақтда, бир жуфт кўйнинг нархи бир дукат турарди. Бошқа нарсалар ҳам арzon. Бу ерда нондан арzon нарса йўқ, гуруч эса ниҳоятда кўп.

133-боб. Бу шаҳарнинг ўзи ва ерлари ҳайрон қоларли даражада бойки, бойлиги учун ҳам Самарқанд деб номлана-ди. Унинг ҳақиқий номи Семизкент бўлиб, маъноси “семиз қишлоқ” эди, уларда “Семиз” дегани катта маънони бериб, “кент” эса – қишлоқ, яъни “аҳоли турадиган жой” маъносини англатади. Шу ердан Самарқанд номи келиб чиқади.

Самарқанд фақатгина озиқ-овқати билан эмас, балки бошқа нарсалари – ипак матолари, атласлари, қимматбаҳо тошлари, дур-гавҳарлари, тери маҳсулотлари, тилла ва рангли бүёклари, шунга ўхшаш бошқа нарсалари билан ҳам бой ҳисобланарди. Шунинг учун ҳам Соҳибқирон бу шаҳарнинг шуҳратини кўтариб, қўлга киритган мамлакатларидан бу шаҳарга яшаш учун одамларни, айниқса, турли соҳа усталирини кўпроқ олиб келарди. У Дамашқ шаҳридан моҳир ти-

кувчи, чапдаст чавандоз ва комонбозларни, лойдан кўза ясовчи кулолларни кўплаб жўнатарди. Бу усталарнинг бари касбкорлари бўйича дунёда машҳур эдилар. Туркиядан эса тош йўнувчи, тилла билан ишловчи ва шунга ўхшаш ҳар хил усталарни йиғиб бу шаҳарга юборган эдики, шаҳардан хоҳлаган моҳир устани топиш мумкин эди.

Бундан ташқари, Соҳибқирон бу ерга ҳар хил ажойиб дастгоҳларни олиб келтирди, бу дастгоҳлардан арқон ишлаб чиқариларди. Шундан кейин бу ерларда авваллари ҳеч ким экмаган “каноп” ўсимлиги экиласади, унинг ҳосилидан арқон ишлаб чиқариларди.

Темурбек бу шаҳарга ҳар ерлардан шунчалик кўп одам йиғган эдики, эркак, аёлни қўшиб ҳисоблаганда бир юз эллик мингдан ошарди ва улар на шаҳарга, на майдонларга, на қишлоқларга, на шаҳар ташқарисидаги боғларга сифарди. Булар ичida ҳар хил миллат вакиллари – турк, араб, мавр, арман ва греклар бор эди. Бундан ташқари, шаҳарга дунёниг турли бурчакларидан сархил моллар кириб келар, Рушиё ва Тартариядан тери маҳсулотлари, Хитойдан дунёда биринчи ўринда турадиган, жуда қимматбаҳо ипак матолари ва бошқа ноёб моллар – олмос, дур-гавҳарлар олиб келинарди. Бошқа давлатга қараганда Хитойдан олиб келинган моллар жуда қимматбаҳо ҳисобланарди. Шунинг учун ҳам хитойликлар ўзларини дунёда буюк, икки кўзлари бор халқ, маврларни кўр, фарангларни бир кўзлилар, ўзларининг қилаётган ишлари билан дунёда биринчи ўриндамиз, леб ҳисоблашарди.

Ҳиндистондан эса бу шаҳарга ҳар хил ёнғоқлар ва турфа гуллар олиб келинарди. Бундай ажойиб нарсалар Александрияда ҳам йўқ эди. Шаҳарда майдонлар кўп, бу майдонларда савдосотиқ ишлари туркираган, яъни қовурилган, қайнатилган гўшт, турли усулларда пиширилган товуқ, қуши гўштлари, мева-чевалар ҳамда нонларнинг туну кун савдоси бўларди. Гўшт расталари ҳам анчагина, бу расталарда қўй, фазан, товуқ гўштларини хоҳлаган пайтда топса бўларди.

Шаҳар чеккасидаги катта қаср четдан қараганда худди текисликда тургандек кўринарди, лекин яқинроқ бориб қараганда, қасрнинг атрофига айланасига чукур хандақлар қазилганки, бу қасрга кириш қийин эди. Бу қасрда Соҳибқирон

ўзининг ғазнасини сақлар, қасрга Соҳибқироннинг ўзи ёки яқинларидан бошқа ҳеч ким кирмасди. Худди шу қасрда Соҳибқирон жангчилар учун совут, дубулға, камон каби қурол-аслаҳалар ясайдиган мингга яқин маҳбус усталарни сақларди.

Соҳибқирон Туркияга юриш қилиб, Дамашқни ишғол қилгач, ўз аскарларига, узоқ сафарга чиқсалар ўзлари билан хотинларини ҳам олиб кетишлари мумкинлиги түғрисида фармон берди. Соҳибқирон узоқ вақт жангга киришишини ва Самарқанд шаҳрида кўп вақт бўлмаслигини билган ҳолда шундай фармон берган эди. Шундан сўнг, улар етти йил Самарқандда бўлишмади, Соҳибқирон етти йил давомида бу қасрга кирмаслик учун қасам ичди.

134-боб. Соҳибқирон шунча вақтдан сўнг шаҳарга қайтиб келганида Хитой ҳукмдоридан элчи келиб, етти йил давомида тўланмаган солиқларни тўлашлигини айтди. Бунга жавобан Соҳибқирон элчига бу ҳақиқат ва бу солиқни тўлашлигини айтиб, сўнг “бу пулларни сенга берсан, сен бу пулларни йўлда ишлатишинг мумкин, яххиси ўзим олиб бориб бераман”, деб кўшиб қўйди. У бу гапни ҳазил ўрнида айтди, аслида эса унинг тўлаш нияти йўқ эди. Ҳозирда, саккиз йилча вақт ўтди, лекин ҳалигача ҳеч қандай бож ёки солиқ тўланмаган. Хитой ҳукмдори ҳам ўшандан бери ҳеч қандай элчи жўнатгани йўқ.

Хитой ҳукмдорининг элчи жўнатмаслигининг сабаби шундай эди: Хитой ҳукмдори вафот этгач, у ер ва салтанатини уч ўғлига қолдирган. Катта ўғил икки укасининг ерларини тортиб олмоқчи бўлган ва ҳатто энг кенжা укасини ўлдирган. Ўртанчаси эса катта акаси билан жанг қилиб, унинг устидан ғалаба қозонган. Катта акаси мағлубиятга чидай олмай ўзини ва қароргоҳи ичидаги одамларини ёқиб юборган. Шундай қилиб, ҳукмдорнинг ўртанча фарзанди салтанатни эгаллади. Салтанатда тартиб ўрнатгандан сўнг, янги ҳукмдор Темурбекка элчи жўнатиб, аввал ўз отаси учун тўлаб келинган солиқни ўз вақтида тўлаши кераклигини маълум қилди. Худди мана шу Хитой элчиларини аввал айтганимиздек, Темурбек дорга осмоқчи бўлган эди ва биз Хитой ҳукмдори бунга жавобан қандай чора кўришини билмаймиз.

Самарқанд шаҳридан Хонбалиқ (Хитой)гача жуда узун йўл бўлиб, пиёда юрганда олти ойлик масофага тенг ҳисобланарди. Шу йўлнинг икки ойлик масофасида бирон бир кишини учратиш қийин ва ҳар замонда катта яйловларда, адирларда чўпонларни ўз подаси билан юрганигини кўриш мумкин эди.

Шу йилнинг июнь ойида Хонбалиқдан Самарқандга сархил моллар ортилган саккиз юзга яқин туялар карвони кириб келди. Бироқ Темурбек Самарқанд шаҳрига қайтгач, Хитой элчисининг гапини эшишиб, жаҳли чиқди ва бу туяларни ушлаб қолиб, уларни чиқармасликка буйруқ берди. Хонбалиқдан туялар карвонига қўшилиб келганлар испан элчилари билан танишиб, уларга Хитой давлатининг одамлари, ерлари ҳақида гапириб берди. Элчилар кўпроқ бир одам билан гаплашишар, у одам эса ўз шаҳрини дengiz бўйида жойлашганини, шаҳри катталиги бўйича Табриз шаҳридан йигирма баробар катталигини, дунёда энг катта шаҳарлардан бири эканлигини айтди. Табризнинг узунлиги икки чақиримча келса, у шаҳарнинг узунлиги йигирма чақирим келармиш. Айтишича, Хитой ҳукмдорининг қўшини жуда катта, жангта чиқишидан олдин ўз ҳудудидаги барча аскарларни йигиб кетса-да, шаҳарни қўриқлаш учун қолган отлиқ аскарларнинг сони тўрт юз мингга етаркан. Яна бир гап: Хитой ҳукмдори жорий этган тартиб-қоида жуда мустаҳкам. Уларда ҳеч бир жангчи отда юрмас, фақатгина қарамогида мингта аскари бор бошлиқгина отда юришга ҳаққи бормиш. Шуниси қизиқки, бундай отлиқларнинг сони у ерда жуда ҳам кўп. Шундай ажойиб воқеаларни ва ўз мамлакати ҳамда шаҳри ҳақидаги қизиқ маълумотларни ҳалиги одам гапириб берди. Хитой ҳукмдори аввал мажусий бўлиб, эндиликда насроний динини қабул қилган экан.

135-боб. Ўша вақтда, яъни элчилар Самарқандда бўлган вақтларида Темурбекнинг аввал айтганимиздек, етти йил Самарқанд қасрига кирмаслик ҳақидаги ваъдаси ўз ниҳоясига етиб, қасрга кириш вақти етиб келган эди. Соҳибқирон бу қасрга тантана билан кириб, шунча вақт мобайнинда маҳбуслар ясаган уч мингга яқин совут ва кўплаб қурол-аслаҳаларни олиб киришларини буюраркан, унинг олдидан жуда

кўп дубулға ва қурол-аслаҳаларни олиб ўтишди. Темурбек бу жанг кийимларини ўз яқинларига ва ишончли спамларига бўлишиб берди. Бу дубулғалар думалоқ ҳамда узуунроқ ясалган эдикси, бошта кийилганда одамнинг юзини-да тўсиб тураган, кўтариб-тушириладиган бўлиши билан бирга ҳимоя вазифасини бажарувчи кичик темирчалар ҳам қадалган эди. Советлари эса худди бизниги ўхшаса-да, сал юпқароқдир.

136-боб. Самарқанд шаҳридан Хитой тарафга юриладиган ўн беш кунлик масофада бир ер бўлиб, бу ерда “амазонка”-лар яшар, яъни уларнинг барчаси аёллар, ораларида биронта эркак йўқ. Улар ўз одатларига бўйсунишар, фақат йилнинг белгиланган вақтида бошлиқлари уларга ўз қизлари билан ташқарига, бошқа ерларга чиқишига рухсат беришарди. Эр-каклар уларни кўрганда, уйларига таклиф қилишар, улар эса ўзларига ёқсан киши билан бирга овқатланишар, ичишиб, курсандчилик қилишар, вақт ўтиб яна ўз ерларига қайтишарди. Агар уларда қиз фарзанд туғилса, ўзлари билан олиб қолишар, ўғил туғилса, отаси қаерда бўлса, унинг олдига жўнатишар эди.

Грек насронийлардан бўлган, амазонкаликлардан тарқалган бу аёллар яшайдиган жойлар аввал Хитой хонлигига, энди эса Темурбекка тегишли ерлар эди. Булар авваллари Троя шаҳрида яшаган, кейинчалик греклар бу шаҳарни вайрон қилишган. Трояда амазонкалар икки гуруҳга бўлинади: бир гуруҳи греклар, бошқаси турк ерларидан эди.

137-боб. Самарқанд шаҳрида қонун жуда кучли, ҳеч ким шоҳнинг буйругисиз бир-бирига зулм ўтказолмас, фақатгина шоҳнинг ўзи айрим ҳолларда жазо чораларини қўлларди, холос. Соҳибқирон қаерга борса ёки қаерга кўчиб ўтса, ўша ерларга ўзи билан бирга қозиларни ҳам олиб борар ва ўша ердаги аҳоли эса, бу қозиларга қулоқ соларди. Қозилар турли ишларга бўлинган: бирлари муҳим ва жанжалли ишларни кўрса, иккинчилари Соҳибқироннинг молиявий масалаларини, учинчилари шаҳар ва ер хўжайинларининг ишларини, бошқалари эса элчиларнинг муаммоларини ҳал қиласарди. Сафарга чиққанларида ҳам бу қозилар ўз ишларини билиб қилишарди. Улар учта чодирда, олдиларига келганларнинг

арзларини эшитишар, сўнг Соҳибқироннинг олдига бориб, қилган ишларининг ҳисоботини беришар, шундан кейин эса жойларига қайтиб, бирданига тўртта ёки олтига ишта ҳукм чиқаришар, агарда бирон бир ҳужжат бериш ҳақида буйруқ беришса, шу заҳоти мирзолари келиб, ҳужжатни кечиктирмасдан ёзиб, тайёр ҳужжатни ёnlаридаги дафтарга қайд қилар ва унга бир белги қўйишар, сўнгра бу ҳужжатни тепада ўтирган бошлиққа киритишарди. У ерда бу ҳужжат бирма-бир кўрилиб, учта, тўртта жойига сиёҳли муҳр, охирида эса бу муҳрлар ўртасига шоҳнинг муҳрини босишарди. Шоҳнинг муҳрига ҳарфлар билан “ҳақиқат” сўзи ёзилган бўлиб, сўзният тагида учта доира шаклидаги белги бор. Хуллас, ҳар бир маслаҳатчининг ўз мирзоси ва қайд китоби бор эди. Мирзолар шоҳнинг муҳри босилган ҳужжатни кўришлари биланоқ, кечиктирмасдан буйруқни бажаришарди.

138-боб. Энди Самарқанд шаҳрини, у ерда элчилар ва Соҳибқирон билан бўлиб ўтган воқеаларни таърифлаганимдан сўнг, Темурбек қандай қилиб Тартариянинг жуда кучли хони Тўхтамишни енганини гапириб берсам.

Кейинчалик Темурбек кўл остида бўлган, Тартариядан чиққан Едигей исмли саркарда ҳақида, яъни ҳозирда Темурбек учун Едигейдан бошқа душмани йўқлигини айтиб ўтишим жоиз. Ўн бир йил аввал Тартариядан чиққан, кўплаб ерларнинг ва ҳалқларнинг подшоҳи Тўхтамишхон катта қўшин билан Форс кўрфазига қараб юриш қиласди. У Табризга келиб, Арманистоннинг катта қисмини талон-тарож қилиб, шаҳар ва қасрларни бузади, бир қисмини ўзи учун сақлаб қўяди. Самарқандга келаётib Испан элчилари ўтадиган бу ерлар Арманистоннинг Сюрмари, Сисаканга ўхшаш бошқа шаҳарлари эди.

Темурбек ерларини ҳам талон-тарож қилган Тўхтамишхон Тартарияга қайтиб келди. Бундан хабар топган Темурбек ўз қўшини билан катта қўшинли Тўхтамишхоннинг орқасидан қувиб борди ва Тартария яқинидаги Терек дарёси бўйида уларни дарёдан кечиб ўтиш вақтида қуршаб олмоқчи бўлди. Лекин Темурбек етиб келгунча, Тўхтамишхон дарёдан кечиб ўтиб, Темурбекнинг йўлини дарахтлар билан беркитди. Темурбек бу ҳолни кўриб, унга одам жўнатди ва у

билан жанг қымаслигини, дүст бўлмоқчилигини айтди. Шунга қарамасдан, Темурбекнинг жуда ҳам қаттиқўл эканлитини билган Тұхтамишхон унга ишонмади. Эргаси куни Темурбек ўша турган жойидан аскарларини олиб, дарёning юқори қисмига қараб юрди. Худди шу вақтда Тұхтамишхон ҳам ўз аскарлари билан уларни кузатиб, дарёning у қирғофидан тенгма-тeng юриб борди. Темурбек тұхтаса, улар ҳам тұхтарди. Шу тарзда уч кун юришди, бироқ ҳеч қайсиси бир-биридан ўтиб кетмади. Учинчі кун тунда Темурбек ўз қүшинидаги аёлларга совут ва дубулғалар кийишга, эркакларга ўхшаб олишга фармон берди. Ҳамма эркакларга эса ўzlари билан иккитадан от олиб, тезлик билан орқага қайтишни буюрди. Бу аскарлар отларнинг бирига ўzlари ўтириб, иккинчисидан эса кечувда фойдаланишлари керак эди. Асиrlарни, кулларни ва эркакча кийинган аёлларни ўша жойда қолдирған Темурбек аскарлари билан тезда орқага қайтди. Уч кунлик масофани бир кечада босиб, дарёдан ўтди-да, орқа тарафдан борди ва Тұхтамишхонни мағлубиятга учратиб, қүшинини тор-мор қилди. Тұхтамишхон қочиб кетди. Бу жанг бор-йўғи уч соат давом этди. Катта қүшинли Тұхтамишхонни енгган Темурбек учун бу ғалаба буюк ғалаба, ҳатто Турк султони билан бўлган жангга нисбатан ҳам буюкроқ жанг ҳисобланарди.

Мағлубият Тұхтамишхон учун катта иснод эди, кейинчалик у яна қүшин йиғиб Темурбекка қарши жанг қымасли билди. Бироқ, Темурбек уни пойлаб юриб, катта куч билан Тартариянинг ўзида тұстадан ҳужум қилди ва унинг қүшинини тор-мор этди. Тұхтамишхон эса яна қочди. Бу мағлубиятдан барча татар халқынинг күнгли чўкиб, ўз хонлари ҳақида “ундан омад кетди”, деб гапиришди ва бора-бора улар орасида низо пайдо бўла бошлади.

Темурбекнинг қўл остида хизмат қилувчи Едигей исмли навкар татарларнинг бу низоларидан фойдаланиб, улар билан тил бириктириди ва бу иш Темурбекка қарши жангта айланди. Татарлар эса Едигейни ўzlарига хон этиб тайинлашди ва у Темурбекка қарши курашиб, уни ўлдирмоқчи, барча ерларини ҳамда Тартарияни ўзиники қилиб олмоқчи билди. Темурбек бундан хабар топиб, уни қўлга туширмоқчи эди, афсус, у қочиб кетди. Ҳозирда Тартария хони кучли хонлардан, улар бир-бирларига катта душман ҳисобланарди.

Бир куни Темурбек унга қарши юриш қилди, лекин Едигей уни кутмасдан қочди. Едигейнинг ўз ўрдасида доимо икки юз мингга яқин отлиқ аскари бўларди. Шундай бўлсада, Тўхтамишхон билан Темурбек ярашиб, биргаликда Едигейни алдашмоқчи бўлиши ва Темурбек одам жўнатиб, уни яхши кўришини, кечиришини, бир-бирлари билан дўст бўлишларини, яқин қариндошлиқ ришталарини боғлаш мақсадида набираларидан бирига унинг қизларидан бирини никоҳлаб беришини айтади. Айтишларича, бунга жавобан Едигей Соҳибқиронга қаратса йигирма йил унинг кўл остида юриб, унинг қандай эканлигини ва қайтиши унга фойда бермаслигини, фақат жанг майдонида учрашишлари мумкинлигини айтади.

Тўхтамишхоннинг бир ўғлини Едигей ўз еридан қувиб чиқарган эди. Тўхтамишхон Самарқанд яқинидаги ерга, ўғли эса Тартария чегарасидаги Кафа¹ шаҳрига қочган эди. Едигей Кафа шаҳрига ҳужум қилганда, Тўхтамишхоннинг ўғли Темурбекнинг олдига қочиб борди. Тўхтамишхон ва унинг ўғилари ҳозирда ҳаёт, улар Темурбек билан дўст тутиниб яшашибоқда. Едигей эса шу вақтгача ҳеч қандай эътиқодга эга бўлмаган татарларни исломга, Муҳаммад алайҳиссалом динига эътиқод қилишга даъват қиласарди.

139-боб. Соҳибқироннинг катта қўшини қатъий тартиб-қоидага бўйсунарди. Бу қўшин ичидаги Соҳибқирон тайинланган кўплаб бошлиқлар бўлиб, барча навкарлар ана шу бошлиқларга бўйсунарди. Юзлаб, ўн минглаб, минглаб навкарларга бошлиқлар тайинланиб, уларнинг барчасига буюк саркарда сифатида Соҳибқироннинг ўзи бошчилик қиласарди.

Бирон бир кичик қўшинга ҳужум қилиш учун буйруқ бермоқчи бўлса, бошлиқларини чақириб, бу буйруқни навкарларга етказишини уларга тайинларди. Ҳозирда Соҳибқироннинг ишонган асосий саркардаларидан бири Жаҳоншоҳ Мирзо, у Самарқанд ҳукмдори бўлган вақтда Темурбек билан бирга эди. Темурбек кўп яхшиликлар қилган, яъни унга кўп ерлар бериб, асосий саркардалардан этиб тайинлаган.

¹ Кафа – Ўрта асрлардаги Кафа шаҳри Кримда, Ялтанинг шимолий қисмida жойлашган.

Бундан ташқари, Темурбек бошқа кичик саркардаларга ҳам ўзига қарашли ерлардаги от ва қўйлардан, бирларига мингта, бошқаларига ўн мингтадан бўлиб берганди. Мабодо бу саркардалар ўзларига билдирилган ишончни оқламай, Соҳибқиронга хиёнат қилишса, улардан бу от ва қўйларни олиб қўяр, айборларни қаттиқ жазоларди.

140-боб. Шундай қилиб, бу ёзганларимиз ўз кўзимиз билан кўриб, ҳақиқатан ҳам бўлиб ўтган воқеалар ҳисобланади. Эндиликда барча элчиларнинг йўлдаги саёҳати давомида содир бўлган воқеаларни ёзиб ўтмоқчиман.

Бу мамлакатда Испан элчилари билан биргаликда Бобил сultonининг элчиси, Турк шоҳининг укаси Таламон ўғлон, яна бири Туркияning Сабастрия деган жойидан келган элчи, яна бири Алтолого шаҳридан ва бошқалари Палатия, Дератология шаҳарларидан келган элчилар бўлиб, улар бу ердан жамоа тарзида бирга чиқиб кетиши. Мирзолар уларга кузатувчи сифатида чигатойлик йўлбошчини ажратиб бериши.

Йигирма биринчи ноябрь, жума куни элчилар Самарқанддан йўлга чиқишаркан, уларни йўлда керак бўладиган нарсалар билан таъминлашди, олти кун давомида ерлик аҳоли ҳам кўп яхшиликлар қилиб, ёрдам бердилар. Йигирма еттинчи ноябрь, пайшанбада бир текисликдаги катта шаҳарга, яъни Бухорога етиб келиши. Бу шаҳарнинг атрофайланасига чуқур хандақ қазилиб, ичи сувга тўлдирилган, шаҳар ичкарисида баланд қасрлар қурилган, қаср ёнидан дарё оқиб ўтар, шаҳарда жуда баланд ва кўплаб бинолар қурилган эди. Бу шаҳар ўз нонлари, гўшт ва ҳар хил ичимликлари, каттакон бозорлари билан машҳур экан. Жуда яхши кутиб олинган элчилар бу шаҳарда етти кун бўлиши ва шу кунлар ичida ҳаво совукроқ бўлиб, кўп қорлар ҳам ёғди. Элчиларга кетишлари олдидан йўл учун зарур нарсалар, ҳар бирларига биттадан от совға қилиши.

141-боб. Бешинчи декабрь, жума куни элчилар бу шаҳардан йўлга чиқишиб, уч кун деганда адирликлардан, аҳолиси кўп турли қишлоқлардан ўтиб, Амударё дарё қирғоғига келдилар, шу дарёга яқин қишлоқда дам олиб, бу ерда икки кун қолиши.

Ўнинчى декабрь, чоршанбада эса қайиқларда Амударё-нинг нариги қирғоғига ўтишиб, ташланدىқ бир йўл орқали катта майдонда жойлашган даштга чиқишиди. Бу ерда ҳар-ҳар замонда эсган қаттиқ шамол қумларни кўтариб, бир жойдан бошқа жойга уюм-уюм қилар, баъзиде бирдан кўзғал-ган шамол ҳамма ёқни қум аралаш чант-тўзонга айлантириб ташлар, чанг-тўзонда эса юришнинг иложи йўқ, ҳатто кўзларни-да очиб бўлмасди.

Бу чўлнинг ҳар жой-ҳар жойида қумтепалар бўлиб, шамол бу қумларни кўтариб бошқа бир тепаликка учирардики, аввал айтганимиздек, қаттиқ шамол кўзларни очишга имкон бермас, йўловчилик узоқ вақт бир жойларда туриб қолишарди. Шундай бўлса-да, йўл кўрсатиб бораётган кузатувчилар элчиларни йўл босишига ундардики, улар бу йўллардан кўп юрганлари боис бемалол олдинга қараб юришарди.

Чанг-тўзоннинг кучлилигидан баъзиде кузатувчиларнинг ўзи ҳам йўлдан адашиб қоларди. Атрофда умуман сув йўқ эса-да, анча йўл юрилганидан сўнг, кузатувчилар элчиларни чўл ўртасидаги бир қудуқнинг олдига олиб келишиди. Чукур, думалоқ шаклдаги бу қудуқнинг усти ёпиқ, деворлари айланасига фишт билан ўралган. Улар қудуқ ёнида анчагача тўхтаб қолишиди, чунки чанг-тўзон кўзларини очирмай кўйғанди. Қудуқдаги сув қор ва ёмғир сувларидан йигилган бўлиб, бу атрофдан бошқа қудуқни топиш амри маҳол эди. Лекин шу куни узукун юришиб, кечга яқин қудуқлари бор жойга етиб келишиди ва бу ердаги сувдан ичиб, овқатланиб, дам олишиди ҳамда отларини ҳам суғоришиди.

Ўн тўртинчи декабрь, якшанбада элчилар бир қишлоққа келиб, душанба ва сешанба кунларини шу ерда ўтказдилар. Чоршанбада эса йўлга чиқиб, битмаган бинонинг олдидаги тўхташники, бу ердан сув топса бўлар ҳамда кичик тоққа чиқиб борадиган йўл ҳам бор экан. Атроф бийдай чўл, ердаги қумнинг иссиқлигидан оёқлар куяди. Ана шу тарзда туну кун тинмай олдинга қараб юраётган элчилар хоҳлаган қумлоқ жойда тўхташар, овқатланиб, дам олишарди.

Йигирма биринчи декабрь, якшанбада элчилар Хурросон салтанатига қарашли, атрофи тоғ тизмалари билан ўралган Баубарт деган катта шаҳарга етиб келдилар. Бу тоғ тизмасининг чўққиларига оппоқ қор инган, атроф эса жуда совук.

Шаҳар ялангликда ястаниб ётар, атрофида бирор тирик жон яшамасди. Душанба, сешанба ва чоршанба кунлари бу шаҳарда бўлган элчиларни қўшимча отлар, озиқ-овқат ва йўлда зарур бўладиган ашёлар билан таъминладилар.

Йигирма бешинчи декабрь, пайшанбада, Пасха кунида бу шаҳардан чиқсан элчилар тоғ тизмалари бўйлаб беш кун давомида совуқ ва қорли изғиринда йўл юришса ҳам, йўлда бирорта тирик жонни учратмадилар. Биринчи январь куни Габрия деб номланган катта шаҳарга етиб келган элчилар, шаҳарда пайшанба ва жума кунлари бўлишиди.

Учинчи январь, шанбада бу шаҳарни ҳам ортда қолдирив, қорсиз, музликсиз, иссиқроқ йўллар орқали шанба ва якшанба кунлари йўл босишиб, бешинчи январь, душанба куни иккита қишлоқдан ўтиб, Хагаро деган шаҳарга етиб келишиди ва душанба, сешанба кунлари бу ерда бўлиб, чоршанба куни узукун юриб, кечгача йўлда ҳеч кимни учратишмади, кечқурун ташландиқ қаср яқинидаги катта уйга кириб ухланиди, эртаси куни яна йўл бошишса-да, йўлда ҳеч кимга дуч келишмади. Кечга яқин бир қишлоққа келишники, ҳаво иссиқ бўлганлиги боис бу ердаги тоғ тизмалари қизғишироқ рангда эканлигини кўришиди. Икки кунлик йўл давомида ҳаво иссиқ бўлиб, юрганда ердаги тупроқ оёқни қиздирди.

Жума куни ҳам кимсасиз йўллардан юриб, шанба куни Бўстон деб номланган катта шаҳарга келиб, дам олишиди, якшанбада яна йўлга чиқишиди.

142-боб. Душанба куни Дамашқ шаҳрига бир чақиримча масофа қолганда шундай ваҳимали шамол кўтарилиди, бунга ажабланса бўларди. Элчилар бундай шамолларга ўрганиб қолган ерлик аҳолидан бу қандай шамол эканлигини қизиқиб сўрашди. Ерлик аҳоли шаҳар тепасидаги тоғда бир булоқ борлигини, шу булоққа мабодо бирон-бир ҳайвон ёки нарса тушса, шундай қаттиқ шамол туришини, ўша булоқ тозаланмагунча бу шамол тўхтамаслигини айтишиди. Ўша куни у ердагилар шу булоққа боришиб, уни тозаладилар, шундан кейин шамол тўхтади. Ўн бешинчи январь, чоршанба куни йўлга чиқсан элчилар Ферузкўҳ қасрига олиб борадиган йўлдан юришмади, чунки бу йўл тоғ тизмалари бўйлаб ўти-

ши билан бирга совуқ ҳамда қорли эди. Ўнг тарафдаги йўлни қолдириб, чап тарафдаги йўлдан бир оз юришгач, олдила-ридан катта уй чиқди, улар тунни шу уйда ўтказиши. Пай-шанба куни йўлни давом эттирган элчилар икки кун йўл босиб, шанба куни Сенан¹ деб номланган шаҳарга етиб кел-гандарида, Медиа ерлари уз поёнига етиб, Эрон ерлари бош-ланди. Аҳолиси жуда кўп, баланд тоғ тизмаларида жойлаш-ган бу шаҳарда улар душанбагача қолишли. Сешанбада кич-кина қасрда меҳмон бўлишиб, эртасига йўлга чиқишгандарида бир оз қор ёғди ва улар йўлда тоғлардан оқиб тушаётган сувни кўриши.

143-боб. Йигирма учинчи январь, жума куни, ҳамма то-мони вайроналардан иборат Ватами (Техрон) шаҳрига етиб келиши. Бу жойлар Рей ерлари деб номланар ва шаҳар Тे-мурбекнинг күёви Сулаймоншоҳ Мирзога тегишли эди. Мир-зонинг ёнида Темурбекнинг ишончли одамларидан бўлмиш Босимбий дегани ҳам бор эди. Элчиларни ана шу икки сар-карда кутиб олди. Биринчи куни Сулаймоншоҳ Мирzonинг меҳмони бўлган элчилар, эртасига Босимбийницида меҳмон-дорчиликни давом эттириши. Бу ерда ҳам уларга от, керак-ли озиқ-овқат берилиб, сешанба куни кузатиб қўйилди.

Йигирма тўққизинчи январь, пайшанба куни Хаариар деган шаҳарга кириб келган элчилар жума, шанба ва якшан-бани шу ерда ўтказиб, душанба куни йўлга чиқишганди, жуда кўп қор ёғди. Учинчи февраль, сешанба куни, текис-ликда жойлашган, атрофи боягу роғлар билан уралган Каси-нем деб номланган катта шаҳарга кириб келиши. Шаҳарда бинолар кўп, катталиги жиҳатидан Табриз ва Самарқанд шаҳарларидан кейинда турарди. Шаҳарга жуда кўп қор ёғлан, кўчаларда юриб бўлмас, аҳоли кураклар билан кўчаларни, уйларнинг олдини қордан тозалашар, қор шунчалик кўп ёғанидан уйларни қор босган, одамлар эса томларга чиқи-шиб, қор курашарди.

Ҳаммаёқни қор босиб, юришнинг имкони бўлмаганлиги боис элчилар эртаси кунига йўлга чиқа олмай, чоршанба, пайшанба ва жума кунлари шу шаҳарда туриб, бу ердагилар-

¹ Сенан – Техрон шаҳрига яқин шаҳар.

нинг меҳмондўстлигининг гувоҳи бўлиши. Айниқса, Соҳиб-қироннинг меҳмони эканликларини билишгач, элчиларни қуюқ меҳмон қилишиди, йўлга чиқишлиаридан олдин уларга барча зарурий нарсаларни ғамлаб бериши. Шанба куни йўлга тушган элчиларнинг йўлларидаги қорни ўттизга яқин одам тозалаб, юришга қулайлик яратдилар. Олдиндан бир қишлоқ чиққа, йўл тозаловчилар ортга қайтиши ва ўша қишлоқдан чиққан бошқа одамлар элчиларга ёрдам бериб, кузатиб кетдилар. Қор шунчалик кўп ёққан эдики, теварак-атроф ва тоғлар оппоқ қор билан қопланди, қорнинг кўплигидан элчилар ва уларни кузатиб кетаётганлар кўзларини оча олмас, устига-устак йўлда анча совуқ қотиб, юришга ҳам қийналардилар. Шу тарзда йўл босиб, анча қулай ерда жойлашган, аҳолиси зич Султония шаҳрига етиб келдилар.

Ўн учинчи февраль, жума куни, текисликда қад ростлаган, Эрон давлатининг машхур ва катта шаҳарларидан бири Султонияга кириб келган элчилар бу ерда кейинги шанба, йигирма биринчи февралгача қолиши. Элчиларнинг бу шаҳарда саккиз кун давомида қолиб кетишларининг сабаби, улар Эрон давлатининг ҳукмдори Темурбекнинг набираси Умар Мирзони кўрмоқ ниятида эканликлари эди. Умар Мирзо бошқа ерларнинг ҳам ҳукмдори ҳисобланиб, ўша вақтда у Корабоғдаги дала ҳовлисида дам олаётган эди. У бутун қишини ўша ерда ўтказар, бу шаҳардан у жойга тўғри йўл билан борилар, лекин қор кўп ёққанлиги сабаб, йўллар беркилиб, тоғлардан қор кўчиш хавфи бор эди. Элчилар у ерга бора олмасдан шунча кун кутиб қолишиди ва ниҳоят маслаҳатлашиб, Табризга, у ердан Корабоғга ўтишмоқчи бўлиши.

Йигирма биринчи февраль, шанбада Султония шаҳридан чиқиб, Санга деган шаҳарга кириб келган элчилар тунни шу ерда қаршилаши, якшанбада ва эртасига ҳам йўл юриб, сешанба куни Миана деган қишлоқда қолишиди. Чоршанба куни Тунглар, бошқа куни эса Уган деб номланган қишлоқларда тунни қаршиладилар.

144-боб. Февраль ойининг охирларида, келаси шанбада Табриз шаҳрига етиб келган элчиларни шаҳардаги арман насронийлари ўз уйларида меҳмон қилди, кўп хизматлар кўрсатиб, зарурий нарсалар билан таъминладилар. Учинчи март,

сешанба куни элчиларга отлар беришиб, Умар Мирзо ҳозирда Қорабоғда дам олаётганини, қишини шу ерда ўтказишини, Қорабоғ текисликдаги бир қанча кўкламзор майдонларни ўз ичига олганлигини, у ерларнинг об-ҳавоси жуда иссиқ эканлигини, у ерда деярли қор ёғмаслигини, агар қор ёқкан тақдирда ҳам тезда эриб кетишини айтишди. Ҳавоси яхшилиги учун ҳам ҳукмдор ҳар йили қишини шу ердаги қароргоҳида ўтказар экан. Элчиларга, ҳозир у ерга боришса, ҳукмдор билан кўришишлари мумкинлигини айтишди.

Бешинчи март, жума куни Испания, Туркия ва Бобил элчилари биргаликда Умар Мирзо билан учрашиш мақсадида Табриздан Қорабоғга қараб йўлга чиқишиди. Улар билан Самарқанддан бирга чиққан кузатувчи ҳам бор бўлиб, у ҳар бир шаҳарда элчиларни озиқ-овқат, кийим-кечак ва отлар билан таъминланишини назорат қилиб келарди. Элчилар қалин кийимларини ечиб, шу шаҳарда қолдиришди ва икки кун давомида Умар Мирзонинг олдидан одам келишини кутишди. Икки кундан сўнг одам келиб, Умар Мирзо элчиларни шу шаҳарда меҳмон қилишларини, озиқ-овқат билан таъминлашларини буюрганини айтди. Чоршанба кунигача шу шаҳарда турган элчиларни ўн саккизинчи март куни ҳукмдор ўз олдига чақиритирди.

145-боб. Ўн тўққизинчи март, пайшанбада йўлга чиққан элчилар Табриз шаҳри яқинидаги баланд тоғдан ошиб, бир қанча қишлоқлари бор, кўпгина боғу роғлари, узумзорлари кўзни қамаштирадиган, ҳавоси иссиқ гўзал водийга тушиб келдилар. Атроф жуда гўзал, ҳавоси иссиқ бўлса-да, мевалари узоқ вақт сақланадиган бу боғлардан ва қишлоқлардан ўтиб, тўрт кун деганда катта текисликдаги, кўпчилик аҳолиси шоли, маккажӯҳори, буғдой етишитирадиган қишлоққа етиб келдилар. Асосан бу жойлар кўпроқ шоли етишитириладиган ҳосилдор ерлар ҳисобланиб, жуда катта майдонларга шоли экилар, шолининг кўплигидан уни отларга емиш сифатида беришар ва бу атрофдаги қишлоқларда яшовчи аҳоли ўзлари етишитирган шолини арzon нархларда сотишарди.

Йигирма бешинчи март, чоршанба куни элчилар, қароргоҳи бу ердан ўн-ўн икки чақирим узоқликда жойлашган ҳукмдорнинг олдига қараб йўл олишди ва йўлда бир неча

одамларни учратиши. Бу одамлар қаерга бораётганикларини сўрашганда, элчилар ҳукмдор қароргоҳига деб айтиши ва у ерда ҳозир ўзаро жанг бўлаётганини, ҳамма ёқ тўс-тўполон эканлигини билиб олиши.

Элчилар бу жантнинг сабабини сўрашганда, одамлар Жаҳоншоҳ Мирзо ҳукмдор Умар Мирзони ўлдирмоқчи эканлигини, ҳукмдорнинг соқчилари ва навкарлари қароргоҳга ташриф буюрган ҳар қандай кишини ушлаб, қамаб кўяётганини, ҳукмдор эса Жаҳоншоҳ Мирzonинг бошини танасидан жудо қилишга амр этганини, Жаҳоншоҳ Мирzonинг одамлари эса ҳукмдорнинг кўшинига қарши жангга отланиб, ҳар икки тарафдан кўплаб одамлар нобуд бўлаётганилигини, ҳукмдор ўз қароргоҳини дарёнинг бошқа тарафига ўтказиб, дарё устидаги кўприкни бузишга буйруқ берганда, одамларнинг бир қисми у тарафда, бошқалари бу тарафда қолиб кетишганини ва яна бир бор, ҳозир у ерга бориши жуда хавфли эканини айтишиб, элчиларни огоҳлантириши. Элчилар эса бу гапларни эшишиб, ўзаро маслаҳатлашиши ва у ерга боришларига жуда яқин масофа қолганлигини инобатга олиб, олдинга — қароргоҳ сари юриб кетиши.

Эртаси куни, Йигирма олтинчи март, пайшанбада элчилар ҳукмдорнинг буйругини кутишаркан, қароргоҳ атрофида ҳали ҳам тўполон давом этарди. Элчилар шу ерда турганида, уларнинг олдига бир чигатой келиб, ҳукмдор ҳозир жуда бандлигини, уларни қабул қилолмаслигини, ҳозироқ Табризга қайтиб, у ерда ҳукмдор буйругини кутишларини айтиб, ўзи уларни кузатиб боришини маълум қилди. Шундан кейин элчилар йўлда керак бўладиган барча нарсаларни олиб, чигатоғига эргашиб, Табризга қайтиши.

Бу ҳукмдорнинг қароргоҳи дарё бўйидаги катта ялангликда жойлашган эди, бу жойларда Қирқ-эллик минг отлиқ кўшинни бемалол сифдирса бўлар эди. Ҳар йили қишлиш учун келиб турадиган Темурбек эса Қорабоғ атрофидаги йигирма мингдан ортиқ уйларни кўриб, бу ерни шахарга айлантиришига фармон берган экан.

146-боб. Темурбекнинг опасини ўғли, Темурийлар авлодининг обрўли кишиси ва кўпгина ерларнинг ҳукмдори бўлган Жаҳоншоҳ Мирзони қўлга туширган Умар Мирзо унинг

бошини танасидан жудо қилди. Умар Мирзо, бир кун келиб уни таҳтдан ағдаришини, мол-мұлкини ўзиники қилиб олишини Жаҳоншоҳ Мирзога айтган эди. Шундай ҳам бўлди ва Умар Мирзо худди Темурбек бобосидек унинг ерларига ҳуқмронлик қила бошлади. Айтишларича, Жаҳоншоҳ Мирзонинг ўлдирилишига сабаб иккита: биринчиси, охирги вақтда у шубҳали кўриниб, Умар Мирзога қарши юриш қилмоқчи бўлгани, иккинчиси, анчадан бўён у бобоси Темурбекнинг ўлимини кутаётганлигини ва унинг барча мол-давлати-ю ерларига эгалик қилмоқчилиги.

Умар Мирзо Жаҳоншоҳ Мирзонинг узилган бошини иккинчи ўғли Абубакр Мирзо орқали Бағдод шаҳрида турган отаси Мироншоҳ Мирзога юборишлиарини буюрди. Умар Мирзо яна уларга бу душманнинг боши эканлигини, бобоси Темурбек ўлганидан кейин ўз отаси ва укасини олдига чақириб, салтанатни биргаликда бошқаришга ундаётганлигини, келишган ҳолда ерларни бўлишиб олишлари керак эканлигини айтди, уларни Табриз яқинидаги Вион деган жойга келишларини тайинлади ҳамда отасига катта ерларни бошқариш ҳуқуқини ўзига топширишини маълум қилди. Жаҳоншоҳ Мирzonинг бошини кўрган Мироншоҳ Мирзо ўз ўғлидан шубҳа қила бошлади.

147-боб. Соҳибқирон вафотидан сўнг, унинг яқин одамлари, мирзолар ғазна ва салтанатда тартиб ўрнатиш мақсадида унинг ўлимини яширишга ҳаракат қилдилар, лекин бу хабарни кўп вақт яширишнинг иложи бўлмади. Темурбек вафот этган вақтда, набираси, Мироншоҳ Мирzonинг ўғли Халил Султон Самарқанд шаҳрида эди. У бу хабарни эшигач, атрофига ўз одамларини тўплаб, бобосининг номидан салтанатни вақтинча бошқараётган учта мирзога қарши уруш бошлади. Халил Султон Умар Мирзо тарафидан боши танасидан жудо қилинган Жаҳоншоҳ Мирzonинг ўғли Бурундуқ Мирзони ўлдиргач, қолган икки мирзо паноҳ тилаб, ўша пайтдаги Хуросон ҳуқмдори олдига қочиб кетди. Халил Султон эса тўғри қасрга қараб йўл олди. Шаҳарни эгаллаб, бутун бойликларни, давлатни ўз қўлига олди, ўз отасига чопар жўнатиб, саройга қайтишини, бутун ғазнани унга топширишини, агар Самарқанд аҳли уни қабул қилса, Соҳиб-

қироннинг ўрнига хукмдор этиб тайинланиши мумкин экан-лигини айтди. Чунки салтанат жуда катта ва бутун бойликларини унинг ўзи эгаллаганини эшитса, чигатойликлар унга бўйсунишлари мумкин эди. Айтишларича, Мироншоҳ Мирзога завжаси Хонзода халақит қилиши мумкин, чунки у Мироншоҳ Мирзони ўз отаси Темурбек билан уруштириб қўйган, у Халил Султоннинг онаси, Самарқандда ўз ўғли билан бирга яшар экан. Мироншоҳ Мирзо ўз завжасидан кўрққанлиги, у ўғлига Самарқанд таҳтини олиб бериш учун шундай иш тутмоқда, деган шубҳага борганилиги сабаб таҳтга ўтиришни хоҳламади. Халил Султон эндинигина йигирма икки ёшга тўлган, оқ сариқдан келган, навқирон, бақувват йигит бўлиб, отасига жуда ўхшарди. Самарқандда испан элчиларига ҳам кўп ҳурмат кўрсатган.

Шу вақтгача ўз яқинлари орасида ким таҳт учун курашишини синамоқчи бўлиб, Темурбек икки маротаба ўзини ўлдига чиқариб, хабар тарқатган. Оқибатда кимнингдир шундай ҳаракатини сезса, уни қатл қилдирган. Шунинг учун бу сафар ҳам унинг ўлганлигига ҳеч ким ишонмади. Аслида эса, Соҳибқирон вафот этган эди. Бир оз вақт ўтганидан сўнг, Табризда элчилар турган вақтда, Темурбек тирик эканлиги, у ҳозирда Бобил султонига қарши жанг қилиш учун катта қўшин билан кетаётганлиги ҳақидаги хабар тарқалди.

Мироншоҳ Мирзо ўз отасининг ўлганига ишонч ҳосил қилганидан сўнг, ўғли Умар Мирзо юборган Жаҳоншоҳ Мирzonинг кесилган бошини кўриб, Умар Мирzonинг таклифини қабул қилди ва иккинчи ўғли Абубакр Мирзо билан унинг ҳузурига Бағдоддан Табризга қараб йўлга тушди, манзилга етиб бормасларидан, Умар Мирзо катта қўшин тўплаганини, Табриз ва Султония шаҳарларида гилар ҳам буйруқ кутиб турганлари ҳақидаги хабарни эшитгач, ота ўз ўғлиниң ҳаракатларидан шубҳаланиб, мақсадини билиш ниятида унинг олдига чопар жўнатди. Ўғил эса бунга жавобан, қўшинни мамлакат чегараларини мустаҳкамлаш учун йигаётганини айтди. Буни эшитган Мироншоҳ Мирzonинг иккинчи ўғли Абубакр Мирзо, отасига акасининг олдига ўзи боришини ва уни бу ерга олиб келишини билдирганда, ота мамлакатда ҳар хил гап тарқалмаслиги учун бу гапни маъкул кўрмади.

Умар Мирзо билан Абубакр Мирзо бир ота-онанинг фарзандлариридир. Она бу хабарни эшигтгач, тезда ўғли Умар Мирzonинг олдига бориб, унга: “Ўғлим, сенинг отанг салтанатга ҳумқдор бўлиши керак, ҳамма шуни ҳоҳляяпти, сен эса ха-лақит бераяпсан!” деганида, ўғил отасининг унга бирор-бир иш буюрганида, бу ишни бажармасликдан худони ўзи асраршини, айтди. Она ўғлининг бу гапини Мироншоҳ Мирзога етказганида, ўғли Абубакр Мирзони озроқ аскарлар билан Умар Мирzonинг олдига жўнатаркан, aka-ука келишиб, отага таҳтни қандай тарзда бермоқчи эканликларини билмоқчи бўлди.

Умар Мирзо укасининг ўз олдига келаётганини билгач, уни қўлга олишни кўнглига тугди ва ука етиб келгач, у билан сўрашиб, ўз чодирига таклиф қилди, ука ичкарига кириши билан уни қўлга олишларини буюрди. Абубакр Мирзо билан келган элликка яқин навкарлар орқага, Мироншоҳ Мирzonинг олдига қочиб кетишиди. Умар Мирзо ҳибсга олган укасини Султониядаги қасрга жўнатиб, зинданбанд қилишларини амр этди ва ўзи отасини қўлга тушириш мақсадида унга қараб юриш бошлади. Мироншоҳ Мирзо бўлса Рей ерларининг ҳукмдори куёви – Сулаймоншоҳ Мирzonинг олдига қочди. У ерда ўзининг яқинлари, чигатойлардан бўлган анчагина одамлари бор эди. Она, aka укасини ҳибсга олганини эшишиб, устидаги кўйлакларини йиртди, ўғли Умар Мирzonинг олдига кириб: “Битта онанинг фарзандлари бўла туриб, ўз укангни зинданбанд қилибсанми? Мен сенларни дунёга келтирганман, энди бўлса сен ўз укангни ўлдирмоқчимисан? Ахир у ўз жигаринг бўлади ва уни ҳамма яхши кўради, ақлингни йиғ!” дея йиғлаб, ялинди. Умар Мирзо эса бунга жавобан, укасини фақат отасини ҳукмдор этиб кўта-риш ҳақидаги аҳмоқона гапларига чек қўйиш учун қамаб кўйганини айтди.

Ҳақиқатан ҳам, Умар Мирzonинг нияти укасининг аҳмоқона ниятларига чек қўйиш. У жуда жиддий инсон бўлиб, чигатойлар уни яхши кўришарди. Бу ишларнинг барчасини у ўз отасини қўлга олиш мақсадида қилаётган эди. Отаси эса Самарқандга қараб йўл олган, ўғил бундан хабар топиб, унинг орқасига тушган. Лекин у отасини қўлга олиш қийин бўлишини билиб, амакиси, отасининг укаси Шоҳруҳ Мирзо

билан битим тузишга ва биргалашиб отасини қўлга туширишга қарор қилди. Бу ишларнинг барчасини у отаси Ҳирот шаҳридан ўтаётган пайтда амалга оширишни мўлжаллади. Укаси ва ўғли бир бўлиб ҳаракат қилаётганини эшитган Мироншоҳ Мирзо Ҳурносонда қолишни ўзига маъқул кўрди. Лекин улар кейинроқ бир-бирлари билан яхши алоқада бўлдилар, бироқ, шундан сўнг отанинг ўғли Умар Мирзога нисбатан ишончи йўқолди.

Умар Мирзо зинданбанд қилган укасининг завжаси – Мардина ҳукмдорининг қизини ўз отаси олдига жўнатиб юборди. Ўша вақтнинг ўзида Табризга, элчиларга бир мактуб ҳам жўнатиб, уларни куттириб қўйгани, уйларига қайтиш вақти анча ортга сурилганлиги учун узр сўради. Отаси билан баъзи бир ишларни ҳал қилгач, улар билан учрашиб, сўнг ўз уйларига кузатиб қўйишини ҳам маълум қилди.

148-боб. Шундан сўнг, Йигирма тўққизинчи апрель, се-шанба, муқаддас Пётр кунида, элчилар ўзларига ажратилган уйда ўтиришган вақтда, уларнинг олдига шаҳар бошлиғи, мирзо ва бир неча одамлар кириб келди ҳамда бу ердаги барча қурол-аслаҳаларни йиғиштириб олгач, эшикни беркитиб, элчиларга ўзларидаги бор нарсаларни беришларини, бу нарсаларни ҳукмдорнинг буйруғи билан хавфсиз жойда сақлашларини айтишиди.

Элчилар бу ҳукмдорнинг хоҳиши эканлигини, буйруқقا бўйсунищларини, уларни ўз қироллари дўсти Темурбекнинг олдига юборганлиги, улар билан бошқача муомалада бўлади, деб ўйлаганликларини, Соҳибқирон вафот эттани учун, энди улар нима қилишса ҳам рози эканликларини билдиришиди. Шаҳар бошлиғи уларга ҳукмдорнинг бундай буйруғи, уларни яхшироқ ҳимоя қилиш мақсадида эканлигини айтди.

Келганлар айтганларидан қайтадиганга ўхшамасдилар ва элчиларнинг устларидаги кийимларидан ташқари, бор нарсаларини, пуллари ҳамда отларини олиб, қўшни уйга сақлаш учун жойладилар, эшикка қўриқчилар қўйиб кетдилар. Турк ва Бобил сultonининг элчиларига ҳам шундай муомалада бўлдилар. Шундан сўнг, орадан Йигирма кунча вақт ўтгач, элчиларни куттириб қўйганлиги учун узр сўраб, Умар Мирзо мактуб жўнатди ва бунинг учун отаси билан қўриш-

моқчилигини сабаб қилиб күрсатди. Уларни Табриздан беш чақиримча узоклиқдаги Азарент шаҳрига бориб туришларини, ўша жойда улар билан кўришиб, сўнг Ватанларига кетишлари учун рухсат беражагини тайинлаган Умар Мирзо-нинг келишини элчилар анча вақт кутдилар.

149-боб. Мана шу вақт оралиғида, Темурбекнинг вафот қилганини эшишган Гургания (Грузия) подшоҳи Арманистон ерларига юриш бошлади. Улар Табриз шаҳригача бостириб келиб, йўлларида учраган шаҳару қишлоқларни талонтарож қилиб, уйларга ўт қўйишиди. Табриз аҳолиси эса бу катта қўшиннинг бостириб келаётганини эшишиб, Соҳибқирон келмоқда, деб ўйлашарди. Аслида бу қўшинга ёши ўтироқ қолган Умар Табон бошчилик қилас, у Гурганиядан беш минг отлиқ аскар билан йўлга чиқкан, ҳозирда шу қўшини билан шовқин-сурон солиб Табриздан ўтди ва Арманистоннинг катта қисмини эгаллади. Саросо қироли эса бунга тайёргарлик қўриб, ўзининг беш минг отлиқ қўшини билан тунда уларнинг кўпини ҳалок қилди, омон қолганлари эса Табриз шаҳрига қараб қочишиди. Шаҳар вайронага айланниб, халқ анча таҳликада қолди, кофирлар мусулмонлар устидан ғолиб келди, деб айтишди. Улар “кофирлар” деб ҳеч қандай қонунга бўйсунмайдиган насронийларни айтишарди. Баъзилар бу мағлубиятни, омад улардан юз ўтиргани учун бўлди, деб билишарди. Темурбек омадли эди, унинг вафотидан сўнг, омал улардан юз ўтири, деб ўйлашарди.

150-боб. Отасини қўлга тушира олмаган Умар Мирзо Султония шаҳрига қайтиб, зинданда ётган укасини заҳар бериб ўлдиришларини буюрди, ўзи одамларни бошқариш ва элчилар билан учрашиш учун Азарент шаҳрига қараб йўл олди. Йўлда кетаётганида, укаси Абубакр Мирзо ўн биринчи июль, сесанба куни зиндан кўриқчисини ўлдириб, қочиб кетганинги эшишти. Чиндан Абубакр Мирзо зиндандан чиқиб, қасрдаги бойликларни олиб, яна Султония шаҳрига қайтиб келди ва акасининг орқасидан одамларни жўнатаркан, унинг одамлари Умар Мирзога ета олмадилар.

Умар Мирзо, укасини заҳарламоқчи эканлиги ҳақида атрофга гап тарқалмаслиги учун, уни зиндандан чиқишига

гүё ўзи ёрдам берганини айтди. Аслида эса заҳар солинган майни Абубакр Мирзонинг олдига олиб кирган яқин кишиларига Умар Мирзо ўз отаси билан кўришганини, у билан келишиб Абубакр Мирзони бу ердан чиқаришини, унга кўп пул беришини, фақат жим юришга рози бўлишини укасига айтишларини, сўнг зиндандан чиқиш олдидан у билан бирга овқатланиб, фитнани амалга оширишларини тайинлади.

Овқат ва ичимлик олиб кирган биттаси Абубакр Мирзо билан овқатланишини айтади. Одатда овқатдан олдин улар майхўрлик қилишарди. Заҳар солинган майни пиёлага қўйиб узаттганда, Абубакр ичгиси келмаётганини баҳона қилиб, бир ҳаракат билан унинг қиличини олиб қўяди ва уни ўлдириб, ташқаридан турган учта қоровулни ҳам тинчтириб, атрофига одам тўплайди ва хазинага ҳужум қилиб, хазинағонни ҳам ўлдиради, сўнг хазинадан жуда катта бойликни ўfirлаб кетади. Ўз одамларига хоҳлаганларича бойликларни улашган Абубакр Мирзонинг ўзи ҳам юзга яқин туяга бойликларни юклаб, тўғри отасининг олдига боради.

Кейинчалик ака-ука ўзаро келишиб, ярашиб олишади. Мироншоҳ ўғли Абубакр Мирзо билан Самарқандга, Умар Мирзо эса Табриз шаҳридан ўн чақиримча узоқлиқдаги Виан шаҳрига қараб йўл олади. Умар Мирзо ўз ўрдасида бобосини хотирлаб уюштиromoқчи бўлган маъракасига Табриз ва Сultonия шаҳарларидан кўпчиликни меҳмонга чақириди. Бу шаҳарлардан эса пиширилган гўшт, ёпилган нон, навкарларга тарқатиш учун уч мингга яқин кийим-кечаклар олиб келтирди. Умар Мирзо аввал элчиларга, улардан олиб, махсус хонада сақланаётган барча нарсаларини қайтариб бериб, сўнг ўзларини базмга таклиф қилишларини буюрди.

151-боб. Ўн учинчи август, жума куни Умар Мирзо иккита чиғатой орқали, элчиларни қўриш мақсадида уларни ўз ўрдасига чақираётганлигини билдириб, бир мактуб бериб юборди. Элчилар ўша куни йўлга чиқиб, эртасига тонг отиши билан яна Умар Мирзонинг дарё бўйидаги ўрдасига, яъни Виан шаҳрига қараб юришди. Шанба, Муқаддас Мария кунида, улар ўрдага етиб келдилар. Умар Мирзо ўрдасида чиқиб, пастроқда жойлашган катта майдонда уларни кутиб олиб, салқин айвон тагига таклиф қилди, ҳаммалари бирга-

ликда овқатланишди. Якшанба куни ҳам элчиларни ўша майдонга таклиф қилишиб, катта базм уюштирилди. Элчилар ўша куни Умар Мирзо билан сұхбатлашарканлар, сұхбат орасыда Соқибқиронни эслаб, унинг шаънига илиқ гапларни айтишди. Шу куни меҳмонлар жуда күп шириң таомлар билан сийланди. Базм сүнгидә элчилар Умар Мирзога ўзлари билан олиб келган сарпо-сурукларни, илак матоларни, ўз юртларида ясалған қиличларни совға сифатида тақдим этишди. Умар Мирзо бу совғалардан жудаям мамнун бўлди. Ўн еттинчи август, сесанба куни испан ва турк элчиларига зарур кийим-кечаклар билан бирга йўлбошловчи ажратиб берган Умар Мирзо Бобил султонининг элчисини тўхтатиб, қамаб қўйишларини буюрди. Чоршанбада Табриз шаҳрига етиб келган испан элчилари турк элчилари билан маслаҳатлашиб, бу шаҳардан тезроқ чиқиб кетишларини келишиб олдилар.

152-боб. Келаси жума тонг-саҳарда кетишга тайёргарлик кўраётган элчиларнинг олдига шаҳар катталаридан бири ва у билан бирга миршаб, мирза ҳамда кўпгина одамлар кириб келишди. Улар ичкарига киришиб, элчиларни кузатиб қўйиш учун келганликларини, нарсалари бўлса, уларга беришларини, сўнг кузатиб қўйишларини айтишди. Испан элчилари турк элчилари билан маслаҳатлашиб, йўлга чиқишга келишиб олдилар.

153-боб. Йигирма иккинчи август, шанба куни, тонг отмасданоқ испан ва турк элчилари биргаликда Табриз шаҳридан йўлга чиқишиди, улар бу шаҳарда роппа-роса беш ой-ю, йигирма икки кун, яъни биринчи февралдан йигирма иккинчи августгача бўлибдилар. Элчиларга кузатувчи сифатида ҳамроҳ бўлиб юрган чиғатойлардан бир одам ҳам бор эдикӣ, у элчиларни худди ўша куни Туркияning Бурса шаҳрига бораётган икки юзта юкли туялардан иборат катта карвонга қўшиб қўйди. Элчилар карвон билан анча йўл босиб, душанба тонгида Эрон давлатининг охирги чегарасида жойлашган шаҳарлардан бирига кириб келдиларки, худди шу шаҳардан кейин Арманистон ерлари бошланарди.

Элчилар шу шаҳарда туриб, бир хабар эшитишди. Айтишларича, вақтида Темурбекка кўп қаршилик кўрсатган, Қора

атаман исмли турк саркардаси ўзининг ўн минг отлиқ қўшини билан Арманистон пойтахти Арзинжон шаҳрига юрини бошлаган, улар йўлларида учраган шаҳар, қишлоқ борми, барини вайрон қилиб келаётган экан. Бу хабардан сўнг элчилар Маку қасрига борадиган йўлларини ўзгартириб, бошқа йўл билан юриб кетишиди.

154-боб. Сешанба куни йўлга чиққан элчилар тун бўйи, чоршанба куни ҳам кун ярмигача дам олмасдан йўл босишди, кун яримлагач, отларига ем-ҳашак бериб, ўзлари ҳам дам олдилар. Шундан кейин яна йўлга тушиб, бир кечакундуз деганда аҳолиси арманлардан иборат кичикроқ қишлоққа кириб келдилар. Бу ерлар Умар Мирзо қўл остидаги Арманистон ерлари эди. Элчилар тўхтамасдан йўлни давом эттириб, кун яримлаганда, аҳолиси туркий миллатига мансуб, Туркистон¹ ерларидан ўтишди. Бу ерларда яшовчилар орасида арман миллатига мансуб кишилар ҳам бўлиб, уларнинг ерлари жуда ҳосилдор, ҳар йили экин экилар эди.

Шу ерда турган вақтларида, турк саркардаси Қора атаман Арманистоннинг бош кенти Арзинжон шаҳрини эгаллаб, улар томон бостириб келаётганлиги ҳақидаги хабарни эшитган элчилар, тезда бу хабарни аниқлаш мақсадида, у ерга чопар жўнатдилар. Чопар, ўтадиган йўл хавфли экан, деган хабарни олиб келгач, кечаси бошқа йўл билан, қишлоқлар оралаб йўлга тушиб, эртаси куни арман миллатига мансуб аҳоли яшайдиган қишлоққа кириб келдилар. Бу ернинг черковлари жуда чиройли, қабристонларидаги ҳар бир қабр устига одам бўйича келадиган хочлар қўйилган. Шу қишлоқда дам олиб, яна йўлга тушган элчилар кетаётганларида олдиларига чопар келиб, худди шу йўлдан турк саркардаси Қора атаман келаётганини айтгач, улар шу заҳоти йўлларини ўзгартириб, бошқа йўлга бурилишди ва якшанба кунигача йўл босишаркан, йўлда тирик жонни учратмадилар.

155-боб. Биринчи сентябрь, сешанба куни, шаҳарнинг баланд деворлари бузилиб, ичкариси вайронага айланган Арманистоннинг Алекинор шаҳрига кириб келган элчилар

¹ Туркистон – Ўрта Осиё.

фақатгина шаҳар марказида битта катта қаср омон қолганини кўришиди. Қаср атрофидаги тошдан қурилган уйларнинг деярли барчаси шикастланған эди. Улар мана шундай уйларнинг бирида тўхтаб, у ерда овқатланишаркан, одамлар шаҳарнинг қай тарзда вайронага айланганлиги ҳақида сўзлаб бердилар. Айтишларича, бу ерлар катта Арманистон деб аталиб, унинг буюк арман ҳукмдорининг жуда катта ерлари бор. Ҳукмдор вафот этгач, уч ўғли отасидан қолган ерларни шундай бўлишиб олишдики, биринчи ўғилга Алексинор шаҳри, иккинчисига Авник ва учинчисига Арзинжон шаҳарлари насиб этди. Бу жойлар Арманистоннинг учта катта шаҳарлари ҳисобланарди. Афсуски, Алексинорни кўлга киритган катта aka икки уканинг мулкини тортиб олмоқчи бўлди ва aka-укалар ўртасида низо чиқиб, бир-бирларига қарши уруш эълон қилдилар. Уруш авжига чиққанда, ҳар бири бошқа мамлакатлардан одамлар ёллаб, урушадиган бўлишиб. Арзинжон шаҳрининг ҳукмдори бўлган ука четдан, Туркистон ерларида яшовчи туркийларни ёрдамга чақирди, Авник шаҳрининг ҳукмдори бўлган ука ҳам худди шу йўлни тутиб, икки aka-ука бирлашиб акаларига қарши жанг қилдилар. Икки уканинг четдан одам ёллаганини эшиштан катта aka ҳам қўшни мамлакатдан, турклардан мадад олиб, укаларига қарши маҳорабага киришиб. Жанг давомида Туркистон ерларидан келганлар билан турклар ўзаро тил бириктиришиб, катта акани – Алексинор ҳукмдорини ва шу тарзда кичик ҳукмдорларни ҳам ўлдириб, Авник ва Арзинжон шаҳарларини эгаллаб олдилар. Шу йўсин бу шаҳарлар aka-укалар томонидан бой берилиб, Арманистон бетоналар қўлига ўтди. Бу келгиндилар шаҳарларни вайрон қилиб, кўпгина одамлар билан бирга анчагина арман насронийларини ҳам қириб ташладилар.

Элчилар шу шаҳарда турганларида, саркарда Қора атаман ўз лашкарлари билан улар юрмоқчи бўлган йўлдан келаётгани хабарини эшишиб, бир оз орқага, Авник шаҳрига қайтишга қарор қилишиб. Бу келишув элчилар учун яҳши натижа берди. Улар шу куни йўлга чиқиб, тўрт кечаю кундуз йўл юриб, бешинчи сентябрь, шанбада Авник шаҳрига етиб келдилар. Душанба куни шаҳар ҳукмдори Тўлдибекнинг саройига бориб, у билан учрашдилар. Ҳукмдор чига-

тойлардан, Темурбекнинг авлодларидан, Соҳибқирон бу ерларни эгаллагандан кейин унга топширганди.

Элчилар у билан учрашганларида, урф-одатга кўра, унга аталган ўз совғаларини топширишгач, ҳукмдор Қора атаман ҳозирда Арзинжонда эканлигини айтиб, бу йўлдан боришлари хавфли эканлигини ва тезда бошқа йўлдан кетишлари лозимлигини тушунтириди ва элчиларга бир кузатувчи қўшиб, бошқа йўлдан кетишларига ёрдамлаши ҳам. Шу ерда турк элчилари Испан элчилари билан ажралишгач, бошқа йўлдан кетишиди.

Авникдаги бу қаср тоғ устида қурилган бўлиб, жуда ҳашаматли, артофлари баланд тоғ тизмалари билан ўралган, тоғ тепасидан пастга қараб шаршара шариллаб, атрофга гўзаллик бахш этиб турибди.

156-боб. Саккизинчи сентябрь, сесанбада элчилар ҳукмдор ваъда қилган чигатой кузатувчи билан йўлга чиқишиди ва Арзинжон шаҳридан кесиб ўтган йўлдан воз кечганларидан кейин, кузатувчи уларни Гургания шаҳри бўйлаб олиб кетди. Шу куни кечаси Авник ҳукмдорига қарашли шаҳарда тунаған элчилар эртаси куни тонг-саҳарда йўлга отланишиди. Кетаётib баланд тогнинг нариги томонида Таркон деб номланган қалъага рўбарў келдилар. Шу қалъада Гургания ҳукмдори Темурбекка қарши жанг олиб борган, Темурбек қалъани эгаллагандан сўнг, қалъадан туриб бутун Гурганияни бошқарган экан. Элчилар қалъадан ўтиб, бир қишлоқда тунаб, сўнг тоғ тизмалари бўйлаб икки кун давомида йўл босишиди.

Ўн биринчи сентябрь, жума куни Висер деган қалъага етиб келдиларки, қалъадагилар Қора атаманинни жуда ёмон кўришаркан. Йўл бошловчи уларни бу қалъадан олиб ўтиб, бошқа бир шаҳарга яқин жойда тўхтади. Сўнг ҳаммалари келишиб, Аспери шаҳри ҳукмдорининг ҳузурига кириб боришиди. Йўл бошловчи ўз ҳукмдорининг хатини унга берди. Элчилар келаётган йўл ва атрофдаги ҳосилдор ерлар шу ўлкалар ҳукмдори Пира Гомберга тегишли экан. Шанба куни ҳукмдор билан учрашган элчилар унга ўз совғаларини бериб, бирга овқатланишиди ва эртасига ҳукмдор Тарабзун ерларигача етиб олишлари учун уларга йўл бошловчи одамни қўшиди. Улар шу куни бир тоғдан ошиб, тунни яқин қишлоқда ўтказишиди.

157-боб. Якшанба куни баланд тоғ тизмасидан от-уловлари билан ошиб ўтган элчилар Гургания ерларини ортда қолдириб, Арракел ерларига кириб келишди. Гурганиялик-лар жуда келишган, хушмуомали, эзтиқодлари греклар-никига ўхшаш одамлар эканлигига гувоҳ бўлдилар. Душанба куни, Арракел ерларидаги қишлоқда қолиб, эртасига яна йўлга чиқиб, бошқа қишлоқда тунадилар.

Бу Арракел шаҳри Аспери ҳукмдорининг қўл остига ўтишига сабаб, шаҳар ҳукмдори Арракелдан норози бўлган шаҳар аҳолиси Аспери ҳукмдорига арз қилишиб, уни ўзла-рига ҳукмдор бўлишини ва Арракелдан ҳимоя қилишни сўра-ганда, Аспери ҳукмдори Арракелни ўлдириб, шаҳарни ўз қарамоғига олган экан.

Ўнқир-чўнқир тошлари кўплигидан бу тоғларда от билан юриб бўлмас, ҳатто одамлар ҳам қийналишар, ерлари тоғли бўлгани учун эса буғдой кам экиларди. Арман насронийлари яшайдиган бу ерларга Туркия тарафдан хавф-хатар бор. Бу ердан чиқиб, муттасил йўл юрган элчилар тўртинчи куни денгиз бўйидаги қишлоққа етиб келдиларки, бу ердан атрофи тоғ тизмаларидан иборат Тарабзунгача яна олти кун юриш керак эди. Кейин кузатувчилар элчиларни тоғ ёнбагирлари, узумзорлардан иборат Шурмения деб номланувчи жойга олиб келишли. Бу ерларнинг аҳолиси боғдорчилик билан шуғулланар экан.

Шу йўллар давомида элчилар, тоғдан ошиш қийинлиги боис деярли барча отларидан маҳрум бўлдилар.

158-боб. Ўн еттинчи сентябрь, пайшанба куни Тарабзунга келган элчилар, ўрмон ёнғоги ортилган кема Перага жўнашга шай турганлигини кўришди. Элчилар қайиқ ёллаб, ўша кемага чиқиб олдилар. Николос Ханто деган кимса бошқарётган бу кема узоқ сузиб, охири йигирма иккинчи октябрь куни Пера шаҳрига кириб борди. Бу шаҳарга етиб келган элчилар ўз юкларини бошқа бир савдо кемасига юклаб, йўлни давом эттиридилар. Анча кундан сўнг, тўртинчи ноябрь, жума куни Галлиполи шаҳрига келиб, анчагина пахта ортиб, йўлинни давом эттирган кема шанба куни Хио оролига етди.

159-боб. Ўн еттинчи ноябрь, душанбада бу оролдан йўлга чиққан кема ёнма-ён жойлашган Сарпиенсия ороли ва Муқаддас Фаришта номли бурундан сўнг Венеция ерларидан ўтиб, душанба куни кечаси, ноябрь ойининг охирги кунларида Сицилия ерларига кириб келди. Иккинчи декабрь, чоршанба куни у оролни ҳам ортда қолдириб, йўлни давом эттирган элчилар кемаси денгизда катта тўфонга дуч келди ва бу тўфон туфайли Гаэта шаҳрига тұхташга мажбур бўлдилар. Наполи қироллигига қарашли бу шаҳарда элчилар беш кун қолишиди, яна йўлга чиқиб, денгиз тўфонига дуч келиларки, ноилож яна Гаэтага қайтдилар. Йигирма иккинчи декабрь, сесанбада денгизга чиққан элчилар яна тўfonга дуч келишиди ва бу тўфон уларни Корсика шаҳрига улоқтириб ташлади. Элчилар бу шаҳарда Пасха байрамини нишонлаб, эртаси куни йўлга чиқишиди ва яна тўфонга дуч келишиди. Тўфон бу сафар уларни Гумбин деган қишлоққа чиқариб ташлади. Эргаси, шанба куни йўлга чиққан кема Виана бандаргоҳига кириб келди.

Учинчи январь, якшанба куни шаҳардан олти чақирим узоқликда жойлашган Генуя бандаргоҳига кириб келган элчилар бу ерларнинг аҳолиси кўплигини, теварак-атроф чиройли боғлар, ҳашаматли уйлар билан кўркам эканлигини кўрдилар, Папа билан учрашдилар, у билан кўпгина масалалар ҳақида гаплашиб олдилар. Биринчи февраль, душанба куни Генуя шаҳридан йўлга чиққан элчилар Мисер Биенбо-со Барберо дарғалик қилган кемада денгизда сузишаркан, йўлда ҳаво ёмонлашиб, яна тўфон кўтарилиди. Элчилар анча қийинчиликларни ортда қолдириб, бир ой деганда, биринчи март, якшанба куни Санлукар бандаргоҳига келиб, қуруқлик орқали Севилия шаҳрига йўл олишиди.

Исо Масиҳнинг таваллуди ҳисобидан бир минг тўрт юз олтинчи йилнинг йигирма тўртингчи марта, душанба кунида Кастилия қироллигига етиб келган элчилар Алкала де Энарес¹ шаҳрида қирол билан учрашдилар.


Яратганга ҳамду санолар бўлсин!

¹ Испания пойтахти Мадрид шаҳрининг шимоли-шарқида жойлашган кичик шаҳар.

Султония архиепископи Иоанн

**АМИР ТЕМУР ВА УНИНГ
САРОЙИ ҲАҚИДА ХОТИРАЛАР**

Француз тилидан *Баҳодир Эрматов* таржимаси



Францияда бир неча асрлардан буён бизнинг тарихимиз, маданиятимиз, тилимиз, буюк ажоддларимиз мероси хусусида чуқур тадқиқотлар олиб борилаётганини мамнуният билан таъкидлайман. Француз шарқшунослари бу соҳада кашшоғлик қилдишлар ва ажойиб натижаларга эришдилар.

Буюк ипак йули Франция ва Испаниядан олис Ҳиндистон ва Хитойгача чўзилган бўлиб, қадимий Ўзбекистон шу йўлда мамлакатларни бир-бiri билан боғловчи марказий бўғин, Шарқ билан Farb, ислом билан насронийлик бир-бiriiga тулашган жой эди, Шарқ ва Farb маданиятлари бир-бiri билан боғланган жой эди.

Олис ўтмишдаги ўзаро муносабатларимизнинг кўпгина шонли саҳифалари тарихда сақланиб қолган. Сизлар Тамерлан деб атайдиган буюк бобомиз Амир Темур билан XIV ва XV асрлардаёқ мамлакатимиз ўртасида мустаҳкам сиёсий, иқтисодий, маданий алоқаларни зарур деб ҳисоблаган Франция қироли Карл VI нинг ёзишишмаларини эслатишнинг ўзи кифоядир*.

*И.А. Каримов,
Узбекистон Республикаси
Президенти*

* Каримов И.А. Франция Президенти томонидан уtkазилган расмий қабул маросимида сўзлаган нутқ. // Каримов И.А. «Биздан озод ва обод Ватан қолсин». Т-2. Т., «Ўзбекистон», 1996, 71-72-бетлар.

I. Темур Бейнинг таҳтга ўтириши

Бу ҳукмдорнинг қули дастлаб унчалик узун бўлмаган ва уни кўпчилик танимаган, унинг қўл остида ўзига ўхшаш оиласардан чиққан атиги ўн чоғлик маслакдоши бўлган. Ҳамроҳларининг сони ортиб, қирқтага етди ва шундан сўнг у отлар, бошқа жониворлар, истеҳком ва ер-мулкларни эгаллаб, маслакдошлари сонини ниҳоятда кўпайтириди, куч билан Рефюж¹ қалъасини қўлга киритиб, тўплаган мулклари ва ўлжаларини ўша ерга жойлади; шу йўсинда унинг истеҳкомлари, шаҳар ва мулклари кундан-кунга кўпайиб, ўзи кучайиб борди².

Ўз ҳаракатларидан буюк Мўгулистон императорининг ғазаби қайнаб турганини сезган Темур Бей тўппа-тўғри Хитой императори ҳузурига борди, бу киши камарли насронийлар мазҳабидан бўлиб³, мўғул императорининг рақиби ва душмани эди. Темур Бей шу насроний император ҳузурда кўп ҳаракат қилиб, ундан қудратли қўшинни ёрдамга олди; шу қўшин билан зикр этилган Мўгулистон императорининг катта ерларини қўлга киритди, хусусан, Семеркант⁴ шаҳрини эгаллади, шаҳар Шарқда жойлашган бўлиб, Мўгулистон императорига қаради. Шундан сўнг у (Амир Темур) насроний императорнинг лашқарларига рухсат берди.

¹ Нахшаб, ҳозирги Қарши шаҳри. Ибн Арабшоҳда ҳам худди шу шаҳар эслатилади. Қаранг: Амир Темур тарихи. Т., 1992, 2 жилдлик, 1-жилд, 78-бет (Рефюж французчасига «бошпан», «маскан» деган маънони беради, қавс ичидаги изоҳлар бизники — тарж.).

² Руи Гонсалес де Клавихода ҳам шунга ўкшаш талқин бор. Қаранг: Руи Гонсалес де Клавихо. Дневник путешествия в Самарканд ко двору Тимура (1403—1406), М., Наука, 1990, стр. 104 (42 а-б).

³ Камарли насронийлар — маронитлар ёхуд камарли насронийлар, ўша даврда Пекинда яшаган насронийлар, катта камар тақиб юришган.

⁴ Самарқанд.

Темур Бей томонидан шу тарзда хўрланган ва ҳақоратланган мўгуллар императори ўз рақибига қарши курашиш учун жуда катта қўшин тўплади ва унинг ҳузурига элчилар йўллади; элчилар унга (Амир Темурга) ёхуд жанг майдонига чиқиши ёхуд Мўгулистан императорига сўзсиз итоат этишни айтишлари лозим эди; агар у (Амир Темур) унга (Мўгулистан императорига) итоат этса, катта ҳоким этиб тайинланishi ваъда қилинган эди.

Хузурига келган элчиларни кўрган Темур Бей катта макр ишлатди. Кўрпа-тўшак қилиб олди ва ўзини бетоб кўрсатди, зеро, у зикр этилган императорнинг куч-қудратини яхши биларди: у қандай қилиб рақиби ва унинг элчиларини фафлатда қолдиришни ўйлай бошлали. Яхшилаб фикр қилгач, янги сўйилган мол қонини келтиришларини буюрди ва уни ютди ҳамда элчиларнинг не мақсадда келганини билиш учун уларни тезгина ўз ҳузурига чорлади. Элчилар унинг ҳузурига кирган чоғ унга (Амир Темурга) шошилинч равишда тоғора келтирдилар ва у элчилар ҳозирлигига ютган қонини қайт қила бошлади; улар (элчилар) бу қонни унинг (Амир Темурнинг) қони деб ўйладилар. Бу билан у элчиларга ўз тақдиридан қочиб қутула олмаслигини ва дардига ҳеч қандай даво йўқлигини, яъни тез орада ўлажагини билдириди. Ушбу хабардан сўнг элчилар bemalol қайтиб кетишлари мумкин эди, чунки улар Темур Бейнинг ўлаётганини ўз кўзлари билан кўришди¹.

Бундан хабар топган император кўп шодликларга тўлди ва ўз лашкарларига, уларнинг хотинлари, фарзандларига ижозат бериб, кичик бир аскарлар гуруҳи, ўз хотинлари ҳамда фарзандлари билан хурсандчиликка берилди. Элчилар қайтиб кетганига ишонч ҳосил қилган Темур Бей сакраб тўшагидан турди ва бутун қўшини билан зикр этилган императорнинг изига тушди. Темур Бей уни хотинлари ва фарзандлари ҳамда кичик бир аъёнлар гуруҳи билан айш-ишират қилиб турган чоғига учратди. Темур Бей қиличини кўтарди

¹ Бу ҳикояда чиндан ҳам жон бор: амакиси Ҳожи Барлос Боязид Жалойир билан бирга ўзига қарши фитна тайёрланा�ётганидан хабар топган Амир Темур учаласи учрашган пайтда бурнидан қон оқаётганини баҳона қилиб, ташқарига чиқиб кетган ва фалокатдан омон қолганди (Шарафиддин Али Яздий. Зафарнома. 24–25(14⁶-бетлар).

ва императорни маҳв этди, унга қариндош бўлган хотинини ўзига хотин қилиб олди, ўғилларига императорнинг қизларини олиб берди, эркак зотидан бўлганларнинг ҳаммасини ўлдирди, фақат биттасини ўз ёнида олиб қолди, номи Солтамаку什¹ эди, Темур Бей унинг номи билан ҳукмронлик қилди. Ва шу йўл билан у бутун Тартария империясини² қўлга киритди. Бу воқеалар рўй берганида у 40 ёшда, ёхуд кагтароқ эди; шундан сўнг у Шарқдаги кўп вилоятларни қўлга киритдики, жумладан, уларнинг бири Сименана³ деб аталарди, бу хусусида қўйида сўз юритилади.

Л.Керэн изоҳи: *Амир Темурнинг oddiy oshlidan chiqqanligi, uyz faoliyatini dўstlari bilan boşlaganligi hamda amrofida Chingizxon sulolasiga mansub mulozimlar bўlganligi boşqa klassik manbalarda ham qайд etilgan, biroq uning Xitoyning nasora imperatori bilan imtifoq tuzganligi va hamto Tartarия imperatorinинг ўша даврда umuman mavjusdiligi va zikr etilgan jisolargaga kelganligi afsonadan ўзга нарса эмас. Biroq Amir Temur amir Xusainni ўldiriib, uning bеваси, мўғул avlodidan bўlgan xonzoda Saroymulkhonimga уйлангани рост*⁴.

II. Темур Бей исмининг талқини хусусида

Шундай қилиб, бу татар императорининг исми Темур Бей эди; бу исм қуйидагича талқин қилинади ва изоҳланади: Темур Бей атоқли отdir ва «temir» сўзидан келиб чиққан бўлиб, «fer» (temir, фр.—тарж.) маъносини билдиради, «бей» «ҳукмдор» маъносига тенг, «темир ҳукмдор» деганини англатади.

Бу татарча ва форсча талқинлардир. Эронда уни «миритабам», яъни «ҳукмдор» деб ҳам, «калан», яъни «буюк ҳукмдор» деб ҳам аташади.

¹ Суюргатмуш.

² Европада Ўрта асрларда Мўғалистон ва Хитойнинг катта қисми Буюк Тартария деб аталган.

³ Сименана — Мозандарон яқинидаги шаҳар.

⁴ La Timuride, 2004, № 28, p.18.

Л.Керэн изоҳи: Чиндан ҳам унинг исми Темурбек, Темур ҳукмдор бўлган, уни «Тамур» деб ҳам аташган. Унинг исмига Соҳибқирон ва Кўрагон унвонларини қўшганлар. Соҳибқирон «сайёralар соҳиби» маъносини билдиради, Кўрагон эса чингизий хонзодаларга ўйланганларга бериладиган мўфул унвонидир.¹

III. Темур Бейнинг унвони хусусида

«Темур Геракан сосмус» иборасида Темур «императорнинг ўғли» ёки «куёви» деган маънени билдиради, «сосмус» – «бизнинг қатъий сўзимиз» деганидир;² у ўзини на қирол, на император ва на бошқа ном билан атайди. У қачон сўзласа ва амр этса, император номидан сўзлайди, амр этади, унга хурмат кўрсатиб, йилига бир марта уни бориб кўради; бу хурматдан сўнг у ўша император ҳақида гапириб, унга ўз саройида иззат кўрсатаётганини айтади. Бироқ, Темур Бей барча ишни императорнинг тамғасисиз амалга оширади.

Л.Керэн изоҳи: «Сосумус» дегани «бизнинг сўзимиз» деганидир. Бу ерда гап Амир Темурнинг фармонлари ҳақида кетаяпти, фармонлар «Темир Кўрагон сўзимиз!» шаклида бошланган.³

IV. Унинг ирқи хусусида

У келиб чиқиши бўйича шарқлик татарлардан бўлиб, уларнинг миллати Йокате⁴ деб аталади, баъзиларнинг фикрича, шу томонларда Иисус Христосга тенг келадиган уч қирол ўтган экан. Бу ўлкага Ҳиндистон томонидаги форсдан кейин келадиган Корасин⁵ вилояти, Медие⁶ вилояти ва бошқа ви-

¹ La Timuride, 2004, № 28, p.18.

² Бу ерда гап Амир Темурнинг Франция қироли Шарл VI га ёзган «Темур Кўрагон сўзимиз» ибораси билан бошланувчи мактуби хусусида кетаяпти. Фақат епископ Иоанн талқинидаги «Темир» сўзининг ўрнига «Кўрагон» сўзи қўйилса, «хоннинг куёви» маъносига тўғри келади.

³ La Timuride, 2004, № 28, p.18.

⁴ Йокате – Чигатойнинг французча номидан; Djagatai, Jagate, Locate.

⁵ Корасин – Ҳурсон.

⁶ Медие – Озарбайжон.

лоялтар киради. Бу ўлка таркибига кирувчи яна бир шаҳар — Темур Бейнинг шаҳри Семеркантдан жуда йироқда, юз кунлиг масофада, Жийон дарёсидан нарида — Форсда жойлашган Сузис¹ шаҳридир.

Л.Керэн изоҳи: *Чигатой?! Ундан кейинги номларнинг ҳам унча қизиги йўқ.*²

V. Ўғилларининг насл-насаби ва исмлари хусусида

Темур Бейнинг кўп ўғиллари бўлган ва ҳозир улардан атиги иккитаси ҳаёт, каттасини Миранза деб аташади, ёши қирқ ёки ундан бир оз катта; энг кичиги Сонхарни деб аталади, ёши йигирма икки атрофига³. Биринчисининг исми қуидагича талқин қилинади: *мир* — жаноб ва *за* — қирол, яъни «жаноби қирол». Иккинчисининг исми француз тилида «қиролнинг юзи» маъносини беради.

Тўнгич ўғил барваста, хушмуомала, ҳурфикр ва барча насронийлар каби отасининг саройида уни ҳамма ҳурмат қиласди. У насронийлар ва франкларни, яъни барча лотинларни (европаликларни) жуда яхши кўради; у бамисоли иккинчи Александр (Александр Македонский); унинг хотини ва 4 ўғли бор: хотинларининг энг суюклиси император автолидан ва Конзада (Хонзода) деб аталади — у ўлган акасининг хотини бўлган. Ўғилларининг лашкарлари катта, яъни 20—30 минг кишидан иборат ва саройлари ҳам катта, айниқса, Абасимеза⁴ исмли тўнгич ўғлининг лашкари жуда катта; бу исм «худонинг марҳамати или туғилган» дея талқин қилинади, бу ўғил қурол ишлатишга жуда моҳир; тўрт ўғилдан яна бирининг исми Омариза⁵ бўлиб, у Темур Бейнинг лейтенанти: унинг саройида мулозимлар кўп, қўл остида катта ўлка бўлишига қарамай, шароити оғир ва бесаранжом; унинг икки ўғли бор.

¹ Сузис — Ҳозирги Эроннинг жануби-ғарбий қисмida жойлашган Суза шаҳри, аҳамонийлар давлати пойтахти, ҳаробага айланган.

² La Timuride, 2004, № 28. p.18.

³ Бу ерда гап Мироншоҳ ва Шоҳруҳ ҳақида кетаяпти.

⁴ А.Моранвиленинг фикрича, бу Абубакр Мирзо, Мироншоҳнинг тўнгич ўғли бўлса керак.

⁵ Умар Мирзо.

Л.Керэн изоҳи: *Амир Темурнинг ўғли Мироншоҳ Мирзо чиндан ҳам чингизий Хонзодага уйланган эди. Иоанн Соњхарни деб атаган иккинчи ўғил Шоҳруҳ Мирзодир.*

VII. Жиянлари ва набираларининг сони хусусида

Темур Бейнинг олтмиш-етмиш чоғлиқ ёхуд ундан зиёд жиян ва набиралари бор; уларнинг энг биринчиси катта акасининг ўғли бўлиб, она томонидан император авлодидан ва катта ер-мulkка эга; иккинчисининг кўп ўлкалар ва томонларда ўзига маслакдош ва содик вассаллари бор; унинг исми **Мамузатаин¹**.

Л.Керэн изоҳи: *Сурияликлар тарафига ўтишига ҳаракат қилган Мирзо Султон Ҳусайн.*

VIII. Темур Бейнинг хотинлари хусусида

Темур Бейнинг тўрт қонуний хотини ва кўплаб канизаклари бор. Катта хотини император оиласидан Карон² деб аталади ва доим аёллар доирасида фароғат топади ва эркакларни асло ёқтирмайли; у соғлиги ёмонлиги туфайли ҳар куни (табобатга) минг дукат (тилла) сарфлайди, хотинлар қуршовида юради.

Л.Керэн изоҳи: *бу ерда гап Сароймулхоним ҳақида кетаяпти.*

VIII. Темур Бей ҳукмронлигининг бошланиши

Ёшлигида у ўз тенгкурларига ўхшашиб йигит эди, аммо ақли-заковати, зукколиги билан ажralиб турарди, доимо мард йигитлар қуршовида юради; у доимо худони олқишиб юради, нима қилса барисини худо учун ва унинг хоҳиши билан қилади; ўзининг айтишича, у бир бечора аёлнинг ўғли, кучсиз ва камбағал йигит бўлган, нимага эришган бўлса, худонинг марҳамати илиа эришган, вақти келиб бу-

¹ Эҳтимол Султон Ҳусайн Мирзо.

² Сароймулхоним (Клавихода – Кано).

ларнинг ҳаммасини худога қайтаради. Яна унинг айтишича, барча бўлалиган нарсани худо унга олдиндан башорат қиласди.

У ўзини на қирол ва на император деб ҳисоблайди, бироқ ҳозир у жуда катта ва қурдатли ҳукмдор, зеро, шу пайтгача Шарқда ҳеч ким унга тенг келадиган бирорта инсонни кўрган ҳам, учратган ҳам эмас, айниқса, у Семеркант шахрини ва Тартария империясини қўлга киритганидан кейин шундай қурдатга эга бўлди, зотан, у (империя — тарж.) Шарққа томон шунча катта макон ва йўл эгаллаганки, унинг бир чеккасидан иккинчи чеккасига етиш учун тинмай ярим йил йўл босиш керак. У кўплаб вилоятлар, шаҳарлар, қўрғонлар, мулкларни қўлга киритди ва тобе этди. Жумладан, у Ҳиндистондаги Дишли¹ деган шаҳарни забт этди ва қиролини тобе этиб, шундан сўнг Фарбга томон юрди ҳамда Константинополгача бўлган барча ўлкаларни эгаллади.

Л. Керэн изоҳи: *Бу каби мулоҳазалар ўша даврдаги бошқа битикларда ҳам учрайди ва ҳақиқатга яқин туради. Одамлар орасида Амир Темур ўртаҳол бир осладан чиққан ва бутун Шарқни эгаллаган ҳукмдор, бирор марта ҳам мағлубият аламини татимаган, барча ўлкаларни маҳв этган саркарда деган афсона тарқалган эди. Бу унинг Худо ёрлақаган инсон эканлиги, барча ҳодисалар унга фаришталар томонидан башорат қилинишидан дарак беради. Бироқ шу билан бирга у барча мухорабаларда зафар қозонганини, ғанимларининг қандай жсанг усулини танлашини олдиндан била олиш қобилияти мавжудлигини тан олиш керак. Иоанн фаришталар ҳақидаги гапларга унчалар эътибор бермаган бўлиши ҳам мумкин.*

IX. Темур Бей ҳукмронлик қиласиган вилоятлар ва ўлкалар хусусида

Темур Бей ҳукмронлик қиласиган Ҳиндистондан Туркиягача бўлган масофани бир одам пиёда нақ бир йилда, отда эса тўқиз ойда босиб ўтади; у жуда катта вилоятлар ва катта қиролликларни ўзига тобе қиласди; салтанати таркибига жумладан куйидаги ўлкалар киради:

¹ Дишли-Деҳли.

Дилли (Дехли), йирик шаҳар.

Сименан,¹ вилоят.

Маластан,² вилоят, қимматбаҳо тошлар ўлкаси.

Феринус,³ ҳинд зираворлари шу ердан келади ва Сийон дарёси орқали бошқа ўлкаларга олиб ўтилади.

Органун, бу вилоят форсда Корасмо⁴ деб аталади.

Чин-Мочин⁵ шифобаҳаш ўсимликлар ўсадиган вилоятлар, у ерларда ясалган чиройли буюмларни Генуяга олиб кетишиди, тупроғи яхши сақланади, айтишларича, бир буюмни қирқ йилда ясашар экан.

Бокара,⁶ аъло сифатли олтини билан машҳур вилоят.

Коросан,⁷ ўтиз шаҳарли вилоят.

Медия,⁸ жуда катта вилоят.

Спахан,⁹ вилоят.

Сирас,¹⁰ вилоят.

Шилан,¹¹ шаҳар ва вилоят, Каспий ёхуд Бачин денгизи яқинида.

Аран,¹² жуда катта вилоят.

Порт Ферре,¹³ жуда катта вилоят ва Александр денгизни Кавкази деб аталган тоққача қазиб олиб борган шаҳар. Бу

¹ Симонон, Мозандаронлаги ўлка.

² Маластан, А.Моранвилленинг фикрича – Бадаҳшон. Марко Поло уни Баласиан деб атаган.

³ Феринус – А.Моранвилленинг фикрича – Кефераин ёки Кимхедрған, Нишопур яқинида Афрек дарёси бўйида жойлашган шаҳар. Ҳинд зираворларининг Сайхун ёхуд Сирдарё орқали кириб келиши хатто кўрсатилган (А.Моранвилле).

⁴ Урганч, Хоразм, Марко Полонинг таърифида – Органа (*Voyages anciens et modernes t. 2, p. 231, note 3.*)

⁵ Чин-Мочин – Хитой.

⁶ Бухоро.

⁷ Хурросон.

⁸ Озарбайжон, Эроннинг шимоли-ғарби.

⁹ Исфахон.

¹⁰ Шероз.

¹¹ Фион, Каспий дengизининг жануби-ғарбида.

¹² Аран, Фионнинг шимоли, Гуржистон (Грузия) жанубида.

¹³ Порт Ферре, Каспий дengизининг Farбий қирғоғи, ҳозирги Баку шаҳрининг шимолида жойлашган девор. Ривоятларга қараганда бу деворни Александр Македонский Эронни скифлардан ҳимоя қилиш учун қурдирган экан. Ҳозир девор ҳаробалари Қизил Алан деб аталади. Араблар бу деворни Баб ал-Абуаб, турклар Демир Капу деб атashган.

тоғда турфа тилли халқлар яшайды, Темур Бей улардан бирортасини ҳам әгаллаган эмас, яна айтишларича, бу тоғда бошқаларга қўшилмайдиган халқлар ҳам яшар эмиш, уларнинг номлари Гог ва Магог¹.

Жоргия,² қироллик ва жуда катта вилоят.

Буюк Армения,³ у ерда Нуҳ пайғамбарнинг ёйи жойлашган тоғ бор.

Курдистон, жуда катта вилоят.

Калдея,⁴ вилоят.

Астрия,⁵ вилоят.

Рум,⁶ вилоят.

Туркия, вилоят.

Бундан ташқари, кўплаб вилоятлар ва шаҳарлар унинг салтанати таркибига киради, уларнинг сони юз мингта, қисқароқ бўлиш мақсадида номларини келтирмаймиз.

Л.Керэн изоҳи: *Амир Темур қўйл остига ўтган вилоятлар, шаҳарларнинг тўлиқ бўлмаган ва тўғри номланиши.*

X. Темур Бейнинг маҳорати ва қудрати хусусида

Қисқа қилиб айтганда, Темур Бей жанггоҳларда барчани, жумладан, Тартариянинг буюк императорини, кўплаб қирол ва шаҳзодаларни енгди, на бирор шаҳар, на бирор истеҳком унга дош бера олган; у сонсиз-саноқсиз шаҳарлар, қўроғонларни забт этди, ҳисобсиз халқларни тобе қилди, саноқсиз муҳорабаларда зафар қозонди, у бугун Буюк Туркни (Боязид Йилдиримни) маҳв этди ва Туркия уники бўлди; кўплаб қироллар, шаҳзодалар, катта ҳокимлар унинг тарафида.

Л.Керэн изоҳи: *Соҳибқирон қўлга киритган ўлкалар номининг қайтарилиши, «у бугун Буюк Туркни маҳв этди ва Туркия уники бўлди» сатрлари билан тугайди.*

¹ Инжилдаги Гог ва Магогнинг бунга алоқаси йўқ. Муаллиф Каспий дengизининг шимоли-ғарбида яшайдиган халқларни шундай атайди.

² Грузия.

³ Арманистон.

⁴ Ироқи Араб.

⁵ Ассирия.

⁶ Туркиянинг Осиёдаги Босфор бўғозигача бўлган қисми.

XI. Темур Бейнинг буюклиги ва лашкарларининг сони хусусида

Бу хусусида ҳар хил гаплар юради, бироқ лашкарларининг сони қанчалигини ҳеч ким аниқ билмайди: айримларнинг айтишича, унинг қўшини ўн-юз минг (миллион – тарж.) аскардан ва камида саккиз юз минг отлардан иборат; туялар ва бошқа жоноворларнинг эса асло ҳисоби йўқ. Унинг яна қирқта жанговар фили бўлиб, аскарлар уларнинг устида ўлтириб жанг қиласидар; куролланган суворий шаҳзодалар ва мард инсонлар у билан бирга юрадилар, улар енгил қуролланганлар, ортиқча аслаҳалари йўқ, шамширлари, камонларига ишонишади, хусусан, унга ўттиз олти йилдан бери ҳамроҳлик қилиб юрган одамлари шаҳарларга кирмайдилар, аксинча, доимо очиқ далада тунайдилар.

Л.Керэн изоҳи: *Айрим муаррихлар унинг бир миллион аскари ва саккиз юз минг отлари бўлган, деб хабар берадилар. Айтишларича, унинг олтмишта жанговар фили ҳам бўлган экан. Бу рақамлар ҳақиқатга тўғри келмайди.*

XII. Темур Бейнинг бойликлари хусусида

Унинг турли шаҳарлардан ва мулқлардан тортиб олиб, Семеркант шаҳрига жўнатган бойликларининг сон-саноғи, оғирлиги ва миқдорини ҳеч ким билмайди. Ҳудди шундай йўл билан қўл остидаги барча вилоятлардан йикқан хирожларини ҳам у ерга (Самарқандга) юборди; қимматбаҳо нарсаларга келганда эса, айтишадики (мен бунга ишонаман), бирорта ҳам ҳукмдор, у қанчалар буюк ва золим бўлмасин, у қадар кўп пул тўплай олмаган. Ва яна у ўз қўл остидаги барча вилоятлардаги ер ости бойликларини ҳам қидириб топтириб, уларга эга бўлди ва айтишларича, ўтган йили (яъни 1401 йил) у оғирлиги юз ва ўн етти сэ келадиган бир жавоҳир топганки, олти сэ бир унцияга тенгdir.

Сўнгра Бағдод шаҳри олинганидан кейин у Евфрат (Фирлот) дарёсининг тубига фарқ бўлган бир кемани топди, унда форс қиролларининг барча бойликлари жойлаштирилган эди; хазинадан соғ ва нафис олтин дараҳт топилди, унда турфа

рангли ва турфа номли қимматбаҳо тошлар, сонсиз-саноқсиз марваридлар бўлиб, уларчалик катта аҳамиятга ва қийматга эга бўлган ёхуд улардан яхшироқ марваридларни ҳеч ким кўрган эмасди. Ва у бу нарсаларнинг ҳаммасини Семеркантга жўнатди, бу ерда унинг ўн саккизта улкан саройи бўлиб, уларнинг барчаси бойликларга шу қадар тўла эдики, ҳеч бир инсон уларнинг таърифини қилиб адо эта олмасди¹.

Л.Керэн изоҳи: *Амир Темур хазинаси асосан қўл остида бўлган ўлкалардан мол-мулк олиб ўтувчи карвонлардан тушган божлар ҳисобига бойир, бироқ унга Соҳибқирон қўлга киритган давлатлардан келтирилган бойликлар ҳам қўшилар эди; бойликлар Самарқанд шаҳридаги Кўксарой ва шаҳар ташқарисидаги ўнга яқин (Клавихонинг гувоҳлик бершича) саройларда ҳамда Сароймулхонимнинг чодирида сақланар эди (Фром дарёсидан топилган олтин дараҳт ва бошқа гаройиб зеб-зийнатларни Клавихо шу ерда кўрган).*

XIII. Темур Бейнинг очиқкўнгиллиги ва шафқатсизлиги хусусида

У шароб ичганида меҳрибон ва очиқкўнгил бўлиб қолади; бироқ бундай ҳолат жуда кам бўлади, яъни у жуда кам шароб ичади; алқисса, у ғазаб отига минмаган пайтларида адолат юритади: адолатининг шиори учун ўз тамғасига форс

¹ Амир Темур ўзининг Бағдодга биринчи юриши чогида на Фирот ва на Дажла дарёсидан сulton Аҳмад Жалойирнинг хазинасини топгани ҳақида шарқлик муаррихлар ҳеч нарса демайдилар. Бироқ Бағдод иккинчи марта қамал қилинган пайтда, яъни 1401 йил ёзида, ўша хазина топилган бўлса ажаб эмас, зоро, чиндан ҳам айнан ўшандада шаҳар ҳокими Феруж қочиб кетаётган кема Фирот дарёсига гарқ бўлган эди. Мазкур ҳодисани Шарафиддин Али Яздий қўйидагича тасвиirlайди: «Алқисса, Фаражи бедавлатким, Бағдод шаҳрида эрди, телбалардек ё фидойилартек жонидан кечиб, урушур эрди... Мансур черик тўрт ёндин кириб, ҳисор эли ҳар сориким қочиб борса эрдилар, анда ўқ ва қилич эрди. Фаражи бедавлат қизи билан кемага кириб, сувнунг юқори сори қочиб борур эрди. Ўқ заҳмидин ўзларини сувға солиб, балиқ таъмаси бўлдилар. Ва маллоҳлар ҳукм била сувға кириб, Фаражнинг жасадини чиқардилар». (Зафарнома, 248-б.)

тилида «Адолат» сўзини икки марта ёэдирган¹. У ўз дўстлари-га ва элчиларга, айниқса, узоқ ўлкалардан келган элчиларга етарлича очиқкўнгиллик қиласди; бошикаларга нисбатан, яъни ўзига қарши бирор иш қилган ёки амрига (хоҳишига) қарши боргандарга нисбатан ўта шафқатсиз — уларни турли азобларга солади ёки ўлимга ҳукм қиласди; уни айборларнинг на туриш-турмуши, на насл-наасаби ва на дини-иймони қизиқтиради, айниқса, маврларга нисбатан у шундай муносабатда бўлади...

Л.Керэн изоҳи: *Амир Темур кўплаб юртларнинг элчилари, зодагонлари ва олиму уламоларини қабул қилар, улар билан қизиқарли сұхбатлар қуарар, насораларга сұхбат чоғида шароб тақлиф этарди. У ўз душманларига, мамлакатда ўрнатган тартиб-қоидаларига амал қылмаган фуқароларига, ҳатто энг бадавлат кишиларга ҳам, уларнинг динидан қатъи назар, шафқатсиз бўлган. Бунинг натижасида ўзи мусулмон бўлган бу ҳукмдор асосан мусулмонларни (Иоанн қайд этган маврлар) ва мусулмон давлатларни — Ироқ, Эрон, Олтин Ўрда, Шимолий Ҳиндистон, Туркия ва ҳоказоларни жазолади. Амир Темурнинг тамғаси «Куч — адолатда», форсча «Рости-русти» сўзлари битилган уч кичик ҳалқадан иборат бўлиб, Франция қиролига битилган мактубдан афсуски бу сўзлар ўчиб кетган. Айрим манбаларда айтилишича, тамғага форсча «Рости» сўзи икки марта ёзилган.*

XIV. Темур Бейнинг ҳаёти ва унинг ҳалқи хусусида

Темур Бейнинг турмуш тарзи ва ҳалқи ҳақида шундай дейинш мумкинки, у ҳар доим очиқ далада ҳарир шоҳи чодир остида умр ўтказади, зоро, унинг ҳалқи шунчалик кўпки,

¹ Маълумки, Амир Темурнинг шиори «Рости-русти», яъни «Куч — адолатда» деган ҳикмат бўлиб, бу шиор унинг давлат тамғасига ҳам битилган эди. Бироқ архиепископ Иоанн Соҳибқироннинг «тамғасига форс тилида «Адолат» сўзи икки марта ёзилган», деб гувоҳлик беради. Бизнингча, бу ерда архиепископ «rosti» ва «rusti» сўзларини бир-биридан ажратолмай жато қилган. Нафақат Иоанн, балки Клавихо ҳам бу икки сўзниң фарқига бормаган, зоро, Кастилия элчиси Амир Темурнинг тамғасида атиги бир суз битилган эди, деб ёзиб қолдирган: «Когда так сделают трое или четверо (оидоров), в середине ставят царскую печать, на которой буквами написано «Правда»... (Руи Гонсалес де Клавихо. Дневник путешествия в Самаркандин двору Тимура (1403–1406). М., Наука, 1990. с. 142 (59-6).

улар шаҳарда яшай олмайдилар. Бироқ уларга зарур барча нарсалар худди шаҳарлардагидек бу ерга олиб келинади, сотилади ва ҳарид қилинади; бу ерга узоқ ўлкалардан озиқ-овқат маҳсулотларини олиб келувчи савдогарлар жуда кўп, бу ерда паррандалар, бошқа турфа хил маҳсулотлар ва ҳатто қуллар ҳам сотилади; унинг одамлари жуда қимматбаҳо, нафис шоҳи матолар ва ҳарир жун матолардан кийимлар кийишади; уларнинг улуғлари Константинополь императори каби бош кийимлар кийишади, мартабалари қанчалар улуғ бўлса-да, бош кийимларига қимматбаҳо тошлар тақиши майди ва айримлари туркларга ўхшаб думалоқ кокилез¹ кийиб юришади.

Унинг фуқаролари саранжом-саришта одамлар, улар ерда — стол ва курсисиз овқатланишади. Бу ерларда гўшт ва гуруч сероб, улар мутлақо нон ейишмайди, нонни ёқтиришмайди, бироқ ажнабийлар тўйгунларича нон ейишлари мумкин, зеро, ҳар қадамда нон тўлиб ётибди.

Унинг саройида шароб ичиш тақиқланган, насронийлар эса шароб ичишлари мумкин, у ҳам бўлса, фақат кечки овқат олдидан, овқатдан сўнг эса сув ва қимиз ичилади, бир қимизки, шаробдан кам кайф бермайди. Уларнинг донли экинлардан тайёрланадиган яна бошқа бир ичимлиги бўлиб, ранги сутдек оппоқ ва шаробдек кайф беради.

Унинг саройида номуссиз аёлларнинг яшави тақиқланган, ҳар қимнинг ўз хотини ва мол-мулки бор. Аёллар эркаклар каби моҳир чавандоз, улар яхши кийиниб оладилар, отда юрганларида фақат бурунлари ва кўзлари очиқ бўлади; аёлларнинг лозимсиз юриши катта гуноҳ ҳисобланади. Одамларнинг юзлари кенг ва осиёликларга хос, ҳамма қатори яшашади, саррацинлар мазҳабидандирлар².

Темур Бей зиёфатларда тилла ва кумуш идиниларда овқат ейди, ўз олдидаги гўштдан вассалларига, шаҳзодалар, зодагонлар, элчиларга улашади; ҳамма ерда ўтириб овқатланади, агар у ўзи чақирмаса унинг ёнига боришга ҳеч ким журъат эта олмайди. Ўғиллари ваbekлари ҳам рухсатсиз унинг ёнига бориб ўтирайдилар.

¹ 5624 ракамли французча қўлёзмада «токез».

² Саррацинлар — Испанияда яшаган араблар, бу ерда «мусулмон суннийлар», демоқчи.

Л. Керэн изоҳи: Ушбу каттагина бобда Амир Темур давлатидаги фуқароларнинг турмуш тарзи ҳақидаги битиклар юқорида ёзилганлардан деярли фарқ қилмайди. Фақат шуни таъкидлаш лозимки, Амир Темур қўшинлари сафида насролар ҳам бўлган ва улар очиқчасига шароб ичишган. Соҳибқирон ўз қўшинлари сафида ахлоқ-одоб сақланishiiga жиiddий эътибор берган.

XV. Темур Бейнинг ўз асиrlарига муносабати хусусида

Агар у бирор ўлкани забт этишни ихтиёр этса, қора рангли туғини кўтаради ва аскарлари ўша ўлкани забт этишга отланадилар, забт этилган ўлканинг барча бой эркак ва аёлларидан турли хирож ва бойликлар йигилади. Аскарлар аёллар ва ёш болаларни ҳам аямайдилар; уларнинг айримлари қул қилиб сотилади, айримларини банди қилиб ватанларига жўнатадилар... Шуни унумаслик керакки, улар насронийларга ҳам, мусулмонларга ҳам бирдай муносабатда бўлишади.

Л. Керэн изоҳи: Амир Темурга бўйсуншини истамаган ёки забт этилганидан сўнг исён кўтарган шаҳар ва қўргонларга нисбатан қўлланган жазо чоралари ҳақидаги афсона ва ривоятлар бир-бирига ўхшайди. Бироқ Соҳибқирон бу жазоларни бошқаларга ўрнак бўлиши учун қўллаган. Иоанн сўз юритган қора туғ солномаларда келтирilmаган.

XVI. Темур Бейнинг мухораба ҳақидаги фармонлари хусусида

У фармон бериш у ёқда турсин, имо қилиши биланоқ ҳар ким нима қилиш зарурлигини яхши билади. У ўз қўшинини мингликларга, юзликларга ва ўнликларга бўлган бўлиб, амрига итоат этмаганларнинг боши кетади. Атрофига қўплаб довюрак ва мард, қурол ишлатишда моҳир инсонлар тўпланган, улар ёшлиқдан у билан бирга ўсишган, доимо отда юришга ва дала-даштда ухлашта одатланишган, на совуқ ва на иссиқдан қўрқишиади.

Шундай қилиб, у жангда ҳам қатъий тартиб ўрнатган: кимда ким жангда олд томонидан жароҳатланса, унга катта эҳтиром кўрсатилади, орқасидан жароҳатланган кимса эса таҳқирланади. У жасур ва мардларни кўп иззатлайди, уларга катта туҳфалар қиласди.

У ўзидан кучли ғанимларга қарши жанг қилиш олдиdan лашкарларини водийларга шу қадар пухта жойлашпирадики, бирор нарса ҳам назаридан четда қолмайди; сўнг ғанимни ўз ҳушёргилини йўқотишини пойлайди ва шу заҳотиёқ унинг устига куттилмаган зарба бериб, истеҳкомларни вайрон қиласди. У қисқа муддатда узоқ йўл босиб ўта олади, пухта изланишлар, доно фармонлар ила лашкарларини катта талафотлардан сақлаб қолади. Мухтасар қилиб айттанди, у шу пайтгача барча муҳорабаларда зафар кучган, ҳеч ким унга қаршилик кўрсата олмаган.

Темур Бей Туркий ва Арманистон ўртасида жойлашган Туркка қарашли (Йилдирим Боязид назарда тутилмоқда) катта шаҳар Сабастр (Сивос) га борганида ҳам худди шундай бўлган; у мазкур шаҳар қархисида ўн бир кун турди, шундан беш куни ичидан қалъя деворлари ёнида шундай бир минора қурдирдики, ундан бутун шаҳар кўриниб турар эди.

Ўзга чора йўқлигига амин бўлган шаҳарликлар у қон тўқмасликка сўз берганидан кейин таслим бўлдилар...

Бу ердан кейин Темур Бей жуда катта Евфрат (Фирот) дарёси бўйига борди, у ерда беш кун ичидан зарур кема ва қайиқлар ясаттириб, икки ярим кун ичидан бир ярим миллион кишидан ортиқроқ лашкарини дарёнинг нариги қирғогига ўтказди. Дарёдан ўтиб, у баланд тоғ устида жойлашган Ҳалаб шаҳри деворлари ёнига етиб борди ва шаҳар ичкарисида султоннинг қудратли қўшини жойлашганидан хабар топди ҳамда қалъани курашсиз қўлга кирита олмаслигига кўзи етди. Шу алфозда Темур Бей уч кун шаҳар қархисида туриб қолди ва тўртинчи куни лашкарининг катта қисмини олиб Ҳалабдан икки лъе узоқликдаги баланд тоғ ортига ўтди ва ўғлини ўттиз минг аскар билан шаҳар қархисида қолдириб, агар султон кучлари унга ҳужум қилишса, бир оз жанг қилини ва сўнг чекинишни буюрди. Ўғли ҳам уч кун давомида отаси айттанини қилди: султон қўшинлари унга ҳужум қилса, у бир оз курашган бўлар ва сўнгра чекинарди; тўртинчи куни ўртада жуда катта жанг бўлди ва ўғли одатдагидан кўпроқ чекинди, султон қўшинлари уни шунчалик узоққа қувлаб бордиларки, тоғнинг ортида бекиниб турган Темур Бей фурсатдан фойдаланиб ғаним қўшинининг орти билан шаҳар леворлари ўртасини эгаллади ва султоннинг ўн тўрт минг аскарини ўлдирди, сўнг шаҳарни эгаллади...

Темур Бей бу ердан Дамашққа йўл олди ва шаҳарни қамалга олди: у ерда ўн бир кун турди ва шаҳар деворларининг кўп ерларига мина қўйдиртириди, буни кўриб узоқ қаршилик кўрсата олмасликлариға кўзлари етган шаҳарликлар таслим бўлишди; шундан сўнг Темур Бей шаҳарнинг барча уламолари ва қозилари қалъанинг энг катта масжидига йиғилсинлар, деб жар солдирди; масжидга йиғилишни хоҳловчилар жуда кўп бўлди, зеро, улар шундай қилсак омон қоламиз, деб ўйлашарди...¹ Темур Бей билан бирга бўлган савдо-гарларнинг айтишича, у ўз юртига тилла ва кумуш, қимматбаҳо тошлиар ва бошқа нафис узуклар ортилган саккиз юзта түя жўнатди.

Бу ердан у Эрондаги буюк халифа²нинг Бодаш³ деган ўлкасига йўл олди ва Бодаш шаҳри қаршисида тўхтаб, у ерда олтмиш кун қолиб кетди: зеро, шаҳар деворларини айланниб чиқиш учунгина икки кечаю икки кундуз керак бўлур эди; шаҳарликлар қайсарлик қилдилар, уларнинг қайсарликларини синдиришди...

У бу ерда сон-саноқсиз бойликларни қўлга киритиб, ватанига жўнатди.

Л. Керэн изоҳи: *Бу ерда гап Амир Темурнинг гарбий ўлкаларга қилган беш ўшилик юриши ҳақида кетмоқда. Сивосда зафар қучган Соҳибқирон 1400 йил октябринда Сурияга кирди ва Ҳалаб шаҳрини эгаллади. 1400 йил декабрида Соҳибқирон Дамашқ шаҳрини қуршовга олди ва қўлга киритди. Бироқ шаҳар қўргони 43 кунлик қаршиликдан сўнг таслим бўлди. Бу Амир Темурнинг ғазабини қўзгади, зеро, унинг Туркияга ҳужум қилиш режаси ортга сурғимоқда эди. Шу сабабли у қайсарларни жазолаш мақсадида ўз аскарларига шаҳарни уч кун давомида талашга руҳсат берди. Мана шу тартибсизликлар пайтида шаҳарнинг у ер бу ерига ўт кетиб, у катта масжидгача етиб борди. Ибодатхона қисман вайрон этилди, бироқ бу иш атайлаб қилингани йўқ. Мазкур масжидга ислом дини уламоларининг алдаб олиб келиниши ва тириклайнин ўтда куйдирилиши ҳақидаги гаплар гийбатдан ўзга нарса эмас.*

¹ Дамашқ шаҳридаги Бени Умайя жомеси назарда тутилмоқда.

² Аҳмад Жалойир назарда тутилмоқда.

³ Бағдод демоқчи.

Амир Темурнинг Ироққа қилган биринчи ҳарбий юриши давомида забт этилган Бағдод (Бодаш) шаҳри ўзаро келишувга мувофиқ иккинчи марта дарвозаларни очиши лозим эди. Бироқ шаҳар бунга риоя қилмади ва Соҳибқирон уни куч билан қўлга киритди.

XVII. Эдигни исмли императорнинг Темур Бейга қилган хиёнати хусусида

Темур Бей чамаси бундан икки йил бурун Тартаристоннинг Эдигни¹ исмли императорига ўз элчиларини йўллаган эди, оқ тартарларнинг мазкур ҳукмдорининг бош шаҳри Соркate² Кафа³дан ўн саккиз чақирим нарида жойлашган бўлиб, унинг лашкари юз эллик минг суворийдан иборат. Элчилар ўша ҳукмдорнинг қизини Темур Бейнинг ўғели учун сўрашди ва ҳукмдор рози бўлди; бироқ у узр сўраб, қизини Темур Бейдек қудратли ҳукмдорнинг ўғлига узатиш учун зарур тақинчоқлар ва сармояси камлигини баҳона қилди ҳамда элчилардан ўз ҳукмдорларидан келинни ясатиш учун керакли зеб-зийнат юборишини, унинг (келиннинг) истиқболига саройидаги энг нуфузли кишиларни жўнатишини илтимос қилишларини сўради; элчилар унинг илтимосини Темур Бейга етказдилар. Элчиларнинг ҳисоботини эшитиб, Темур Бей бағоят шод бўлди ва шу заҳотиёқ тилла, кумуш, жавоҳир ва қимматбаҳо шоҳи матолар ортилган йигирма беш тия ва саройидаги энг юқори лавозимларни эгаллаган саккиз⁴ баронни қипчоққа жўнатди.

Карвон Эдигнининг ҳузурига етиб боргач, у тилла, кумуш, жавоҳирлар ва бошқа молларни қабул қилди, баронларни банди қилиб, уларнинг ҳам пулларини тортиб олди, аммо Темур Бейга қизини жўнатмади. Темур Бей эса «дунёда ҳеч ким мени бу қадар алдамаган», деб шунчалар изтироб чекдики, ҳеч ким бу ҳолга тушган эмас; у ҳеч қачон бунчалик фазабланмаган эди, ўз тилида «урғочи тулки эркак тул-

¹ Қипчоқ хони Идику барлос назарда тутгилмоқда.

² Соркate (Сорахат, Солхат, Унхат) – Эски Крим, Кримда жойлашган Судак шаҳри.

³ Крим ярим оролининг жанубидаги шаҳар, ҳозирги Ялта.

⁴ 5624 рақамли французча қўллэзмада йигирма.

кини алдади», дели ва умрида бунчалик куюнмаганини айтиб, бунинг учун ўч олмагунча тинчимаслигини билдириди.

Темур Бей ҳозиргача амалга оширган ишларидан кўпроқ иш қилиши мумкин эди, бироқ у ўзидан ҳам катта ҳукмдор бошқараётган Форс (Эрон)дан йироқлаб кетишга журъат қила олмаяпти, бу ҳукмдорнинг қудрати унинг қудратидан бир ярим-икки баробар кўп бўлиб, исми Тамирасак, Баласан ҳукмдоридир¹, бу ерда аҳвол шу даражага бориб етганки, Темур Бей расман у ўлканинг ҳам ҳукмдори ҳисобланса-да, унинг асл хўжайини Тамирасакдир. Баъзиларнинг айтишига қараганда, агар ул иккиси бир бўлишса, бутун ер юзини забт этишга кучлари етар эмиш².

Л. Керэн изоҳи: *Эдигни(?) исмли императорнинг исми ва ишлатган макри баҳсталаб ҳодисадир. Тартариянинг императори дея аталишиш Тамирасак (эҳтимол Олтин Ўрда хони Тўхтамиши)нинг куч-қудрати ҳам бўрттириб кўрсатилган, зеро, у Амир Темур томонидан 1395 йили бутунлай тор-мор этилган.*

XVIII. Темур Бей Буюк Туркни қандай маҳв этгани ва банди қилгани хусусида

Лашкарларнинг сони ва мардлиги жиҳатидан қудратлиси бўлган Темур Бей фавжларини тепаликлар ва дараларга яқин жойда тартибга солди ва уларнинг ортига ўзининг энг катта фавжини ва ўз яқинларини қўйди. Рақибига етарлича қаршилик кўрсатишига ишонган Турк лашкарларини тўртга бўлди; ғанимга яқинлашиб, унинг лашкарларидан қўрқиб кетган туркларнинг биринчи батальони сардори ўз кўл ос-

¹ Бу ерда архиепископ кимни назарда тутаётганини била олмадик. Лотинча номларда битилган Tamugrasac Тамиразак ёки Темурузоқ бўлиши мумкин. Бироқ бундай исмли ҳукмдор бизга маълум эмас. Tamugrasac ёки Тамиразаш Темуртошга жуда яқин. Аммо Темуртошнинг лашкари Амир Темурницидан икки баробар кўп эмас, балки анча кам бўлган. Balasan номли ўлкага келсак, бу фақат Марко Поло ёзган Balasian, яъни Бадахшон бўлиши мумкин (Книга Марко Поло. М., 1955, с. 74).

² Назаримизда, бу ҳам архиепископ тўқиб чиқарган нарса бўлса керак. Зеро, бу Темур Бей ўз кўшниси билан бирлашса, фарангларга (европаликларга) қандай таҳдид солиши мумкинлигига қилинган шаъмадир, зотан «агар ул иккиси бир бўлишса, бутун ер юзини забт этишга кучлари етар эмиш», деганда шуни назарда тутган.

тидаги барча аскарларини олиб қочишга түшди; Турк буни күриб, уларни ортига қайтармоқчи эди, бироқ батальон сардори унинг амрига қулоқ солмади ва кўздан ғойиб бўлди.

Шундан сўнг Турк иккинчи батальонини жангга ташлади, бу қисм жон-жаҳди билан курашди, бироқ Темур Бейнинг лашкарлари кўрсатган жасорат туфайли туркларнинг жуда кўп аскарлари, ҳисоб-китобларга қараганда ўн беш мингдан зиёд кишиси ҳалок бўлди. Навбат Туркнинг учинчи батальонига келди, бу қисмда унинг ўғиллари ҳам жанг қилди, қисмдагиларнинг аксарияти ҳалок бўлди ва қолганлари қочмоққа түшди. Буни кузатиб турган Турк тўртинчи батальонини жангга ташлади ва унга шахсан ўзи қўмондонлик қилди; у ҳалокатга учраганини сезгач, қочмоқчи эди, қоча олмади, зеро, уни ғаним аскарлари тўла куршовга олган эди. Шу алфозда у июлнинг йигирма саккизи, жума куни соат йигирма тўртда қўлга олинди; аниқ ҳисоб-китобларга кўра, бу муҳорабада иккала томондан қирқ минг киши ҳалок бўлди; ғанимларига нисбатан турклар кўпроқ қурбон беришиди.

Жуда кўп турклар қочиб қутулишди, хусусан, Туркнинг икки ўғли ярим тунда курол-яроғсиз, кийим-бошсиз қип яланғоч қочишли. Темур Бей лашкарларининг катта бир қисмини Туркнинг бош шаҳри Бурсага жўнатди; қалъа олингач, у бетоб бўлиб қолган Туркнинг хазинасини қўлга кириди: бу хазинани, кўп сонли хизматкорлару қулларни Семерканга жўнатди. Шундан сўнг у бутун Туркияни ишғол этишга киришиди, Темур Бейга иттифоқдош бўлган айrim ҳокимларга қарашли ўлкалар бундан истисно эди. Туркнинг тўнғич ўғли Юнонистонга ўтиб кетди, у ҳозир ҳам ўша ерда иззат-хурматда; унинг кенжা ўғли ҳозир Туркияда ва Темур Бей унинг изидан қувиб юрибди. Бу нима билан тугашини Худо билади. Тангрининг иродаси Темур Бейдан бошқа бирор тирик жонга аён эмас.

Л.Керэн изоҳи: *Бу ерда гап чиндан ҳам 1402 йил 28 июлдаги Анқара жангига ҳақида боряпти. Жангда Амир Темур Боязид бошқарган турк қўшинларини маҳва этган. Мухораба турклар учун ҳалокатли тугади. Амир Темур лашкарлари бутун Туркияни эгалладилар. Бурса шаҳрини ва сulton хазинасини қўлга киритдилар, Боязиднинг икки ўғли эса қочиб қутулди. Афтидан, Амир Темурнинг Франция қиролига битилган мак-*

туби бу жангдан атиги бир неча күн кейин Иоаннинг құлуга тутқазылған, зоро, архиепископ жангдан кейінги воқеалардан оғоҳ эмаслигини билдиради. Бир даврнинг ўзіда Иоанн учун ишонч ёрлиги бұлыб хизмат қылувчи Амир Темурнинг мактубы эса 1402 йыл 1 августда битилған. Мактубда Анқара жанги қандай тугаганлиги ҳақида ҳеч нараса ёзилмаган. Эхтимол, Иоаннинг Францияға сафари олдиндан тайёрган болып, унга мактуб Туркиядан ташқарыда топширилған. Бу ҳақда мактубдеги қуйидеги сүзлардан билиш мүмкін: «Мазкур мактубни Сизға әлтүвчи бұлған воқеаларни сүзлаб беради». Иоанн Францияға жүнаб кетиш олдиdan жаңг тағсилотлари ҳақида хабар топған ва уларни ўз хотираларыда баён қылған.

XIX. Темур Бейнинг салтанаты ва шаҳарларидаги тартиб-қоидалар хусусида

У ўз фуқароларига қатор солиқ ва тұловлар ўрнатған бұлсада, ажнабий тужкорларға катта зытибор күрсатади, уларни, айниқса, фаранглар ва насораларни рағбатлантиради, салтанати ҳудудидеги хавғасызликларини таъминлайди. У жон ва туз солиқлари олинадиган күп масканларни йүқ қылдыры, бу солиқлар факат йирик шаҳарларда олинсін, деб фармон берди. Салтанатининг барча ҳудудларыда тужкорлар ҳаётига хавф соладиганларға шағқатсыз жазо тайинлади: тужкорларни талаган ўлка ахли унга (тужкорға) таланған мол қийматини икки баробар қылғыл қайтаради ёхуд салтанат хазинасига тужкор йүқтіктан мол-мулк қийматининг беш баробари миқдорида жарима тұлайди.

Барча ахоли масканларыда унинг қозилари бор ва у алолатта қатый риоя қылады ҳамда жиноят қылған ҳар қандай кимсага — кимлигидан қағын назар шафқат қымайди, кичик бир жинояты учун каттаю кичик амалдорларға шу захтиёқ жазо тайинлайди; жазо асосан жарима шаклида бўлади. Айблорлар катта миқдорда жарима тўлайдилар. Амалдорлари жуда бой ва тўқ яшашади, шунинг учун улардан катта пул ундирилади, бу пуллар нақд юз хачирга юк бўлади ва улар ҳар йили катта байрам учун сарфланади. Барча шаҳарлар, ўлкалар ҳар йили ўзларининг даромадининг ўндан бири ёки чорагини салтанат хазинасига туширадилар, бу билан унинг ғазначилари ва нозирлари шугулланади.

Унинг шахсан ўзи ҳеч кимга озор бермайди ва шундай қилган одамларни қаттиқ жазолайди, зеро, у сафардалик пайтида кўплаб шундай ишлар бўлиб туради. Шаҳарлар ва ўлкаларни ўғиллари, жиянлари, ноёнлари бошқаради; унинг нақд пулда маош бериш одати йўқ, бироқ ўз аъёнларига ермulk ва бошқа туҳфалар қиласди, ўз фармонларига барча ерда сўёсиз итоат этилишини истайди, ажнабийлардан кўра ўз фуқароларидан кўпроқ ҳадиксирайди.

Л.Керэн изоҳи: *Амир Темурга қарашли ҳудудларда юк ташиш ва мол айирбошлишнинг, карвонларнинг бошқа давлатларга чиқиши жойлари* (божхоналар) яхши йўлга қўйилганилиги ҳақида ўша замондаги бошқа ҳужжатларда ҳам гапирилади. Бундан шундай ҳолосага келиши мумкинки, божхоналардан тушган тўловлар асосан Соҳибқирон қўшинига янги аскарларни жалб қилиш, уларни кийиш-кечак, қурол-аслаҳа билан таъминлашга, янги иморатлар барпо этишга сарфланган. Йўлларда хавфсизликни таъминлаш, салтанатига туташ ҳалқаро минтақаларда зўравонлик қилувчиларнинг адабини бериш Соҳибқироннинг асосий ташвишларидан бири бўлган. Назаримизда, Амир Темур божхона тизимининг – йўллардан олиб ўтиладиган молларнинг сифати ва миқдоридан олинадиган тўловлар, мол-мулк солиги, маҳаллий солиқлар ва бошқаларнинг асосчиси бўлган.

XX. Темур Бейнинг душманлари бўлмиш айрим қурратли императорлар хусусида

Темур Бейнинг асосий рақиблари Шарқдадур; бу энг аввало Катай¹нинг буюк императори, у камарли насронийлар мазҳабидан бўлиб, куч-қурратда Темур Бейга тенг ёхуд ундан зиёдроқдир. Унинг иккинчи рақиби Форс императори² бўлиб, у бундан ўн беш йил илгари Темур Бейдан зўрга қочиб қутулган, ҳозир Бадаш ва Калдея³нинг қолган қисмларига ҳукмронлик қиласди. Унинг яна бошқа рақибларидан

¹ Хитой.

² Султон Аҳмад Жалоирий назарда тутилмоқда. Амир Темур 1393 йил Бағдодни эгаллаганида Аҳмад Жалоирий Мисрга мамлук султон Барқуқ ҳузурига қочган.

³ Араб Ироқи.

бири Миср султони, буюк тартариялик Эдигни эса асосий душманидир. Зикр этилгандардан сўнгти учтаси саррацинлар мазҳабидан. Темур Бейнинг у ер-бу ерда яна бошқа душманлари борки, улар ундан қурқишиди ва ўлимини кутишиди. Улар ўзла-рича башорат қилишиб, Темур Бей Қоҳирада мағлубиятга учрайди ва ҳалок бўлади, деб ўйлашмоқда. Темур Бей, аксинча, бунга инонмайди, ҳали яна узоқ умр кўраман, дейди.

Л.Керэн изоҳи: *Иоаннинг Амир Темурнинг душманлари ҳақида ёзганлари ҳақиқатдан анча йироқ: Хитой императори насроний (камарли) эмасди, Амир Темур ўша пайтда унга таҳдид солмаётган эди. Форс ҳокими Амир Темурнинг ўзи бўлиб, Бағдод султони Аҳмад Жалойир эса маҳв этилганди. Қоҳиранинг мамлук султони Сурияда мағлуб этилган бўлиб, Соҳибқирон ҳукмронлигини тан олган эди. Татар хони Эдигни (Идику) эса йироқда юради. Чиндан ҳам толенома мавжуд бўлиб, унда Амир Темурнинг Қоҳирада оламдан ўтиши башорат қилинган эди. Бироқ бизга яхши маълумки, агар толеномалар ўзининг режсаларига мос тушмаса, Амир Темур уларга қарамасди.*

XXI. Темур Бейнинг ҳузуридаги шоҳ ва шаҳзодалар хусусида

Энг аввало Тартария императори у билан бирга, у кўнгли нимани хоҳласа шуни қиласди; Маластан қироли, Коросан қироли, кўп мамлакатлар ва ўлкаларнинг ҳукмдорлари, шаҳзодалари, қатор кичик ҳукмдорлар унинг ҳузуридалар. Шоҳ Алдин ҳам унинг ёнида, бироқ ундан қочиб юради. Форс императорининг икки ўғли ҳам унинг ёнида¹. Гургания императорининг укаси (акаси) шоҳ Бокаран ҳам унинг ҳузурида, Темур Бей уни бичтириб қўйган². У ўзи забт этган барча вилоятлар, ўлкалар ҳокимларининг тұнғич ўғиллари, ўлка ноиблари ҳам у билан бирга, илм-фан, хусусан, астрология, тиббиёт, нигромания (қорамагия)нинг энг кучли олим-

¹ Форс шоҳи Шужонинг Шибли ва Зайн ал-Обидин исмли ўғиллари бўлиши мумкин.

² Бу ерда гап архиепископ Францияга кетиши олдидан Амир Темур ҳузурида бўлган инсонлар ҳақида кетаяпти, шекилли. Бироқ уларнинг шахсларини аниқлашнинг имкони бўлмади.

лари ҳам унинг ҳузурида: у бу илмли, яхши оиласдан чиққан инсонларни кўп эъзозлайди. Темур Бей улар билан саволжавоб қилишни яхши кўради. Зикр этилган инсонларнинг барчаси билан яхши муносабатда бўлади, ҳурмат-эҳтиром кўрсатади; узоқ ўлкалардан келган элчиларга ҳам худди шундай муносабатда бўлади; шунга қарамай улар ўзларини эмин-эркин ҳис эта олишмайди, зеро, унинг ёнида бой-бадавлат юришдан кўра, ундан узоқ туриб, қашшоқликда яшашни ихтиёр этувчи шоҳлар, шаҳзодалар ҳам учраб туради. Буюк Турк¹ ҳам унинг ёнида, унга катта иззат кўрсатилмоқда. У қочиб кетишга уриниб кўрганидан сўнг Темур Бей унга тилла занжирдан кишан урдирди; Темур Бей уни енгиб катта шухрат қозонди, энди эса вақтини у билан хурсандчиликда ўтказмоқда.

XXII. Темур Бейнинг имон-эътиқоди ва у кўрган башоратлар хусусида

Темур Бей ўз эътиқоди бўйича саррацин бўлиб, ўз динига амал қилмайдиганларни жазолайди; айниқса, баччабозлика берилган саррацинларни қаттиқ жазолайди, зеро, баччабозликни энг оғир гуноҳлардан бири, деб ҳисоблайди. У илгари насронийларни яхши тушумрас ва хуш кўрмасди, мана энди, Султония архиепископи биродар Иоанни, Доминикан масҳабилик биродар Франсуани кўрганидан ва бизнинг эътиқодимизга ишонч ҳосил қилганидан кейин у ўзининг хатосини англади ва қаттиқ таъсирланди. У насронийларга хайрҳоҳлик қиласи, эҳтиром кўрсатади, насронийларга, хусусан, лотинларга, яъни французларга бирор ёмонлик қилмайди; уларга ўз салтанатида эмин-эркин юришлари учун йўл берган, айниқса, савдогарларга, ўз эътиқодларига риоя қилишлари, черковларга бориб ҳамма насронийлар бажарадиган амалларни адo этишлари учун барча шароитларни яратган.

¹ Йилдирим Боязид назарда тутилмоқда. Мълумки, архиепископ Амир Темурнинг Анқарадаги зафаридан сўнг 1402 йил августда Европа томон йўлга тушган, бу пайтда Йилдирим Боязид ҳали тирик ва Соҳибқирон билан бирга бўлган. Тилла кишан ва темир қафас ҳақидаги гаплар уйдирмадир.

У ўз дини талабларидан келиб чиқиб, кунига беш маротаба худога мурожаат қиласи, қаерда бўлишидан қатъи назар саррацинлар қўллайдиган барча амалларни бажаради. Яхудийларни етти ёшидан етмиш ёшигача барчасини ёмон кўради. У тез-тез фаришталарни кўришини ва уларнинг ўзига қилган башоратларини айтиб юради ва бу дунёда нима иш қиласа, барисини худонинг иродаси билан қилишини айтади. У кунлардан бир куни тушида фариштани кўрганини сўзлаб берди: эмишки, унинг қаршисида ердан осмонгача етган нарвон турғанмиш, тепада фаришта пайдо бўлиб, уни ўзи томон чорлармиш: «Ўрнингдан туриб, нарвонга чиқ», дебди унга фаришта. Темур Бей фариштанинг айтганини қилиб, қирқинчи қаватга кутарилибди. Шунда фаришта унга: «Энди пастга туш», дебди. Темур Бей пастга тушибди. Шундан сўнг у бу тушнинг таъбирини сўрабди. Тушнинг таъбири қуидагича экан: у бутун ер юзини эгаллаб, қирқ йил давомида соғ-омон ҳукмронлик қиласа эмиш.

Ўзининг айтишича, у одамларнинг фикрлари ва режаларини олдиндан билиб олар эмиш, буларни унга фаришталари маълум қиласа эмиш; кимки унга қарши бирор ёмон фикрга борса, у буни тезда билиб олади ва уни қатл эттиради, унинг атрофидагиларнинг кўпчилиги шундай қисматга учради ва учрамоқда. У кекса эркаклар ва кекса аёлларга чукур иззат-эҳтиром кўрсатади, уларга катта ҳадялар қиласи, саройида ҳеч ким аёлларга, хусусан, энагаларга қарши бирор сўз айта олмайди. У жуда яхши тарбия кўрган, зоро, ажнабийларнинг ҳар бирига мавқеи ва мансабига мос равиша иззат-эҳтиром кўрсатади.

Л.Керэн изоҳи: *Амир Темур мусулмон ва шариат ақидаларига сўзсиз итоат қилининини назорат қиласа, уламолар ўртасида ҳам катта обрў-зытиборга эга эди. Бу унинг ҳукмдор сифатидаги мавқеини янада оширган. У дастлаб европаликларга, жумладан, насроний франгларга душман эди, бироқ мазкур хотираларнинг муаллифи Султония архиепископи Иоанндан ва руҳоний Франсуадан (Амир Темур билан европаликлар ўртасида маҳфий алоқачи бўлган Франсуанинг номи Соҳибқирион Француз қиролига битган мактубда ҳам, ўша даврдаги Византия ва Генуя ҳужжатларида ҳам учрайди) европаликлар тўғрисида аниқ маълумотлар олгандан сўнг Амир Темурнинг*

уларга муносабати ўзгарди. Чиндан ҳам туркларга қарши курашда европаликтарга таяниши ҳамда улар билан икки томонлама фойдали савдо-сотиқ ишларини йўлга қўйиш мумкинлигини англаган Амир Темур уларга иттифоқдошлардек муомала қилади. Амир Темур 1370 йил таҳтга ўтирган эди, Иоанн ўз хотираларини 1403 йилда битган. Соҳибқирон бутун дунёни яна 7 йил ичидаги ўзига киритиши лозим эди. Бироқ у 1405 йил оламдан ўтди, демак, унинг умри ҳақидаги башорат 5 йилга хатто қиласди.

Чиндан ҳам Амир Темурнинг замондошлари унинг исёнлар ва бошқа ҳодисаларни олдиндан кўра билиш қобилиятига тан берадилар, кўпчилик буни сеҳргарликка йўяди. Бироқ у билан учрашиб, сұхбат қурган Ибн Халдун Соҳибқироннинг ўта билимдөн ва ҳар нарсага қизиқувчалигини таъкидлайди.

Амир Темурнинг Иоанн таъкидлаган яна бир хислатига эътибор бермоқ лозим. Соҳибқирон кекса чоллар ва кампирларни ардоқларди, уларга тез-тез ҳадялар қилиб турар, аёллар ҳақида ёмон гапиришини тақиқлаб, ажнабийларга уларнинг кимлигига қараб мурожаат қиласди.

XXIII. Темур Бейнинг ёши ва соғлиги хусусида

Унинг ёши олтмиш-олтмиш беш атрофида, ўттиз йилдан бери ҳукмдорлик қилиб келмоқда. Ўтган давр мобайнида у шунчалик гаройиб ишлар қилганки, уларни ёзиб адо қилиб бўлмайди. У ўрта бўйли, испанча соқолига оқ оралаган, қомати тетик инсон, бироқ ўнг қўли ва ўнг оёғи мажруҳ, уларни даволаш мумкин эмас, зотан томирлари кесилган. У ёшлигидан лашкарларини ўзи жангга бошлаб киради: моҳир чавандоз эди, аммо энди баъзан икки отга ўрнатилган ўриндиқда сафар қиласди ва шундай қўриқланадики, ўзи чақирирган одамдан бўлак ҳеч ким унга яқинлашишта журъат эта олмайди. Темур Бейнинг амри шу эрур.

Л.Керэн изоҳи: *Иоанн ўз хотираларини битган пайтда Амир Темур 67 ёшда, 33 йилдан бери салтанатга ҳукмронлик қиласди. Унинг бўйи ўша пайтда ўртадан юқори эди (1 метр 70 см). Соҳибқирон ўнг қўли ва ўнг оёғидан жароҳатланган бўлиб, сўнгги пайтларда ўзи мустақил юра олмас, бироқ лашкарлари билан жангу жадалларда кезарди.*

ХХIV. Темур Бей ёқтирадиган нарсалар хусусида

Энг аввало унга қуидаги нарсалар ёқади: бүгдойранг, қирмизи, алвон, оч яшил, худди Ренсда¹ тайёрланадигандек нафис түқима матолар, маржон шодалари, биллур тошлар, тилла ва кумуш идишлар, худди Франциядаги каби ишлов берилиб, зумрад тошлар билан безатилган идишлар, тоза Кипр² камлоти³, гаройиб балиқтарнинг тишлари, Франциядаги каби курсилар, қимматбаҳо гиламлар, хушбўй ва мазали зираворлар, дунёнинг турли бурчагидан келтирилган зотли бақувват отлар, катта итлар ва Испаниядаги каби катта хачирлар; бироқ эзикр этилган нарсалар унда беҳисоб.

Л.Керэн изоҳи: *Амир Темур ёқтирган нарсалар ҳақида ёза туриб, Иоанн Француз қироли саройи аёёнларига хуш ёқишига ҳаракат қиласди. Менинг «Амир Темур даврида Самарқанд сафари» номли китобимда Иоанн битган хотираларнинг фото нусхаси келтирилган (La Route de Samarkand au temps de Tamerlan, Imprimerie Nationale, Paris, 2002, page 50).*

¹ Ренс — Франциянинг Шампан вилоятидаги шаҳар.

² Ўрта дengиздаги Кипр ороли.

³ Камлот — пишиқ жун газлама, баъзан ип ёки ипак қўшиб тўқилади.

АМИР ТЕМУР ЭЛЧИСИ ХОТИРАЛАРИ

Фарбий Европа халқларининг кўп асрлик адабиётларида Амир Темур ҳёти ва фаолиятига бағишлаб ёзилган асарлар ниҳоятда кўп, улар турли жанрларга мансубдир. Уларнинг орасида эсселар, роман-хроникалар (солномалар), драматик асарлар бор.

Амир Темур фаолияти, ғанимлари, дўстлари, салтанати, саройидаги, урф-одат ва тартиблар ҳақида европаликларга илк бора ҳикоя қилиб берган асар — Султония архиепископи Иоанн (Жан) томонидан ёзилган «Амир Темур ва унинг саройи ҳақида хотиралар» (*Memoire sur Tamerlan et sa cour*)дир¹. Архиепископ Амир Темурни яқиндан билган, унинг ҳёти ва фаолияти билан яхши таниш бўлган².

Иоанн ҳақида икки оғиз сўз. Баланд бўйли, оппоқ юнонча соқоли кўксига тушиб турган архиепископ Иоанн ўша даврдаги Рим папаси Бонифаций IX нинг 1398 йил 23 августдаги фармонига биноан Султония шахри архиепископи этиб тайинлангунига қадар Нахичевандага хизматда эди³.

¹ *Memorire sur Tamerlan et sa cour par un dominikan. en 1403 par H. Morangeville, Extrait de la Bibliotheque de l'Ecole des chartes, Paris, 1894.*

² Бу ҳақидаги илк маълумотлар Париж яқинидаги Сен-Дени шаҳрида дастлаб лотин тилида нашр қилиниб, XIV асрдан бошлаб француз тилига афдарилиган *Chroniques de Saint-Denis* ёки *Grandes Chroniques de France* солномасида келтирилган—*Chronique du Religieux de Saint-Denys*, Ed. Bellaguet, t. III, p.134; *Chronographia regum Francorum*, t.III, ad annum 1403; *La Route de Samarkand au temps de Tamerlan par Ray Gonzalez de Clavijo, traduite et commentee par Lucien Kehren*, Paris, Imprimerie Nationale, 1990, p.50.

³ Jean Richard, *La papaute et les missions d'Orient au Moyen Age (XIIIe-XVe siecles)*, Ecole francaise de Rome, 1977, p.p. 181–182; *La route de Samarkand au temps de Tamerlan par Rue Gonzalez de Clavijo*, L'imprimerie Nationale, Paris, 1990, p.51.

Иоаннинг айни ўша йиллари Султонияда хизмат қилганлигини таниқли француз шарқшунос олимлари Сильвестр де Саси¹ ва Х.Моранвиле² ҳам тасдиқлади. Бироқ, Х.Моранвиленинг таъкидлашича, Султония шаҳри алоҳида епископликни эмас, аксинча, Нахичеван епископлигининг қароргоҳи Султонияда жойлашган.

Руҳоний Иоанн 1403 йил май ойининг бошида Парижга келиб, ўзини Амир Темурнинг элчиси деб таништиради. Чиндан ҳам у Амир Темурнинг мӯъжазгина тамғаси босилиб, зарҳал ҳарфлар билан битилган ишонч ёригини — мактубини Франция қироли Шарл VI га топшириб, қирол ва Франциянинг бешта — Берри, Бургундия, Орлеан, Бурбон ва Бретания герцоглари, кўплаб бошқа юқори мансабли шахслар ҳузурида нутқ сўзлаб, ташрифига доир икки сабабни баён этади: биринчиси, Амир Темурнинг Боязид устидан қозонган ғалабасини маълум қилиш; шу ўринда у турк султонининг асир олингани, тутқунликдан озод қилинган насроний бандиларни Амир Темур Европага қайтариб юборганинги ва яна бошқа бандилар топиладиган бўлса, худди шундай йўл тутажагини билдиради. Ташрифининг иккинчи сабаби, Франция қиролини ўз кўзи билан кўриш ва у ҳақда Амир Темурга сўзлаб бериш. Архиепископнинг гапига қараганда, мазкур элчилик насора динига икки қулай имконият яратади: биринчидан, бу элчилик иккала дин вакилларига ўзаро эркин савдо қилиш имкониятини берса, иккинчидан, агар қирол ва герцоглар рози бўлишса, бу қулайликларни шартнома ёки аҳдлашув шаклида расмийлаштириш мумкин бўлади³.

Х.Моранвиленинг гувоҳлик беришича, Амир Темурнинг элчиси Иоанн ўзининг «Амир Темур ва унинг саройи ҳақида хотиралар»ини француз тилида битиб, қирол Шарл VI саройида тарқатган, соф француз тилида маъруза қилган⁴.

¹ Silvestre de Sacy *Mémoire sur une correspondance inédite de Tamerlan avec Charles VI*, *Mémoires de L' Académie des inscriptions et belles-lettres*, Paris, 1822.

² *Mémoire sur Tamerlan et sa cour par un dominicain, en 1403 par H. Moranville, Extrait de la Bibliothèque de l'Ecole des chartes*, Paris, 1894.

³ *Cronographia regum Francorum*, t. III, ad annum 1403.

⁴ H. Moranville, ўша жойда, р.р.2-3.

Архиепископнинг хотиралари номаълум таржимон томонидан лотин тилига афдарилган бўлиб, у «Chronographia Regum Francorum»да тўлалигича келтирилган¹.

Шуни алоҳида таъкидлаб ўтиш керакки, архиепископнинг хотиралари Амир Темур билан Самарқандда учрашган европалик Руи Гонсалес де Клавихонинг «Кундаликлар»и каби Соҳибқирон шахси, унинг ҳаёти ва фаолияти ҳақидаги бебаҳо ҳужжат ҳисобланади.

Соҳибқирон Мовароуннаҳр таҳтига ўтирган кундан то 1402 йил август ойигача содир бўлган асосий воқеа-ҳодисалар, Соҳибқирон шахси ва унинг феъли, қизиқишилари ҳақида бошқа ҳеч ким тилга олмаган қимматли маълумотлар келтирилади. «Хотиралар»нинг иккита французча кўлёзмаси мавжуд, улар Франция Миллий кутубхонасининг француз фондида 5624(fol.63V^e) ва 12201 (fol.84 I^e) рақамлари остида сақланмоқда.

Архиепископ Иоаннинг «Хотиралар»и билан илк бора танишганингизда у афсоналар ва ҳақиқат омиҳтасидан иборат асар, деган таассурот туғилиши табиий. Ҳақиқатан ҳам «Хотиралар» муаллифи Амир Темур шахси билан боғлиқ бизга маълум ва номаълум афсона ва ривоятлардан кент фойдаланган. Унда бошқа манбаларда келтирилган аниқ тарихий маълумотлар ҳам талайгина.

Муаллиф Амир Темурнинг Мовароуннаҳр ҳукмронлигини кўлга киритиши ҳақида сўз юритар экан, «Бу воқеалар рўй берганида у қирқ ёшга тўлган ёхуд ундан каттароқ эди», дейди (Иоанн, 12). Бу билан архиепископ нафақат ўлқада рўй берган воқеа ва ҳодисалар ҳақида, балки Амир Темурнинг ёши тўғрисида ҳам аниқ тасаввур ва маълумотга эга эканлигини кўрсатади. Амир Темур Ҳалҳда султон Ҳусайн қўшиниларини енгиб, Самарқандда қурултой ўтказганидан кейинги ўн йил ичida (1370–1380) «Мовароуннаҳр ва Туркистонда феодал тарқоқликка барҳам берилди. Мамлакат бир давлат бўлиб бирлаштирилди².

«Хотиралар»нинг Амир Темур бойликларига бағишлиланган 12-бобида Соҳибқирон хазинасининг миқдори ва у забт этган ўлкалардан йиққан бойликлар ҳақида сўз юритиб, жумладан шундай дейди:

³ Chronographia regum Arancorium, t.III, publiee pour la Societe de l’Histoire de France par H. Morainville, Paris, 1897, p.p. 206–223.

¹ Бўрибой Аҳмедов. Амир Темур. Т., 1995, 589-бет.

«Ва яна у ўз құл остидаги барча вилоятлардаги ер ости бойликларини ҳам қидириб топтириб, уларга эга бўлди ва айтишларича, ўтган йили (яъни 1401 йил, таъкид бизники — тарж.) у оғирлиги юз ва ўн етти сэ¹ келадиган бир жавоҳир топганки, олти сэ бир унцияга тенгдир».

Шарафуддин Али Яздийнинг ёзишича, 1401 йил май ойининг сўнгги кунларида, яъни Султония архиепископи Европага жўнаб кетишидан бир йил олдин Бағдод шаҳри қаршисида турган Амир Темурга амир Мусабек оғирлиги юз йигирма мисқол жавоҳир тақдим этган:

«Ушбу маҳалда Мусабек Мовароуннаҳр вилоятидан амирзода Муҳаммад Султон қошидан келиб, саломатлик хабарлар келтурди. Ва бир лаълким, юз йигирма мисқол эрди ва Бадахшон конидан ҳосил бўлуб эрди, Соҳибқиронға тортти»². Бу маълумотни Низомиддин Шомий ҳам тасдиқлайди.

Кўриниб турибдики, архиепископ Иоанн келтирган маълумотлар тарихий воқеаларга асосланади. Айниқса, Амир Темурга ҳадя этилган қимматбаҳо тош (лаъл) ва унинг оғирлигидаги аниқлик — 120 мисқол ва 117 сэ — кишини ҳайратга солади. Мазкур бобда Амир Темур бойликлари ҳақидаги ҳикоясини давом эттириб, Иоанн жумладан шундай ёзади:

«Сўнгра, Балдаш (Бағдод) шаҳри олинганидан кейин у Евфрат (Фирот) дарёсининг тубига ғарқ бўлган бир кемани топди, унда Форс қиролларининг барча бойликлари жойлаштирилган эди; ҳазинадан соф ва нафис олтин дараҳт топилди, унда турфа рангли, турфа номли қимматбаҳо тошлар, сонсиз-саноқсиз марваридлар бўлиб, уларчалик катта аҳамиятга ва қийматга эга бўлган ёхуд улардан яхшироқ марваридларни ҳеч ким кўрган эмасди. Ва бу нарсаларнинг ҳаммасини Семеркантга жўнатди, бу ерда унинг ўн саккизта улкан саройи бўлиб, барчаси бойликларга шу қадар тўла эдики, ҳеч бир инсон уларнинг таърифини қилиб адo эта олмасди».

Архиепископ Иоанн Фирот дарёсига ғарқ бўлган кемадан топилган бойликлар орасидаги лотин дараҳт тасвирига алоҳида тўхталади ва бу дараҳт ҳам бутун ҳазина қатори Самарқандга жўнатилганини маълум қиласи, лекин мазкур олтин

¹ Сэ — қадимий француз оғирлик ўлчови, таҳминан бир мисқолга тенг келади (тарж.).

² Шарафиддин Али Яздий. «Зафарнома», Т., 1997, 248-6.

дарахт Самарқандга етиб борган-бормагани ҳақида гапирмайди, зеро у Соҳибқирон салтанати пойтахтида бўлмаган.

Бироқ, 1404 йил Самарқандда Амир Темур билан мулоқот қилган Руи Гонсалес де Клавихо шу олтин дараҳт ҳақиқатан ҳам бўлғанлигини тасдиқлайди. Кастилия ва Леон қироли Энрике III нинг элчиси уни Сароймулхонимнинг чодирида учратади. Клавихо дараҳтни қўйидагича тасвиrlайди:

«Ушбу хонтахта қаршисида эман дараҳти шаклидаги «олтин» дараҳт турибди. Дараҳтнинг танаси одам оёғи йўғонлигича келади. Унинг шоҳларида эман дараҳти баргларига ўхаш япроқлар ҳар томонга таралган, баландлиги одам бўйича бор. Дараҳтнинг сарғини, қизил, зангори ёқутлар, зумрадлар, ферузалар ва ажойиб йирик-йирик, думалоқ, сариқ марваридлардан «мевалари» бор эди. Бундан ташқари, дараҳтга олтин қушчалар қўниб турибди. Қушчаларга ҳар хил сирли бўёқлар билан сайқал берилган. Баъзи қушчаларнинг қаноти туширилган, баъзилари тушиб кетадигандек бутоқларга зўрга илиниб турибди, айримлари дараҳтнинг ёқут, феруза, марварид ва бошқа тошлилардан ишланган меваларини тумшуқларida тишлаб турарди».¹

Клавихо ёзиб қолдирган ушбу гувоҳлик Султония архиепископи Иоанн ҳақиқатан ҳам ўз замонасида рўй берган муҳим воқеа-ҳодисалардан яхши огоҳ бўлганини тасдиқлайди, у билдириган маълумотлар қийматини янада оширади.

Султония архиепископи Иоаннинг «Амир Темур ва унинг саройи ҳақида хотиралар»и эски француз тилидан таржима қилинди. Бироқ, юртимизнинг яқин дўсти, Франциядаги «Темурийлар тарихи ва маданиятини ўрганиш ҳамда француз-ўзбек маданий алоқалари» ассоциациясининг президенти, Ўзбекистон Республикасининг «Шуҳрат» медали соҳиби профессор Люсъен Керэн жаноблари асарни замонавий француз тилига ўтирганлигини маълум қилиб, «Хотиралар»нинг ҳар бир бобига ўзи ёзган изоҳларни бизга жўнатибди. Биз архиепископ асарининг ушбу таржимасининг ҳар бир бобидан сўнг олимнинг изоҳларини келтирдик. Изоҳлар Парижда чиқадиган «La Timuride» журналининг 2004 йил ноябрь ойи сонидан олинган.

*Баҳодир Эрматов,
филология фанлари номзоди, доцент*

¹ Амир Темур ва Улуғбек замондошлари хотирасида. Т., 1996, 91-92-бетлар.

МУНДАРИЖА

А.Сайдов. Осиё ва Европани боғлашга хизмат қилған зот	
(<i>Мұқаддима ўрнида</i>)	3
Руи Гонсадес де Клавихо. Буюк Амир Темур тарихи (1403—1406)	
(<i>Испан тилидан Улугбек Жұраев таржимасы</i>)	11
1-боб. Муқаддима	13
2-боб. Элчиларнинг жұнаши	14
3-боб. Малага	15
4-боб. Бали ороллари. Ибизада тұхташ	16
5-боб. Ибиза манзараси	16
6-боб. Банифасио қасри	17
7-боб. Газта	18
8-боб. Гаэта манзараси	18
9-боб. Қирол Лонселотнинг тарихи	19
10-боб. Газтадан жұнаш	20
11-боб. Түфон	20
12-боб. Липари ороллари	20
13-боб. Стромболидаги вулқоннинг отилиши. Түфон	21
14-боб. Мессина күрфазидаги хавф-хатарлар	21
15-боб. Мессина	22
16-боб. Этна. Греция қирғоғи. Архипелаг ороллари	22
17-боб. Родос	24
18-боб. Темурбек ҳақида хабарлар	24
19-боб. Улуғ магистрнинг Сурияга қарши қандай жанг олиб борғанлыги ҳақида ҳикоя	25
20-боб. Родос манзараси	26
21-боб. Родосдан жұнаш	26
22-боб. Лерос	27
23-боб. Хио. Туркиядан келған хабар	28
24-боб. Түфон	28
25-боб. Метелин. Метелин ҳокимининг мұъжизавий омон қолиши	29
26-боб. Византия ҳукмдорлари орасидаги низолар ҳақида ҳикоя	30
27-боб. Метелиндан жұнаш. Троя харобалари	31

28-боб. Тениода тұхташ. Монголстан тоғи	32
29-боб. Тениодан жұнаш	33
30-боб. Галиполи	34
31-боб. Перага келиш.....	35
32-боб. Ҳукмдор Мануэл саройида қабул	35
33-боб. Шаҳар манзараси	35
34-боб. Авлиё Хуан Боутиста ибодатхонаси	35
35-боб. Перевлепти ибодатхонаси. Аждархо ҳақидаги ривоят	36
36-боб. Авлиё Хуан черкови	39
37-боб. Отчопар	39
38-боб. Авлиё София	40
39-боб. Авлиё Георгий черкови	43
40-боб. Перадаги норозилик	44
41-боб. Биби Мариям ибодатхонаси	44
42-боб. Авлиё Хуан ибодатхонасисынинг муқаддас нарсалари	45
43-боб. Олампаноҳ ибодатхонаси	46
44-боб. Биби Мариямнинг мўъжизавий тимсоли	46
45-боб. Византия таҳтига даъвогарлар ҳақида ҳикоя	47
46-боб. Мұхаммад (а.с.) қудуги	48
47-боб. Шаҳарнинг умумий манзараси	48
48-боб. Пера манзараси	49
49-боб. Авлиё Франциско ва Авлий Павел ибодатхоналари	50
50-боб. Жұнашта тайёргарлик	52
51-боб. Перадан жұнаш	52
52-боб. Финохия ороли. Тү фон кемани яксон қилди. Карпи.....	53
53-боб. Перага қайтиш. Қора денгиздаги хавф-хатар. Перада қишлоғ	56
54-боб. Қора денгизда сузиш	57
55-боб. Понтаракия	57
56-боб. Аммассера	58
57-боб. Кинолис	59
58-боб. Синополи	59
59-боб. Платона	59
60-боб. Тарабзунга келиш. Ҳукмдор ҳузурида қабул	61
61-боб. Қасрдаги келишмөвчиликлар ҳақидаги ҳикоя	61
62-боб. Тарабзун тасвири. Арман ва Грекларнинг диний урф-одатлари	62
63-боб. Тарабзундан жұнаш. Суормансув дарёси	64
64-боб. Дорилем	64
65-боб. Қабул ва зиёфат удумлари	67
66-боб. Арзинжон ҳокими ҳузурида қабул. Исфандиёрнинг жияни. Арзинжондаги фитна ҳақидаги ҳикоя	68
67-боб. Элчилар шарафига зиёфат	69

68-боб. Арзинжон манзараси	70
69-боб. Темурбек фатхлари ҳақида ҳикоя	71
70-боб. Темурбекнинг Боязидга қарши уруш воқеаси	71
71-боб. Боязид, Мурод ва Темурбек исмларининг маънолари.....	74
72-боб. Арзинжондан жўнаш	75
73-боб. Асерон	75
74-боб. Деллуаркент	76
75-боб. Аракс дарёси	76
76-боб. Қадимий шаҳар.	77
77-боб. Аорат. Қадимий шаҳар ҳаробалари.	78
78-боб. Маку қасри. Насронийлар. Темурбек қўшинининг юриши ҳақида эслатиш	79
79-боб. Аленга қасри	80
80-боб. Хой шаҳри	81
81-боб. Урмия кўли	81
82-боб. Табриз	82
83-боб. Табриздан жўнаш. Элчиларни кутиб олиш удумлари	84
84-боб. Миана	85
85-боб. Султония, Мироншоҳ ҳузурида қабул	86
86-боб. Мироншоҳнинг ақлдан озгани ҳақидаги ҳикоя	88
87-боб. Султониядан жўнаш	90
88-боб. Техрон. Рей шаҳри ҳаробалари	90
89-боб. Сулеймон шоҳ ўрдаси. Қабул. Темурбек набираси	91
90-боб. Ферузкўҳ. Темурбек томонидан Ферузкўҳнинг забт этилиши	93
91-боб. Дамгон	94
92-боб. Элчиларнинг касал бўлиши	95
93-боб. Алоқа улови. Темурбек томонидан жорий этилган масофа ўлчови	96
94-боб. Забрахин	98
95-боб. Нишопур. Кўчманчи Алаварлар. Темурбек юборган киши. Гомес де Салазарнинг ўлими	98
96-боб. Шоҳруҳ Мирзодан чопар. Машҳад	100
97-боб. Темурбек юборган янги киши. Элчилар туфайли кўзғатилган ваҳима. Ҳалқнинг матонати	101
98-боб. Жазира маънолари	103
99-боб. Кўчманчилар ҳузурида тўхтаб ўтиш	104
100-боб. Анхой шаҳри. Кўчманчи чигатойлар. Қум бўрони	104
101-боб. Балх	105
102-боб. Амударё	106
103-боб. Амударёдан ўтиш. Татар тили ҳақида маълумот. Чегара соқчиси. Ҳалқларни кўчириш. Термиз. Темурбекнинг янги чопари	106

<i>104-боб.</i> Темир дарвозадан ўтиш. Дарбанд темир дарвозалари ҳақида маълумот	108
<i>105-боб.</i> Кеш. Кеш шаҳридаги Темурбек қурдирган бинолар. Кешидаги Темурбекнинг саройи	109
<i>106-боб.</i> Темурбекнинг тарихи	112
<i>107-боб.</i> Чигатойларнинг келиб чиқиши	112
<i>108-боб.</i> Кешдан чиқиш	113
<i>109-боб.</i> "Гулбоғ" деб номланган боғда тўхташ. Боғ ва қасрнинг тузилиши	113
<i>110-боб.</i> Диљкушо боғи. Темурбек билан учрашув. Байрам кечаси. Совғалар	114
<i>111-боб.</i> Бошқа бир боғда байрам. Қасрнинг тузилиши. Таржимон хатоси	119
<i>112-боб.</i> Богишамол боғидаги базм. Мәҳмонлар устидан пуллар сочиш одати	120
<i>113-боб.</i> Бошқа бир боғда базм	121
<i>114-боб.</i> Насроний элчилар	121
<i>115-боб.</i> Конигил водийсидаги базм	122
<i>116-боб.</i> Сарпарда ва чодирлар тасвири	122
<i>117-боб.</i> Соҳибқиронга ўз аъёнлари тақдим этган совғалар	124
<i>118-боб.</i> Хонзода томонидан уюштирилган базм	125
<i>119-боб.</i> Бозор. Қатл	126
<i>120-боб.</i> Бошқа бир чодирларнинг тузилиши. Пирмуҳаммад	127
<i>121-боб.</i> Ҳиндистонга қарши уруш ҳикояси	129
<i>122-боб.</i> Миллий ўйинлар. Темурбекнинг завжалари. Урф-одатлар	130
<i>123-боб.</i> Филларни тасвирлаш	132
<i>124-боб.</i> Никоҳ базми	133
<i>125-боб.</i> Никоҳ базмининг давоми	134
<i>126-боб.</i> Ўрдадаги охирги байрам. Маликалар ҳузурида базм	134
<i>127-боб.</i> Мұхаммад Султоннинг маъракаси	137
<i>128-боб.</i> Савдо расталарининг қурилиши	138
<i>129-боб.</i> Масжиднинг қурилиши	139
<i>130-боб.</i> Элчилар Соҳибқироннинг қабул қилишини талаб этдилар	130
<i>131-боб.</i> Элчиларни қабул қилиш ҳақидаги қайта сўровлари	139
<i>132-боб.</i> Самарқанд тасвири	141
<i>133-боб.</i> Самарқанднинг бойликлари	142
<i>134-боб.</i> Хитой элчиларининг ўз юртлари ҳақидаги ҳикоялари	144
<i>135-боб.</i> Темурбекнинг Самарқанд қатъасига кириши	145

<i>136-боб. Амазонка асллари</i>	146
<i>137-боб. Темурбек салтанатида иш юритиш усуллари</i>	146
<i>138-боб. Темурбек ва Тўхтамиш. Темурбек ва Едигей ўрталарида бўлган жанг ҳақида ҳикоя</i>	147
<i>139-боб. Кўшин</i>	149
<i>140-боб. Орқага йўл. Қайтиш. Самарқанддан жўнаш. Бухоро</i>	150
<i>141-боб. Амударёдан ўтиш. Чўллар</i>	150
<i>142-боб. Жагаро. Дамтон. Сенан</i>	152
<i>143-боб. Ватами шаҳри. Қор. Султония. Санга</i>	153
<i>144-боб. Табриз</i>	154
<i>145-боб. Табриздан жўнаш. Фалаён ҳақида хабар. Умар Мирзонинг ўрдаси. Табризга қайтиш</i>	155
<i>146-боб. Кўшин ичидағи фалаён ҳақида хабар</i>	156
<i>147-боб. Темурбекнинг ўғиллари ва набиралари ўртасидаги низолар ҳақида ҳикоя</i>	157
<i>148-боб. Элчилар билан содир бўлган кўнгилсиз воқеалар</i>	160
<i>149-боб. Грузия подшосининг ҳужуми</i>	161
<i>150-боб. Темурбек фарзандлари ўртасидаги низоларнинг давом этиши</i>	161
<i>151-боб. Умар Мирзонинг элчиларни қабул қилиши</i>	162
<i>152-боб. Шаҳар бошлиқларининг сиқувлари</i>	163
<i>153-боб. Табриздан жўнаш</i>	163
<i>154-боб. Арманистондан ўтган йўл</i>	164
<i>155-боб. Алекинор шаҳри. Арманистоннинг бўлиниши ҳақида ривоят</i>	164
<i>156-боб. Грузиядан ўтган йўл</i>	166
<i>157-боб. Арракел ерлари</i>	167
<i>158-боб. Тарабзун. Пера</i>	167
<i>159-боб. Ўрта ер денгизидаги тўфон. Қайтиш ва саёҳатнинг якунига этиши</i>	168
 Султония архиепископи Иоанн. Амир Темур ва унинг сарайи ҳақида хотиралар (Француз тилидан Баҳоридир Эрматов таржимаси).....	169
I. Темур Бейнинг тахтга ўтириши	171
II. Темур Бей исмининг талқини хусусида	173
III. Темур Бейнинг унвони хусусида	174
IV. Унинг ирқи хусусида	174
V. Ўғилларининг насл-насаби ва исмлари хусусида	175
VI. Жиянлари ва набираларининг сони хусусида	176
VII. Темур Бейнинг хотинлари хусусида	176
VIII. Темур Бей ҳукмронлигининг бошланиши	176
IX. Темур Бек ҳукмронлик қиласидаги вилоятлар ва ўлкалар хусусида	177

X. Темур Бейнинг маҳорати ва қудрати хусусида	179
XI. Темур Бейнинг буюклиги ва лашкарларининг сони хусусида	180
XII. Темур Бейнинг бойликлари хусусида	180
XIII. Темур Бейнинг очиқкўнгиллиги ва шафқатсизлиги хусусида	181
XIV. Темур Бейнинг ҳаёти ва унинг ҳалқи хусусида	182
XV. Темур Бейнинг ўз асиrlарига муносабати хусусида	184
XVI. Темур Бейнинг мухораба ҳақида фармонлари хусусида	184
XVII. Эдигни исмли императорнинг Темур Бейга қилган хиёнати хусусида	187
XVIII. Темур Бей Буюк Туркни қандай маҳв этгани ва банди қилгани хусусида	188
XIX. Темур Бейнинг салтанати ва шаҳарларидаги тартиб-қоидалар хусусида	190
XX. Темур Бейнинг душманлари бўлмиш айрим қудратли императорлар хусусида	191
XXI. Темур Бейнинг ҳузурилаги шоҳ ва шаҳзодалар хусусида	192
XXII. Темур Бейнинг имон-эътиқоди ва у курган башоратлар хусусида	193
XXIII. Темур Бейнинг ёши ва соғлиги хусусида	195
XXIV. Темур Бей ёқтирадиган нарсалар хусусида	196
Б.Эрматов. Амир Темур элчиси хотиралари	197

Адабий-бадиий нашр

АМИР ТЕМУР ЕВРОПА ЭЛЧИЛАРИ НИГОҲИДА

РУИ ГОНСАЛЕС ДЕ КЛАВИХО

Буюк Амир Темур тарихи (1403–1406)

СУЛТОНИЯ АРХИЕПИСКОПИ ИОАНН

Амир Темур ва унинг саройи ҳақида хотиралар

Муҳаррир *Илҳом Зойир*

Бадиий муҳаррир *Анатолий Бобров*

Техник муҳаррир *Татьяна Смирнова*

Мусаҳҳид *Фотима Ортиқова*

Компьютерда саҳифаловчи *Зилола Маннопова*

ИБ № 4524

Босишига 15.10.07 й. да рухсат этилди. Бичими 84x108 $\frac{1}{32}$.
Таймс гарнитураси. Офсет босма. 11,34 шартли босма тобок,
12,5 нашр тобоги. 3000 нусха. 391 рақамли буюртма.
68–2007 рақамли шартнома. Баҳоси шартнома асосида.

Ўзбекистон Матбуот ва ахборот агентлигининг
Faғfur Fулом номидаги нашриёт-матбаа ижодий уйи.
100129. Тошкент, Навоий кўчаси, 30.
100128. Тошкент, Усмон Юсупов кўчаси, 86.

Бизнинг интернет манзилимиз: www.iptdguлом.uz